

# ጎዳ ዩሱስ ኪሪስቶስ ዛሎ" ሉቃስ ፃጕፔ ኮዠ ሃይሶ

ዓይያ ካሮ"

ሉቃስ ፃጕፔ ኮዠ ሓይሳ፡- ዩሱስ ዛሎ" ከኤዛሢ ሙካንዳኔ ጌይንቴ፣ ዩሱስ ዒሰራዔኤሌ ዓሶና ሓሣ ዓሲ ቢያ ዳቁሻያኬ ጌይኬ፤ ጾኑሲ ዓያና" ዩሱስ ዔኤሌ"ሢ «ማንቆ ዓሶም ኮዠ ሃይሶ ከኤዛንዳጉዲ» ማዔሢና ዩይ ኮዠ ሃይሳ ዓሶኮ ዲማ ዲማ ሜቶ" ሹሌዒሳያ ማዔሢ ሉቃስ ከኤዛኔ፤ ሉቃስ ፃጕፔ ኮዠ ሃይሶይዳ ባሺ ዩሱሴኮ ሙኪያ ዛሎ" ከኤዛ ቤርታዳ ዓይያንሢና ላሚ ሃሣ ዩሱሴኮ ሌካ ጫሪንጮ ዔውቲያ ከኤዛ ጋፒንያ ዓይያንሢዳ ከኤዛንቴሢ ምዛ ዛላኬ፤ ዩሱስ ሌካ ጫሪንጮ ዔውቲሢኮ ጊንፃ ኪሪስቶስ ጉሙርቁሢ ካኣሺ ምይቲ ዲጪ ዳልጌቶም ዔርዛ ሓይሴ ዳኪንቴዘንሢ ማዶ" ማፃኣፖይዳ ሃሮ" ማፃኣፖ ፃጕፔ ዓሢ ዛሎ"ና ከኤዛንቴኔ።

ኪኢታንቻ ጾኑሲ ቦንቾም ማዔ ዓይኑም ዓይናዳሢ፣ ዩሱስ ሾይንቴ ምዶ"ና ቆልሞ ሄንቃ ናኣታ" ዒዛ ዛጌሢ ከኤዛ ሃይሴ፣ ዩሱስ ናይ ዓኣጾ ጌኤዠ ማኣሪ ዓኣዳሢ፣ ሚጪንታ ሳማራ ዓጮ" ዓሢና ባይቂ ጾዴ ናዓሢ ዛሎ" ከኤዛ ሃይሶንሢ ሉቃስ ፃጕፔ ኮዠ ሓይሶይዳ ሌሊ ዓኣያኬ፤ ሓሮ" ኮዠ ሃይሴሎይዳ ካራ"ፓ ካሮ" ሄላ"ንዳኣና ኮሺ" ዴኤፒና ዛጊንቴሢ፡- ሺኢጲሢ ዛላ፣ ዓያና ጌኤሺ ዛላ፣ ሃሣ ላኣላ ዩሱሴም ማዴ ባኮና ጾኑሲ" ዓሲኮ ጎሜ ዓቶም ጌይያ ዛሎ"ኬ።

## ማፃኣፔላ ዲማ ዲማ ዓርቂ ባኮ

- ዓይያ ካሮ" 1፡1-4
- ማሰካ ዮሓኒሴና ዩሱሴናኮ ሾይንቶና ናኣቱም ምዶ" 1፡5—2፡52
- ማሰካ ዮሓኒሴኮ ማዶ" 3፡1-20
- ዩሱሴኮ ምኣያና ማሰቲያና ፃላሄ ዒዛ ጌሺ ዛጌሢ 3፡21—4፡13
- ዩሱሴኮ ጌላላይዳ ማዶ"ና ዓሶ ቤርታ ፔጋዲያ 4፡14—9፡50
- ጌላላይዳፓ ዩራሳላሜ ሄላ"ንዳኣና ማዲንቴ ባኮ 9፡51—19፡27
- ጋፒንያ ቃልሾ ኬላ" ዩራሳላሜይዳ ሃሣ ኮይሎ" ዓጫ" ማዲንቴ ባኮ 19፡28—23፡56
- ሃይባ"ፓ ዔቁ፣ ጎዳኮ ጾዲያና ሌካ ጫሪንጮ ዔውቲያ 24፡1-53

1 ቦንቸንታ ቲዎፒሎስ!

ኑ ባአካ" ማደንቲ ባኮ ዔርዛ ሃይሴ ሃያኮ ቤርታ ሚርጌ ዓሳ ፃአፔኔ። 2 ዬያ ኮዥ ሃይሶ ኑም ሄሊ"ሴዘንሢ፡- ቤርታፓ ዓርቃዖ ዔያታ ፔ ዓአፒና ዘጌ ማርኮንሢና ኮዥ ሃይሶ ቃአሎ" ማደ" ማደዘንሢ። 3 ዬያጉዲ ሃሣ ታአኒ ዔቦኮ ዓይፃፓ ዓርቁ ቢያ ባኮ ኮሺ" ዘጌሢኮ ጊንፃ ሓይሶ ዎሊ ሄሊ"ሲ ኔኤም ፃአፓንዳጉዲ ኮሺ ማዒ ታአም ጴዳኔ። 4 ዬያ ታ ማደሢ፡- ኔኤኒ ዔሬ ዔራቶኮ ጎኑም ኮሺ" ኔ ዔራንዳጉዲ ጌዒኮ።

ማሰካ ዮሐንሴኮ ሾይንቶ ዛሎ" ኬኤዘንቲሢ

5 ሄሮዲሴ ጎሣሢ ዲሁዳ ዓጮ"ይዳ ካአታዴ ዎዶ"ና ቁኤሳሢ ዓቢያ ዓሳፓ ማዔ። ዘካሪያሴ ጌይንታ ቁኤሴ ዓአኔ፤ ዒዘኮ ማቻ ዓአሮኔ ዜርፃፓ ሾይንቲያ ዔልሳቤፃ ጎዖሰኬኖኤ። 6 ዔያታ ለምዓሢ ፆኦሲ ዎዛሳ ናንጊ ናንጋ ዓሲኬ፤ ጎዳኮዎ ዓይሢፃና ዎጎና ቦሂሳ ባአዚ" ባአያና ካፓያኮ። 7 ዔልሳቤፃ ዘአኮታሢረ ናይ ዔያቶኮ ባአሴ፤ ሃሣ ለምፃንሢ ሚርጌና ጋርቼያኮ።

8 ፔፔ" ኬሊ" ዘካሪያሴ ጌኤዥ ማአሮይዳ ማደ" ማደኒ ዒዛ ኬሎ" ማዓዛ፤ ዒዚ ፆኦሲም ቁኤሴ ማዒ ማደ" ማደኔ። 9 ቁኤሶ ማደ" ዎጎ ጎይፃና ፆኦሲኮ ጌኤዥ ማአሮ ጌሊ ዑንጅ ጨቢሲ ካአሽኮ ካአዥ ካአሽካንዳጉዲ ዒፃሢ ዒዛ ሄሊ"ኔ። 10 ዒዚ ጌኤዥ ማአሮ ጋርይዳ ዑንጅ ጨቢሳኦና ዴራ" ቢያ ዙላ" ዔቁ ሺኢቃኔ።

11 ዒማ"ና ፆኦሲኮ ኪኢታንቻሢ ዑንጅ ጨቢሶ ቤዘኮ ሚዛቆ ዛላ" ዔቁ ዘካሪያሴም ጴዳኔ። 12 ዘካሪያሴያ ኪኢታንቻሢ ዴንቃዖ ዲቃቲ ሚርጌና ዒጊጨኔ። 13 ኪኢታንቻሢ ጋዓንቲ፡- «ዘካሪያሴ! ዒጊጨፖ፣ ኔኤኮ ሺኢጲፃ ዎይዚንቲኔ፣ ኔኤኮ ማቻ ዔልሳቤፃ ዓቲንቁ ናይ ኔኤም ሾዓንዳኔ፤ ሱንፃዎ ዒዘኮ ኔ ዮሐንሴ ጌዒ ጌሣንዳኔ። 14 ዒዘኮ ሾይንታ ኔኤም ኮሹምና ዎዛና ማዓንዳኔ፤ ሚርጌሢያ ዒዘኮ ሾይንቶና ዬያጉዲ ዎዛዳንዳኔ። 15 ዒዚ ፆኦሲ ቤርታ ዴኤፒ ማዓንዳኔ፤ ሃሣ ዳጋሢና ሚሌ" ማሣ ዑሺያ ዑሽካዓኮ፤ ሃጊ ዒዚ ዒንዶ ጎጳ ዓአዖ ዓያኖ ጌኤዥ ዎልቆ ጋር ጌላንዳኔ። 16 ዒዚያ ዒሰራዔኤሌ ዴር"ይዳፓ ሚርጌሢ ፆኦሲ፣ ዔያቶኮ ጎዳሢ ባንሢ ማሃንዳኔ፤ 17 ዒዚ ጎዳኮ ቤርታ ሙኪ ዓያና ዎልቁና ፆኦሲ ማሊፃ ኬኤዛ ዔኤሊያሴጉዲ ማዒ ዴር" ጎዳም ጊኢጊሻንዳኔ፤ ዒዚ ዓድንሢና ናኦቶ"ናኮ ዒሮ" ፔፔ" ማሃንዳኔ፤

1:5 1ካአቶ". ማ 24፣10። 1:15 ፓይ. ማ9 6፣3።

ዓይሢንቱዋ ዓሳኮዋ ዒኖ" ያኦሲ ዋዛሳ ናንጊ ናንጋ ዓሶ ባንሢ ማሃንዳኔ» ጌዔኔ።

18 ዛካርያሴ ጋዓንቴ ከኢታንቻሢ ኮራ፡- «ዬይ ባካ ጎኔ ማዓንዳሢ ዓይጎና ታ ዔራንዳይ? ታኣኒ ጋርቹኔ፤ ሃሃ ታ ማቸኮዋ ሌዓ ኮሺ" ዓኣዲያኬ» ጌዔኔ።

19 ከኢታንቻሢ ማሃዎ፡- «ታኣኒ ያኦሲም ማዳ፣ ጌብሬኤሌኬ፤ ሃያ ኮዢ ሃይሶ ታ ኔኤም ከኤዛንዳጉዲ ያኦሲ ታና ዳኬም ታ ሙከኔ። 20 ኔኤኒ ጋዓንቴ ዋዳ" ሄለ"ዛ ኩማንዳ ታኣኮ ጌኤዘ ጉሙርቁባኣሢሮ ሃይ ታ ኔኤም ከኤዜ ባካ ቢያ ኩማንዳ ዋዳ" ሄለ"ንዳኣና ዳንጋ ባይቁ፣ ጌሰቱዋያ ኔ ማዓንዳኔ» ጌዔኔ።

21 ዬማና ዓሳ ዛካርያሴ ካፓንቴ፣ ዒዚ ጌኤዢ ማኣራ ኔጌሢሮ ዓሳ፡- «ዋይቲ ዒዚ ሄኤዶ ሄለ" ኔጌይ?» ጌዒ ማሌኔ። 22 ዛካርያሴ ጌኤዢ ማኣራፓ ከሰካዎ ዓሶና ጌሰታኒ ዳንዳዒባኣሴ፤ ዬያሮ ዔያታ ዒዛም ጌኤዢ ማኣሮ ጋርይዳ ፔቴ" ባኣዚ" ጴዴያታሢ ዔሬኔ፤ ዒዚያ ዔያቶም ኩቻ ዳዊ ዳዊ ከኤዛኔ። ዬያይዲ ዒዚ ጌሰቱዋያ ማዒ ዴዔኔ።

23 ዒዚ ማዳ ዋዳ" ጋፓዛ ፔ ማኣሪ ዴንዴኔ። 24 ዳካ" ዋዳኮ ጊንፃፓ ዒዛኮ ማቻ ዔልሳቤፃ ጎጳዳዎ ደንጎ ዓጊኒ ፔ ከኤፃፓ ከሰኩዋዎ ዴዔኔ። 25 ዒዛ፡- «ያኦሲ ፔኤኮ ሚጨንቶና ዛጊ ሃያ ኮዢ ባኮ ታኣም ማዴኔ፤ ዓሶ ባኣካ" ታኣኮ ዓኣ ዳውሲንቶዋ ባይዜኔ» ጌዔኔ።

**ዩሱሴኮ ሾይንቶ ዛሎ" ከኤዚንቴሢ**

26 ዔልሳቤፃ ጎጳዴንቴ ላሃ"ሳ ዓጊኖና ከኢታንቻሢ ጌብሬኤሌ ያኦሲ ኮራፓ ናዚሬቴ ካታሞ ዳኪንቴኔ። ናዚሬቴያ ጌለላ ዓጮ"ይዳ ዓኣ ካታማኬ። 27 ከኢታንቻሢ ዳኪንቴሢ ማይራሞ ጌይንታ ፔቴ" ኩሙሢ ዉዳሮ ናይሰኬኖ ኮራኬ። ዒዛ ዳውቴ ዜርፃፓ ማዔ፣ ዮሴፔ ጎዎ ፔቴ" ዓሲሰኬያና ያኦጨንታያኬ። 28 ከኢታንቻሢያ ዒዛ ኮራ ሙካዎ፡- «ኔኤኒ ያኦሲ ኔና ሚርጌና ቦንቹዜሌ! ኔ ኮሺዳ? ያኦሲ ኔኤና ዋላ"ኬ፤ [ኔኤኒ ላኣሎ ባኣካ"ፓ ዓንጂንቴያኬ]» ጌዔኔ።

29 ዒዛኣ ከኢታንቻሢ ሃይሶና ሚርጌ ዲቃታዎ፡- «ሃይ ዋዚጉዴ ዔኤሊ"ሢሢዳይ?» ጌይ ማሌኔ። 30 ከኢታንቻሢ ዒዛም፡- «ማይራሜ! ያኦሲ ኔና ሚርጌና ቦንቹሢሮ ዒጊጨፖ፤ 31 ኔ ጎጳዲ ዓቲንቁ ናይ ሾዓንዳኔ፤ ሱንፃዋ ኔ ዒዛኮ «ዩሱሴ» ጌይ ጌሃንዳኔ። 32 ዒዚያ ዴኤፒ ማዓንዳኔ፤ ፑኡፖ ያኣዛሢ ናይያ ጌይንታንዳኔ፤

1:17 ሚል. 4፣5-6። 1:19 ዳኣኔ. 8፣16፤ 9፣21። 1:27 ማቲ. 1፣18።  
1:31 ማቲ. 1፣21።

ጎዳ ማዕ ያእዛሢ ሲዛኮ ዓደ ደውቱ ካክቱሞ ያይቶ ሲዛሞ ሲገገንዳኔ። 33 ዲሲራዔኤሌ ማኣሮይዳ ናገገና ሲ ካክታዳንዳኔ፤ ሲዛ ካክቱሞኮዋ ጋፒንሢ ባኣያ ማዓንዳኔ» ጌዔኔ።

34 ማይራማ ኪኢታንቻሢ ኮራ፡- «ታኣኒ ኩሙሢ ሙዲሮ ናይኬ፤ ዓካሪ ዩይ ባካ ዎይቲ ማዓኒ ዳንዳዓይ?» ጌዔኔ።

35 ኪኢታንቻሢ ማሃዎ፡- «ዓያና ጌኤሺ ኔ ዑዎይዳ ሙኬም፡ ፑኡፖ ያእዛሢኮዋ ዎልቃ ኔጊዳ ማዒ ኔ ጎጳዳንዳፒዲ ማሃንዳኔ፤ ዩያሮ ኔጊዳፓ ሸይንታንዳ ናዓሢ ዲማዳያኬ፤ ያኦሲ ናይያ ጌይንታንዳኔ። 36 ኔኤኮ ሲጊኔላ ዔልሳቤ፡፡ ዘኦኬሎ ጌይ ናገገዛ ሃሢ ጋርቹዎ ዓቲንቁ ናይ ጎጳዳኔ፤ ሲዛ ጎጳዳንቱ ሃና" ሲዛኮ ላሃ"ሳ ዓገሎኬ። 37 ያኦሲ ባሻ ባኣዚ" ፔቲ"ታዎ ባኣሴ» ጌዔኔ።

38 ዩካፓ ማይራማ ማሃዎ፡- «ያዲታቲ ሃይሾ ታኣኒ ያኦሲም ማዳዜሎኬ፤ ኔኤኒ ጌዔሢጉዲ ታኣም ማዎንጎ» ጋዓዛ፡ ኪኢታንቻሢ ሲዛይዳፓ ዲማዲ ዳንዳኔ።

**ማይራሞኮ ዔልሳቤያ ያኦጪያ**

39 ሲማና ማይራማ ዔልሳቤያ ያኦጪኒ ዪሁዳ ዓጫ" ዲኮ"ይዳ ዓኣ ካታሜሎ ሩኡሪ ዔቂ ዓኣዳኔ። 40 ዛካሪያሴ ማኣሪያ ጌሊ ዔልሳቤያ፡- «ኮሺዳ?» ጌዒ ዔኤሌ"ኔ። 41 ዔልሳቤያ ማይራሞኮ ዔኤሌ"ዎ ዎይዜ ዎድና ሲዛኮ ጎጳይዳ ዓኣ ናዓ ዓገዒ ዓማሌ"ኔ። ዩማና ዔልሳቤያ ዓያና ጌኤሺኮ ዎልቆ ጋር ጌሌኔ። 42 ሲዛ ዑኡዛ ፔኤኮ ዳጊዲ፡- «ኔኤኒ ላኣሎ ቢያፓ ዓንጂንቲያኬ፤ ኔጊዳፓ ሸይንታንዳ ናዓ ዓንጂንቲያኬ፤ 43 ታ ጎዳኮ ሲንዳ ታና ያኦጪኒ ሙካሢ ሃይ ኮሸካንዳ! 44 ኮሺዳ?» ጋዓ ኔኤኮ ዔኤሌ"ዎ ታ ዎዎይዛኣና ታኣኮ ጎጳይዳ ዓኣ ናዓ ዎዛና ዓገዒ ዓማሌ"ኔ። 45 ኔኤኒ ያኦሲ ኬኤዜ ባካ ቢያ ኩማያ ማዔሢ ጉሙርቂያና ኔ ዎዚጉዳ ባሊቲና ዓኣያዳይ!» ጌዔኔ።

**ማይራሞኮ ጋላቶ ዓይኑሞ**

46 ማይራማ ጋዓዎ፡- «ታኣኮ ሸምፓሢ ጎዳ ቦንቻኔ፤ 47 ታኣኮ ዓያና" ዳቂሻ ያእዛሢና ዎዛዳኔ፤ 48 ያኦሲ ታና ላኣፖ ማዳዜሎ ዛጌሢሮ ሓናፓ ዓርቃዎ ሸይንታ ቢያ፡- «ኔ ጋላቲንቲያኬ ታና ጋዓንዳኔ፤ 49 ዓይጎር ጌዔቶ ፑኡፖ ያእዛሢ፡ ዳኤፒ ባኣዚ" ታኣም ማዳሢሮኬ፤

1:32 2ሳሙ. 7፡12-13፤ 16፤ ዓ.ሲ. 9፡7። 1:37 ማኸ. ማ፡9 18፡14። 1:48 1ሳሙ. 1፡11።

ሱንግኣ ዒዛኮ ዲማዲያኬ።  
 50 ያኦሲ ዒዛ ቦንቻ ዓሶ ቢያ ሾይንታፓ ሾይንቲ ሄላንዳኣና ሚጠንታያኬ።  
 51 ዒዛኮ ደዶ ኩጮና ዋልቆ ፔኤሲ" ዒ ዳዌኔ፤ ያቶርቃ ዓሶ ዔያቶኮ ማሊያና ዋላ" ዳኪ ባይዜኔ።  
 52 ዴኤፖ ዋይሣ ዓሶዋ ካኣቱሞ ያይታፓ ኬይሴኔ፤ ሂርኬዘንሢ ጋዓንቲ ቦንቹሲ ዳጊዴኔ፤  
 53 ናይዳዳዘንሢ ኮሺ ባኣዚ" ሙኡዚ" ሚሼኔ፤ ያርጎጮ ዓሶ ጋዓንቲ ኩቺ ጉሪ ዳኬኔ።  
 54-55 ዓብራሃሚና ዒዛኮ ዜርዖዋ ናንገና ዒ ሚጠንቲ ሚጠንቶ ጳቂሲ፤ ዒዛም ማዳ ዒሰራዔኤሌ ያኦሲ ማኣዳ"።። ሃሣ ዬያ ዒዚ ማዳሢ ኦኡኮ ቤርታኣ ዓደንሢም ዒንጌ ዋዞ ቃኣሎ" ከንሣኒኬ»

ጌዔኔ።  
 56 ማይራማ ዔልሳቤያና ዋላ" ሃይሣ ዓገኒ ማዓያ ዴዔሢኮ ገንፃ ማኣሪ ማዓ ዴንዴኔ።።

**ማሰካ ዮሐንሴኮ ሾይንቶ**

57 ዔልሳቤያኮ ሾይያ ዓገና ሄሌ"ም ዓቲንቄ ናይ ዒዛ ሾዔኔ።።  
 58 ዒዛኮ ዓሺኖና ዒገኖና ቢያ ጎዳ ዒዛም ማዳ ኮዡ ባኮ ዋይዚ ዒዛና ዋላ" ዋዛዴኔ።።  
 59 ናዓሢ ሾይንቲሰካፓ ሳላ"ሳ ኬሎ"ና ናዖኮ ዓቲንቶ ቤርቶ ቲቂያ ዋጎ ከንሣ ኬሎ"ይዳ ዒዛኮ ዓሺኖና ዒገኖና ሙካዖ ናዓሢኮ ሱንግ «ዛካሪያሴ» ጌዒ ዓዶ ሱንግና ጌሣኒ ኮዔኔ፤ 60 ዒንዳ ጋዓንቲ፡- «ያዲ ማዓዓኬ፤ ሱንግ ዒዛኮ «ዮሐንሴኬ» » ጌዔኔ።።  
 61 ዔያታ ማሃዖ፡- «ኔ ፃጳይዳ ዬያ ሱንግና ዔኤሊ"ንቲ ዓሲ ያኦኒያ ባኣንቲሞ?» ዒዛ ኮራ ጌዔኔ።። 62 ዬካፓ ዔያታ ዓደ ኮራ፡- «ናዓሢኮ ሱንግ ያና ጌይንታንዳጉዲ ኔ ኮዓይ?» ጌዒ ማላታና ያኦጩኔ።።  
 63 ዛካሪያሴ ፃኣፖ ባኣዚ" ዒዛም ዒንጋንዳጉዲ ያኦጩ ዔኬ፡- «ሱንግ ዒዛኮ ዮሐንሴኬ» ጌዒ ፃኣፓዛ ቢያሢ ዬኖ ዛሎ"ና ዲቃቲ ሂርሼኔ።። 64 ዬማና ዛካሪያሴኮ ዳንጋ ቡሊ"ንቲ ጌሰታኒ ዳንዳዔም ያኦሲ ጋላቲሢያ ዓርቄኔ።። 65 ዬያፓ ዔቂያና ዔያቶኮ ዓሺና ቢያ ዒገጩኔ፤ ዬይ ሃይሳኣ ዪሁዳይዳ ዓኣ ዲኮ" ዓጫ" ቢያ ዋይዚንቲኔ።። 66 ዬያ ባኮ ዋይዜ ዓሳ ቢያ፡- «ሐይ ናዓሢ ሃገ ዓይጎ

---

1:52 ዒ.ዮ. 5፤11፤ 12፤19። 1:54-55 ማዢ. ማፃ 17፤7። 1:59 ሉዊ. ዓኬ 12፤3።

ማዕንዳኣ ናንዳይ?» ሂዚ ጌራ ጌራ ዋሊ ያኑጫኔ። ዩይ ያዲ ማዕሚ ጎዳ ጎኔና ዒዛና ዋላ" ዓላሢሮኬ።

**ዛካርያስ ኬኤዘ ባኮ**

- 67 ናዓሢኮ ዓይ፥ ዛካርያስ ዓያና ጌኤሺኮ ዋልቆ ጋሮ ጌሊ፡-
- 68 «ዴሮ" ፔኤኮ ዓውሳኒ ሙኬሢረ  
 ዒሰራዔኤሌኮ ጎዳ ማዕ ያኑዛሢ ጋላቲንቶም፤
- 69 ዒዛም ማዳ፥ ዳውቲ ዜርፃፓ ጳኤፐ ዳቂሻያ ዒ ኬሴ"ኔ፤
- 70 ቤርታዲ ያኑሲ ፔ ማሊያ ኬኤዛ፥ ጌኤኮ ዓሶ ዛሎ"ና ኬኤዘኔ፤
- 71 ዩይ ያኑና ዒፃ ዓሶና ሞርኮና ኩጫፓ ኑና ዳቂሻኒ
- 72 ሓሣ ኑ ዓደንሢማኣ ሚጨንታኒና  
 ዒ ጫኣቂ ጌኤኮ ጫኣቂሞዋ ኩንሣኒከ።
- 73 ዩይ ጫኣቂሞ ዒ ጫኣቂሢ ኑ ዓዳሢ ዓብራሃሚምኬ፤
- 74 ዒዚ ጫኣቂ ዋዘ ቃኣላ" ኑኡኒ ሞርኮ ኩጫፓ ኬሰኪ  
 ዓገቆሞ ባኣያ ኑ ዒዛም ማዳንዳጉዲኬ፤
- 75 ዩይ ያዲ ማዕሢ፡- ኑኡኮ ናንጎ ዎድ"ና ቢያ  
 ያኑሲ ቤርቶይዳ ጌኤሹሞና ጻሉሞና ኑ ናንጋንዳጉዲኬ።

- 76 ሓይ ኔ፥ ናዓሢ፥ ፑኡፖ ያኑዛሢ ማሊያ ኬኤዛሢ ኔ  
 ጌይንታንዳኔ።  
 ጎዳኮ ኔ ጎይያ ጌኢጊሻኒ፥ ጎዳኮ ቤርታ ኔ ዓኣዳንዳኔ።
  - 77 ጎዳኮ ዴራ" ጎዳ ዔያቶኮ ጎሞ ዓቶም ጌዔም  
 ዔያታ ዳቃንዳ ጎይያ ኔ ኬኤዛንዳኔ።
  - 78 ዓቢ ያርቂ ኑም ፖዓሢጉዲ  
 ያኑሲኮ ሚጨንቶና ናሹሞና ኑም ሙካኒከ።
  - 79 ዒዚያ ዲሞና ባይሰንቶናም ጌኢጊ ዓኣዘንሢም ቢያ ፖዓንዳኔ፤  
 ኑኡኮ ሄያዎ ኮሺ ጎይሢ ባንሢ ዔኪ ዓኣዳንዳኔ»
- ሂዚ ጌራ ያኑሲ ማሊሢ ኬኤዘኔ።
- 80 ናዓሢያ ዲጨ ዒናዴኔ፤ ዒሰራዔኤሌ ዴሮ"ም ፔጋዲ  
 ጴዳንዳያ ሄላ"ንዳኣና ዓሲ ናንጉዎ ዳውሎ"ይዳ ዴንዲ ናንጌኔ።

**2**

**ዩሱሴኮ ሾይንቶ  
(ማቲ. 1፥18-25)**

1 ዩዮ ዎድ"ና ሮሜ ዓጮ"ይዳ ዓኣ ዴሮ" ቢያ ፓይዳኒ፥  
 ሱንፃ ዴሮ"ኮ ፃኣፒንታንዳጉዲ ሮሜ ካኣቲ ዓውጊሰያሴ ዓይሄኔ።

---

1:76 ሚሊ. 3፥1።

2 ቤርታዲ ዳሮ" ፓይዲኒ ሱንጾ ጻኣፖና ዋድ"ና ቁርኔዎሴ ጎዎሢ ሶኦሪያ ዓጮ" ዋይሣያኬ። 3 ዬያሮ ፔቴ" ፔቴ" ዓሳ ሱንጾ ጻኣፒሳኒ ፔኤኮ ዓጮ" ካታሞ ካታሞ ዳንዳኔ።

4 ዮሴፔ ጌሊላይዳ ዓኣ ናዚሬቴ ካታሞ"ፓ ዔቂ ዪሁዳ ዓጮ"ይዳ ዓኣ ዳውቴ ካታሞ ጌይንታ ቤኤቴሌሃሜ ዳንዳኔ፤ ዓይጎሮ ጌዔቶ ዒዛኮ ዜርፃ ዳውቴ ጻጳፓ ማዔሢሮኬ። 5 ዒዚ ጻኣፒንታኒ ዓኣዳሢያ ጎጳዲ ዓኣ፣ ዒዛኮ ጾኤዞ፣ ማይራሞና ዋላ"ኬ። 6 ዔያታ ለምጾንሢ ቤኤቴሌሃሜ ካታሞይዳ ዓኣንቴ ማይራሞኮ ሸይጾ ኬላ" ሄሌ"ሞ፣ 7 ዒኢካ ዒዛኮ ኮይሮ ናዓሢ ሸዓጾ ናይ ዓርቆ ቱርጫና ካንቄኔ፤ ሸኦጫ ዋርቃ ቤዛ ቤሲ ዔያታ ዳንቁባኣሢሮ ባይ ሞሰካ፣ ባኣታ ሙጾ ሙዓ ጎንጋላ" ናዓሢ ላይሄኔ።

**ቆልሞ ሄንቃ ናኣቶ"ና ኪኢታንቸንሢና**

8 ዬኖ ዓጮ"ይዳ ካታሞኮ ዙላ፣ ቦኦሎ"ይዳ ቆልሞ ሄንቁ ሞኣሢዳ ዋርቃ ናይ ዓኣኔ። 9 ዒማ"ና ዔያቶም ጾኦሲ ኪኢታንቸሢ ጴዳም፣ ጾኦሲኮ ቦንቸ ፖዓ ዔያቶ ዑፃ ፖዔሢሮ ሚርጌና ዔያታ ዒጊጪ ዲቃቴኔ፤ 10 ኪኢታንቸሢ ጋዓንቴ፡- «ሃይ ዒንሢ ዋይታይ? ዒጊጪ ፖቴ፤ ዳሬም ቢያ ዳኤፒ ዋዛ ማዓ ኮሺ ሃይሴ ታ ዒንሢም ኬኤዛንዳኔ፤ 11 ዋይዙዋቴ! ሐኖ" ዳውቴ ካታሞይዳ ዳኤሻ ዒንሢም ሸይንቴኔ፤ ዒዚያ ጎዳ ኪሪሰቶሴኬ። 12 ዬያኮ ማላታ ያዲ ማዓንዳኔ፡- ናይ ዓርቆ ቱርጫና ካንቄንቴ ናይ፣ ባይ ባርታይዳ ባኣታ ሙጾ ሙዓ ጎንጋላ" ላሂ ዓኣንቴ ዒንሢ ዳንቃንዳኔ» ጌዔኔ።

13 ዬማና ዔያታ ዔሩሞንቴ ሚርጌ ጫሪንቺ ኪኢታንቸ ኪኢታንቸሢና ዋላ" ጴዳጾ ጾኦሲ ጋላቲሢና፡-

14 «ጫሪንጮይዳ ጾኦሲም ቦንቸ ማጾም፤

ጎይይዳኣ ዒዚ ናሽካ ዓሶም ቢያ ኮሹሞ ማጾም» ጌዔኔ።

15 ኪኢታንቸንሢ ዔያቶይዳፓ ዲማዲ ሌካ ጫሪንጮ ዳንዴ ዋድ"ና ቆልሞ ሄንቃ ናኣታ" ዋሊ ኮይላ"፡- «ዓካሪ ቤኤቴሌሃሜ ኦ ዳንዲ፣ ሃሢ ማዔ ባኮና ጎዳ ኦም ፔጋሲ ዳዌ ባኮ ኦ ዛጎም» ጌዔኔ።

16 ዔያታ ዒማ"ና ዑኬና ዳንዳጾ ማይራሞና ዮሴፔና ዳንቄኔ፤ ሃሢ ናጾም ባኣቶ ባርታ ባኣታ ሙጾ ሙዓ ጎንጋላ" ላሂ ዓኣንቴ ዳንቄኔ። 17 ናዓሢ ዔያታ ዛጌሢኮ ጊንፃ ኪኢታንቸሢ ዒዛ ዛሎ" ዔያቶም ኬኤዜሢ ዔያታ ማይራሞና ዮሴፔናም ኬኤዜኔ። 18 ቆልሞ ናኣታ" ኬኤዜ ባኮ ዋይዜ ዓሳ ቢያ ዲቃቲ ሄርሼኔ። 19 ማይራማ ጋዓንቴ ዬያ ቢያ ባኮ ፔ ዒና" ዓርቁ ማላኔ። 20 ቆልሞ ናኣታ" ቢያ ባካ ኪኢታንቸሢ ዔያቶም ኬኤዜሢሂጉዲ ማዔም ዔያታ ዛጌሢና

ዋይዜሢናር ያኦሲ ቦንቺ ቦንቺ ሃሣ ጋላቲ ጋላቲ ዔያታ ሙኩ ቤዘ ማዒ ዴንዴኔ።

21 ናዓ ሸይንቴሰካፓ ሳሊ" ኬሊ"ኮ ጊንፃ ናያኮ ዓቲንቶ ቤርቶ ቲቂያ ዋጎ ኬሎ"ና ሱንፃ ዒዛኮ «ዩሱሴ» ጌይንቴኔ። ዩይያ፡- ሓጊ ዒንዳ ዒዛ ጎጳዲዋንቴ ቤርታ ከኢታንቻሢ ዒዛም ጌሣ ሱንፃኬ።

**ዩሱሴ ጌኤዠ ማእሪ ዔኪ ዓእደናሢ**

22 ሙሴ ዔርዜ ዋጎ ጎይያና ዑያ ጌኤሺያ ዋጋ" ጋፓ ኬላ" ሄሌ"ሢሮ ናዓሢ ጎዳም ዔያታ ሺኢሺኒ ዔኪ ዩሩሳላሜ ዴንዴኔ።

23 ዩያ ዔያታ ዓይጎሮ ማደይ ጌዔቶ ጎዳኮ ዋጎይዳ፡- «ዓቲንቄ ማዔ ቶይዲ ናይ ቢያ ጎዳም ዒንጊንቲ ዲማደያ ማያንጎ» ጌይንቴ ፃኣፒንቴሢሮኬ። 24 ዩያጉዲ ሃሣ ጎዳኮ ዋጎይዳ፡- «ላምያ ኪሬ፤ ማዒባኣቲ ላምያ ዶኦሌ" ናይ ሚቺ ዒንጎ ካኣዠም ዒንጋንዲያ ኮይሳኔ» ጋዓሢሮኬ።

25 ዒማ"ና ዩሩሳላሜይዳ ሲሞኦኔ ጎያ ፔቴ" ዓሲሰኬያ ዓኣኔ፤ ዒዚያ ዪሎ" ሃሣ ያኦሲ ዒጊጫ ዓሲኬ፤ ዒሰራዔኤሌኮዋ ሃጊ ማዓንዳ ዳቂንቶ ዋዘ ካፓያ ሃሣ ዓያና ጌኤሺያ ዒዛና ዓኣያኬ።

26 ዒዚ ጎዳፓ ማዔ፡ ሜሲሔ ዛጉዋያ ሃይቂንዲዋኣሢ ዓያና ጌኤሺ ዒዛም ቤርታ ዔርዜያኬ። 27 ዩሮ ኬሎ" ዓያና ጌኤሺ ዒዛ ዔቂሰም ጌኤዠ ማእሪ ዒ ዓኣደኔ፤ ዒማ"ና ዮሴፔና ማይራሞና ካኣዠ ዋጎ ከንሣኒ ናዓሢ ዔኪ ጌኤዠ ማእሪ ጌሌኔ። 28 ዒማ"ና ሲሞኦኔ ናዓሢ ኮንቂ ያኦሲ ጋላቲሢ፡-

29 «ታ ጎዳሢዮ! ሓይሾ፣ ኔ ታኣም ኬኤዜ ሃጊ ማዓንዳ ዋዘ ቃኣላ" ኩሜኔ፤

ዓካሪ ሃሢ ታና ኔኤኮ ማዳሢ ኮሺና ዔኬ፤

30-31 ታኣኒ ታ ዓኣፒና ዓሶም ቢያ ኔ ጊኢጊሺ፣ ዳኤሻሢ ዛጌኔ፤

32 ዒዚ ሜሌ" ዴሮ"ም ጎኦም ፔጋሲ ዳዋ ፖዒ ማዓንዳኔ፤

ኔኤኮ ዴሮ" ዒሰራዔኤሌ ዓሶም ዒ ቦንቺሳንዳኔ» ጌዔኔ።

33 ዮሴፔና ማይራሞና ናዓሢ ዛሎ" ጌይንቴ ባኮ ቢያና ዲቃቲ ሄርሼኔ። 34 ሲሞኦኔ ዔያቶ ዓንጃሢኮ ጊንፃ ዲማና ናዓሢኮ ዒንዶ ማይራሞም፡- «ሃይ ናዓሢ ዒሰራዔኤሌይዳ ሚርጌ ዓሶኮ ባይሲንታ፤ ሃሣ ሚርጌ ዓሶኮ ጋዓንቲ ዳቂንታ ካራ ማዓንዳኔ፤ ዒዚ ሚርጌሢ ዒዛ ጎናሲ ዔኩዋ ማላታ ማዓንዳኔ። 35 ዩያና ሚርጌ ዓሶኮ ዒሮይዳ ዓኣሺንቴ ማሊፃ ፔጋዲ ጳዳንዳኔ፤ ያዩሢያ ኔኤኮ ዒሮ" ጨንቻ ሳፓሮጉዲ ቲቃንዳኔ» ጌዔኔ።



36 ዬሆናው ሃሣ ዬኖ ዋድ"ና ዓሴኤሬ ዜርዖይዳፓ ማዕ። ፓጉዕኤሌ ጎዖሢኮ ናዎ። ሃኣና" ጌይንታ ያኦሲ ማሊሢ ኬኤዘሰኬና ዓኣኔ። ዒዛ ሚርጌ ጋርቹ ላኣሊኬ፤ ዓኒና ዋላ" ዒዛ ላንካይ ለዕ ዴዕሰካፓ ዓኒ ዒዘኮ ሃይቄኔ፤ 37 ዩካፓ ለዓ ዒዘኮ ሳሊ"ታሚ" ዖይዶ ማዓንዳያ ሄላ"ንዳኣና ጌኤዢ ማኣራፓ ዲማዲዋዎ ሙኡዚ" ሓሺ" ሺኢቆ ሺኢዲሢ ሺኢቂ ሺኢቂ ሮኦሪና ዋንቴና ቢያ ያኦሲም ማዲያኬ። 38 ዬኖና ዒዛ ሙኪ ያኦሲ ጋላቲሢ ዓርቄኔ፤ ናዓሢ ዛሎ"ዋ ዬሩሳላሜኮ ዳቂንቶ ሃጊ ማዓንዳ ዋዛ ጌሢ ካፓዘንሢም ቢያ ኬኤዜኔ።

**ዩሱሴኮ ናዚሬቲ ማዒ ዴንዲያ**

39 ጎዳኮ ዋጎይዳ ዓይሢንቴ ዋጎ ቢያ ኩንሢሰካፓ ጌሊላይዳ ዓኣ ዔያቶኮ ናንጎ ካታሞ ናዚሬቲ ዔያታ ማዒ ዴንዴኔ። 40 ናዓሢያ ዑጊ ዶዲ ዶዲ ዓኣዴኔ፤ ዒናዲያ ዶዴኔ፤ ሓሣ ያኦሲ ዒዛ ዓንጄኔ።

**ዩሱሴ ጌኤዢ ማኣራይዳ**

41 ዮሴፔና ማይራሞና ለዓ ለዓ ዑሣ ዓኣዲያ ቦንቾ ኬሎ"ሮ ዬሩሳላሜ ዓኣዲያኬ። 42 ዩሱሴኮ ለዓ ታጾ ላምዎ ማዕም ቤርታ ዔርቲ ጎይዖጉዴያ ዬኖ ቦንቾ ቦንቻኒ ዔያታ ዓኣዴኔ። 43 ቦንቾ ኬላ" ጋፔም ዔያታ ማኣሪ ማዓዛ ዩሱሴ ዬሩሳላሜይዳ ዓቲ"ኔ፤ ዮሴፔና ማይራሞና ጋዓንቴ ዒዚ ዒኢካ ዓቲ"ሢ ዔሪባኣሴ። 44 ጎይዖ ዓኣዳ ዓሰና ዒዚያ ዋላ" ዓኣያ ዔያቶም ማሊሢሮ ፔቴ" ኬሊ" ጎይሢ ጉቤ ዔያታ ዓኣዳያ ዔያቶኮ ዒጊኖና ፔ ላጎና ኮይላ" ኮዒሢ ዒዛ ዓርቄኔ። 45 ጋዓንቴ ዔያታ ዒዛ ዴንቃኒ ዳንዳዒባኣሢሮ ዒዛ ኮዒ ኮዒ ጊንሣ ዬሩሳላሜ ማዕ። 46 ሓይሣ ኬሊ"ኮ ጊንፃፓ ጌኤዢ ማኣራ ዔያታ ዒዛ ዴንቄኔ፤ ዒዚያ ዒኢካ ዋጎ ዔራ ዓሰ ባኣካ" ዴዒ ዔያቶሲ ዋይዚ ሃሣ ዖኦጢሢያ ዖኦጢኔ። 47 ዒዛሲ ዋይዛ ዓሳ ቢያ ዒዚ ማሊ ጳቂሣ ጳቂሢያና ሓሣ ዒ ማሃ ማሃያና ዛሎ"ሮ ዲቃቲ ሄርሻኔ። 48 ዮሴፔና ማይራሞና ጌኤዢ ማኣራይዳ ዒዛ ዴንቂ ዲቃቲ ሄርሻዖ ዒንዴላ ዒዛ ኮራ፡- «ታ ናዓሢዮ፡ ዓይጎር ኔ ኑና ሃያይዴይ? ኔኤኮ ዓድና ታኣና ሜታዲ ኔና ኑ ኮዓንቴቱዋይ!» ጌዔኔ።

49 ዩሱሴ ማሃዮ፡- «ዓይጎር ዒንሢ ታና ኮዔይ? ታኣኒ ታ ዓዶ ማኣራ ማዓንዳያ ኮይሳሢ ዒንሢ ዋንዴ ዔራዋያዳ?» ጌዔኔ። 50 ዔያቶም ጋዓንቴ ዒዚ ዬይ ጌዔ ባካ ዔርቲባኣሴ።

51 ዩካፓ ዩሱሴ ዔያቶና ዋላ" ናዚሬቲ ዴንዴኔ፤ ዒኢካ ዔያቶም ዒ ዓይሢንታኔ፤ ያዲ ማዓዛ ዒንዳ ዬያ ባኮ ቢያ ፔ ዒና ዓርቃኔ።

---

2:39 ማቲ. 2:23። 2:41 ኬሲ. ማፃ 12:1-27፤ ላሚ. ዋማ 16:1-8።

52 ዬሱሴ ያኑሲንታ ዓሲንታ ዋዛሳያ ማዕኔ፤ ሐሣ ዒናዲ ዔጶናኣ ዲጩ ዲጩ ዓኣዴኔ።

### 3

ማሰካ ዮሐንስ ኬኤዜ ባኮ

(ማቴ. 3፡1-12፤ ማር. 1፡1-8፤ ዮሐ. 1፡19-28)

1 ርሜ ዓጮ" ካኣተ ዲባርዮሴ ካኣታዳንቴ ታጶ ደንጋሳ ሌዖና ጳንጌ ጰላዖሴ ጎሥሂ ዪሁዳ ዓጮ"። ሄሮዲሴ ጌለላ ዓጮ"፤ ዬያጉዲ ሃሣ ጌርሲ ፒልጶሴ ዒፀሪያሴና ዲራክንዶሴ ዓጮ"። ለሳኒዮሴ ጎሥሂ ዓቢላኒሴ ዓጮ" ዋይሣያኬ። 2 ዒማ"ና ሃኣናና ቃያፓና ቄኤሶ ቢያሂኮ ሱኡጎንሂኬ፤ ዬማና ዛካሪያሴ ናኣዚ"። ዮሐንስ ዓሲ ናንጉዋ ደውሎ"ይዳ ዓኣንቴ ያኡሲ ዒዛም ኬኤዜኔ። 3 ዬያሮ ዮሐንስ ዮርዳኖሴ ዋሮ ኮይሎ"ይዳ ዓኣ ዓጮ" ቢያ ሃንቴ ሃንቴ፡- «ያኡሲ ዒንሂም ዓቶም ጋዓንዳጉዲ ጎሞ ቡኡዲ ቡኡዲ ዋኣያና ማሰቱዋቴ» ጌዒ ጌዒ ዔርዛኔ። 4 ዬይ ያዲ ማዕሣ ያኡሲ ማሊያ ኬኤዛ ዒሲያሴ ዮሐንስ ዛሎ" ቤርታዲ፡-

«ሃይ ዓሲ ናንጉዋ ደውሎ"ይዳ ሂዚ ጌዒ ጌዒ ዒላታ ዓሲኮ ዑኡሲኬ፤

ጎዳኮ ጎይያ ጊኢጊሹዋቴ፤

ሉኡጎ ጎይያዋ ፒዚሱዋቴ፤

5 ደኦጫዳ ቤዛ ቢያ ኩሞንጎ፤

ዲኮ"ና ጌሚሮና ቢያ ሂርኪ ጎዖንጎ፤

ዋቦ ጎይፃኣ ፒኮንጎ፤

ጊኢጊ ኮሺ"ንቴባኣ ጎይፃኣ ጊኢጎንጎ፤

6 ዓሲ ቢያ ያኡሲኮ ዳቂሻ ዋልቆ ዛጎንጎ!» »

ሂዚ ጌዒ ፃኣፒንቴ ጎይፃናኬ።

7 ዋኣያና ማሰቶሮ ዒዛ ኮይላ" ሙካ ዓሶም ዮሐንሴ፡- «ዒንሂ ሐይ ሸኣዣ! ሙካንዳ ያኡዛሂኮ ጎሪ"ንቶይዳፓ ቶላ"ኒ ዒንሂ ዳንዳዓንዳጉዲ ያኡኒ ዒንሂም ኬኤዜይ? 8 ዓካሪ ሃሂ ጎሞ ዒንሂኮ ቡኡዲያ ዔርዛ ማዶ ማዳንዳኣፓዓቴም «ኮኡኒ ዓብራሃሜ ናኣቶ"ኬ» ጌዒ ዒንሂ ዒኖና ሄርሺንቴፖቴ። ያኡሲ ሃያ ሹጫፓ ዓብራሃሜ ናይ ማሂ ዔቆሳኒ ዳንዳዓያ ማዕሣ ታዒንሂም ኬኤዛኔ።

9 ሃሂ ሚያ ፃጳፓ ቲቂ ኬኤራኒ ሄርጋ ጊኢጊንቴሂሮ ቃራ ዓኣፒ ዓኣፑዋ ሚሂ ቢያ ቲቂንቴ ታሚዳ ኬኤሪንታንዳኔ» ጌዒኔ።

2:52 1ሳሙ. 2፡26፤ ኮኣኪ. 3፡4። 3:6 ዒሲ. 40፡3-5። 3:7 ማቴ. 12፡34፤ 23፡33። 3:8 ዮሐ. 8፡33። 3:9 ማቴ. 7፡19።

10 ዴራ" ማሃዎ፡- «ሂዴቶ ኑ ዓይጎ ማድንደይ?» ጌይ ዮሐንስ ኮራ ያኑጩኑ።

11 ዒዚያ፡- «ለምዎ ማእዓ ዓኣሢ ፔቴ"ማ ባኣሢም ዒንጎንጎ፤ ሙኡዚ" ዓኣሢያ ባኣሢም ጊሽኮንጎ» ጌዔኑ።

12 ኮርሞ ኮርማ ዓሶይዳፓ ሚኢሾ ቡኩሲ ማዳዘንሢያ ማሰቲዖሮ ዒዛ ኮይላ" ሙካዎ፡- «ዔርዘሢያ! ኑኡኒሾ፣ ዓይጎ ማድንደይ?» ጌይ ዒዛ ያኑጩኑ።

13 ዒዚያ፡- «ዎጎና ዓይሢንቴሢፓ ዑሣ ዓኣሢ ዔካኒ ያኑጩፖቴ» ጌዔኑ።

14 ሃሣ ፖኦሊሳ ሙካዎ፡- «ኑኡኒሾ፣ ዓይጎ ማድንደይ?» ጌዔኑ።

ዒዚያ፡- «ዓሲ ሚኢሾ ጌኔና ቡሪ ዔኪፖቴ፤ ያና ማዔቶሞ ሉኡቁ ዎጌና ዓይሢሲፖቴ፤ ዒንሢ ማዴሢ ዛሎ" ዒንጎ ሚኢሻ ዒንሢም ጊድንጎ» ጌዔኑ።

15 ዒማ"ና ዴራ" ቢያ ሚሲሔኮ ሙኪዎ ዎዛና ካፓያታሢሮ ዮሐንስ፡- «ሃይ ዓሢ ጎዎንቴ ሚሲሔ ማዓንዳሞ?» ጌዒ ጌዒ ዒኖና ማሌኑ። 16 ዮሐንስ ጋዓንቴ ዔያቶም፡- «ታኣኒ ዒንሢ ዎኣሢና ማሰካኔ፤ ጋዓንቴ ማሌ" ታጊዳፓ ባሽ ሙካንዳኔ፤ ታኣኒ ዒዛኮ ዲርዘ ቱኮ" ሱዘታዎ ቡላ"ኒ ኮይሳያቱሞ፤ ዬይ ዒንሢ ዓያና ጌኤሽና ሃሣ ታሚና ማሰካንዳኔ። 17 ዒዚ ቆይዳይዳ ዓኣ ሃኣኮ ሶኦራኒ ሶኦሮ ዓንዶ ኩጫ ዓርቁሢሮ ሶኦሪ ጌኤሽሢሃኮ ጊንፃ ኮዢ ዓኣፖ ኮናይዳ ዎሃ፣ ዲኢሮ ጋዓንቴ ባይቁዎ ታሚና ሚቻንዳኔ» ጌዔኑ።

18 ዬያጉዲ ሃሣ ዮሐንስ ዲማ ዲማ ጎይሢና ዴሮ" ዘሪ ኮዢ ሃይሶ ዔያቶም ከኤዘኔ። 19 ጌሊላ ዓጮ" ዎይሣ ሄሮዲሴ ጋዓንቴ ጌርሲ ፒልጶስኮ ማቾ ሄሮዲያዳ ዔኬሢሮና ማሌ" ሚርጌ ፑርታ ባኣዚ" ማዴሢሮ ዒዛ ዒ ጎሬኑ። 20 ሄሮዲሴም ዬይ ፑርቱሞ ማዳ" ቢያ ጊዶ" ዒፃም ፑርቱሞይዳ ፑርቱሞ ቃሲ"ሢና ዮሐንስ ቱኡዘ ማኣራ ቱኩ"ኑ።

**ዬሱሴኮ ዎኣዳና ማሰቲዎ**  
(ማቲ. 3፥13-17፤ ማር. 1፥9-11)

21 ዓሳ ቢያ ማሰቲሢኮ ጊንፃ ዬሱሴያ ማሰቲኔ፤ ዒዚ ዒማ"ና ሽኢቃ ጎይሣ ዓኣንቴ ጫሪንጫ ቡሊ"ንቴም፣ 22 ዓያና ጌኤሽያ ደኣሌ" ማሎና ማዒ ዒዛ ዑፃ ከዴ"ኔ፤ ዒማ"ና «ኔኤኒ ታ ኔና

ናሽካ ታኣኮ ናዓሢኩ፤ ኔኤና ታ ዋዛዳኔ» ጋዓ ዑኡሲ ጫሪገጫፓ ዋይዚገቴኔ።

**ዩሱሴኮ ሸይገቶ ዜርዖ**  
(ማቴ. 1፡1-17)

23 ዩሱሴ ዔርዚዖ ማዶ" ዓርቃኣና ሌዓ ዒዛኮ ካይሢታሚ" ጉዳያኩ፤ ዒዚ ዓሶም ዮሴፔ ናይ ማላኔ። ዩይያ ዮሴፔ ዔኤሊ ናኣዚ"። 24 ዔኤሊ ማቲ ናኣዚ"። ማቲ ሃሣ ሌዊ ናኣዚ"። ሌዊ ሚልኪ ናኣዚ"። ሚልኪ ዮና ናኣዚ"። ዮና ዮሴፔ ናኣዚ"። 25 ዮሴፔ ማታቲዮ ናኣዚ"። ማታቲዮ ዓሞዔ ናኣዚ"። ዓሞዔ ናፓሚ ናኣዚ"። ናፓሚ ዔሰለሚ ናኣዚ"። ዔሰለሚ ናጌ ናኣዚ"። 26 ናጌ ማዖቲ ናኣዚ"። ማዖቲ ማታቲዮ ናኣዚ"። ማታቲዮ ሴኤሚዬ ናኣዚ"። ሴኤሚዬ ዮሴፔ ናኣዚ" ዮሴፔ ዮዳ ናኣዚ"። 27 ዮዳ ዮና ናኣዚ"። ዮና ናጌ ራሴ ናኣዚ"። ራሴ ዜሬባቡሌ ናኣዚ"። ዜሬባቡሌ ሳላቲያሌ ናኣዚ"። ሳላቲያሌ ኔሪ ናኣዚ"። 28 ኔሪ ሚልኪ ናኣዚ"። ሚልኪ ሃዲ ናኣዚ"። ሃዲ ቆሳሚ ናኣዚ"። ቆሳሚ ዔልሞዳሚ ናኣዚ"። ዔልሞዳሚ ዔሪ ናኣዚ"። 29 ዔሪ ዮሴዔ ናኣዚ"። ዮሴዔ ዔኤሊዔዛሬ ናኣዚ"። ዔኤሊዔዛሬ ዮራሚ ናኣዚ"። ዮራሚ ማዖቲ ናኣዚ"። ማዖቲ ሌዊ ናኣዚ"። 30 ሌዊ ሲሞኦኔ ናኣዚ"። ሲሞኦኔ ዪሁዳ ናኣዚ"። ዪሁዳ ዮሴፔ ናኣዚ"። ዮሴፔ ዮና ናኣዚ"። ዮና ዔልያቂሚ ናኣዚ"። 31 ዔልያቂሚ ሚሊያ ናኣዚ"። ሚሊያ ማይኔኔ ናኣዚ"። ማይኔኔ ማዖቲ ናኣዚ"። ማዖቲ ናኣታኔ ናኣዚ"። ናኣታኔ ዳውቲ ናኣዚ"። 32 ዳውቲ ዒሴዬ ናኣዚ"። ዒሴዬ ዒዮሴዳ ናኣዚ"። ዒዮሴዳ ቦዔዜ ናኣዚ"። ቦዔዜ ሳልሞኔ ናኣዚ"። ሴልሞኔ ናዖሶኔ ናኣዚ"። 33 ናዖሶኔ ዓሞናዳኣቡ ናኣዚ"። ዓሞናዳኣቡ ራሚ ናኣዚ"። ራሚ ዓርኔ ናኣዚ"። ዓርኔ ሄዲሮኔ ናኣዚ"። ሄዲሮኔ ፔርሴ ናኣዚ"። ፔርሴ ዪሁዳ ናኣዚ"። ዪሁዳ ያይቆኦኔ ናኣዚ"። 34 ያይቆኦኔ ዪሳኣቂ ናኣዚ"። ዪሳኣቂ ዓብራሃሚ ናኣዚ"። ዓብራሃሚ ታራ ናኣዚ"። ታራ ናኮሬ ናኣዚ"። 35 ናኮሬ ሴሩጌ ናኣዚ"። ሴሩጌ ሬዑ ናኣዚ"። ሬዑ ፔሌጌ ናኣዚ"። ፔሌጌ ዔቤሬ ናኣዚ"። ዔቤሬ ሼላሃ ናኣዚ"። 36 ሼላሃ ቃይኒሚ ናኣዚ"። ቃይኒሚ ዓርፓክሳዳ ናኣዚ"። ዓርፓክሳዳ ሴኤሚ ናኣዚ"። ሴኤሚ ኖሄ ናኣዚ"። ኖሄ ላሚሄ ማቶሳላ ናኣዚ"። ማቶሳላ ሄኖኩ ናኣዚ"። ሄኖኩ ያሬዳ ናኣዚ"። ያሬዳ ሚላሊዔኤሌ ናኣዚ"። ሚላሊዔኤሌ ቃይናኔ ናኣዚ"። 38 ቃይናኔ ሄኖሴ ናኣዚ"። ሄኖሴ ሴቴ ናኣዚ"። ሴቴ ዓዳኣሚ ናኣዚ"። ዓዳኣሚ ዖኦሲ ናኣዚ"ኩ ዔያታ ጋዓኔ።

3:22 ማፍ. ማዖ 22፡2፤ ዓይኑ. 2፡7፤ ዒሲ. 42፡1፤ ማቴ. 3፡17፤ ማር. 1፡11፤ ሉቃ. 9፡35።

# 4

## ፃላሄ ዩሱስ ጌሺ ዛጌሢ (ማቴ. 4፡1-11፤ ማር. 1፡12-13)

1 ዩሱስ ዓያና ጌኤሺ ቢታገቶ ዳሞ ጌሊ ዮርዳኖስ ወራጋ ማዓዛ፣ ዓያና ጌኤሺ ዓሲ ናገጉዋ ዳውሎ" ዒዛ ዔኪ ዓኣዳ። 2 ዒኢካ ያይዲታሚ" ከሌ" ፃላሄ ዒዛ ዛጋኒ ጌሼ፤ ዩንሢ ከሎ"ንሢዳ ዓይጎዋ ዒዚ ሙዒባኣሢሮ ጋፒንፃ ዒዛ ናይዳ።

3 ፃላሄ ዩሱስ ኮራ፡- «የኦሲ ናይ ኔ ማዔያታቲ ሂንዳ ሃያ ሹጮ ካሣ ማዓንዳጉዲ ዓይሢ» ጌዔ።

4 ዩሱስ ዒዛም ማሃ፡- «ዓሲ ካሣ ሌሊ ሙዒ ናገጉዋሴ ጌይጎቲ ፃኣፒጎቲ» ጌዔ።

5 ዩካፓ ፃላሄ ዩሱስ ፔቲ" ዳ'ጌ ቤሲ ኮሲ" ካኣቶ" ዓጮ" ቢያ ዓኣፒ ጊኢጳማ ጉዴያና ዳዋዎ ሂዚ ጌዔ፡- 6 «ሐያ ቢያ ቢታገቶና ቦንቾና ኔኤም ታ ዒንጋንዳ፤ ሃይ ቢያ ታኣም ዒንጊንቲያ ማዔሢሮ ታኣኒ ኮዔሢም ዒንጋኒ ዳንዳዔ፤ 7 ዩያሮ ኔኤኒ ታና ዘጊ ካኣሽኬቲ ሓይ ቢያ ኔኤም ማዓንዳ።»

8 ዩሱስ ዒዛም ማሃ፡- «የኦሲ፣ ኔ ጎዳ ሌሊ ዘጊ ካኣሽኬ፤ ሃሣ ዒዛም ሌሊ ማዳ፣ ጌይጎቲ ፃኣፒጎቲ» ጌዔ።

9 ዩካፓ ፃላሄ ሃሣ ዩሱስ ዔኪ ዩሩሳላሜ ዳንዳዎ ጌኤዠ ማኣሮኮ ሙስኩላ" ዔቂሲ፡- «ኔኤኒ ያኦሲ ናይ ማዔቶ ሂንዳ ሃይካፓ ለካ ኮኣሚ ከዴ"፤ 10 ዓይጎሮ ጌዔቶ 'ኔና ዔያታ ካፓንዳጉዲ ያኦሲ ከኢታንቾ ዓይሣንዳ፤ 11 ቶካ" ኔኤኮ ሹጮይዳ ዳቁንቱዋጉዲ ዔያታ ፔ ኩጮና ኔና ዓርቃንዳ፤ ጌይጎቲ ፃኣፒጎቲ» ጌዔ።

12 ዩሱስ ማሃ፡- « ‹የኦሲ፣ ኔ ጎዳሢ ወይታቲያ ዛጋኒ ጌሺሺሪፖ፣ ጌይጎቲ ፃኣፒጎቲ» ጌዔ።

13 ፃላሄ ዩሱስ ሚርጌ ጎይሢና ዛጋኒ ጌሹሢኮ ጊንፃፓ ዳካ" ዋዴሮ ሓሺ" ዒዛ ዳንዳ።

## ዩሱስ ዔርዚያ ማዳ" ጌሊላይዳ ዓርቁሢ (ማቴ. 4፡12-17፤ ማር. 1፡14-15)

14 ዩሱስ ዓያና ጌኤሺ ዋልቁ ዔኪ ጌሊላ ባንሢ ማዔ፤ ዒዛኮ ሱ'ንፃኣ ዓጮ" ቢያይዳ ዋይዚንቲ። 15 ዓይሁዶ ዓሳ ቡካ ቤዘይዳ ቤዘይዳ ዔርዛኣና ቢያሢ ዒዛኮ ዔርዚያሮ ዒዛ ጋላቲ።

---

4:4 ላሚ. ዋማ 8፡3።      4:8 ላሚ. ዋማ 6፡13።      4:10 ዓይኑ. 91፡11።  
4:11 ዓይኑ. 91፡12።      4:12 ላሚ. ዋማ 6፡16።

ዮሱስ ናዚሬቴ ካታሞይዳ ዒሲንቴህ  
(ማቴ. 13፡53-58፤ ማር. 6፡1-6)

16 ዮሳፓ ዮሱስ ዒ ዲጩ ዓጮ። ናዚሬቴ ዳንዳፆ ዒዚ ቤርታ ማዳ ጎይፆ ዓይሁዶ ዓሶኮ ሃውሾ ኬሎ"ና ዔያቶኮ ቡኪንቶ ቤዘ ጌሊ ናባባኒ ዔቃዘ። 17 ያኦሲ ማሊፆ ኬኤዛ ዒሲያሴ ማፃኣፓ ዒዛም ዒንገንቴም። ማፃኣፓ ዒ ቡሌ" ዎዶ"ና ሂዚ ጌዒ ፃኣፒንቴ ቤሲ ዴንቄኔ፡-

18 «ያኦሲኮ ዓያና" ታኣም ዒንገንቴኔ፤ ይይ ያዲ ማዔህ ማንቆ ዓሶም ኮሺ ሃይሴ ቱኡቴዘንህም ቡሊ"ንቴህ ሃይሴ ዓኣፓ ባይቁዘንህም ዛገህ ሃይሴ ታ ኬኤዛንዳጉዲና ሄ'ርቁንቴ ዴማ" ዎርቃዘንህ ዓይላ"ታፓ ታ ኬሳ"ንዳጉዲ፤ ቢታንቶ ታኣም ዒንገንቴኔ።

19 ዬያጉዲ ሓህ ጎዳ ፔ ዴሮ" ዳቁሻንዳ ዎዳ" ሃማታህ ታ ኬኤዛንዳጉዲ ታና ዳኬኔ።»

20 ዮሱስ ማፃኣፔሎ ጳንጪ ቤርታ ዔቁ ዓህም ዒንገፆ ዴዓዛ ዓይሁዶ ዓሶኮ ቡኪንቶ ቤዛ ዓኣ ዓሳ ገዥ ጌይ ዒዛ ዛገህ ዓርቄኔ፤ 21 ዒዚያ፡- «ሓይ ሓህ ናባቢንታንቴ ዒንህ ዎይዜ ማፃኣፓ ቃኣላ" ሓና" ኩሜኔ!» ዔያቶም ጌዔኔ።

22 ቢያህ ዒዛ ኮሺ ማሂ ጌሰታኔ፤ ዒ ኬኤዛ ኮዦ ቃኣሎ"ናኣ ዲቃቴ ሄርሻዎ፡- «ሓይ ዮሴፔ ናዓህቴዎዓዳ?» ጌዔኔ።

23 ዮሱስ ዔያቶም ማሃዎ፡- « ሓይ ኔ ዴኤሾ ዔራህ ሂንዳ ኔና ዳቁሼ» ጌይንታ ኮኣኪንሃ ታገዳ ዒንህ ኬኤዛንዳህ ታ ዔራኔ፤ ዮያጉዲ «ቁፒርናሆሜይዳ ኔ ማዴኔ ዓሳ ጋዓንቴ ኑ ዎይዜህ ቢያ ሃይካ ኔ ዓጮ"ይዳኣ ማዴ» ዒንህ ታና ጋዓንዳኔ» ጌዔኔ። 24 ጎኔ ታ ዒንህም ጋዔኔ፡- «ያኦሲ ማሊህ ኬኤዛ ዓሲ ፔ ዓጮ" ዓሶ ኮይላ" ቦንቹንቴዎሴ፤

25 «ዎይዙዎቱ! ጎኔ ታ ዒንህም ኬኤዛም፤ ያኦሲ ማሊፆ ኬኤዛ ዔኤሊያሴ ዎዶ"ና ሃይህ ለዔና ላሆ" ዓገኒና ዒርዚ ዎርቁባኣህር ዓጮ" ቢያይዳ ዴኤፒ ናይዚ ኬሰኬኔ፤ ዮኖ ዎዶ"ና ዒሰራዔኤሌ ዓጮ"ይዳ ዜኤሪንዶ ማዔ ሚርጌ ላኣሊ ዓኣንቴ። 26 ዔኤሊያሴ ሲዶና ጌይንታ ዓጮ"ይዳ ሴራጲታ ጌይንታ ጉርዴሎይዳ ዓኣ ፔቴ" ዜኤሪንዳሰኬኖ ኮይላ" ሌሊ ዳኪንቴያፓዓቴም ሜሌ" ያ ኮይላ"ኣ ዳኪንቴባኣሴ። 27 ዮያጉዲ ሃህ ያኦሲ ማሊፆ ኬኤዛ ዔልሳዒ ዎዶ"ና ዑህዳ ኬሰካ ዶርዖና ዓርቁንቴ ዓሲ ዒሰራዔኤሌ

4:19 ዒሲ. 61፡1-2። 4:24 ዮሓ. 4፡44። 4:25 1ካኣቶ". ማ 17፡8-16።

ዓጮ"ይዳ ሚርጌ ዓኣንቴ ሶኦሪያ ዓጮ" ዓሢ ኒዒማኔፓ ዓታዛ ዔያቶይዳፓ ፔቴ"ታፖ ዳቂባኣሴ» ጌዔኔ።

28 ዓይሁዶ ዓሶኮ ቡኪንቶ ቤዛ ዓኣ ዓሳ ቢያ ዩያ ዋይዛፖ ዳጋዲ፥ 29 ዩሱሴ ጎቹ ዔኪ ካታማፓ ዙሎ" ኬሴ"ኔ፤ ዩና ካታማላ ማዠንጉሚ ዲኬ ዑሰካታሢሮ ዒዛ ዔያታ ጎኦቦ" ሂዒ ዳካኒ ኮዒ ዔኪ ዓኣዳኔ። 30 ዒዚ ጋዓንቴ ዔያቶኮ ባኣኪና ቶሊ" ዴንዴኔ።

**ፑርታ ዓያና ዓርቁ ዓሲ**  
(ማር. 1፥21-28)

31 ዩካፓ ዩሱሴ ጌሊላ ዓጮ"ይዳ ዓኣ፥ ቂፐርናሆማ ካታማሎ ዴንዲ ዒኣካ ዴሮ" ዓይሁዶ ዓሶኮ ሓውሾ ኬሎ"ና ዔርዛኔ። 32 ዒዚ ቢታንቶና ኬኤዛሢሮ ቢያሢ ዒዛኮ ዔርዚያና ዲቃቲ ሄርሻኔ።

33 ዒኣካ ዓይሁዶ ዓሶኮ ቡኪንቶ ቤዛ ፑርታ ዓያና ዓርቁ ዓሲ ዓኣኔ፤ ዒዚ ዴኤፐ ዑኡሲና ሂዚ ጌዒ ዒላቴኔ። 34 «ናዚሬቶ ዩሱሴ! ኑኡኮ ኔኤና ዋላ" ዓይጎ ካኣሚሢ ዓኣይ? ኑና ኔ ባይዛኒ ሙኪያ? ኔ ያና ማዔቴያ ታ ኔና ዔራኔ፤ ኔኤኒ ዲማዴያ ያኦሲ ናይኬ!»

35 ዩሱሴያ ማሃፖ ፑርቶ ዓያናሢ፡- «ዚቲ ጌዒ፥ ሃያ ዓሢፓ ኬሰኬ!» ጌዒ ጎራ"ዛ፥ ፑርቶ ዓያናሢ ዓሢ ዴሮ"ኮ ቤርታ ሎንሢሰካፓ ፔቴ"ታፖ ዔኤቢ ዋኦቱዋፖ ኬሰኬኔ።

36 ቢያሢ ዲቃቲ ሄርሻፖ ዋሊ ኮይላ"- «ሃይ ዋዚጉዴ ባኣዚ"ዳይ? ቢታንቶና ሓሣ ዋልቁና ፑርቶ ዓያኖ ዒዚ ዓይሣኔ፤ ዔያታኣ ዒዛም ዓይሢንቲ ኬሰካኔ» ጌዔኔ። 37 ዩሱሴኮ ሱ"ንፃ ዩኖ ዓጮ"ሎ ኮይሎ"ይዳ ቢያ ዋይዚንቴኔ።

**ዩሱሴ ሚርጌ ሓርጊንቴ ዓሶ ፓሢሢ**  
(ማቴ. 8፥14-17፤ ማር. 1፥29-34)

38 ዩሱሴ ዓይሁዶ ዓሳ ቡኪንታ ቤዛፓ ዔቂ ሲሞኦኔ ማኣሪ ዓኣዳኔ፤ ዒኣካ ሲሞኦኔኮ ባይሳ ሚርጌና ቆፂንቲ ላሂ ዓኣኔ፤ ዩያሮ ዒዛ ዒፓሣንዳጉዲ ዩሱሴ ዔያታ ሺኢቄኔ። 39 ዩሱሴያ ዒዛ ባንሢ ዑካፖ ዓጫ ዒዛኮ ዔቂ ቆሣ ሺማንዳጉዲ ዓይሣዛ ቆሣ ዒዛኮ ሺማም ቤዘማና ዔቂ ዒዛ ዔያቶ ሾኦቹንሥሢ ዓርቄኔ።

40 ዓባ" ጌላኣና ዓሳ ዲማ ዲማ ሃርጌና ዓኣ ዓሲ ቢያ ዩሱሴ ባንሢ ዔኪ ሙካዛ፥ ዒዚ ፔቴ" ፔቴ"ሢኮ ዑፃ ኩጮ ጌሢ ፓሢኔ።

41 ፑርቶ ዓያና"ኣ፡- «ኔኤኒ ያኦሲ ናኣዚ"ቲ!» ጌዒ ጌዒ ዒላቴ"ና ዓሶይዳፓ ሓሺ" ኬሰካኔ።

ዒዚ ሚሲሔ ማዔሢያ ዔያታ ዔሬኔ፤ ዩሱሴ ጋዓንቴ ዒዛ ዛሎ" ፔቴ"ታፖ ኬኤዙዋጉዲ ዔያቶ ጎሪ" ላኣጌኔ።

4:27 2ካኣቶ". ማ 5፥1-14። 4:32 ማቴ. 7፥28-29።

ዩሱሴኮ ገሌላይዳ ዔርዚያ  
(ማቴ. 4፡23-25፤ ማር. 1፡35-39)

42 ሳዓ ካራዛ ዩሱሴ ዒሊካፓ ኬሰኪ ዓሲባእ፡ ዔዌ ቤሲ ዴንዳዛ  
ዓሳ ዒዛ ዒማና ኮዓኔ፤ ዔያታ ዒዛ ዴንቃያ፡- «ኮ ኮራፓ ዴንዲፖ»  
ጌሲ ሸኢቄኔ። 43 ዒዚ ጋዓንቴ፡- «ሜሌ" ካታሞ ታ ዴንዲ ያኦሲ  
ካኣቱሞ ኮዡ ሓይሶ ኬኤዛንዳያ ታኣሞ ኮይሳኔ፤ ታ ዳኪንቴህ  
ዩያሮኬ» ጌዔኔ።

44 ዩያሮ ዪሁዳይዳ ዓይሁዳ ቡካ ቤዘ ሓንቲ ሓንቲ ዒ ዔርዚኬ።

5

ዩሱሴ ቤርታሳ ዒዛኮ ጊንያ ሓንታዘንህሂ ዔኤሌ'ህሂ  
(ማቴ. 4፡18-22፤ ማር. 1፡16-20)

1 ፔቴ" ኬሊ" ዩሱሴ ገንሴሬፄ ጌይንታ ባዘ" ዓጫ ዔቂ ዓኣንቴ  
ሚርጌ ዓሳ ዒዛ ባንህሂ ሙኪ ያኦሲኮ ቃኣሎ" ሞይዚ ቴቸንታኔ።

2 ዒዚያ ባዘ" ዓጮይዳ፡ ሳያኮ ዑኬ ዔቄ፡ ላሞዎ ሞኣህና ፒንቆ  
ጎንጊ ዴንቄኔ፤ ሞላህሂ ዓርቃዘንህሂ ጋዓንቴ ሞኣያና ፒንቆ ጎንጋፓ  
ኬዲ" ዔያቶኮ ሞላህሂ ዓርቆ ሮኦጮ ማላ ሱዞ ማሰካኔ። 3 ዩሱሴ  
ሞኣያና ፒንቆ ጎንጎንህሂዳፓ ፔቴ"ዘ፡ ሲሞኦኔሬሎይዳ ጌላዎ ሲሞኦኔ  
ኮራ፡- «ሓኖ" ሞኣያና ፒንቆ ጎንጌሎ ሳዎ ኮራፓ ባዘ" ሳዘ" ባንህሂ  
ታኣሞ ዶጨሴ» ጌዔኔ። ዩካፓ ሞኣያና ፒንቆ ጎንጌሎይዳ ዴዒ ዴሮ"  
ዔርዚህሂ ዓርቄኔ።

4 ዒ ኬኤዛ ባኮ ጋፒሴህኮ ጊንፃ ሲሞኦኔ ኮራ፡- «ሞኣያና ፒንቆ  
ጎንጌሎ ሴካ ባዘ" ሳዘ" ጌልዚ ኔኤኒ ኔኤኮ ላጎንህሂና ሞላ" ሞላህሂ  
ዓርቃኒ ሮኦጮ ማላ ሱዞ ሞኣያይዳ ዓጉሞቴ» ጌዔኔ።

5 ሲሞኦኔ ማሃዎ፡- «ዔርዚህሂዮ! ሞንቴ ሳዓ ካራንዳያ ሄላ"ንዳኣና  
ዓርቃኒ ኮዒ ሚርጌ ኦ ላቤዎ ፔቴ"ታዎ ዓርቂባኣሴ፤ ኔ ጌዔቶ ጋዓንቴ  
ሓይሾ ሱዞ ኦ ዓጋንዳኔ» ጌዔኔ። 6 ሮኦጮ ማላ ሱዞ ዔያታ  
ዓጋዎ ሱዞ ማኣማንዳያ ሄላ"ንዳኣና ሚርጌ ሞሎ ዓርቄኔ። 7 ዩያሮ  
ሜሌ" ሞኣያና ፒንቆ ጎንጎይዳ ዓኣ ዔያቶኮ ላጎንህሂ ሙኪ ዔያቶ  
ማኣዳ"ንዳጉዲ ኩቻ ሙቲ ዔኤላ"ዘ፡ ዔያታ ሙኪ ላሞዎ ሞኣያና  
ፒንቆ ጎንጋ ዔኤዲንታኒ ዑካንዳያ ሄላ"ንዳኣና ሞላህሂ ዓርቂ ጎንጎ  
ኩንህኔ። 8 ሲሞኦኔ ጎዎ ጳፂሮሴ ዩያ ዛጌ ሞዶ"ና ዩሱሴኮ ቤርታ  
ጉሞዓቲ፡- «ታ ጎዳህሂዮ! ታ ጎሜ ዓሲ ማዔህሂሮ ታ ባንህሂ ኔ ዑኪፖ»  
ጌዔኔ።

5:3 ማቴ. 13፡1-2፤ ማር. 3፡9-10፤ 4፡1። 5:5 ዮሐ. 21፡3። 5:6 ዮሐ.  
21፡6።



9 ይያ ዲ ጌዔሢ ዲዛንታ ዲዛና ዎላ" ዓኣ ላጎንሢ ሲያ ዓርቄ ሞላሢ ማርጉሞይዳፓ ዔቄያና ማርጌና ዲቃቲ ሄርሼሢ።  
 10 ይያጉዲ ሃሣ ሲሞኦኔኮ ላጎንሢ ማዔ ዜብዲዮሴ ናኣቶ"ንሢ። ያይቆኦና ኮላኒሴናኣ ዲቃቲ ሄርሼኔ። ዩሱሴ ሲሞኦኔ ኮራ። «ሓይ ኔ ዎይታይ! ዲጊጨፖ፤ ሓካፓ ሴካ ኔ ዓሲ ፒሪ ዓርቃያ ማዓንዳይ» ጌዔኔ።

11 ዔያታ ዎኣያና ፒንቆ ጎንጎንሢ ሳዎ ባንሢ ዑኪሲ ዔቁሴሰካፓ ሲያ ባኮ ሓሺ" ዩሱሴ ጊንዎ ሓንታያ ማዔኔ።

**ዑፃ ኬሰካ ዶርዓሢና ዓርቁንቴ ዓሲ ዩሱሴ ፓሢሢ**  
 (ማቴ. 8፡1-4፤ ማር. 1፡40-45)

12 ፔቴ" ኬሊ" ዩሱሴ ካታሞይዳ ዓኣንቴ ፔቴ" ዑሢዳ ኬሰካ ዶርዓ ዑዎ ባይዜ ዓሲ ዲዛ ኮራ ሙኬኔ፤ ዲዚ ዩሱሴ ዴንቃዎ፡- ባለቲና ሳዓ ሎኦሚ፡- «ኔ ኮዔቴ፣ ታና ጌኤሻኒ ዳንዳዓኔ» ጌዒ ሺኢቄ።

13 ዩሱሴያ ኩጮና ዲዛኮ ዑዎ ፒፃ"ዎ፡- «ጌኤሻኬ! ኔ ጌኤሻካንዳጉዲ ታ ኮዔኔ» ዲዛሞ ጋዓዛ፣ ቤዘማና ዓሢ ዑፃ ኬሰኬ ዶርዓሰካፓ ጌኤሻኬ። 14 ሄሊ"ሳዎ ዩሱሴ ዲዛሞ ሂዚ ጌዒ ዓይሣኔ፡- «ሓያ ባኮ ያኦማኣ ኬኤዚፖ፤ ጋዓንቴ ዴንዲ ኔና ቄኤሳሢሞ ዳዌ፤ ዴሮ"ሞ ማርካ ማዓንዳጉዲ ኔኤኮ ጌኤሻኪዎ ዛሎ" ሙሴ ዓይሣ ያኦሲሞ ዲንጎ ባኮ ዲንጌ።»

15 ዩማፓ ዩሱሴኮ ሱንፃ ቤርታኣሰካፓ ባሽና ዎይዚንቴሢር ማርጌ ዓሳ ዲዛሲ ዎይዚና ፔኤኮ ዶርዓሰካፓ ዳቃኒ ኮዒ ዲዛ ኮራ ቡካኔ። 16 ዲዚ ጋዓንቴ ሲያ ዎዴ ፔኤር ሌሊ ዔቁ ቤሲ ዴንዲ ዴንዲ ሺኢቃ።

**ዩሱሴ ዎሶ ዓሲሰኬያ ፒሼሢ**  
 (ማቴ. 9፡1-8፤ ማር. 2፡1-12)

17 ፔቴ" ኬሊ" ዩሱሴ ዔርዚያይዳ ዓኣንቴ ፔርሴ ዓሶና ሙሴ ዔርዜ ዎጎ ዔርዛ ዓሳ ዲዛ ኮይላ" ዴዒ ዓኣኔ፤ ዔያታ ጌሊላና ዪሁዳ ጉርዶናይዳ፤ ይያጉዲ ሃሣ ዩሩሳላሜ ካታማፓ ሙኬያኬ፤ ዩሱሴ ሃርጊንቴ ዓሶ ፓሢንዳጉዲ ያኦሲ ዲንጌ ዎልቄ ዲዛና ዓኣኔ። 18 ዲማ"ና ፔቴ" ዎሶ ዓሲ ሃሎና ኬዴ ዓሲ ዩሱሴ ኮራ ዲዚ ዓኣ ቤዘ ሙኪ፣ ዩሱሴ ዓኣ ኬኤዎ ጌልዚ ዲዛኮ ቤርታ ጌሢኒ ኮዔኔ፤ 19 ጋዓንቴ ዴሮ"ኮ ማርጉማፓ ዔቄያና ዎሶ ዓሢ ጋር ዔኪ ጌላኒ ዔያቶ ባሼሢር ማኣርኮ ዑዎ ዔኪ ጊዓዎ ማኣርኮ ሄላሢዳ ኬሰኬኔ፤

---

5:14 ለዊ. ዓክ 14፡1-3።

ዩካፓ ሳኮ ሻሂ \* ዋቦ ባሢ ሃላሢና ዋላ" ዩሱሴኮ ቤርታ ኬይሴኔ።  
20 ዩሱሴ ዔያቶኮ ጉሙርቂዎ ዛጌ ዎደ"ና ዎባሢም፡- «ዔኤዛይ!  
ኔኤኮ ጎማ ባቶም ጌይንቴኔ» ጌዔኔ።

21 ሙሴ ዔርዜ ዎጎ ዔርዛ ባሶና ፔርሴ ባሶና፡- «ዎኦሲ ጫሽካሢ  
ሓይ ያናዳይ? ጎማ ባቶም ጋባሢ ዎኦሲዳፓ ባቴም ማሌ" ያናዳይ?»  
ጌዔ ጌዔ ማሌኔ።

22 ዩሱሴ ዩያ ማሊዎ ዔያቶኮ ዔራዎ፡- «ዒንሢ ዒኖና ባይጎር  
ዩያ ጌይ ማላይ? 23 ማባዛ ሓማ ኔኤኮ ባቶም ጌይንቴኔ» ጌይሢና  
ሓቂ ዴንዴ ጌይሢናይዳፓ ዎና ሹሌባይ? 24 ጋባንቴ ባሲኮ ናባሢ  
ሳይዳ ጎማ ባቶም ጋባኒ ቢታንቶ ባኣያ ማዔሢ ዒንሢ ዔራንዳያ  
ኮይሳኔ» ጌዔ ዋቦ ባሢም፡- «ዔኤዛይ፣ ኔኤኮ ሃላሢ ኬዲ ዔኪ ኔ  
ማኣሪ ባኣዳ!» ጌዔኔ።

25 ዋቦ ባሢያ ባሶ ቤርቶይዳ ዔቃዎ ሃላሢ ፔኤኮ ኬዲ ዎኦሲ  
ጋላቲ ጋላቲ ፔ ማኣሪ ዴንዴ። 26 ዒኢካ ባኣ ባሳ ቢያ ሚርጌና ዲቃቲ  
ሄርሺ ሓሣ ዒጊጫዎ፡- «ሓኖ" ኑ ባኪ ባኣዚ" ዛጌኔ» ጌዔ ዎኦሲ  
ጋላቲኔ።

**ዩሱሴ ማቲዎሴ ጌይንታ ሌዊ ዔኤሌ'ሢ**  
(ማቲ. 9፡9-13፤ ማር. 2፡13-17)

27 ዩሱሴ ዩካፓ ኬሰኪ ባኣዳንቴ ሌዊ ጎዎ፣ ኮርሞ ኮርማ  
ባሶይዳፓ ሚኢሾ ቡኩሳሢ ሚኢሾ ቡኩሳ ቤዛ ዴዒ ባኣንቴ ዛፓዎ፡-  
«ሓኒ ታ ጊንዎ ሙኬ» ጋባዛ፣ 28 ሌዊ ላባ ጌዒ ዔቂ፣ ቢያ ባኮዎ ሓሺ" ዩሱሴ ጊንዎ ዴንዴኔ።

29 ዩካፓ ሌዊ ፔ ማኣርይዳ ዩሱሴ ቦንቺ ዴኤፒ ሙኡዚ" ጊኢጊሻዛ ዩኖ ሙዎይዳ ሚርጌ ኮርሞ ኮርማ ባሶፓ ሚኢሾ ቡኩሳ  
ባሶና ማሌ" ሚርጌ ባሲያ ዒኢካ ሙኬኔ። 30 ፔርሴ ባሶና ዔያቶ  
ዎጳፓ ማዔ፣ ሙሴ ዔርዜ ዎጎ ዔርዛ ባሳ፡- «ኮርሞ ኮርማ ባሶይዳፓ  
ሚኢሾ ቡኩሳ ባሶና ጎሞ ባሶና ዎላ" ዒንሢ ሙይ ዑሽካሢ  
ባይጌንዴርዳይ?» ጌዔ ዩሱሴኮ ጊንዎ ሃንታዞንሢ ዑዎ ጉንዳማኔ።

31 ዩሱሴ ዒማ"ና ሂዚ ጌዒ ዔያቶም ማሄኔ፡- «ሃርጊንቴ ባሲም  
ማባንዳኣፓ ባቴም ዋሊ" ባሲም ዴኤሻ ዔራ ባሲ ኮይሱዎሴ፤  
32 ታኣኒ ሙኬሢ ጎሞ ባሳ ጎሞ ፔኤኮ ቡኡዲ ዎኦሲ ባንሢ ማዎም  
ዔኤላ"ኒ ማባንዳኣፓ ባቴም ዲሎ" ባሶ ዔኤላ"ኒ ተዋሴ።»

---

\* 5:19 ሳኮ ሻሂ፡- ጋባዛ ዩኖ ዎደ"ና ማኣር ማኩሢ ሳከናቱዋንቴ ባጪ ዲንቂ ዋላ" ካንሢ ቆርቆሪንቴና ዳልጊሺ ማኣርኮ ዑዎ ጌሢ ማኩያኬ፤ ዩኖር ማኣርኮ ዑዎ ኬሰኪ ዔቂንታኒ ዳንዳዔኔ ጌይሢኬ። 5:30 ሉቃ. 15፡1-2።

ሙያ ሐሺ"ያ ዳምቦ ዛሎ" ያኑጩንቴ ያኑጩህ  
(ማቴ. 9፡14-17፤ ማር. 2፡18-22)

33 ዩዳ ሕግ ዓይነት ዩሱስ ኮራ፡- «ማሰካ የሐኪሴና ፔርሴ ዓሶናኮ ጊንያ ሃንታዞንህ ሙያ ሃሺ"ያ ዳምቦ ካፓኔ ሐህ ሺኢጲህያ ዎደ"ማ ካፒ ካፒ ሺኢቃኔ፤ ኔ ጊንያ ሃንታዞንህ ጋዓንቴ ቢያ ዎደና ሙዒ ዑሽካህህ ዓይገንዳርዳይ?» ጌይ ዒዛ ያኑጩኔ።

34 ዩሱስ ዓይነት ማሃያ፡- «ዑኡታህህ ዓይነትና ዎላ" ዓኣንቴ ዓፖ ዓሶም ሙኡዚ" ሃሺ"ህህ ኮይሳኔ ጌይ ዒንህህ ማላ? 35 ጋዓንቴ ዑኡታህህ ዓይነትዳፓ ዲማዳንዳ ዎደ ሙካንዳኔ፤ ዩኖና ዓይነት ሙኡዚ" ሃሻ"ንዳኔ» ጌዔኔ።

36 ሄሊ"ሳዎ ዩሱስ ሂዚ ጌዒ ፔቴ" ኮኦኪንህህ ዓይነትም ኬኤዜኔ፡- «ዓኪ ዓፒላይዳፓ ዳርዚ ዓኪ ጩሚ ዓፒላይዳ ዓጊ ሰካይ ያኑኒያ ባኣሴ፤ ዩያይዳ ዓሲ ዓኣቶ ጋዓንቴ ዓኮ ዓፒሎ ጉሪ ዳዳርዜያ ማዓኔ፤ ዓኮ ዓፒላኣ ጩሞ ዓፒሎም ጊኢጉዎሴ፤ 37 ዩያጉዲ ሃህ ሶልኪ ዑሺ ዎሆ ጩንቄ ያቲዳ ሺሜ ዑሺ ዎሃይ ያኑኒያ ባኣሴ፤ ዩያይዳ ዓሲ ዓኣቴ ጋዓንቴ ሺሜ ዑዠ ያቶ ዲኡሴም፡ ዑዠኣ ላኣሊንታንዳኔ፤ ሃህ ያታኣ ሃይቂ ጉሪ ዓታንዳኔ። 38 ዩያሮ ሺሜ ዑዠ፡ ዓኪ ያቲዳ ዎሃንዳያ ኮይሳኔ፤ 39 ማርጌ ዎደ ዳዒ ሶልኬ ዑሺ ዑሽካህህ ሺሜ ዑዠ ዑሽካኒ ኮዑዎሴ፤ ዓይነር ጌዔቶ «ዳዒ ካዳ፡ ሶልኬ ዑሺ ኮሺኬ» ጋዓኔ።»

# 6

ዓይሁደ ዓሶኮ ሃውሾ ኬሎ" ዛሎ" ያኑጩንቴ ያኑጩህ  
(ማቴ. 12፡1-8፤ ማር. 2፡23-28)

1 ዓይሁደ ዓሶኮ ሃውሾ ኬሎ"ና ዩሱስ ዛርጌ ጎሺ ጊዳና ዓኣዳንቴ ዒዛኮ ጊንያ ሃንታ ናኣታ" ዛርጎ ተሻህህ ዲኡዚ ዓኪ ዓኪ ኩቻ ሺርኪ ዳይህህ ዓርቄኔ፤ 2 ፔርሴ ዓሶይዳፓ ፔቴ" ፔቴ"ዞንህህ ዩሱሴኮ ጊንያ ሃንታ ናኣቶ" ኮራ፡- «ዓይሁደ ዓሶኮ ሃውሾ ኬሎ"ና ማዳንታኒ ኮይሱዎ ባኣዚ" ዒንህህ ዓይነር ማዳይ?» ጌዔኔ።

3 ዩሱስ ዓይነት ሃዚ ጌዒ ማሃኔ፡- «ዒዛንታ ዒዛና ዎላ" ዓኣ ዓሳ ናይዳንቴ ዎደ"ና ዳውቴ ማዳ ባኮ ዒንህህ ናባቢባኣዳዳ?

4 ዒዚ ያኑሲ ማኣሪ ጌሊ ቄኤሶይዳፓ ዓታዛ ማሌ" ሙዓንዳጉዲ ዓይህንቴባኣ፡ ዲማሶና ካዎ ዓኪ ሙዒ ዒዛና ዎላ" ዓኣ ዓሶማኣ ዒንገኔ።»

6:1 ላሚ. ዎማ 23፡25። 6:3 1ሳሙ. 21፡1-6። 6:4 ሉዊ. ዓኬ 24፡9።

5 ሄሊ"ሳዖ ዩሱሴ፡- «ዓሲኮ ናዓሢ ሃውሾ ከሎ"ኮዋ ጎዳኬ» ዔያቶም ጌዔኔ።

ዩሱሴ ኩቺ ዋቦ ዓሲ ፓሜሢ  
(ማቴ. 12፡9-14፤ ማር. 3፡1-6)

6 ሃሢ ማሌ" ዓይሁደኮ ሃውሾ ከሊ" ዓቢና ዩሱሴ ዓይሁዳ ዓሶኮ ቡኪንቶ ቤዞ ጌሊ ዔርዚሢ ዓርቄኔ፤ ዒኢካ ሚዛቆ ኩጫ ዋቤ ፔቴ" ዓሲ ዓኣኔ። 7 ሙሴ ዔርዜ ዋጎ ዔርዘ ዓሶንታ ፔርሴ ዓሶንታ ዩሱሴ ዋጎና ዓይሢሳንዳ ዳቢንቲ ዳንቃኒ ኮዓዖ፡- «ሂንዳ ዒ ሃያ ሃውሾ ከሎ"ና ዓሢኮ ኩጫ ፒሻቶ ኑ ዛጎም» ጌዒ ዒዛ ካፔኔ። 8 ዩሱሴ ጋዓንቲ ዔያቶኮ ማሊያ ዔራዖ ኩጫ ዋባሢም፡- «ሃካ ሙኪ ባኣካ" ዔቄ!» ጋዓዛ፣ ኩጫ ዋቦ ዓሢያ ባኣካ" ሙኪ ዔቄኔ። 9 ዩማ"ና ዩሱሴ፡- «ሂንዳ ታ ዒንሢ ምክጫ፤ ዓይሁደ ዓሶኮ ሃውሾ ከሎ"ና ዓይሢንቲሢ ኮሺ ማዶ ማዶሢም ፑርታ ማዶሢደይ? ሃሢ ሸምፖ ዳዳቄሸሢም ባባይዚሢዳይ?» ጌዔኔ። 10 ዩሱሴ ኮይሎ"ይዳ ዓኣ ዓሶ ባንሢ ቢያ ዛጌሢኮ ጊንጎ ኩጫ ዋቦ ዓሢም፡- «ኩጫ ኔኔኮ ፒሺ!» ጋዓዛ፣ ዒዚ ኩጫ ፒሻዛ ኩጫ ፒኪ [ባጎ ኩጫ ጉዲ] ኮሺ ማዔኔ።

11 ሙሴ ዔርዜ ዋጎ ዔርዘ ዓሶና ፔርሴ ዓሶና ጋዓንቲ ሚርጌና ዳጋዳዖ፡- «ዓካሪ ሃያ ዩሱሴ ኑ ዋዎዶ"ንደይ?» ጌይ ዋላ" ጌሰቴኔ።

ዩሱሴ ታጾ ላምዖ ዳኪንቲዞንሢ ደኦሪሢ  
(ማቴ. 10፡1-4፤ ማር. 3፡13-19)

12 ዩካፓ ፔቴ" ከሊ" ዩሱሴ ሸኢቃኒ ዳኬ ከሰኪ ዒኢካ ዩኖ ዋንቲሎ ጉቤ ምኦሲ ሸኢቄ ጎይሢ ዋርቄኔ። 13 ዚር ጉቴ"ሎ ዒዛኮ ጊንጎ ሃንታዞንሢ ዒዛ ባንሢ ዒ ዔኤላ"ዖ ዔያቶ ባኣካ"ፓ ታጾ ላምዖንሢ ደኦሪ «ዳኪንቲዞንሢ» ጌይ ሱንሢ ጌሜኔ። 14 ዩያታ ሃይፓ ዴማ" ፓይዲንታዞንሢኩ፡- ጳዲርሴ ጌይንቲ ሱንጎ ጌሢንቲ ሲሞኦኔና ጌርሲ ዒንዲራሴ፣ ያይቆኦ፤ ዮሐኒሴ፣ ፒልጶሴ፣ ቤርቴሌሞሴ፣ 15 ማቴዎሴ፣ ቶኦማኣሴ፣ ዒልፒዮሴ ናኣዚ" ያይቆኦ፤ «ፔ ዓጮ ሚጪንታያ» ጌይንታ ሲሞኦኔ፣ 16 ያይቆኦና ናኣዚ" ዩሁዳንታ ዩሱሴ ዓኣሢ ዒንጌ ዓሰቆርንቶ ዓጮ" ዓሢ ዩሁዳንታኩ።

ዩሱሴ ሚርጌ ዓሶ ዔርዚሢንታ ደርዓሢፓኣ ፓሜሢ  
(ማቴ. 4፡23-25)

17-18 ዩሱሴ ዳኪንቲዞንሢና ዋላ" ዳካ"ፓ ከዲ" ቦኦላ" ዔቄኔ፤ ዒማ"ና ዒዛ ዓሲ ማዔ ዓሶፓ ሚርጌ ዓሲ ዒኢካ ዓኣኔ፤ ዩያጉዲ

ሃሣ ዒዛሲ ዋይዛኒና ሃርጎይዳፓኦ ፖዓኒ ኮዒ ሙኬ ሚርጌ ዓሲ ዓኣኔ፤ ዔያታ ሙኬሢ ዪሁዳ ዓጫ"ፓ፣ ዪሩሳላሜ ካታማፓ፣ ባዘ" ዓጫይዳ ዓኣ ሂርሴና ሲዶና ካታሞናይዳፓኬ፤ ፑርቶ ዓያኖና ዓርቂንቲ ሜታዳ ዓሳኣ ዒዛ ኮራ ሙኬ ፖዓኔ። 19 ዓሲ ደቂሻ ዋልቄ ዒዛይዳፓ ኬሰኪ ኬሰኪ ሃርጌ ዓሶ ቢያሢ ፖዒሳያ ማዔሢሮ ዓሳ ቢያ ዬሱሴኮ ዑያ ካኣማኒ ኮዓኔ፤ ካኣሜ ዓሳኣ ቢያ ደቄኔ።

**ዋዛና ያዪሢና ዛላ**  
(ማቲ. 5፡1-12)

20 ዬሱሴ ሺሪ ፔኤኮ ጊንያ ሃንታዞንሢ ባንሢ ዛጋያ ሂዚ ጌዔኔ፡-  
«ያኦሲ ካኣቱማ ዒንሢሞታሢሮ  
ዒንሢ ማንቆ ዓሳ ዓንጂንቱያኬ!

21 ዒንሢ ሃሢ ሰይዳንታዞንሢ  
ጊንፃፓ ሚሽካንዳሢሮ ዒንሢ ዓንጂንቱያኬ!

ዒንሢ ሃሢ ዬኤካዞንሢ  
ጊንፃፓ ሚኢ ጫንዳሢሮ ዒንሢ ዓንጂንቱያኬ!

22 «ዒንሢ ዓሲ ሰዓሢ ጊንያ ሃንታሢሮ ዓሳ ዒንሢ ዒፃኣና ሃሢ ሉኡና ፔቴ" ማዒፖቴ» ጌዒ ዒንሢ ዲማሳኣና ጫሽኪ ዒንሢኮ ሱንያ ፑርቲሶናቱያ ዒንሢ ዓንጂንቱያኬ!

23 «ጫሪንጮይዳ ዒንሢሞ ዒንጎንዶ ባካ ዴኤፒ ማዔሢሮ ዬይ ቢያ ዒንሢዳ ሄላ"ኣና ዋዛዲ ኮኣሙዋቴ፤ ዔያቶኮ ዓድንሢያ ቤርታ ያኦሲ ማሊያ ኬኤዛ ዓሶ ዑፃ ዬያጉዲ ፑርታ ባኣዚ" ማዴያኬ።»

24 «ዒንሢ ያርጎጫ ጋዓንቲ ዒንሢ ኮዔ ባኮ ቢያ ሃሢ ዴንቄያ ማዔሢሮ  
ዒንሢና ባዴዔ!

25 ዒንሢ ሃሢ ሚሽኬ ዓሳ  
ሃጊ ዒንሢ ሰይዳንዳሢሮ ዒንሢና ባዴዔ!

ዒንሢ ሃሢ ሚኢ ጫ ዓሳ  
ሃጊ ዒንሢ ያዪ ዬኤካንዳሢሮ ዒንሢና ባዴዔ!

26 «ዓሳ ጉቤ ዒንሢ ጋላቲ ዒንሢ ዛሎ" ኮሺ ባኣዚ" ኬኤዛቶ ዒንሢና ባዴዔ! ዔያቶኮ ዓድንሢያ ሉኡቄ ያኦሲ ማሊያ ኬኤዛኔ ጋዓ ዓሶ ዬያይዲናኣኮከ።»

**ዋርኬ ናሽኪሢ ዛላ**  
(ማቲ. 5፡38-48፤ 7፡12)

6:22 1ጴ. 4፡14። 6:23 2ካኣቶ". ማ 36፡16፤ ዳኪ. ማደ" 7፡52።

27 ዲንሢ ዋይዛዞንሢም ጋዓንቴ ታ ሂዚ ጋዓኔ፡- ዲንሢኪኮ ሞርኮ ናሽኩዋቴ፤ ዲንሢ ዲፃ ዓሶም ኮሺ ማዲዋቴ፤ 28 ዲንሢም ጋዳንቃዞንሢ ዓንጅዋቴ፤ ዲንሢም ፑርቲሲ ደባዞንሢም ሸኢቁዋቴ፤ 29 ፔቴ" ጋንጋሮ ባዓሢም ባጎ ጋንጋሮ ሸርሹዋቴ፤ ዑፃ ኔ ማእዔ ማእዓሢ ኔኤኮ ዔካኒ ኮዓሢም ዴማ" ኔ ማእዔሢያ ቃሲ" ዲንጌ፤ 30 ኔና ሸኢቃሢም ቢያ ዲንጌ፥ ኔ ባኣዚ" ማዔያ ዔካሢ ኔኤም ማሃንዳጉዲ ጾኦጪግ፤ 31 ዓሳ ዲንሢም ማዳንዳጉዲ ዲንሢ ኮዓ ባኮ ዲንሢ ዬያጉዲ ዔያቶም ማዲዋቴ።

32 ዲንሢ ናሽካዞንሢ ዲንሢ ናሽኬቴ ዓይጎ ባሽ ባኣዚ" ዲንሢ ዴንቃንዳይ? ጎሞ ዓሳ ፔና ናሽካዞንሢ ናሽካኣዋይ! 33 ዲንሢም ኮሺ ባኣዚ" ማዴዞንሢም ሌሊ ኮሺ ባኣዚ" ዲንሢ ማዴቶ ዓይጎ ባሽ ባኣዚ" ዲንሢ ዴንቃንዳይ? ጎሞ ዓሳ ዬያጉዲ ማማዳኣዋይ! 34 ኑም ማሃንዳኔ ጌዒ ጉሙርቃ ዓሶንሢም ሌሊ ዲንሢ ታልዔቶ ዓይጎ ባሽ ባኣዚ" ዲንሢ ዴንቃንዳይ? ዬያጉዲ ዔያታ ታልዔዞንሢ ማሂ ዔካኒ ጎሞ ዓሳ ጎሞ ዓሶም ታልዓያከ። 35 ዲንሢ ጋዓንቴ ዲንሢኪኮ ሞርኮ ናሽኩዋቴ፤ ኮሺ ባኣዚ"ያ ዔያቶም ማዲዋቴ፤ «ታልፆ ኮኡኮ ማሃንዳኔ» ጌይ ዋዛ ጌሡዋፆ ታልዑዋቴ፤ ዬያ ዲንሢ ማዴቶ ዲንሢም ዲንጎንደ ባካ ዴኤፒ ማዓንዳኔ፤ ፑኡጉ ጾኣዛሢ ናይያ ዲንሢ ማዓንዳኔ፤ ዲዚ ማዲንቴ ባኮሮ ጋላቴዋዞንሢና ፑርቶንሢማኣ ኮሺከ። 36 ዲንሢኪኮ ጫሪንጮ ዓዳሢ ሚጪንታያ ማዔሢር ዲንሢያ ዓሲ ሚጪንታያ ማዑዋቴ።

**ሜሌ" ዓሲ ዑሰካ ዋጊሢ ኮይሱዋኣሢ**  
(ማቴ. 7፡1-5)

37 «ዓሲኮ ደቢንቴ ኮይ ሸሪፖቴ፤ ጾኦሲያ ዲንሢ ደቢንቶሮ ሜቶ ዲንሢም ዲንጋዓከ፤ ገጊዳኣ፡- «ዒ ፑርታከ» ጌዒ ዋጊፖቴ፤ ዲንሢ ዑፃኣ ጾኦሲ ዋጋዓከ፤ ዲንሢም ደባሢም ዓቶም ጎዑዋቴ፤ ዲንሢማኣ ጾኦሲ ዓቶም ጋዓንዳኔ፤ 38 ዓሲም ዔኤቢ ዲንጉዋቴ፥ ዲንሢማኣ ጾኦሲ ዲንጋንዳኔ፤ ዲንሢ ማካ" ባኮና ዬያጉዲ ጾኦሲ ዲንሢም ማካንዳኔ፤ ዬያይዲፓ ዑሣ ቃራ ማኮ ባኣዚ"ና ቱቸ፥ ጫርጊ ላኣሊንታንዳያ ሄላ"ንዳኣና ማከ" ዲንሢም ዲዚ ዲንጋንዳኔ።»

39 ሄሊ"ሳፆ ዬሱሴ ሂዚ ጌይ ማላታና ዔያቶም ከኤዜኔ፡- «ዓኣፒ ባይቄያ ሜሌ" ዓኣፒ ባይቄ ዓሲ ጎቺ ሃንታኒ ዳንዳዓ? ዬያጉዲ ማዴቶ ላምፆንሢ ዋሊ ዔኪ ዔቴይዳ ሎኣማንዳኔ። 40 ሃጊ ዔራ

---

6:31 ማቴ. 7፡12። 6:39 ማቴ. 15፡14።

ናዓሢ ዔርዛሢዳፓ ባሹዋሴ፤ ጋዓንቴ ሃጊ ዔራ ናዓሢ ዔርዛ ባኮ ጋፒሲ ዔሬያ ማዔቶ ፔኤኮ ዔርዛሢጉዲ ማዓንዳኔ።

41 «ኔኤኮ ዓኣፖይዳ ዓኣ ዴኤፖ ቡኡሮ ኔ ዛጉዋዎ ዓይጎሮ ዓሶ ዓኣፖይዳ ዓኣ ዳኮ" ቡኡሮ ኔ ዛጋይ? 42 ሃሣ ኔ ዓኣፖይዳ ዓኣ ዴኤፖ ቡኡሮ ዛጉዋዎ ማሌ "ሢ ኮራ ተ ዲሻሢዮ፣ ሂንዳ ተ ኔኤኮ ዓኣፓ ዓኣ ቡኡሮማ ኬሶ"ሞ። ዋይቲ ኔ ጋዓይ? ኔ ጎኦቦ" ማላሢ ቤርታዲ ኔ ዓኣፖይዳ ዓኣ ዴኤፖ ቡኡሮ ኬሶ"፤ ዩካፓ ማሌ "ሢ ዓኣፓ ዓኣ ዳኮ" ቡኡሮ ኔ ዴንቁ ኬሳ"ኒ ዳንዳዓኔ።»

**ሚያኮ ዓኣፓፓ ዔርቲያ**  
(ማቴ. 7፡16-20፤ 12፡33-35)

43 «ኮሺ ሚሢ ፑርታ ዓኣፒ ዓኣፑዋሴ፤ ዩያጉዲ ፑርታ ሚሢ ኮሺ ዓኣፒ ዓኣፑዋሴ። 44 ሚሢ ቢያ ዓኣፓፓ ዔርታኔ፤ ጋኣላንሣይዳፓ ሻኣቢ ዓኣፒ ማንፂንቴዋሴ፤ ዩያጉዲ ሃሣ ጋውዲዳፓ ኩንቴፋሺ ማንፂንቴዋሴ። 45 ዩያሮ ኮሺ ዓሲ ፔኤኮ ኮዦ ዲኖይዳፓ ኮሺ ባኣዚ" ኬሳ"ኔ፤ ፑርታ ዓሲያ ፑርቶ ዲኖይዳፓ ፑርታ ባኣዚ" ኬሳ"ኔ። ዓሲ ፔ ዳንጎና ኬኤዛሢ ዲኖ" ኩሚ ኬሰኬሢኔ።

**ላምዎ ዲማ ዲማ ማኣሪ ማዜ ዓሲ**  
(ማቴ. 7፡24-27)

46 «ታኣኒ ዲንሢም ኬኤዛሢ ዲንሢ ኩንሡዋሴ፤ ሂዳዎ ዓይጎሮ ዲንሢ ተ ጎዳሢዮ! ታ ጎዳሢዮ!። ጌዒ ታና ዔኤላ"ይ? 47 ሃንጋ ታ ባንሢ ሙካሢና ታ ጋዓሢያ ዋይዚ ኩንሢሢ ዎና ማላቴያ ታ ዲንሢም ኬኤዛም፤ 48 ዩይ ዔቶ" ኮሺ" ጌልዚ ቦኦኪ ደቁ፣ ማኣሮ ደዶ ላሎይዳ ቦኦኮልቁ ዓሢ ማላኔ፤ ዲጲ ሙኪ ዩኖ ማኣሬሎ ሂዔኔ፤ ጋዓንቴ ኮሺ" ቦኦኪንቴ ደዲ ቤሰካ ማዢንቴሢሮ ዓጊሣኒ ዳንዳዒባኣኔ። 49 ታ ጋዓ ባኮ ዋይዚ ኩንሡዋኣሢ ጋዓንቴ ደዲ ቦኦኮላ ባኣያ፣ ማኣሮ ሺኢቺ ሳዓይዳ ካኣሺ ደቁ ማዜ ዓሲ ማላኔ፤ ዲጲ ሙኪ ዩኖ ማኣሬሎ ሂዔ ዎዶ"ና ቤዞና ጋፒ ደዔኔ።»

# 7

**ጄኤቶ ፖኦሊሶ ዓይሣሰኬያኮ ጉሙርቁሢ**  
(ማቴ. 8፡5-13)

1 ዩሱሴ ዩያ ቢያ ዴሮ"ሞ ኬኤዚ ጋፒሴሰካፓ ቁፒርናሆሚ ካታሞ ዓኣዴኔ። 2 ዲኢካ ፔቴ" ሮሚ ዓጪ ዓሲ ማዔያ፣ ጄኤታ

---

6:40 ማቴ. 10፡24-25፤ ዮሐ. 13፡16፤ 15፡20። 6:44 ማቴ. 12፡33። 6:45 ማቴ. 12፡34።

ፖኦሊሴ ዓይሠሰኬይ ዓኣኔ። ዒዚ ሚርጌ ናሽካ፣ ዒዛም ዓይሠንቴ ማዳሰኬይ ኮሺ" ሃርገንቴ ሃይቃኒ ዑኬኔ። 3 ጃኤቶ ፖኦሊሶ ዓይሠሠሚ ዩሱሴ ዛሎ" ዋይዜ ዎዶ"ና ዓይሠዶ ዓሳኮ ጨሞ ኮራ፡- «ሃዳራቴ፣ ዩሱሴ ሙኪ ታኣኮ ማዳሠሚ ፖሊሳንዳጉዲ ዒዛ ታኣም ሺኢቁዋቴ» ጌዒ ዔያቶ ዳኬኔ። 4 ዔያታ ዩሱሴ ባንሢ ዓኣዳዎ፡- «ዩያ ዒዛም ኔ ማዳኒ ኮይሳ ዓሲኬ፤ 5 ዒዚ ኦኡኮ ዳሮ" ናሽካያኬ፤ ዩያሮ ኦኡኮ ቡኪንቶ ቤሲያ ዒ ኦም ማዦኬ» ጌይ ዶዲሺ ዒዛ ሺኢቁኔ።

6 ዩያሮ ዩሱሴ ዩንሢ ዓሳንሢና ዎላ" ዓኣዳ፣ ጃኤቶ ፖኦሊሶ ዓይሠሠሚ ማኣር ሄላ"ኒ ዑካዛ ላሚ ሃሣ ጃኤቶ ፖኦሊሶ ዓይሠሠሚ ዒዛኮ ላጌሰከንሢ ዩሱሴ ኮራ፡- «ጎዳሢዮ! ታኣኒ፣ ኔ ታ ማኣሪ ጌላንዳ ዓሲቱዋኣሢ ጋ ኮይላ" ሙኪ ላቢ"ፖ። 7 ታኣኒያ ኔ ኮይላ" ሙካኒ ዳንዳዓ ዓሲቱዋሴ፤ ዩያሮ ኔኤኒ ዩካ ዓኣዎ ዳንጋና ሌሊ ዓይሠጌቱ ታኣኮ ማዳሠሚ ፖፖሳንዳኔ። 8 ታኣኒ ታ ቶኦኪና ዎይሣ ዓሳም ዓይሠንታያታዎ ታኣኮ ዳማ" ታ ዓይሠ ፖኦሊሴ ዓኣኔ። ዩያሮ ዔያቶይዳፓ ፔቱ"ሢ «ዳንዳ» ታ ጋዓዛ ዳዳንዳኔ፤ ባጋሢ ሃሣ «ሃኒ ሙኬ» ታ ጋዓዛ ሙሙካኔ፤ ታኣም ማዳሠሚኣ «ሃያ ማዳ» ታ ጋዓዛ ማማዳኔ» ሂዚ ጌዒ ከኤዙዋቴ ጌይ ዳኬኔ።

9 ዩሱሴ ዩያ ዋይዛዎ ዲቃቲ ሄርሺ ዒዛ ገንዖ ሙካ ዳሮ" ባንሢ ሺራ፡- «ዒሰራዔኤሌይዳታዎ ሃያጉዳ ጉሙርቁሢ ፔቱ"ታዎ ታ ዳንቁባኣሴ፤ ታ ዒንሢሞ ጋዓኔ» ጌዔኔ።

10 ዒዛ ኮይላ" ዳኪንቴ ዓሳንሢ ጃኤቶ ፖኦሊሶ ዓይሠሠሚ ማኣር ባንሢ ማዔ ዎዶ"ና ዒዛኮ ማዳሠሚ ፖሊ ዓኣንቴ ዔያታ ዳንቁኔ።

**ዩሱሴ ፔቱ" ዓኒ ሃይቁ ላኣሌሎኮ ሓይቁ ናዎ ዳቂሾሢ**

11 ዩማፓ ኔጉዎዎ ዩሱሴ ናይኔ ጌይንታ ፔቱ" ካታማሰኬኖ ዒዛኮ ገንዖ ሃንታዘንሢና ማሌ" ሃሣ ሚርጌ ዳሬና ዎላ" ዓኣዳኔ፤ 12 ዩሱሴ ካታሚሎ ጌላ ካሮ" ዑካዛ ዓሳ ሌሲ" ኬዲ ካታማ"ፓ ኬሰካኔ። ዩይ ሓይቁ ናዓሢ ዒንደኮ ፔቱ"ኬ። ዒንዳላኣ ዓኒ ሓይቁያ ዜኤሪንዶኬ፤ ሓሣ ዩኖ ካታሚሎይዳፓ ሚርጌ ዓሲ ዒዛና ዎላ" ዓኣኔ። 13 ጎዳሢ ዒዛ ዘጋዎ ዒዛ ሚጠንገቴ፡- «ዔናኣሬ፣ ዩኤኪፖ» ጌዔኔ። 14 ዩካፓ ዩሱሴ ቤርቲም ዳንዳዎ ኪንቺሎ ኩቻ ሄላ"ዛ ከዳ ዓሳ ዔቁኔ፤ ዩሱሴ ዒማ"ና፡- «ሃይ ኔ ዳጌሢ ዔቁ ታ ኔና ጋዓኔ!» ጌዔኔ። 15 ሓይቁሢያ ዩማና ዔቁ ዳዒ ጌሰቲሢ ዓርቁኔ፤ ዩካፓ ዩሱሴ ዒንዳሎም፡- «ሓይሾ ኔኤኮ ናዓሢ» ጌዒ ዒንጌኔ፤

16 ዩያሮ ቢያሢ ዒጊቸሞ ዓርቁም፡- «ኑ ባኣካ" ፑኡፒ ያኦሲ ማላሢ ከኤዛያ ዔቁኔ፤ ያኦሲያ ፔ ዳሮ" ዳቂሻኒ ሙኬኔ» ጌዒ ጌዒ ያኦሲ ጋላቲኔ።



17 ዩሱሴኮ ሱንፃ ዪሁዳ ዓጮ" ሃሃ ኮይሎ ዓጮ" ቢያይዳ ዋይዚንቴኑ።

ማሰካ የሐኪሴ ዳኬ ኪኢቶ" ዓሰንሢ  
(ማቴ. 11፡2-19)

18 የሐኪሴኮ ጊንፆ ሃንታዞንሢ የሱሴ ማዴ ባኮ ቢያ የሐኪሴም ኬኤዜኔ፤ ዲዚያ ዲዛኮ ጊንፆ ሐንታዞንሢዳፓ ላምዖንሢ ዔኤሌ"።-

19 « <ሙካንዳኔ> ጌይንቴ ሜሲሔ ኔናሞ ሜሌ" ኑ ካፖንዶይ? ጌዒ ዒዛ ዖኦጩዋቴ» ጌይ የሱሴ ባንሢ ዳኬኔ።

20 ዔያታ የሱሴ ኮራ ዓኣዳዖ፡- « <ሙካንዳኔ> ጌይንቴ ሜሲሔ ኔናሞ ሜሌ" ኑ ካፖንዶይ? ጌይ ዒዛ ዖኦጩዋቴ ጌዒ ማሰካ የሐኪሴ ኔ ኮራ ኑና ዳኬኔ» ጌዔኔ።

21 የሱሴ ዩማና ዓሰ ዲማ ዲማ ዶርዖና ፑርታ ሐርጌናይዳፓ ፓሢኔ፤ ፑርቶ ዓያኖዋ ኬሴ"ኔ፤ ሃሃ ሚርጌ ዓኣፖ ባይቄ ዓሰኮዋ ዓኣፖ ቡሌ"ኔ። 22 የሱሴ ሙኬ ኪኢቶ" ዓሰንሢም፡- «ማዒ ዴንዲፓፓ የሐኪሴም ዒንሢ ላጌ ባኮና ዋይዜ ባኮዋ ሂዚ ጌይ ኬኤዙዋቴ፡- ዓኣፖ ባይቄ ዓሰ ዛጋኔ፤ ዋሶ ዓሰ ፒኪ ሃንታኔ፤ ዑፃ ኬሰካ ዶርዓሢና ዓኣ ዳቃኔ፤ ዋዮ ባይቄ ዓሰ ዋይዛኔ፤ ሃሃ ሃይቄ ዓሰ ዔቃኔ፤ ማንቆ ዓሰማኣ ኮዦ ሃይሰ ኬኤዚንታኔ። 23 ሳንፎ ሉኡዚዳይ?» ጌዒ ታ ዛሎ"ና ዲቂንቴዋኣሢ ዓንጃንቴያኬ» ጌዔኔ።

24 የሐኪሴ ኮራፓ ሙኬ ኪኢቶ" ዓሰንሢ ማዒ ዴንዲፓፓ የሱሴ የሐኪሴ ዛሎ" ዳሮ"ም ሂዚ ጌዒ ኬኤዚሢሢ ዓርቄኔ፡- «ዒንሢ ሃካ ዓሰ ናንጉዋ ዳውሎ" ዓይጎ ዛጋኒ ሙኬይ? ዠባራ ዓገሢ ዳሮ" ፒሎ" ዛጋኒዳ? 25 ሃሃ ዒንሢ ዓይጎ ዛጋኒ ኬሰኬይ? ጉኡዲሲ ሱኪ ዲይሶና ዓፒሎ ማኣዔ ዓሰ ዛጋኒዳ? ዩያጉዴ ዓፒሎ ማኣዒ፤ ፔና ኮሺ" ናንጋ ዓሰ ካኣቶ" ማኣራ ዓኣኔ! 26 ሂዴቶ ዓይጎ ዒንሢ ዛጋኒ ኬሰኬይ? ዖኦሲ ማሊሢ ኬኤዛ ዓሰ ዛጋኒዳ? ሂዮ ጎኔኬ፤ ፔቶ" ዩያ ዖኦሲ ማሊያ ኬኤዛሢዳፓ ባሾሢ ዛጋኒኬ። 27 ዲዚያ ቤርታ ቤርታ ዴንዲ ጎይያ ኔኤም ጊኢጊሻ ታኣኮ ኪኢቶ" ናዓሢ ታ ዳካንዳኔ» ጌይንቴ ዒዛ ዛሎ" ዖኣፒንቴሢኔ። 28 ሳይዳ ሾይንቴ ዓሰይዳፓ ቢያ የሐኪሴፓ ባሻይ ዖኦኒያ ባኣሴ፤ ዖኦሲ ካኣቶም ጋራ ዓኣ ዓሰ ባኣካ" ዓሰኬ ጌይንቴዋኣሢ ጋዓንቴ ዒዛፓ ባሾኬ» ጌዔኔ።

29 ዩያ ዔያታ ዋይዜ ዋዶ"ና ዴራ" ቢያ፤ ኮርሞ ዓሰፓ ሚኢሾ ቡኩሳ ዓሰኣ ዓቲዋዖ የሐኪሴ ኮራ ቤርታ ዋኣዖ ማሰቴሢር ዖኦሲ ማዳ" ፒዜ ማዔሢ ዔሬኔ። 30 ፔርሴ ዓሰና ሙሴ ዔርዜ ዋጎ ዔርዛ ዓሰ ጋዓንቴ፡- «የሐኪሴ ኮራ ኑ ማሰታዓ» ጌዒ ዖኦሲ ማሊያ ዓፄኔ።

7:22 ዒ.ሲ. 35፡5-6፤ 61፡1። 7:27 ሚ.ላ. 3፡1። 7:29 ማቴ. 21፡32፤ ሉቃ. 3፡12።

31 ሄሊ "ሳዖ ዩሱሴ፡- «ዓካሪ ሃያ ዎድ" ዓሶ ዓይጎና ታ ማላታንዳይ? ዓይጎ ዔያታ ማላይ? ጌዔቶ፡- 32 ዓሳ ቡካ ጳኦካ" ደዒ ዓማላ" ናኦቶ" ማላኔ፤ ዔያታ ዎሊ ዔኤሊ" ዔኤሊ" <ዎዛ ዓይኑዎ ኑ ዒንሢ ዎይዚሴኔ፤ ዒንሢ ጋዓንቴ ኮርገባኦ፤ ቃዮ ኑ ቃዩኔ፤ ዒንሢ ጋዓንቴ ዩኤኪባኦ፤ ጋዓዘንሢ። 33 ዩያጉዲ ማሰካ ዮሐኒሴ ሙዖ ሃሾ ዳምቦ ካፓዛ ሃሣ ማሣ ዎይኖ ዑዠዎ ዑሽኩዎዖ ሙካዛ <ፑርታ ዓያና ዒዛይዳ ዓኦኔ> ዒንሢ ጌዔኔ። 34 ዓሲኮና ዓሢ ሙዒ ሙዒ ሃሣ ዑሽኪ ዑሽኪ ሙካዛ <ሃይ ሃሣ ሙኡዚ"ና ማሣ ዑሺና ናሽካያ፥ ኮርዎ ዓሶፓ ሚኢሾ ቡኩሳዘንሢና ጎዎ ዓሶናኮ ላጌኬ> ዒንሢ ጌዔኔ። 35 ጋዓንቴ ያኦሲ ዔራቶኮ ፒዙማ ያኦሲም ዓይሢንታ ዓሶ ዛሎ"ና ፔጋዲ ዔርታኔ» ጌዔኔ።

**ዩሱሴኮ ቶኮ" ጎውቃ ቲዦና ቲሽኬ ላኦሊሰኬኖ**

36 ፔቴ" ፔርሴ ዓሲሰኬይ ዩሱሴ ሙኡዚ" ሙዓንዳጉዲ ዔኤላ"ዛ ዩሱሴ ዩያ ዓሢ ማኦሪ ጌሊ ሙዓኒ ደዔኔ። 37 ዩኖ ካታሚሎይዳ ፔቴ" ጎሚና ዓኦ፥ ላኦሊሰኬና ዓኦኔ፤ ዩሱሴ ፔርሴ ዓሢ፥ ሲሞኦኔ ማኦሪይዳ ሙዖም ዔኤሊ"ንቴሢ ዒዛ ዎይዛዖ ጎውቃ ቲሺ ሹቺ ቢልቃፃና ኩንሢ ዔኪ ሙኪ፥ 38 ዩሱሴኮ ጊንዖ ዛሎ"ና\* ቶኮ" ዓጫ ዔቂ፥ ዩኤኪ ዩኤኪ ዒዛኮ ቶኮ"ዎ ፔ ዓቢዖና ማሰኪ ፔኤኮ ቶኦኮ" ጋሞና ዑጫኔ፤ ሃሣ ቶኮ" ዒዛኮ ሄርቂያ ሄርቂ ጎውቃ ቲዦናኦ ቲሽካኔ። 39 ሙዖ ዒዚ ሙዖም ዔኤሊ" ፔርሴ ዓሢ ዩያ ዛጌ ዎድ"ና፡- «ሃይ ዓሢ ያኦሲ ማሊሢ ኬኤዛ ዓሲ ማዔቴ፥ ሃና ዒዛኮ ዑዖ ፒፃ" ላኦሊ ዖና ማዔቶ ሃሣ ዎዚጉዴ ጎሚና ዓኦያ ማዔቴያ ዔሪያናንዳኔ» ጌይ ፔ ዒኖና ማሌኔ።

40 ዩሱሴያ ፔርሴ ዓሢ ኮይላ"፡- «ሲሞኦኔ! ፔቴ" ታኔኤም ኬኤዛ ባኦዚ" ዓኦኔ» ጌዔኔ።

ዒዚ፡- «ዔርዛሢዮ! ሂንዳ ታኦም ኬኤዜ» ጌዔኔ።

41 ዩሱሴያ ሂዚ ጌዒ ሃይሶ ኬኤዚሢ ዓርቂኔ፡- «ፔቴ" ዓሲዳፓ ሚኢሹ ታልዔ ላምዖ ዓሲ ዓኦኔ፤ ፔቴ"ሢ ደንጎ ፃኤታ ኬሊ" ማዶ ማዶም ዒንጊንታ ቢራ፤ ባጋሢ ሃሣ ደንጊታሚ" ኬሊ" ማዶ ማዶም ዒንጊንታንዳ ቢራ ታልዒ ዔኬኔ። 42 ላምዖንሢ ዔያታ ታልዒ ዔኬ ሚኢሾ ጩጎ ባሽጉቴም ታልዒሢ ዔያቶኮ ጋሎ" ማሂሱዎዖ ሃሽ"ኔ፤ ዓካሪ ጋሎ" ዓሶ ላምዖንሢዳፓ ዎይ ባሽ ታልዒ ዓሢ ናሽካንዳያ ማላይ?» ጌዔኔ።

---

\* 7:38 ጊንዖ ዛሎ"ና፡- ጋዓዛ ዩኖ ዎድ"ና ዓይሁዶ ዓሳ ፔቴ" ፔቴ"ና ሙዖ ደዒ ሙዓ ጎይዖ ዩሱሴ ዔንዳይዳ ኬሬ ጌሢ፥ ዛላዲ ዓኦንቴኬ። 7:38 ማቴ. 26፥7፤ ማር. 14፥3፤ ዮሐ. 12፥3።

43 ሲሞክኑ፦ «ሚርጌ ጋላ" ዓቴ" ዓሢ ባሼ ዒዛ ናሽካንዲያ ማላኔ» ጌይ ማሄኔ።

ዩሱሴ፦ «ኔ ጌዔሢ ጎኔኬ» ጌዔኔ።

44 ዩካፓ ዩሱሴ ለአሌሎ ባንሢ ሺራዎ፦ «ሃሞ ለአሌሎ ኔ ዛጋ? ታ ኔ ማእሪ ጌላዛ ኔኤኒ ታ ቶኮም ዋኣሢታዎ ዒንገባኣሴ፤ ዒዛ ጋዓንቴ ቶኮ ታኣኮ ፔኤኮ ዓቢዖና ማሰኪ ፔ ቶኦኮ" ጋሞና ዑጩኔ።

45 ታ ኔ ኮይላ" ጌላኣና ኔ ታና ሄርቁባኣሴ፤ ዒዛ ጋዓንቴ ታ ኔ ማእሪ ጌሌሢዳፓ ዓርቃዎ ታኣኮ ቶኮ ሄርቁዎ ሃሺ"ባኣሴ፤ 46 ኔኤኒ ታኣኮ ቶኦኮ" ዛይቶ ቲኩናታዎ ቲሽኪባኣሴ፤ ዒዛ ጋዓንቴ ታኣኮ ቶኮ ሳሙቃ ቲኩና ቲሽኬኔ፤ † 47 ሚርጌ ጎማ ዒዛኮ ዓቶም ጌይንቴሢርኬ ሚርጌና ዒዛናሽኬሢ፤ ታ ኔኤም ጋዓኔ። ጎማ ዳካ" ዓቶም ጌይንቴሢ ጋዓንቴ ናሽካሢያ ዳካ"ኬ» ጌዔኔ።

48 ዩካፓ ዩሱሴ ለአሌሎ ኮራ፦ «ኔኤኮ ጎማ ዓቶም ጌይንቴኔ» ጌዔኔ።

49 ዒዛና ዎላ" ሙዓ ዓሳ፦ «ጎሜ ዓቶም ጋዓሢ ሃይ ዎዚ ዓሲዳይ!» ጌዒ ጌዒ ፔ ዒኖና ማሊሢ ዓርቁኔ።

50 ዩሱሴ ጋዓንቴ ለአሌሎ ኮራ፦ «ኔኤኮ ጉሙርቁፃ ኔና ዳቁሼኔ፤ ኮሺ ዓኣዴ!» ጌዔኔ።

# 8

## ዩሱሴኮ ጊንዖ ሐንቲ ዒዛም ማደ ለአሎንሢ

1 ዩካፓ ዩሱሴ ካታሞና ጉርድናይዳ ዖኦሲ ካኣቱም ኮዢ ሃይሶ ኬኤዚ ኬኤዚ ዓኣዳኣና ታጾ ለምዖ ዒዛኮ ጊንዖ ሃንታዘንሢያ ዒዛና ዎላ" ዓኣኔ። 2 ዩያጉዲ ሃሢ ፑርቶ ዓያና" ኬሰኬም ፖዔዘንሢያና ማሊ" ደርዓሢዳፓኣ ፖዔ ለኣላ ዩሱሴ ጊንዖ ዓኣዳኔ፤ ዔያታ፦ ለንካይ ፑርታ ዓያና ኬሰኬ ማይራማ፣ 3 ሄርዲሴ ማኣራ ዓኣ ዓሶ ዓይሢ ዎይሢ ኩዛ ጎዎሢ ማቻ ዮሃናንታ ሶሲና ጎዎዘንታ ማሊ" ሚርጌ ለአሊያ ዓኣኔ፤ ዩንሢ ለአሎንሢ ዩሱሴና ዒዛኮ ጊንዖ ሃንታዘንሢያና ፔኤኮ ሚኢሾ ዒንጊ ማኣዳ"ኔ።

## ዜርሢ ዜርቃ ዓሲ ኮኣኪንሢ (ማቲ. 13፥1-9፤ ማር. 4፥1-9)

4 ሚርጌ ዴሬ ካታማፓ ካታማፓ ሙኪ ዩሱሴ ኮራ ቡኪንታዛ ዩሱሴ ኮኣኪንሢና ሂዚ ጌይ ኬኤዜኔ፤

† 7:46 ዩይ ማዳ" ዓይሁደ ዓሳ ሾኦቺ ቦንቻዎ ማዳ ማዳኬ። 8:3 ማቲ. 27፥55-56፤ ማር. 15፥40-44፤ ሉቃ. 23፥49።

5 «ፔቴ" ጎሺ ጎሽካ ዓሲ ዜርሢ ዜርቃኒ ኬሰኬኔ፤ ዒዚ ዜርቃኣና ፔቴ" ፔቴ" ዜርፃ ጎይፆ ዓጫ ኬዲ" ሄርቂንቴኔ፤ ካፒያ ሙዔኔ። 6 ዛሎ" ዜርፃ ሃኣሻ ሳዓይዳ ኬዲ"፣ ባቃሌ ዎድ"ና ሳፆኮ ሚርጌ ዎውዎ ባኣሢር ባቃላ" ሃይቄኔ። 7 ዓቴ" ዜርፃ ሃሣ ዓንጊሢ ቶሻ ባኣካ ኬዳ"ዛ ዓንጊፆ ቶሻ" ዎላ" ዑጊ ባይዜኔ። 8 ሜሌ" ዜርፃ ጋዓንቴ ኮሺ ሳዓይዳ ኬዲ" ባቃሌኔ፤ ባቃላ"ኣ ዑጊ ፔቴ" ፔቴ"ሢ ሚርጌ ዲቢ ዓኣፒ ዓኣፔኔ።»

ዩካፓ ዩሱሴ፡- «ዎይዛሢ ኮሺ" ዎይዘንጎ!" ጌዔኔ።

**ዩሱሴ ኮኣኪንሦና ኬኤዚሴ ባኮ**  
(ማቴ. 13፡10-17፤ ማር. 4፡1-12)

9 ዒዚ ኮጊንፆ ሃንታዘንሢ ዩሱሴ ኮራ፡- «ዩኖ ኮኣኪንሢሎኮ ቡሊ"ፃ ዓይገንዴዳይ?» ጌይ ያኦጩኔ። 10 ዩሱሴ ዔያቶም ማሃዎ፡- «ዒንሢም ያኦሲ ካኣቱዎ ዛሎ"ኮ ዓኣሸንቴ ባኮ ዔሪሢ ዒንጊንቴኔ፤ ሜሌ"ዘንሢም ጋዓንቴ ቢያ ባኣዚ" ኮኣኪንሢና ኬኤዚንታኔ፤ ዓይጎር ጌዔቶ ዔያታ ዛጋያታፆ ዒና ዔኮዎጉዲ፣ ዎይዛያታፆ ጳቂሡዎጉዲኬ» ጌዔኔ።

**ዩሱሴ ዜርፆ ኮኣኪንሦ ቡሊ" ኬኤዜሢ**  
(ማቴ. 13፡18-23፤ ማር. 4፡13-20)

11 ኮኣኪንሦኮ ቡሊ"ፃ ያዲኬ፡- «ዜርፃ ያኦሲ ቃኣሎ"ኬ፤ 12 ጎይፆ ዓጫ ኬዴ" ዜርፃ ዳዎሢ' ቃኣሎ" ዎይዛ ዓሲኬ፤ ጋዓንቴ ዔያታ ጉሙርቂ ጎናሲ ዳቂዎጉዲ ፃላሄ ሙኪ ቃኣሎ" ዔያቶኮ ዒና"ፓ ዔካኔ። 13 ሃኣቾ ዓጮ"ይዳ ኬዴ" ዜርፃ ዳዎሢ' ቃኣሎ" ዎይዚ ዎዛና ዔካዘንሢኬ፤ ጋዓንቴ ዔያታ ጉሙርቂ ጎናሲ ዔካሢ ዳካ" ዎዴምኬ፤ ፃጺ ዔያቶኮ ባኣሢር ሜታ ሄሌ" ዎድ"ና ቤዘና ዔያታ ሃሻ"ኔ። 14 ዓንጊፆ ቶሻ ባኣካ" ኬዴ" ዜርፃ ዳዎሢ' ቃኣሎ" ሃሣ ዎይዛ ዓሲንሢኬ፤ ጋዓንቴ ሃያ ዓጮ" ማሊፆና ቆሎ"ና ሃሣ ሳፆ ናንጎ ኮሹማ ዒኖ ዓርቂ ዓኣፒ ባኣያ ዩያቶ ማሃኔ። 15 ኮኾ ሳፆይዳ ኬዴ" ዜርፃ ዳዎሢ' ጋዓንቴ ኮሺ ሃሣ ፒዜ ዒናና ቃኣሎ" ዎይዚ ካፓዘንሢኬ፤ ዩንሢ' ቃኣሎ"ና ዲዲ፣ ዓኣፖ ዓኣፓዘንሢኬ» ጌዔኔ።

**ዓኣሸንቴ ፖዒ**  
(ማር. 4፡21-25)

16 ዩካፓ ሃሣ ዩሱሴ፦ «ፖሊ ፖሊሲ ጉኡፒ ዓኣቻያና ሃሣ ሻኦላ" ደንካ ገሣ ዓሲ ባኣሴ። ዩያይዲያፓ ማኣሪ ገላ ዓሳፖ ዛጋንዳጉዲ ዴ'ጌ ሻርናይዳ ገሣኔ።

17 «ዩያጉዲ ፔጋዲዎፖ ሐሣ ዔርቱዎፖ ዓኣሺንቲ ዓታንዳ ባኣዚ" ባኣሴ።

18 «ዩያሮ ዒንሢ ዎመይዲ ዎይዛንዳቲያ ዒንሢና ዔሩዎቲ፤ ዓይጎሮ ገዔቶ ዔኤቢ ዓኣ ዓሲዎ ቃሲ" ዒንጊንታኔ፤ ባኣሢዳፓ ጋዓንቲ ታኣኮ ዓኣኔ» ገዒ ዒ ማላ ዳኮ"ማኣ ዓይሱዎፖ ዒዛይዳፓ ዔከንታንዳኔ» ገዔኔ።

**ዩሱሴኮ ዒንደና ጌርሲንሢሢ**  
(ማቴ. 12፡46-50፤ ማር. 3፡31-35)

19 ዩሱሴኮ ዒንደና ጌርሲንሢሢ ዒዚ ዓኣ ቤዘ ሙኬኔ፤ ጋዓንቲ ዴር" ሚርጉዎፓ ዔቁያና ዔያታ ዒዛ ዴንቃኒ ደንዳዒባኣሴ።

20 ዩያሮ፦ «ኔኤኮ ዒንደና ጌርሲንሢሢ ዙላ" ዔቁ ኔና ዛጋኒ ኮዓኔ» ገዒ ዓሳ ዒዛዎ ኬኤዜኔ።

21 ዩሱሴ ማሃ፦ «ያኣሲ ቃኣሎ" ዎይዚ ኩንሣዘንሢ ቢያ፡ ዩንሢ" ታኣኮ ዒንደና ጌርሲንሢሢኬ» ገዔኔ።

**ዩሱሴ ባዘ" ጉዳሢ ዚቲዴሢ**  
(ማቴ. 8፡23-27፤ ማር. 4፡35-41)

22 ፔቲ" ኬሊ"ና ዩሱሴ ፔኤኮ ጊንያ ሃንታዘንሢሢ ዎላ" ዎኣያና ፒንቆ ጎንጎ ቶጋያ፦ «ባዘ"ኮ ሶ ሱኮ ኑ ፒንቆዎ» ጋዓዛ፣ ዔያታ ዴንዳኒ ዔቁኔ።

23 ዔያታ ባዘ" ዑያይዳ ዓኣዳኣና ዩሱሴ ጊንዔኔ፤ ዩማና ዎለቁና ዓኣ ባዘ" ጉዳ ባዘ"ይዳ ዔቁኔ። ዎኣያ ጎንጎ ጋሮ ኩሚሢ ዓርቁሢሮ ቢያሢ ካራ ባይዚ ሚታዳኔ። 24 ዩያሮ ዒዛኮ ጊንያ ሃንታዘንሢሢ ላሚ ላሚ፦ «ዔርዛሢሮ! ኑ ኩዴኔ!» ገዒ ዩሱሴ ጴቹኔ።

ዒዚ ጴጫያ ዢባሮና ጉዳሢና ጎራ"ዛ ዢባሮንታ ጉዳሢንታ ቤዘና ዚቲኾ ገዔም ፔቲ"ታፖ ዓጊያ ባኣዚ" ባኣያ ማዔኔ። 25 ዩካፓ ዩሱሴ ዒዛኮ ጊንያ ሃንታዘንሢሢ ኮራ፦ «ዒንሢኮ ጉሙርቁያ ዎኣዳያ?» ገዔኔ።

ዔያታ ጋዓንቲ ሚርጌና ዒጊጩሰካፓ ሄርሺ ዲቃታፖ ዎሊ ኮይላ"፦ «ዢባሮና ጉዳሢና ዓይሣኔ፤ ዔያታኣ ዒዛዎ ዓዓይሢንታኔ፤ ካኣ! ሓይ ዓይጎ ዓሲዳይ?» ገዔኔ።

---

**8:16** ማቴ. 5፡15፤ ሉቃ. 11፡33።      **8:17** ማቴ. 10፡26፤ ሉቃ. 12፡2።      **8:18** ማቴ. 25፡29፤ ሉቃ. 19፡26።

ዩሱሴ ፑርታ ዓያና ዓርቁ ዓሲ ዳቂሼህ  
(ማቴ. 8:28-34፤ ማር. 5:1-20)

26 ዩካፓ ዔያታ ባዞ"ና ፒንቁ ጌሊላ ሱኮ"ይዳ ዓኣ ጌርሴኖኔ ዓጮ" ሄሌ"ኔ፤ 27 ዩሱሴ ዋኣፆና ፒንቆ ጎንጋፓ ሳዓ ኬዳ"ዛ ፑርታ ዓያና ዓኣ ፔቴ" ዓሲ ካታማ"ፓ ኬሰኪ ዒዛና ካኣሜኔ፤ ዩይ ዓህ ፔኤኮ ማኣዓህ ኬኤሪ፥ ጉሪ ሃንታንቴ ሚርጌ ዎዴ ማዔያኮ፤ ዒዚ ናንጋህ ዲኡፒ ካይዚዳኮ፥ ማኣሪዳቱዋሴ። 28 ዒዚ ዩሱሴ ዳንቂ ዒላቲ ዩሱሴ ቤርታ ሎኣማዎ ዑኡዞ ጳጌዲ፡- «ኔኤኒ ፑኡፖ ፆኦዛህ ናዓሦ፥ ዩሱሴ! ታኣና ዎላ" ኔኤኮ ዓይጎ ዒጊንቶ ዓኣይ? ሃዳራ ታና ማታሲፖ!» ጌዔኔ። 29 ዩያ ዒ ጌዔህ ዩሱሴ ፑርቶ ዓያናህ ዓህዳፓ ኬሰካንዳጉዲ ዓይህህሮኮ። ዩያኮ ቤርታ ፑርቶ ዓያናህ ዓህ ዑፆይዳ ሚርጌ ዎዴ ዔቃያኮ፤ ዩያር ዒዛኮ ቶኮ"ና ኩጮና ካኒ ቢራታና ዓንጊ ዲጸና ቱኡቲ ቱኡቲ ካፒንታያ ማዔቶዎ ካኖ ቢራቶዎ ዲኡዚ ዓንጎ ዲፆዎ ማንህሲ ዓሲ ናንጉዎ ዳውሎ" ዒዛ ዔኪ ዔኪ ዳንዳኔ።

30 ዩሱሴ፡- «ሱንፃ ኔኤኮ ፆናዳይ?» ጌዒ ፆኦጮዛ፥ ዒዚ ሚርጌ ፑርታ ዓያና ዒዛይዳ ቡኪ ዓኣህሮ፡- «ሱንፃ ታኣኮ ዳሬኬ» ጌዒ ዒዛም ማሄኔ። 31 ፑርቶ ዓያና" ዩሱሴ ኮራ፡- «ሓዳራ ጋፒንፃ ጳዲዎ ዔቶ" ዳኤፖ \* ኦና ዳኪፖ» ጌዒ ዒዛ ሸኢቄኔ።

32 ዩኖ ቤዘይዳ ዓኣ ዲኮ" ጎኦባ" ዓሲኮ ቆሎ ሚርጌ ጉዳንህህ ሄንቃንቴ ፑርቶ ዓያና"፡- «ሴኬ ጉዳንፆይዳ ኦ ጌላንዳጉዲ ኦና ዓይህ» ጌዒ ዩሱሴ ሸኢቃዛ፥ ዔያታ ጌላንዳጉዲ ዒ ዓይህኔ። 33 ዩያር ፑርቶ ዓያና" ዓህዳፓ ኬሰኪ ጉዳንፆይዳ ጌላዛ ጉዳንፃ ዎላ ዑፃ ዲርጊ ማጎ ዓኣዳፆ ባዞ"ይዳ ጌሊ ሙይንቴኔ።

34 ጉዳንፆ ሄንቃ ናኣታ" ዩያ ባኮ ዛጋፆ ጳሽኪ ዳንዲ ካታሞና ዙሎ"ናይዳ ሚርጌና ሓይሶ ኬኤዜኔ። 35 ዓሳ ዩያ ባኮ ዛጋኒ ፔ ማኣራፓ ኬሰኪ ዩሱሴ ባንህ ሙካንቴ፥ ፑርቶ ዓያና" ኬሰኬ ዓህ" ዒና" ዒዛኮ ማዔም ዓፒሎ ፔኤኮ ማኣዒ ዩሱሴኮ ቶኮ" ዳማ" ዳዒ ዓኣንቴ ዔያታ ዳንቂ ዒጊጮኔ፤ 36 ዓኣፖና ዛጌ ማርኮ ማዔ ዓሰንህ ፑርቶ ዓያና" ዓኣ ዓህ ዎማይዲ ዳቂቶዎ ዔያቶም ኬኤዜኔ። 37 ዩካፓ ጌርሴኖኔ ዓጮ" ዓሳ ቢያ ዩሱሴ ዔያቶኮ ዓጮ"ፓ ዳንዳንዳጉዲ ዒዛ ሸኢቄኔ። ዩያ ዔያታ ጌዔህ ሚርጌና ዒጊጮህሮኮ። ዩያር ዩሱሴ ዋኣፆና ፒንቆ ጎንጎ ቶጌ፥ ዎንዴ ሙኬ ቤዞ ባንህ ዳንዳኒ ዔቃዛ፥ 38 ፑርቶ ዓያና" ኬሰኬ ዓህ ዩሱሴ ኮራ፡- «ሓዳራ፥ ታ ኔ ጊንፆ ሙኮም» ጌዒ ሸኢቄኔ።

\* 8:31 ጋፒንፃ ጳዲዎ ዔቶ" ዳኤፖ፡- ዩይ ዔታ" ፑርቶ ዓያና" ጋፒንፆ ዎጎ ኬሎ" ሄላ"ንዳኣና ሳፆኮ ዳማ" ቱኡታ ቤሲኬ ጌይንታኔ።

39 ዩሱስ ጋዓንቴ፦ «ኔ ማእሪ ዓኣዲጋፓ ያኦሲ ኔኤም ማዳ ባኮ ቢያ ከኤዜ» ጌራ ዒዛ ዳካዛ፣ ዓሢ ዩሱስ ዒዛም ማዳ ፑኡፖ ባኮ ካታዎይዳ ቢያ ከኤዚ ከኤዚ ዴንዴ።

ዒያዒሮስ ጎዖስኤያ ናይሰኬኖና ዩሱሴኮ ዓፒሎ ካኣሜ ላኣሊሰኬኖ ዛላ

(ማቴ. 9፡18-26፤ ማር. 5፡21-43)

40 ዴራ" ዒዛ ቢያ ካፒ ዓኣሢሮ ዩሱሴ ማዒ ሙካኣና ቢያሢ ዒዛ ዋዛና ዔኬኔ። 41 ዒማ"ና ፔቴ" ዓይሁዶ ዓሳ ቡኪንታ ቤዘኮ ሱኡጌ ማዔ፣ ዒያዒሮስ ጌይንታ ዓሲ ሙኪ ዩሱሴኮ ቶኮ" ዴማ" ሎኦሚ፦ «ሓዳራ፣ ታ ማእሪ ሙኪ» ጌራ ዒዛ ሺኣቄኔ። 42 ዓይጎሮ ጌዔቶ ዒዛኮ ታጶ ላምዖ ሌዔ ማዔ ናይሰኬኖና ሓርጊንቲ ሃይቃኒ ዑኪ ዓኣሢሮኬ።

ዩያሮ ዩሱሴ ዒዛና ዎላ" ዴንዳንቴ፣ ዒዛና ዎላ" ዓኣዳ ሚርጌ ዓሳ ቱቺ ዒዛ ሜታሳኔ። 43 ዒማ"ና ታጶ ላምዖ ሌዔ ጉቤ ሱጉሢ ሾኦቲ ሜታሳ ፔቴ" ላኣሊሰኬኖ ዓኣኔ፤ ዒዛ ፔኤኮ ዓኣ ሚኢሾ ጉቤ ዴኤሾ ዔራ ዓሳም ዒንጊ ጋፒሴቶዎ ያኦኒያ ዒዛ ዳቁሻኒ ዴንዳዒባኣኔ። 44 ዩና ላኣሌላ ዩሱሴ ባንሢ ሙኪ ጊንዖ ዛሎ"ና ዑኪ ዒዛኮ ዓፒሎ ዓጮ ሃላ"ዛ ቤዘማና ዒዛኮ ሾኦታ" ሱጉፃ ዔቄኔ። 45 ዩሱሴ ዒማ"ና፦ «የ ታና ካኣሜይ?» ጌራ ያኦጩኔ።

ቢያሢ፦ «ኦ ኔና ሃሊ"ባኣሴ» ጋዓዛ፣ ጰዒሮሴ ማሃዖ፦ «ዔርዛሢዮ! ዴራ" ቱቺንቲ ኔ ጊንዖ ዓኣዳሢ ኔ ዛጉዋዓዳ?» ጌዔኔ።

46 ዩሱሴ ጋዓንቴ፦ «ታጊዳፓ ዎልቄ ከሰኬሢ ታ ዔራሢሮ ጎኔ፤ ፔቴ" ዓሲ ታና ካኣሜኔ» ጌዔኔ። 47 ላኣሌላ ዓኣሺንታኒ ዴንዳዒባኣሢ ዔራዖ ጎጋይቄ ጎጋይቄ ዒዛኮ ቶኮ" ዴማ" ሎኦሜኔ፤ ዩካፓ ዒዛ ዓይጎሮ ካኣሜቶዎ ሃሃ ዎማይዲ ዒዛ ቤዘና ፖዔቶዎ ዴሮ" ቢያ ቤርታ ፔጋሲ ከኤዜኔ። 48 ዩሱሴያ፦ «ታ ናዔሌ! ኔ ጉሙርቄፃ ኔና ፖዒሴኔ፤ ኮሺ ዴንዴ» ዒዛም ጌዔኔ።

49 ዩሱሴ ዩያ ሃጊ ከኤዛ ጎይሢ ዓኣንቴ ፔቴ" ዓሲ ዓይሁዶኮ ቡኪንቶ ቤዘ ሱኡጋሢ፣ ዒያዒሮስ ማእራፓ ሙኪ ዒያዒሮስ ኮራ፦ «ናዔላ ኔኤኮ ሓይቄኔ፤ ማይ ዔርዛሢ ጉሪ ላቢ"ሲፖ» ጌዔኔ።

50 ዩሱሴ ጋዓንቴ ዩያ ዎይዛዖ ዒያዒሮስ ኮራ፦ «ኔኤር ዒጊጨፖ፣ ጉጉሙርቄ፤ ናዔላ ኔኤኮ ዳቃንዳኔ» ጌዔኔ።

51 ዩሱሴ ዩማና ዒያዒሮስ ማእሪ ሃላ"ዎ ጰዒሮሴና ዮሓኒሴና ያይቆኦቤና ሃሃ ናዔሎኮ ዓዳና ዒንደናፓ ዓታዛ ሜሌ" ያኦኒያ ዒዛና ዎላ" ጋሮ ጌላንዳጉዲ ኮዒባኣኔ። 52 ዒኢካ ዓኣ ዓሳ ቢያ ናዔሎ

ዛሎ" ያዩ ዩኤፒዳ ዓሳንቴ ዩሱሴ ዔያቶም፡- «ዩኤኪፖቴ፤ ናዔላ ጊጊንዓንዳፓዓቴም ሃሃይቁባኣሴ» ጌዔኔ።

53 ዔያታ ጋዓንቴ ናዔላ ሃይቁሢ ዔሬሢሮ ቢያሢ ዒዛ ቦሃ፡ ሚኢጩኔ። 54 ዩሱሴ ናዔሎኮ ኩጩ ዓርቃዖ፡- «ዓንቆ፣ ዔቄ!» ጌዔኔ። 55 ዒዛ ሸምፓሢ ዒዛኮ ማዔሢሮ ቤዘማና ላዓ ጌዒ ዔቃዛ፣ ዩሱሴ፡- «ዒዛ ሙዓንዳ ባኣዚ" ዒዘም ዒንጉዋቴ» ጌዒ ዔያቶ ዓይሢኔ። 56 ናዔሎኮ ዓዶና ዒንዶና ዲቃቴ ሄርሼኔ፤ ዒዚ ጋዓንቴ፡- «ሃያ ባኮ ዖኦማኣ ኬኤዚፖቴ» ጌዔኔ።

# 9

## ዩሱሴ ታጳ ላምዖ ዳኪንቴዘንሢ ኮኸ ሃይሶ ማዶ'ም ዳኬሢ (ማቴ. 10፥5-15፤ ማር. 6፥7-13)

1 ዩሱሴ ታጳ ላምዖ ዳኪንቴዘንሢ ዒዛ ባንሢ ዔኤላ"ዖ ፑርቶ ዓያና ቢያ ኬሳ"ንዳያ ሓሢ ዲማ ዲማ ዶርዖዋ ፖዒሳንዳ ዋልቄና ቢታንቶና ዔያቶም ዒንጌኔ። 2 ዖኦሲ ካኣቴም ዛሎ" ዓሳም ቢያ ኬኤዛንዳጉዲ፣ ሃርጊንቴ ዓሶዋ ፖዒሳንዳጉዲ ዔያቶ ዳካዖ፡- 3 «ዒንሢኮ ጎይዖም ማዓ ባኣዚ" ዓይጎዋ ዔኪፖቴ፤ ኮኦ" ማዔቶዋ፣ ጋላታቶዋ፣ ጋላ ዓርቆ ሉካ"ታቶዋ፣ ሚኢሽታቶዋ፣ ዒንሢ ማኣዔ ዓፒላፓ ሜሌ" ማኣዖዋ ዔኪፖቴ። 4 ሸኦቹምና ዒንሢ ጌላ ማኣሮይዳ ዩኖ ጉርዴሎይዳፓ ኬሰኪ ዓኣዳንዳያ ሄላ"ንዳኣና ዒኢካ ዴዑዋቴ። 5 ዓሳ ዒንሢ ሸኦቹንሢ ዔኩዋያ ማዔቶ ጋዓንቴ ዩኖ ጉርዴሎ ሃሺ" ኬሰካዖ፣ ቶካ"ፓ ዒንሢኮ ሲላሎ ፒዒ"\* ዓኣዲዋቴ፤ ዩይ ዔያቶም <ዒንሢና ዔሩዋቴ> ጋዓ ማርካቶ ማዓንዳኔ» ጌዔኔ።

6 ዩያር ዳኪንቴዘንሢ ዩካፓ ኬሰኪ ኮኸ ሃይሶ ዔርዚ ዔርዚ፣ ሃርጊንቴ ዓሶዋ ፖዒሲ ፖዒሲ ጉርዶ ቢያይዳና ዓኣዳኔ።

## ሄርዲሴ ዩሱሴ ዛሎ" ዋይዜሢ (ማቴ. 14፥1-12፤ ማር. 6፥14-29)

7 ጌሊላ ዓጮ" ዋይሢ፣ ሄርዲሴ ዩሱሴ ማዶ ባኮ ቢያ ዋይዜሢሮ ጎዖንዶ ጎይሢ ባይዜኔ፤ ዓይጎር ጌዔቶ ፔቴ" ፔቴ" ዓሳ፡- «ማሰካ ዮሐንሴ ሃይሶ"ይዳፓ ዔቄኔ» ጌዒ ጌዒ ጌሰታሢሮኬ። 8 ዩያጉዲ ሃሃ ፔቴ" ፔቴ" ዓሳ፡- «ዖኦሲ ማሊዖ ኬኤዛ ዔኤሊያሴ ማዒ ሙኬኔ» ጋዓዛ፣ ዓቴ" ዓሳ ሃሃ፡- «ሚና ዖኦሲ ማሊዖ

9:3 ሉቃ. 10፥4-11፤ ዳኪ. ማዶ" 13፥51። \* 9:5 ቶካ"ፓ ሲላሎ ፒዒ"- ጋዓዛ ዓይሁዶ ዓሶኮ ማኣሌ ዳምቤና «ዒንሢ ዴኤዖም» ጎዖሢ ጎይዖ ማዶያኬ።



ከኤዛዞንሢ ዳጋጥ ገጥሞ ላይ ባለው ጊዜ ገባ። 9 ሄሮዲስ ጥ ዘሎ"ና፡- «ታኢ የሐኪሞች ትኩረት፡ ሄደህ ሃያ ቢያ ባኮ ማዳኔ ገይንቲ ከኤዛዞንሢ ላይ ያናዳይ?» ገዲ ዛጋኒ ኮሳኔ።

ዩሱሴኮ ደንጎ ሺዮ ዓሶ ሙኡዚያ (ማቴ. 14፡13-21፤ ማር. 6፡30-44፤ ዮሐ. 6፡1-14)

10 ዳኪንቴዞንሢ ዳኪንቴ ቤዛገ ማዲ ሙከዖ ማዳ ባኮ ቢያ ዩሱሴም ከኤዜኔ። ዲማ"ና ዲዚ ዔያቶ ዲማሲ ዔኪ ቤቴሳይዳ ገይንታ ካታሞ ዓኣዳኔ። 11 ዓሳ ዩሱሴ ዓንካ ዓኣቶሞ ዔራዖ ዲዛ ጊንዖ ሙከዛ፡ ዲዚ ዔያቶ ዔኪ ዖኦሲ ካኣቱሞ ዘሎ" ዔርዜኔ። ደርዓሢዳገኣ ፖሳኒ ኮዔ ሃርጊንቴ ዓሶሞ ፖሲሴ።

12 ሳዓ ዲማ"ኒ ጋዓኣና ታጾ ላምዖንሢ ዩሱሴ ኮራ ሙከዖ፡- «ኮኡኒ ዓኣ ቤዛ ዓሲ ናንጉሞ ዳውሎ"ይዳኬ፤ ዩያሮ ዓሳ ሃካ ኮይሎ"ይዳ ዓኣ ካታሞና ካታሞ ዙላ" ዓኣ ጉርዶ ዴንዲ ሙዖ ባኣዚ"ና ምርቆ ቤሲና ኮይ ዴንቃንዳጉዲ ዓሶ ዳኬ» ገዔኔ።

13 ዩሱሴ ጋዓንቴ፡- «ዲንሢ፡ ዔያታ ሙዓንዳ ባኣዚ" ዲንጉሞቴ» ጋዓዛ፡ ዔያታ ማሃዖ፡- «ኮኡኮ ዓኣዞንሢ ደንጎ ካሣና ላምዖ ሞሎና ሌሊኬ፤ ዩያሮ ኮ ዓኣዲ ካሣ ሻንቁባኣያታቶ ሃያ ዴሮ"ሞ ቢያ ጊዳዓኬ» ዲዛም ገዔኔ። 14 ዲማ"ና ዓቲንቆኮ ሚርጉማ ደንጎ ሺዮ ማዓያኬ።

ዩካገ ዩሱሴ ጊንዖ ሃንታዞንሢም፡- «ዓሶ ደንጊታሚ" ደንጊታሚ" ማሃገቁ ዴይሠጉሞቴ» ገዔኔ።

15 ጊንዖ ሃንታ ናኣታ" ዲዚ ዔያቶ ዓይሣሢጉዲ ዓሶ ዴይሣኔ። 16 ዩካገ ዩሱሴ ደንጎ ካሃንሢና ላምዖ ሞሎንሢና ዔኪ ሌካ ጫሪንጮ ዳጊ ገዲ ዛጋዖ ዖኦሲ ጋላቲ፡ ቡንዴሰካገ ዓሶም ዔያታ ዲንጋንዳጉዲ ዲዛኮ ጊንዖ ሃንታዞንሢም ዲንገኔ፤ 17 ቢያሢ ሙይ ሚሸካዛ፡ ዲዛኮ ጊንዖ ሃንታዞንሢ ዓቲ" ደንቦ ታጾ ላምዖ ዳልጊ ሌማቴ ኩሙሢ ዔኬኔ።

ዩሱሴ ያናታቴያ ጳዳሮሴ ማርካዳ ማርካቶ (ማቴ. 16፡13-19፤ ማር. 8፡27-29)

18 ጥቴ" ከሊ" ዩሱሴ ጥኤሮ ሌሊ ሺኢቁቤቃ ዲዛኮ ጊንዖ ሃንታዞንሢ ዲዛ ኮራ ዓኣሢሮ፡- «ዓሳ ታና ያናኬ ጋዓይ?» ገይ ዔያቶ ኮራ ዖኦጮኔ።

19 ዔያታ ማሃዖ፡- «ጥቴ" ጥቴ" ዓሳ፡ <ማሰካ የሐኪሴኬ ዛላ" ሃሣ <ዔኤሊያሴኬ ኔና ጋዓኔ፤ ዓቲ" ዓሳ ሃሣ <ሚና ቤርታ ዖኦሲ ማሊያ ከኤዛዞንሢ ዳጋጥ ገጥሞ ላይ ባለው ጊዜ ገባ።» ገዔኔ።

9:8 ማቴ. 16፡14፤ ማር. 8፡28፤ ሉቃ. 9፡19። 9:9 ማቴ. 14፡1-2፤ ማር. 6፡14-15፤ ሉቃ. 9፡7-8።

20 ዲንሢ:- «ታና ያናኬ ጋዳይ?» ጌይ ዔያቶ ያኑጫዛ፣ ጳጳሮሴ ማሃቶ:- «ኔኤኒ ያኑሲ ኔና ዳኬ፣ ማሲሎኬ» ጌዔኔ። 21 ዩሱሴያ ዩያ ዔያታ ያኑማኣ ከኤዙዋጉዲ ላቲ ዔያቶም ከኤዜኔ።

ዩሱሴ ጊንሢ ሃንቲሢ ዛላ  
(ማቲ. 10፡38-39፤ 16፡24-28፤ ማር. 8፡34-38፤ ሉቃ. 14፡26-27)

22 ዩካፓ ሃሣ ዩሱሴ ፔኤኮ ጊንያ ሃንታ ናኣቶ"ም:- «ዓሲኮ ናዓሢ ማርጌ ማቶ ዔካንዲያ ኮይሳኔ፤ ጨሞና ቄኤሶኮ ሱኡጎና ሃሣ ሙሴ ዔርዜ ቶሃ ዔርዛ ዓሳኣ ዒዛ ቦሂ ሃሻ"ንዳኔ፤ ሃሣ ዋዲያ ዋዲንዳኔ፤ ማዔቶ ሃይሣሳ ከሎ"ና ሃይባ"ፓ ዔቃንዳኔ» ጌዔኔ።

23 ቢያሢም ሃሣ:- «ታ ጊንያ ሙካኒ ናሽካያ ዓኣቶ ፔና ሃሾ"ንጎ፤ ቢያ ከሊ" ሃይቢ ሄላ"ንዳኣና ጊኢጌያ ማዒ ታ ጊንያ ሃንቶንጎ፤ 24 ፔ ናንጎ ዓይሳኒ ኮዓሢ ቢያ ፔ ናንጎ ባይዛንዳኔ፤ ታ ጋይቲ ጌዒ ፔ ናንጎ ዓኣሢ ዲንጋሢ ጋዓንቲ ፔ ናንጎ ዓይሳንዳኔ። 25 ዓሲ ዓጮ"ይዳ ዓኣ ቆሎ ቢያ ዳንቃያ ናንጎ ፔኤኮ ባይዚ ሓሣ ጉሪ ዓታያ ማዔቶ ዓይጎፓሣንዳይ? 26 ታኣና ታቃኣሎ"ና ዛሎ" ከኤዛኒ ቦርሲንታሢዳ ቢያ ዓሲኮ ናዓሢ ፔ ቦንቾና ሃሣ ፔ ዓዶ ቦንቾና ዩያጉዲ ጌኤዮ ከኢታንቾ ቦንቾና ሙካ ዋዶ"ና ዒዛይዳ ቦርሲንታንዳኔ። 27 ጎኔ ታ ዲንሢም ጋዓኔ፤ ሃሢ ሃይካ ዲንሢ ባኣካ"ፓ ያኑሲ ካኣቲም ዛጋንዲያ ሄላ"ንዳኣና ሃይቁንዶዋ ፔቲ" ፔቲ" ዓሲ ዓኣኔ» ጌዔኔ።

ዩሱሴኮ ዓውካሮ ላኣሚንቶ  
(ማቲ. 17፡1-8፤ ማር. 9፡2-8)

28 ዩሱሴ ዩያ ባኮ ከኤዜሢኮ ሳሊ" ከሊ"ኮ ጊንያ ጳጳሮሴና ዮሐኒሴና ያይቆኑሴና ዔኪ ሸኢቃኒ ፔቲ" ዲካ" ከሰከኔ። 29 ዒዚ ሸኢቃንቲ ዓውካራ ዒዛኮ ላኣሚንቲ ዓፒላ"ኣ ዒዛኮ ቦኦሪ፣ ዓኣፓ ዲካያ ማዔኔ፤ 30 ዩማና ዔርቲባኣንቲ ላምዎ ዓሲ ሙኪ ዒዛና ዋላ" ጌሰታኔ። ዩንሢያ ሙሴና ዔኤሊያሴናኬ። 31 ቦንቾና ጳዲ ዒዛና ዔያታ ጌሰታሢ" ዩሱሴ ዩሩሳላማይዳ ሃይቄ ያኑሲ ማሊያ ኩንሣንዳሢ ዛሎ"ኬ። 32 ዩማና ጳጳሮሴና ዒዛኮ ላጎንሢና ጊንዓ ባሽም ላሂ ዓኣኔ። ጋዓንቲ ዔያታ ጳጫ ዩሱሴ ፔ ቦንቾና ፖዒ ዓኣንቲ ዳንቄኔ፤ ሃሣ ዩያጉዲ ዒዛና ዋላ" ዓኣ ላምዎ ዓሳንሢያ ዳንቄኔ። 33 ላምዎ ዓሳንሢ ዩሱሴ ኮራፓ ዲማዲ ዓኣዳዛ ጳጳሮሴ ዩሱሴ ኮራ:- «ዔርዛሢዮ! ኑም ሃይካ ዳዒያ ኮሺኬ፤ ዩያሮ ፔቲ"

9:20 ዮሐ. 6፡68-69። 9:23 ማቲ. 10፡38፤ ሉቃ. 14፡27። 9:24 ማቲ. 10፡39፤ ሉቃ. 17፡33፤ ዮሐ. 12፡25።

ኔኤም፥ ፔቴ" ሙሴም፥ ፔቴ" ሃሣ ዔኤሊያሴም ማዓያ ሃይሠ ዉዲ ኑኡኒ ማዠም» ጌዔ። ጳጳርሴ ዬያ ጋዓኣና ዒ ጋዓ ባኮ ዔሩዋያኬ።

34 ጳጳርሴ ዬያ ኬኤዜ ጎይሣ ዓኣንቴ ሻኣሬ ሙኪ ዔያቶ ባይዜኔ፤ ዬይ ሻኣሬ ዔያቶ ባይዛዛ ዔያታ ዒጊጨኔ። 35 ሻኣሬ ባኣኮ"ይዳፓ፡- «ታኣኒ ደኑሬ፥ ታ ናዓሢ ሃያኬ፤ ዒዚ ጋዓሢ ዋይዙዋቴ» ጋዓ ዑኡሲ ዋይዚንቴ።

36 ዑኡዛ ዋይዚንቴሢኮ ጊንፃ ዬሱሴ ፔኤሮ ሌሊ ዓቲ" ጳጳኔ፤ ዬንሢ ዒዛና ዓኣ ጊንፃ ሃንታዞንሢ ዔያታ ዛጌ ባኮ ቢያ ዒማ"ና ጾኦማኣ ኬኤዙዋፃ ዚቲዮ ጌዔ።

**ዬሱሴ ፑርታ ዓያና ዓርቁ ናይሰኬያ ዳቂሽሢ**  
(ማቴ. 17፡14-18፤ ማር. 9፡14-27)

37 ዚሮ ጉቴ"ሎ ዬሱሴና ሃይሠ ዒዛኮ ጊንፃ ሃንታዞንሢና ዋላ" ዲካ"ፓ ኬዳ"ዛ ሚርጌ ዓሲ ዬሱሴና ካኣሜኔ። 38 ዓሶ ባኣኮ"ይዳፓ ፔቴ" ዓሲሰኬይ፡- «ዔርዛሢዮ! ሓይ ናዓሢ ታኣኮ ፔቴ" ሌሊኬ፤ ሃደራ ታኣም ዛጌ፤ 39 ሃኣዛጌ፥ ዒዛ ፑርታ ዓያና ዓርቁ ዔሩዋንቴ ዒላሣኔ፤ ሳፆይዳኣ ሎንሢ ዳንጎና ዲባሲ ዲባሲ ባርዲሳኔ፤ ዑዎዎ ዒዛኮ ኪፃሲ ኮሺ" ሜታሴሰካፓ ሓሻ"። 40 ዬያ ፑርቶ ዓያናሢ ኬሳ"ንዳጉዲ ኔኤኮ ጊንፃ ሃንታዞንሢ ታ ጾኦጩንቴ ዔያታ ኬሳ"ኒ ዳንዳዒባኣሴ» ጌዒ ዒላቴ።

41 ዬሱሴ ማሃዮ፡- «ዒንሢ ጉሙርቁዋ፥ ሃይ ዎቦ ሸይንታ! ታ ዒንሢና ዋላ" ዓይዲ ሄላ"ንዳኣና ናንጋንዳይ? ሃሣ ዓይዲ ሄላ"ንዳኣና ታ ዒንሢ ጊሲ" ዳንዳዓንዳይ? ሂንዳ ኔኤኮ ናዓሢ ሃኒ ዔኪ ባዔ» ጌዔ።

42 ናዓሢ ዬሱሴ ባንሢ ዑኬ ዎደ"ና ፑርቶ ዓያናሢ ናፆ ሳዓ ሎንሢ ባርዲሳኣና ዬሱሴ ፑርቶ ዓያናሢ ጎሪ"፥ ናዓሢያ ዳቂሽ ዓዳሢም ዒንጌ። 43 ዴራ" ቢያ ጾኡሲኮ ዴኤፖ ዎልቆ ዛጌሢሮ ዲቃቲ ሄርሼኔ፤

**ዬሱሴ ፔኤኮ ሃይቦ" ዛሎ" ላሚ ኬኤዜሢ**  
(ማቴ. 17፡22-23፤ ማር. 9፡30-32)

ዓሳ ቢያ ማዲንቴ ባኮና ዲቃቲ ሄርሺፆይዳ ዓኣንቴ ዬሱሴ ዒዛኮ ጊንፃ ሃንታ ናኣቶ"ም፡- 44 «ሓያ ታ ዒንሢም ኬኤዛ ቃኣሎ" ዒና ዔኪ ማሉዋቴ፤ ሓይሾ ዓካሪ ዓሲኮ ናዓሢ ዓሶ ኩጫ ዓኣሢ ዒንጊንታንዳኔ» ጌዔ። 45 ዔያታ ጋዓንቴ ዬያ ዒ ጌዔ ባኮ ዔሪባኣሴ፤ ጾኡሲ ዔያቶም ዒ ጌዔ ባካ ዎዚ ጌይሢታቴያ ዓኣቸሢሮ

9:35 ዒሲ. 42፡1፤ ማቴ. 3፡17፤ 12፡18፤ ማር. 1፡11፤ ሉቃ. 3፡22።

ዲ ጌዔ ባካ ዔያቶም ጌሊባኣሴ፤ ጋዓንቴ ዲዛ ያኦጫኒ ዔያታ ዲጊጩኔ።

**ቢያፓ ባሽ ማዓ ዓሲ ዛላ ዩሱሴ ከኤዜህ**  
(ማቴ. 18፡1-5፤ ማር. 9፡33-37)

46 ዲዛኮ ጊንያ ሃንታ ናኣታ፡- «ኑጊዳፓ ቢያ ባሽህ ያናዳይ?» ጌዒ ዋላ" ማርሜኔ። 47 ዩሱሴ ጋዓንቴ ዔያቶኮ ዲኖ" ማሊያ ዔራያ ፔቴ" ናይ ዔኪ ሙኪ ፔ ኮይላ" ዔቂሱ፡- 48 «ኣያ ናዖ ታ ሱንያና ቦንቹ ዔካህ ቢያ ታና ዔካኔ፤ ታና ቦንቹ ዔካህያ ቢያ ታና ዳኪህያ ዔካኔ። ዲንህ ባኣካ"ፓ ቢያ ባሽ ሂርኬ ማዓ ዓህ ዲዚ ቢያይዳፓ ባሽ ማዓንዳኔ» ዔያቶም ጌዔኔ።

**ዩሱሴ ዲጸዋ ዓሲ ዲዛ ዓሶ ዛላ" ዓኣያ ማዒያ**  
(ማር. 9፡38-40)

49 ዩካፓ ዮሐንሴ ዩሱሴ ኮራ፡- «ዔርዛህኖ! ፔቴ" ዓሲ ኔ ሱንያና ፑርታ ዓያና ከሳ"ንቴ ኑ ዛጌኔ፤ ጋዓንቴ ዲ ኑኡና ዋላ" ኔ ዓሲ ማዒባኣህረ ዲዚ ከሱ"ዋጉዲ ኑ ላኣጌኔ» ጌዔኔ።

50 ዩሱሴ ማሃዖ፡- «ዲንህ ማኪ፥ ዲጸዋኣህ ቢያ ዲንህና ዋላ"ታህረ ሃሹ"ዋቴ፥ ላኣጊፖቴ» ጌዔኔ።

**ሳማሪያ ዓጮ" ዓሶኮ ዩሱሴ ዲዒያ**

51 ዩሱሴ ለካ ጫሪንጮ ዔውታ ከላ" ዑኬ ዋዶ"ና ዩሩሳላሜ ባንህ ዓኣዳኒ ማሊ ዔቄኔ። 52 ዲዛኮ ቤርታ ቢሪ ዓኣዳንዳ ኪኢታ ዓሲያ ዳኪኔ፤ ዔያታ ቢያ ባኣዚ" ጊኢጊሻኒ ሳማሪያይዳ ዓኣ ፔቴ" ጉርዳ ዓኣዴኔ። 53 ጋዓንቴ ዩኖ ጉርዳሎ ዓሳ ዲዛ ሸኦቹንህ ዔካኒ ኮዒባኣሴ፤ ዓይጎር ጌዔቶ ዲዚ ዩኖ ዓጮ"ና ጌዒ ዩሩሳላሜ ዓኣዳንዳህ ዔያታ ዔሬሂርኬ። 54 ዲዛኮ ጊንያ ሃንታ፥ ያይቆኦቤና ዮሐንሴና ዩያ ዛጌ ዋዶ"ና፡- «ሳዳህኖ!፥ ጫሪንቹዳፓ ታሚ ከዲ" ሃንህ ዓሶንህ ሙዓንዳጉዲ ኑ ዓይሃም?» ጌዔኔ።

55 ዩሱሴ ጋዓንቴ ዔያቶ ባንህ ሺሪጋፓ፡- «ዲንህም ዋዚጉዴ ዓያና ዲንጊንቴቶዋ ዲንህ ዔሩዋሴ፤ ዓሲኮ ናዓህ ሙኬህ ዓሲ ዓዓይሳኒ ማዓንዳኣፓጥቴም ባይዛኒቱዋሴ»] ጌይ ጎሬኔ። 56 ዩካፓ ዔያታ ዔቂ ሜሊ" ጉርዳ ዓኣዴኔ።

**ዩሱሴ ጊንያ ሃንታዘንህ ሄላ"ንዳ ሜታህ**  
(ማቴ. 8፡19-22)

---

9:46 ሉቃ. 22፡24። 9:48 ማቴ. 10፡40፤ ሉቃ. 10፡16፤ ዮሐ. 13፡20።  
† 9:54 ፔቴ" ፔቴ" ሚናኣ ማፃኣፓ «ዔኤሊያሴ ማዳህጉዲ» ጋዓ ቃኣላ ቃሳ"ኔ።  
9:54 2ካኣቶ". ማ 1፡9-16።

57 ዩሱሱና ዒዛኮ ጊንጾ ሃንታዞንሢና ጎይጾ ዓኣዲጾይዳ ዓኣንቴ ፔቴ" ዓሲ ዩሱሱ ኮራ፡- «ታኣኒ ኔ ዓኣዲ ቤዘ ቢያ ኔኤና ዎላ" ዓኣዲኒ ኮዓኔ» ጌዔኔ።

58 ዩሱሱ ዒዛሞ ማሃ፡- «ዉኡካሢኮ ዔቴ ዓኣኔ፤ ካፖኮ ሃሃዎርቆ ማኣሪ ዓኣኔ፤ ዓሲ ናዓሢ ጋዓንቴ ላሂ ሃውሻንዳ ቤሲታፖ ባኣሴ» ጌዔኔ።

59 ባጋሢሞ ሃሃ፡- «ታ ጊንጾ ሙኸ» ጋዓዛ፡ ዓሢ ጋዓንቴ «ጎዳሢየ! ቤርታዲ ታ ዴንዲ ዓዶ ዱኡኪ ሙኮም» ጌዔኔ።

60 ዩሱሱ ማሃ፡- «ሓይቄ ዓሳ ሃይቄ ዓሶ ዱኡካንዳጉዲ ሃሸ"፤ ኔኤኒ ጋዓንቴ ዓኣዲጋፓ ጾኦሲ ካኣቱሞ ዛሎ" ዔርዜ» ጌዔኔ።

61 ሃሃ ፔቴ" ሜሌ" ዓሲሰኬይ፡- «ታ ጎዳሢየ! ታ ኔ ጊንጾ ሙካኒ ኮዓኔ፤ ጋዓንቴ ቤርታዲ ታ ማኣሮ ዓሶ ሳራሢ ታ ዩዓንዳኔ» ጌዔኔ።

62 ዩሱሱ፡- «ጌማይ ጎሽካኣና ዙርጎ ዓርቃፖ ጊንሢሞ ዛጋ ዓሲ ጾኦሲ ካኣቱሞም ማዓ ዓሲቱዎሴ» ጌይ ዒዛሞ ማሃ።

# 10

ዩሱሱ ኮዥ ሃይሶ ኬኤዛንዳጉዲ ላንካይታሞ ላምፖንሢ ዳኬሢ

1 ጎዳ ዩካፓ ሜሌ" ላንካይታሚ" ላምፖ \* ዓሲ ደኣሪ፡ ዒዚ ዴንዳኒ ማላ ካታሞና ቤዘና ቢያ ዔያታ ቤርታዲ ዓኣዲንዳጉዲ ላምፖ ላምፖ ማሃ ዳኬኔ። 2 ሂዚያ ዔያቶም ጌዔኔ፡- «ቡኩሶንዶ ሃኣካ ሚርጌኬ፡ ሃኣኮ ቡኩሳ ዓሳ ጋዓንቴ ዳካ"ኬ፤ ዩያሮ ሃኣኮኮ ዓዴ ሃኣኮ ቡኩሶ" ማዶ"ም ቃሲ" ሜሌ" ማዶ ዓሲ ዳካንዳጉዲ ሸኢቁዎቴ። 3 ዓካሪ ዓኣዲዎቴ፡ ታ ዒንሢ ማራይጉዲ ያኣያሢ ባኣኮ" ዳካኔ፤ 4 ዒንሢ ጎይጾኮ ዓይጎ ባኣዚ"ያ ዓርቁፖቴ፤ ሚኢሽ ዓሳ ቡራሻ፡ ጋላ ዓርቆ ሉካ" ማዔቶ ሃሃ ዱርሲ ማዔቶዎ ዔኪፖቴ፤ ዓሲና ዎላ" ጎይጾ ካኣማፖ ዔኤሌ"ሢና ናጊፖቴ። 5 ዒንሢ ጌላ ማኣራ ቢያ ቤርታዲ ለማኣሪ ዓሲዮ፡ ኮሹሞ ሃና" ማኣሮም ማፖም፣ ጎዑዎቴ፤ 6 ኮሹሞ ናሽካ ዓሲ ዩኖ ማኣራ ዓኣቴ ዒንሢ ጌዔ ኮሹማ ዔያቶም ማዓንዳኔ፤ ያዲ ማዒባኣያታቶ ዒንሢ ጌዔ ኮሹማ ጊንሢ ማዓንሢሞ ማዓንዳኔ። 7 ማዶ" ማዶ ዓሲም ማዶ ዛሎ" ዒንጎ ባኣዚ" ኮይሳኔ፤ ዩያሮ ዒንሢ ጌሌ ማኣሮይዳ ዒንሢሞ ሸኢሸና ባኮ ሙዒ

9:61 1፻ኦሲ. ዓሃኬ 19፡20። \* 10:1 ላንካይታሚ" ላምፖ- ጋዓዛ ፔቴ" ፔቴ" ሚናኣ ማፃኣፓ «ላንካይታሚ"» ጋዓኔ። 10:2 ማቴ. 9፡37-38። 10:3 ማቴ. 10፡16። 10:4 ማቴ. 10፡7-14፤ ማር. 6፡8-11፤ ሉቃ. 9፡3-5።

ሙሉ ሃሣ ዑሽኪ ዑሽኪ ዒኢካ ዳዑዋቲ፤ ዬኖ ማኣራፓ ማሌ" ማኣሪ ሃንቲ ሃንቲ ሺሪፖቲ። 8 ዎኖ ካታሞዎ ዒንሢ ጌላኣና ዓሳ ዒንሢ ሸኣጫሲ ዔካዎ ዒንጋ ባኮ ሙዑዋቲ። 9 ዬኖ ካታሚሎይዳ ዓኣ ሃርጊንቲ ዓሶ ፓሡዋቲ፤ ዳሮ"ማኣ <ጾኦሲ ካኣቲማ ዒንሢ ባንሢ ዑኸኔ> ጌሲ ከኤዙዋቲ። 10 ጋዓንቲ ዎኖ ካታሞዎ ዒንሢ ጌላኣና ዓሳ ዒንሢ ዔኩዋያ ማዔቶ ካታሚሎኮ ዙሎ" ከሰከጋፓ:- 11 ሃይሾ፣ ኦኡኮ ቶካ" ዓኣ ሃኖ" ካታሚሎ ሲላሎ ኦ ዒንሢሞ ፒፃ"ኔ፤ ጋዓንቲ ጾኦሲ ካኣቲማ ዒንሢ ባንሢ ዑኸሢ ዔሩዋቲ፤ ዔያቶም ጎዑዋቲ። 12 ጋፒንጾ ዎዶ"ና ጾኦሲ ዬኖ ካታሚሎም ዒንጋንዳ ዎጋ" ቤርታ ሶዶሜ ካታሞ ሄሌ"ሰካፓ ባሼ ማዓንዳኔ ታ ዒንሢሞ ጋዓኔ» ጌዔኔ።

**ጉሙርቂ ጎናሲ ዔኩዋዎ ሃሺጾር ዙሪ ጎርና ካታሞንሢ**  
(ማቴ. 11፡20-24)

13 ዬካፓ ዬሱሴ:- «ኮራዚኔ ጎጾዜ ኔና ባዴዔ፤ ቤቴሳይዳ ኔናኣ ባዴዔ፤ ዒንሢዳ ማዲንቲ ጾኦሲ ዎልቁና ማዲንታ ዓኮ ባካ ዎንዴ ጂርሴና ሲዶናናይዳ ማዲንቲያታቶ ዒኢካ ናንጋ ዓሳ ሄኤዶ ሲዬ ፓቲሌ ማይንቲ፣ ቢዲንሢያ ቶኦካ ዎሂ ዬኖ ዎዶ"ና ጎሞ ቡኡጫና ናንዳኔ። 14 ዬያሮ ጋፒንጾ ዎጎ ከሎ"ና ቤርታ ጂርሴና ሲዶናና ሲንጎናሰካፓ ዒንሢ ሚታሢ ባሼ ማዓንዳኔ። 15 ሃኖ" ኔኤኒ ቁፒርናሆሜ ካታሚሎ፣ ሌካ ጫሪንጮ ሄላ"ንዳኣና ጳጊ ጋዓኒ ኔ ኮዒያ? ማዔቶዎ ኔ ሊካ ሄሊ"ንቲዎ ጳኤፖ ዔቶ" ከዳ"ንዳኔ» ጌዔኔ።

16 ላሚ ሃሣ ዬሱሴ ዒዛኮ ጊንጾ ሃንታዞንሢ ኮራ:- «ዒንሢሞ ዎይዛሢ ታኣም ዎይዛኔ፤ ዒንሢ ቦንቺ ዔኩዋኣሢ ታና ዔኩዋሴ፤ ታና ዔኩዋኣሢ ታና ዳከሢያ ቦንቺ ዔኩዋሴ» ጌዔኔ።

**ላንካይታሚ" ላምጾ ጊንጾ ሃንታዞንሢ ዳከንቲ ቤዛፓ ማዒ ሙኪጾ**

17 ላንካይታሚ" ላምጾ ጊንጾ ሃንታዞንሢ ዳከንቲ ቤዛፓ ሚርጌ ዎዛና ዬሱሴ ባንሢ ማዒ ሙካዎ:- «ጎዳሢዮ! ኔ ሱንጾና ፑርቶ ዓያና" ኦም ዓይሢንቲናኣኮቲ» ጌዔኔ።

18 ዬሱሴ ዔያቶም:- «ፃላሄ ዜኤሊንሢጉዲ ጫሪንጫፓ ከዳ"ንቲ ታ ዛጌኔ፤ 19 ዬያሮ ዒንሢ ሸኦኮና ኮርናሢና

---

**10:7** 1ቆሮ. 9፡14፤ 1፻ሞ. 5፡18። **10:11** ዳኪ. ማዶ" 13፡51። **10:12** ማኸ. ማፃ 19፡24-28፤ ማቴ. 11፡24፤ 10፡15። **10:13** ዒሲ. 23፡1-8፤ ሂዚ. 26፡1-21፤ 26፤ ዒዪ. 3፡4-8፤ ዓሞ. 1፡9-10፤ ዛካ. 9፡2-4። **10:15** ዒሲ. 14፡13-15። **10:16** ማቴ. 10፡40፤ ማር. 9፡37፤ ሉቃ. 9፡48፤ ዮሐ. 13፡20።

ሄገርቃንዳጉዲ፥ ዲንሢ ሞርኮ ዲንሢ ባሻንዳጉዲ ቢታንቶ ዲንሢም ታ ዲንጌኔ፤ ዲንሢ ሄለ"ንዳ ባአዚ" ፔቲ"ታዮ ባአሴ። 20 ጋዓንቴ ፑርቶ ዓያና" ዲንሢም ዓይሢንቴሢሮ ዲንሢ ዎዛዳሢጋጋ ባሼ ሱንፃ ዲንሢኮ ጫሪንጮ ማአራ ፃአፒንቴም ፆኦሲ ዓሶ ባአካ" ዲንሢ ማዔሢሮ ዎዛዳፍዎቲ» ጌዔኔ።

**ዩሱሴኮ ዓዳ ጋላቲያ**  
(ማቴ. 11፥25-27፤ 13፥16-17)

21 ዩሚና ዩሱሴ ዓያና ጌኤሽ ዲዛ ዎዛሴም፡- «ጫሪንጮና ሳዖናኮ ጎዳ ማዔ፥ ዓዳሢዮ! ሃያ ባኮ ኔኤኒ ዔሮ"ና ዴኤፖ ዓሶናይዳጋ ዓአቺ ናይጉዲ ማዔ ዓሶም ፔጋሲ ዳዌሢሮ ታ ኔና ጋላታኔ፤ ሂዮ! ታ ዓዳሢዮ! ዩያይዳኒ ኔ ማሊሢ ማዔኔ።

22 «ቢያ ባአዚ" ታ ዓዳይዳጋ ታአም ዲንጌንቴኔ፤ ናአዚ" ዖና ማዔቴ ዓዳይዳጋ ዓታዛ ሜሌ" ዔራይ ባአሴ፤ ዩያጉዲ ሃሣ ዓዳ ዖና ማዔቶ ናአዚ"ዳጋ ዓታዛ ሃሣ ጌንሣ ናአዚ" ዲዛም ፔጋሲ ኬኤዛኒ ኮዔ ዓሲዳጋ ዓታዛ ሜሌ" ዖኦኒያ ዔራይ ባአሴ» ጌዔኔ።

23 ዩካጋ ሃሣ ዩሱሴ ፔኤኮ ጌንፆ ሃንታዞንሢ ባንሢ ሺራዖ ዔያቶም ሌሊ፡- «ዲንሢ ሃያ ዛጋሢ ዛጋዞንሢ ኮሽ ባለቲና ዓአያኬ። 24 ጎኔና ሚርጌ ፆኦሲ ማሊያ ኬኤዛዞንሢና ካአቶ"ና ሃሣ ሃያ ዲንሢ ዛጋ ባኮ ዛጋኒ ሱኡካዴያታዮ ዔያታ ዛጊባአሴ፤ ዲንሢ ዎይዛ ባኮዎ ዔያታ ዎይዛኒ ሱኡካዴኔ፤ ጋዓንቴ ዔያታ ዎይዛባአሴ» ጌዔኔ።

**ዓሲ ሚጠንታ ፔቲ" ሳማሪያ ዓጠ ዓሲሰኬያ ዛላ**

25 ፔቲ" ኬሊ" ሙሴ ዔርዜ ዎጎ ዔርዛ ፔቲ" ዓሲሰኬይ ዩሱሴ ኮራ ሙካዖ ዲ ዎዚ ጋዓቴያ ዛጋኒ ኮዒ፡- «ዔርዛሢዮ! ናንጊና ናንጊ ዴንቃኒ ዓይጌንዴ ማዳንዳያ ታና ኮይሳይ?» ጌይ ዲዛ ዖኦጫዛ፥ 26 ዩሱሴ ማሃዖ፡- «ሙሴ ዔርዜ ዎጎይዳ ዓይጌ ፃአፒንቴይ? ኔ ናባባዛ ዎዚ ጋዓይ?» ዲዛም ጌዔኔ።

27 ዓሢ ማሃዖ፡- «ዎጋ" ሳኦሲ ኔ ጎዳሢ ጉቤ ዲናጋ፥ ጉቤ ሸምጋጋ፥ ጉቤ ዎልቃጋ፥ ጉቤ ማሊፃጋ ናሽኬ» ዩያጉዲ ሃሣ «ኔ ዓሺኖ ዓዳ" ኔና ማሂ ናሽኬ» ጋዓኔ» ጌዔኔ።

28 ዩሱሴያ ፒዜ ኔ ማሄኔ፤ «ዓካሪ ኔኤኒ ዩና ጎይፆ ማዴ፤ ናንጊና ናንጊያ ኔ ዴንቃንዳኔ» ጌዔኔ።

29 ዎጎ ዔርዛሢ ጋዓንቴ ፔና ጌኤሽ ዓሲ ማሃኒ ኮዓዖ፡- «ያዲ ማዔቶ ታአኮ ባሺናሢ ዖናዳይ?» ጌይ ዖኦጫኔ።

---

**10:19** ዓይኡ 91፥13። **10:22** ዮሐ. 3፥35፤ 10፥15። **10:25** ማቴ. 22፥35-40፤ ማር. 12፥28-34። **10:27** ሉዊ. ዓኬ 19፥18፤ ላሚ. ዎም 6፥5። **10:28** ሉዊ. ዓኬ 18፥5።

30 ዩሱስ ሲዘም ማሃድ፡- «ፔቴ" ዓሲ ዩሩሳሌሜፓ ሲያርኮ ኬዳ"ንቴ ጎይያይዳ ሱላ ሲዛ ዳንቁ ዓፒሎ ሲዛኮ ቡሪ ዔኪ ጳርቁሂኮ ጊንፃ ሃይቃኒ ሳዛ ጋሽካንቴ ሃሺ" ዓኣዳኔ። 31 ሲዛ ቶኪጉዲ ፔቴ" ቁኤሴሰኬይ ዩኖ ጎይፄሎና ዓኣዲቤቃ ጳዲንቴ ላቢ"፣ ላሂ ዓኣ ዓሂ ዳንቁያታዎ ዚቲ ጌዒ ሲዛኮ ኮርሳ ዓኣዳኔ። 32 ዩያጉዲ ሃህ ቁኤሶ ፃጳፓ ማዔ ሌዊ ዜርሂሰኬይ ዩኖ ጎይያና ዓኣዲቤቃ ዩያ ዓሂ ዳንቁ? ኮርሳ ዚቲ ጌዒ ዳንዳኔ። 33 ፔቴ" ሳማሪያ ዓጪ ዓሲሰኬያ ዩኖ ጎይያና ዓኣዲቤቃ ጳዲንቴ ዓሂ ዳንቁ ሚጪንታዎ፣ 34 ዓሂ ኮይላ" ሙኪ ዛይቴ ቲሺና ዎይኔፓ ኮሾ"ና ዑሺና ኪያይዳ ዓሂኮ ዎሂ ቱርጫና ማሪ ቱኬ"ሂኮ ጊንፃ ፔ ሃር" ቶጊሲ ፔቴ" ሾኦቹ ዎርቃ ማኣሪ ዔኪ ዓኣዳኔ፣ ዒኢካ ሲዛ ዒ ኮሺ" ዛጊ ማይሄኔ፤ 35 ዚር ጉቴ"ሎ ፔቴ" ዓሲ ላምዎ ኬሊ" ማዳ ማዳም ጪጎንዶ ቢራጉዳያ ኬሲ" ዩኖ ሾኦጮ ዎይህ ማኣርኮ ዓዶም ሲንጋዎ ሃያ ዓሂ ታኣም ኮሺ" ዛጊ ማይሄ፤ ጊዳ" ቃሲ" ኔ ሲዛ ዛሎ" ጪጌ ባኣዚ" ዓኣቶ ታ ማዒ ሙካዎ ኔኤም ማሂ ጪጋንዳኔ። ጌዔኔ።

36 «ዓካሪ ዩንሂ ሃይሃንሂዳፓ ሱሎ"ና ጳዲንቴ ዓሂም ዓሺኖ ማዔሂ ዎያ ኔኤም ማላይ?» ጌዔኔ።

37 ዎጎ ዔርዛሂ «ዩያ ሲዛ ሚጪንቲ ማኣዳ"ሂሾ!" ጌዒ ማሃዛ፣ ዩሱስ ማሃድ፡- «ሂዳቶ ኔኤኒያ ሲማ ጎይያ ማዳ» ጌዔኔ።

**ዩሱስ ማርታና ማይራሞና ማኣራ**

38 ዩሱስ ሲዛኮ ጊንፃ ሃንታዘንሂና ዎላ" ጎይሂ ዓኣዲ ፔቴ" ጉርዳሰኬኖ ሄላ"ዛ ዒኢካ ማርታ ፔ ማኣራ ሲዛ ሾኦቹንሂ ዔኬኔ፤ 39 ሲዛኮ ማይራሞ ጌይንታ ጌራ ዓኣኔ፤ ዒማ"ና ዩና ማይራማ ዩሱሴኮ ቶኮ" ዳማ" ዳዒ ሲዛኮ ጌኤዘ ዎይዛኔ። 40 ማርታ ጋዓንቴ ሙዎ ጊኢጊሺያና ሚርጌ ላባ"ዎ፣ ዩሱስ ባንሂ ሙኪ፡- «ጎዳሂዮ! ሃና" ታ ጌኤዳ ቢያ ማዳ" ታኣም ሃሺ"ም ታኣኒ ታኣር ሌሊ ላባ"ሂ ኔ ዛጋዎ ዚቲጋዓ? ሃዳራ ታና ሲዛ ማኣዳ"ንዳጉዲ ሲዘም ከኤዜቴራ» ጌዔኔ።

41 ጎዳ ዩሱስ ጋዓንቴ ማሃድ፡- «ማርታ! ኔኤኒ ሚርጌ ባኣዚ"ና ማታዲ ጳሽኪ ሺራኔ፤ 42 ጋዓንቴ ኮይሳሂ ፔቴ" ባኣዚ" ሌሊኬ፤ ማይራማ ኮኸ ባኮማ ዶኦሪኔ፤ ዩማ ሲዘይዳፓ ዔካንዳያ ባኣኦ» ጌዔኔ።

---

10:34 2ካኣቶ". ማ 28፣15። 10:39 ዮሐ. 11፣1።



# 11

ዮሱስ ዔርዜ ሺኢጲዖ  
(ማቴ. 6፡9-13፤ 7፡7-11)

1 ፔቴ" ከሌ" ዮሱስ ፔቴ" ቤሲዳ ሺኢቃኔ፤ ዒዚ ሺኢቁ ጋፒሳዛ ዒዛኮ ጊንዖ ሃንታዞንሢዳፓ ፔቴ"ይ፡- «ጎዳሢዮ! ዮሐንሴ ፔኤኮ ጊንዖ ሃንታዞንሢ ሺኢጲዖ ዔርዜሢደጉዲ ኔኤኒያ ኑና ሺኢቁሢ ዔርዜቴራ!» ጌዔኔ።

2 ዮሱሴያ፡- «ዒንሢ ሺኢቃዖ፡  
«[ጫሪንጫ ናንጋ] ኑ ዓዳሢዮ!

ሱንፃ ኔኤኮ ቦንቸንቶም፤  
ኔ ካኦቱማ ሙኮም፤

3 ከሌ" ከሌ" ኑ ሙዓንዳ ሙኡዚ" ዒንጌ፤

4 ኑም ዳቤሢም ኑ ዓቶም ጋዓሢጉዲ

ኑ ዳቢንቶ ኑም ዓቶም ጌዔ፤

ዳቢሻኒ ጌሾያይዳ ኑና ጌልዚፕ» ጎዑጠቴ ጌዔኔ።

5 ዮካፓ ዮሱሴ ፔኤኮ ጊንዖ ሃንታዞንሢ ኮራ፡- «ኮኦኪንሢና፡ ዒንሢዳፓ ፔቴ"ሢኮ ላጌ ዓኣኔ ኑ ጎም፤ ዒዚ ሳዓ ጊዲሚሻ ማዓኣና ፔ ላጋሢ ማኣሪ ዓኣዲ ሳኤዛይ! ሃዳሪ ታኣም ሃይሃ ካሣ ታልዔ፤ 6 ፔቴ" ታኣኮ ላጌ ማዔ ዓሲ ሃኬ ጎይሢዳፓ ሙኬም ታ ዒዛ ሙኡዛንዳ ካሣ ባይቁኔ» ዒዛ ኮራ ጌዔቶ፤ 7 ዓካሪ ዩይ ላጋሢ ጋራ ዓኣዖ ላሃዳሪ ታሚ ዋኣሢ ላሃም ሃያ ዋዳ ታና ሜታሲፖ፤ \* ዩያሮ ታ ዔቁ ኔ ኮዔ ካሃ ዒንጋኒ ዳንዳዑጠ፤ ጋዓንዳ? 8 ጋዓንቴ ላጉሞ ዛሎ"ሮ ጌዒ ዔቁ፤ ዒንጋኒ ኮዒባኣቶዋ ዒዛ ሺኢቁ ሜታሳሢሮ ኮይሳሢ ቢያ ዒንጋንዳ፤ ታ ዒንሢም ጋዓኔ።

9 «ዩያሮ ታ ዒንሢም ሢዚ ጋዓኔ፡- ሺኢቁጠቴ ዒንሢም ዒንጊንታንዳ፤ ኮዑጠቴ ዒንሢ ዴንቃንዳ፤ ካራ" ዔቁ ዔኤሉ"ጠቴ ዒንሢም ቡሊ"ንታንዳ፤ 10 ሺኢቃሢ ጉቤ ዔካንዳ፤ ኮዒሢ ዴንቃንዳ፤ ካራ" ዔቁ ዔኤሉ"ንታሢማኣ ቡሊ"ንታንዳ። 11 ዒንሢዳፓ ዓደ ማዔ ዓሲ ናዓ [ካሢ ሺኢቃዛ ሹቹ ዒንጋይ ያናዳይ?] ሞሎ ሺኢቁም ሾኑሺ ዒንጋ? 12 ሃሣ ጰኡላ" ሺኢቁም ኮሮኖ ዒንጋ? 13 ዒንሢ ፑርታታዖ ዒንሢ ናኣቶ"ም ኮሺ ባኣዚ" ዒንጊ ዔራቶ፤ ጫሪንጫ ናንጋ ዒንሢኮ ዓዳሢ ዒንሢፓ ባሽ ዒዛ ሺኢቃዞንሢም ዓያኖ ጌኤኮ ዒንጋኒ ኮዓያኮ!» ዔያቶም ጌዔኔ።

\* 11:7 ጊሪኮ ሙኡጫ ማፃኣፖይዳ፡- «ካራ" ቁልፒንቴኔ፤ ናኣታ"ኣ ታ ዴማ" ላሢ ዓኣኔ» ጌይንቴኔ።

ዩሱስና ቢዔልዛቡሌ ጎምረና  
(ማቴ. 12፥22-30፤ ማር. 3፥20-27)

14 ፔቴ" ከሊ" ዩሱስ ዳንጋ ባይቁ ዓሲስኬያይዳፓ ፑርታ ዓያና፤ ጌስቲሱዋያ ኬሳ"ንቴ ፑርቶ ዓያና" ከሰካዛ ዳንጎ ባይቁሢ ጌስቲሢ ሳርቁም ዴራ" ዩያ ባኮና ዲቃቲ ሄርሼኔ። 15 ፔቴ" ፔቴ"ዘንሢ ጋዓንቴ፡- «ፑርቶ ዓያኖ ዒዚ ኬሳ"ሢ ፑርቶ ዓያኖኮ ሱኡጋሢ ቢዔልዛቡሌናኬ» ጌዔኔ።

16 ዓቴ"ዘንሢ ሃሃ ዩሱስ ዋዚ ጋዓቴያ ዛጋኒ ኮዓዖ ጫሪንጮይዳፓ ዒዚ ኪሪሰቶሴ ማዒያ ዔርዛ ፔቴ" ማላታ ማዓ ባኣዚ" ዳዋንዳጉዲ ዒዛ ያኦጮኔ። 17 ዩሱስ ጋዓንቴ ዔያቶኮ ማሊያ ዔራዖ፡- «ፔቴ" ካኣታ" ዋሊፓ ፓቂንታያና ያልታያና ማዔቶ፤ ዩያ ዓጮ" ካኣቲ ባይቃንዳኔ፤ ዩያጉዲ ሃሃ ፔቴ" ማኣሪ ዓሲ ዋሊም ዋይዚ ዒዲ ፓቂንቴቶ ባይቃንዳኔ። 18 ዓካሪ ፃላሄ ካኣታ" ዋሊፓ ፓቂንታያና ያልታያ ማዔቶ ዋዲ" ደዲ ዔቃኒ ዳንዳዓይ? ዒንሢ ጋዓንቴ <ዒዚ ፑርቶ ዓያኖ ኬሳ"ሢ ቢዔልዛቡሌናኬ> ታና ጋዓኔ። 19 ታኣኒ ፑርቶ ዓያኖ ቢዔልዛቡሌ ዋልቆና ኬሳ"ያ ማዔቶ ዒንሢኮ ዓሳ ያኦና ፑርቶ ዓያኖ ኬሳ"ይ? ዩያር ዒንሢ ዓሳ ዒንሢ ዑፃ ዋጋንዳኔ። 20 ዓካሪ ታኣኒ ፑርቶ ዓያኖ ያኦሲ ዋልቆና ኬሳ"ያ ማዔቶ ዩይ፡ ያኦሲ ካኣቲማ ሙኬሢ ዔርዛኔ።

21 «ፔቴ" ዋልቆና ዓኣ ዓሲ ያልዚ ዓንጋሞ ሳርቁ ፔ ማኣር ካፓያ ማዔቶ ዒዛኮ ማኣራ ቡሪንታዓኬ፤ 22 ጋዓንቴ ዒዛይዳፓ ባሼ ዋልቆና ዓኣ ዓሲ ሙኪ፤ ዒዛ ባሼቶ ዒ ጉሙርቃ ዓንጋሞ ዒዛይዳፓ ዔኪ ዒዛኮ ዓኣ ባኮ ቢያ ቡሪ ሜሌ" ዓሲማኣ ገሸካንዳኔ።

23 «ታኣና ዋላ" ማዒባኣሢ ቢያ ታና ዒፃኔ፤ ታኣና ዋላ" ማዒ ቡኩሲባኣሢ ላኣሊ ባይዛኔ» ጌዔኔ።

ፑርቶ ዓያኖኮ ዓሲዳ ገንሣ ማዒ ጌሊያ  
(ማቴ. 12፥43-45)

24 «ፑርታ ዓያና ዓሲዳፓ ኬሰኬ ዋዶ"ና ጌሊ ሃውሾ ቤሲ ኮዒሢና ዋኣሢባኣ ዓሲ ናንጉዋ ዳውሎ" ቢያ ሃንቴ፤ ሃውሾ ዴዓ ቤሲ ዴንቁባኣቶ ታ ኬሰኬ ማኣር ታኣኮ ታ ማዒ ዓኣደም፤ ጋዓኔ።

25 ዩያር ማዒ ሙካኣና ዩና ቤዜላ ጌኤሽኪ ገኢገንቲ ዓኣንቴ ዴንቃኔ። 26 ዩካፓ ዴንዲ ዒዛይዳፓ ባሼ ፑርታ ሜሌ" ላንካይ ፑርታ ዓያና ዔኪ ሙኪ፤ ቤርታ ዒ ናንጋ ማኣራ ጌሊ ናንጋንዳኔ። ዓካሪ ዩያ ዓሢኮ ጋፒንጎ ሚና ቤርታኣሲዳፓ ባሼ ፑርታ ማዓንዳኔ» ጌዔኔ።

---

11:15 ማቴ. 9፥34፤ 10፥25። 11:16 ማቴ. 12፥38፤ 16፥1፤ ማር. 8፥11።  
11:23 ማር. 9፥40።

ጎኔ ዎዛ

27 ዩሱስ ይያ ጌይ ከኤዛኣና ፔቴ" ላኣሊሰከና ዴሮ" ባኣካ"ፓ ዑኡዞ ዴ'ጊዲ:- «ኔና ሾዒ ዳንሢሢ። ሲንዴላ ዎዚ ባንጂንቴያዳይ!» ጌዔኔ።

28 ዩሱስ ጋባንቴ:- «ባንጂንቴዞንሢ ያኦሲኮ ቃኣሎ" ዎይዚ ማዳይዳ ፔኤቫዞንሢ» ጌዔኔ።

ዮናሴኮ ማላቶ" ማዒያ (ማቴ. 12፥38-42)

29 ሚርጌ ዓሳ ሙኪ ዒዛ ኮይላ" ቡካዛ ዩሱሴ:- «ሃያ ዎዶ" ዓሳ ማላታ ዛጋኒ ኮዓ ፑርታ ዓሲኬ፤ ጋባንቴ ያኦሲ ማሊያ ከኤዛ ዮናሴይዳ ማዳንቴ ማላታ"ፓ ዓታዛ ሚሌ" ማላታ ዔያቶም ዒንጊንታዓኬ። 30 ያኦሲ ማሊያ ከኤዛ ዮናሴ ኔኔዌ ካታዎ ዓሰም ማላታ ማዔሢጉዲ፥ ዓሲኮ ናዓሢ ሃያ ዎዶ" ዓሰም ማላታ ማባንዳኔ። 31 ዓባ" ከሰኪ ጌላ ካሮ"ኮ ዶኦሎ" ዛሎ" ዓጫ"ፓ ሙኬ ካኣቴላ ጋፒንያ ዎጎ ከሎ"ና ዔቂ ዔያቶ ዑፃ ዎጋንዳኔ፤ ዓይጎሮ ጌዔቶ ዒዛ ሴሎሞኔኮ ዔራቶ ዎይዚ ዓጮ"ኮ ጋፒንያይዳፓ ሙኬኔ፤ ጋባንቴ ሓይሾ ሴሎሞኔይዳፓ ባሼ ሃይካ ዓኣኔ! 32 ዩያጉዲ ሃሣ ኔኔዌ ዓሳ ጋፒንያ ዎጎ ከሎ"ና ዔቂ ዔያቶ ዑፃ ዎጋንዳኔ፤ ዓይጎሮ ጌዔቶ ኔኔዌ ዓሳ ዮናሴ ከኤዜ ባኮ ዎይዜ ዎዶ"ና ፔኤኮ ጎማ ዳቢንቴታሢ ዔሪ ቡኡፃኔ፤ ጋባንቴ ሃይሾ ዮናሴይዳፓ ባቫይ ሃይካ ዓኣኔ!» ጌዔኔ።

ዩሱሴ ፖያ ዛሎ" ከኤዜሢ (ማቴ. 5፥15፤ 6፥22-23)

33 ሄሊ"ጎያ ዩሱሴ:- «ፖዒ ፖዒሲ ዓኣሺንታ ቤሰካ ጌሣያና ሃሣ ጉኡፖ ባኣዚ"ና ጉኡፓ ዓሲ ባኣሴ፤ ዩያፓ ዓሳ ጋሮ ጌላኣና ዴዳንዳጉዲ ዴ'ጊዲ ሻርናይዳ ጌሣኔ። 34 ኔኤኮ ዑያኮ ፖዒ ዓኣፒኬ፤ ኔኤኮ ዓኣፓ ኮሺ ማዔቶ ዑፃ ኔኤኮ ቢያ ፖዒ ማባንዳኔ፤ ዓኣፓ ኔኤኮ ጋባንቴ ሃርጌያ ማዔቶ ዑፃ ኔኤኮ ጉቤ ዴሚያ ማባንዳኔ። 35 ዩያሮ ኔጊዳ ዓኣ ፖዒ ዴሚ ማዑዎጉዲ ኔና ዔሪ። 36 ዓካሪ ኔኤኮ ዑያይዳ ዓይጌንዴ ዴሚያ ባኣያ፥ ፖዒ ማዔቶ ያምፔ ኔ ዑፃ ፖዒያ ሹኤራሢጉዲ ኔኤኒ ፖዒያ ማባንዳኔ» ጌዔኔ።

ፔርሴ ዓሶና ሙሴ ዎጎ ዔርዛ ዓሶና ዞሪ ጎሮናሢ (ማቴ. 23፥1-36፤ ማር. 12፥38-40)

11:29 ማቴ. 16፥4፤ ማር. 8፥12። 11:30 ዮና. 3፥4። 11:32 ሉዊ. ዓኬ 27፥30።

37 ዩሱስ ይህ ከእኔ ጋር ስትገኝ ገጽጽ "ፎርሳስ ሳሲስኬይ ሙኡዚ" ሙዖም ዔኤላ"ዛ፤ ዒዚ ዓሢ ማኣሪ ጌሊ ሙዖ ሙዒኒ ደዔኔ።  
 38 ዩሱስ ሙዖ ሙዒንዳሢኮ ቤርታ ኩጮ ማሰቱባኣሢሮ ዩይ ዓሢ ዲቃቲ ሄርሼኔ። 39 ዩይሮ ዩሱስ ዒዛም፡- «ዒንሢ ፎርሳስ ዓሳ፤ ዒንሢኮ ዑሽኮ ዓንጎና ሙዖ ሙዖ ጋባደናኮ ኩሎ" ዛሎ" ኮሺ" ዒንሢ ጌኤሺ ማሰካኔ፤ ዒንሢኮ ጋራ ጋዓንቴ ቡሪሢና ፑርቱሞና ኩሜያኮ። 40 ዒንሢ ሃይ ዔኤዮ ዓሳ፤ ኩሎ" ማኸ ጸኦዛሢ ጋሮ ማኸባኣዓዳ? 41 ዒንሢኮ ዑሽኮ ዓንጎና ሙዖ ጋባደናይዳ ዓኣ ባኮ ማንቆ ዓሶም ዒንጉዋቴ፤ ዩካጋ ቢያ ባካ" ዒንሢም ጌኤሺ ማዓንዳኔ።

42 «ዒንሢ ፎርሳስ ዓሳ ዒንሢና ባደዔ! ዓይጎሮ ጌዔቶ ገጽጽ ዛሎ"ና ዲዮና ፃልቴናይዳጋ፤ ሃሣ ኮልፖና ዩያጉዴ ባኮይዳጋ ቤርቶ ዒንሢ ጸኦሲም ዒንጋያታጋ ገጽጽ" ዛሎ"ና ጋዓንቴ ፒዜ ዋጌና ጸኦሲ ናሽኪሢና ዒንሢ ሃሺ"ኔ፤ ዩያ ዒንሢ ማዳንዳያ ኮይሳኔ። ጋዓንቴ ዩያ ዒንጎ ባኮ ዒንሢ ሃሻ"ኒ ኮይሱዋሴ።

43 «ዒንሢ ፎርሳስ ዓሳ ዒንሢና ባደዔ! ዓይጎሮ ጌዔቶ ዓይሁደኮ ዓሳ ቡኪንታ ቤዛ ቦንቺንታ ያይቶይዳ ደዓኒ ዒንሢ ኮዓኔ፤ ዩያጉዲ ቦኦኮ" ቤዘይዳኣ ዓሲ ዒንሢ ቦንቺ ዔኤሊ"ሢ ዔኤላ"ንዳጉዲ ዒንሢ ኮዓኔ። 44 ዓሳ ዔሩዋዮ ጌደና ዓኣዳ፤ ማላታባኣ ዲኡፒ ፊ ዒንሢ ማላሢሮ ዒንሢና ባደዔ።» ጌዔኔ።

45 ሙሴ ዔርዜ ዋጎ ዔርዛዘንሢዳጋ ገጽጽ" ዩሱስ ኮራ፡- «ዔርዛሢ! ሃይ ኔ ኦና ጫሽካንቴም!» ጌዔኔ።

46 ዩሱስ ማሃዮ፡- «ዒንሢ ሙሴ ዔርዜ ዋጎ ዔርዛ ዓሳ! ዓሲ ዑሢዳ ደኤሢ ከዲ ዒንሢ ጌሣኔ፤ ዒንሢ ጋዓንቴ ዩኖ ከደ" ከኤላ"ናታዮ ካኣሙዋሴ። 47 ዩያጉዲ ዒንሢኮ ዓደንሢ" ዋደ፤ ጸኦሲ ማሊዮ ከኤዛ ዓሶ ዲኡፖ ኮሺ"ሶና ዔያቶኮ ፑርቶ ማደ" ኮሺ ማሢ ዒንሢ ደዋኔ። 49 ዩያ ዒንሢኮ ፑርቶ ማደ" ጸኦሲ ዔሪሢሮ ፔ ዔራቶና ታ ማሊዮ ከኤዛዘንሢና ዳኪንቴዘንሢና ታ ዔያቶ ባንሢ ዳካንዳኔ፤ ገጽጽ" ገጽጽ"ዘንሢ ዋደንደኔ፤ ዓቴ"ዘንሢ ሃሣ ዳውሶንደኔ፤ ጌዔኔ። 50 ዩይሮ ሳዓ ማኸጎቴሢዳጋ ዓርቃዮ ላኣሊንቴ ጸኦሲ ማሊዮ ከኤዛ ዓሶ ሱጉዮ ዛሎ" ሃያ ዋደ" ዓሳ ጸኦሲንታንዳኔ። 51 ጎኔ ታ ዒንሢም ከኤዛኔ፤ ዓኣቤኤሌይዳጋ ዓርቃዮ ጸኦሲም ዒንጎ ባኮ ዒንጊ ካኣሽኮ

† 11:44 ማላታባኣ ዲኡፒ፡- ጋዓዛ ዓይሁደ ዓሶ ደምቦና ገጽጽ" ዓሲ ዔሩዋዮ ዲኡፒ ካኣሜቴ ዒኢታያ ማዓሢሮ ማላታ ማዓንዳጉዲ ዲኡፒዳ ሹቺ ዳኣቢ ቦኦሬ ባኣዚ"ና ቲሽኮኔ።

በዘና ጌኤዡ ማኣሮና ባኣኮ"ይዳ ዎዶና ዛካሪያሴ ሱጉዎ ዛሎ"ሮ ሃያ ዎዶ" ዓሳ ያኡጠገታንዳኔ» ጌዔኔ።

52 «ዒንሢ ዎጎ ዔርዛ ዓሳ ዒንሢና ባዴዔቴ! ጌኤዡ ማፃኣፖ ዓሳ ዔሩዎጉዲ ካሮ" ዒንሢ ዎዶኔ፤ ዒንሢሮዎ ዒንሢ ዔሪባኣሴ፤ ሃሃ ዔራረኒ ኮዓ ዓሶዎ ዒንሢ ላኣጌኔ።»

53 ዬሱሴ ዬኖ በዜሎፓ ዴንዳኒ ዔቃዛ ሙሴ ዔርዜ ዎጎ ዔርዛ ዓሶና ፔርሴ ዓሶና ዒዛ ዒዲ ማኪሢና ሚርጌ ያኡጠገሢ ዓርቄኔ፤

54 ዬያ ዔያታ ማዴሢ ጌኤሲና ዒዛ ቡኡዳኒ ኮዓሢሮኬ።

# 12

ፔርሴ ዓሶኮ ፔና ጌኤሺ ማሊሲያ ኮይሱዎያ ማዒያ

(ማቴ. 10፡26-27)

1 ዬኖ ዎዶ"ና ኮሺ" ሚርጌ ዓሲ ቡኪንቴኔ፤ ዔያቶኮ ዲቡማፓ ዔቄያና ዎሊ ዓሳ ሂዒ ሂዒ ሃርቃኔ፤ ዬሱሴ ዒዛኮ ጊንዎ ሃንታ ናኣቶ" ኮራ፡- «ፔርሴ ዓሶኮ ሙኡቆ ፃኣዛፓ ካፒንቴዎቴ፤ ዬይ፡- ዔያቶኮ ፔና ጌኤሺ ማሊሲያፓ ሃኩዎቴ ታኣኮ ጌይዎኬ። 2 ካንቁንቴ ባኣዚ" ፔጋዲዎዎ፣ ዓኣሺንቴ ባኣዚ" ዔርቴዎዎ ዓታዓኬ። 3 ዬያሮ ዲዎዶዳ ዒንሢ ኬኤዜ ባካ ቢያ ፖዒዳ ዎይዚንታንዳኔ፤ ካራ ዎዶንቴ ማኣሪዳ ካሸካሺ፣ ዎይካ ዒንሢ ጌሰቴ ባካ ዴጌ በሲዳ ፔጌና ኬኤዚንታንዳኔ» ጌዔኔ።

ዎና ዒጊጫንዳያ ኮይሳቴ ኬኤዚንቴሢ

(ማቴ. 10፡28-32)

4 ሃሃ ዒንሢ፣ ታ ዒጊኖንሢሞ፡- «ዓሽኮ ዎዶሢዳፓ ዓታዛ ማሊ" ዓይጎ ባኣዚ"ያ ማዳኒ ዳንዳዑዎዞንሢ ዒጊጠፖቴ፤ 5 ጋዓንቴ ዎና ዒጊጫንዳያ ዒንሢ ኮይሳቴ ታ ዒንሢሞ ኬኤዚንዳኔ፤ ዬይያ፡- ዎዴሢኮ ጊንዎ ባይቁዎ ታዎይዳ ዓጋኒ ቢታንቶ ዓኣ፣ ያኣዛሢኔ፤ ሂዮ! ዒዛ ለሊ ዒጊጠጭዎቴ ታ ጋዓኔ።

6 «ዶንጎ ሱኡታ ፔቴ" ሳንቴፔሞ ሻንቺንታያቴዎይ? ዔያቶይዳፓ ፔቴ"ታዎ ያኡሲ በርቶይዳ ዎሊ"ንቴዎሴ። 7 ዬያጉዲ ዒንሢኮ ቶኣኮ" ጋፓና ቢያ ፓይዶንቴያኬ፤ ዬያሮ ዒጊጠፖቴ፣ ዒንሢ ሚርጌ ሱኡቶ"ይዳፓ ባሽታንቴዎ!» ጌዔኔ።

ኪሪሰቶሴ ዛሎ" ማርካዳንዳያ ኮይሳሢ

(ማቴ. 10፡32-33፤ 12፡32፤ 10፡11-20)

8 ይካገ ይሱሴ፦ «ቦርሲንቴዎን ዓሲ ቤርቲዳ ታ ዛሎ" ማርካዲ ኬኤዛሚም፡ ታኣኒ ሃሣ ያኦሲ ኪኢታንቸም ዒዛ ዛሎ" ማርካዲ ኬኤዛንዳኔ፤ ታ ዒንሢም ጋዓኣኬ። 9 ዓሲ ቤርቲዳ ታና ዔሩዋሴ ጋዓሢ፡ ታኣኒያ ሃሣ ያኦዛሢ ኪኢታንቸም ዒዛ ዔሩዋሴ ጋዓንዳኔ።

10 «ዓሲ ናዓሢ ጫሽካይ ዓኣቶ ዳቢንታ ዒዛም ዓቶም ጌይንታንዳኔ፤ ዓያኖ ጌኤዮ ጫሽካይ ዓኣቶ ጋዓንቴ ዳቢንታ ዒዛም ዓቶም ጌይንታዓኬ።

11 «ዓሳ ዓይሁዶ ዓሶኮ ቡኪንቶ ቤዘ ቢያ ዒንሢ ዔኪ ዓኣዳኣና፡ ዎይሣ ዓሶንታ ቢታንታ ዓኣ ዓሶ ቤርታ ቢያ ዒንሢዳ ዎጊሳኒ ሺኢሻ ዎዶና <ዓይጎ ኑ ማሃንዳይ? ዎዚ ጌይ ኑ ኬኤዛንዳይ?> ጌዒ ሜታዲፖቴ። 12 ዓይጎሮ ጌዔቶ ዒንሢ ኬኤዛኒ ኮይሳ ባኮ ይማና ዓያኖ ጌኤዣ ዒንሢም ኬኤዛንዳኔ» ጌዔኔ።

**ዖርጎጮ ዓሢኮ ዔኤያቶ**

13 ዴሮ" ባኣኮ"ይዳፓ ፔቴ" ዓሲስኬይ ይሱሴ ኮራ፦ «ዔርዛሢዮ! ኑ ዓዳሢ ኦም ዳካልሴ ቤዘ ታኣና ዎላ" ጊሽታንዳጉዲ ታ ጌርሲንሢም ኬኤዘ» ጌዔኔ።

14 ይሱሴ ጋዓንቴ ማሃዮ፦ «ዔኤዛይ፡ ዒንሢ ባኣኮ"ይዳ ታ ዎጋያ ማዓንዳጉዲና ዓጪ ታ ዒንሢም ጊሽካንዳጉዲ ያ ታና ጌሢይ?» ጌዔኔ። 15 ሄሊ"ሳዖ ሃሣ ቢያሢም፦ «ዓሲኮ ሹምፓ ጴዳሢ ቆሎ ሚርጉምፓቴዎኣሢሮ ቢያ ባኣዚ" ናሽኪሢና ቢያ ባኣዚ"ም ጎጋይቁሢዳፓ ዒንሢ ካፑዎቴ፤ ሃሣ ዔሩዎቴ» ጌዔኔ።

16 ይካገ ይሱሴ ኮኣኪንሢና፦ «ጎዣ ዒዛኮ ሚርጌ ሃኣኮ ካፄ፡ ፔቴ" ዖርጎቹ ዓሲ ዓኣኔ፤ 17 ዒዚያ ፔ ማሊያና <ሃያ ቢያ ሃኣኮ ታ ዓርሣንዳ ቤሲ ታኣኮ ባኣሢሮ ታ ዎዳ"ንዳይ?> ጌዒ ማሌኔ።

18 ይካገ ሃሣ <ታ ዓካሪ ሂዳንዳኔ፤ ቤርታ ታኣኮ ዓኣ ኮኖ ቢያ ሻሂጋፓ ሜሌ" ዴኤፒ ዴኤፒ ኮና ታ ማገ፣ ዒኢካ ታኣኮ ሃኣኮና ዓኣ ባኮና ቢያ ቡኩሲ ታ ዓርሣንዳኔ። 19 ይካገ ታኣኒ ታኣም፦ ሃይሸ! ዓካሪ ኔኤም ሚርጌ ለዔይዳ ጊዳ ሚርጌ ባኣዚ" ኔኤኮ ዓኣኔ፤ ይያሮ ሜታ ባኣያ ማዒ፡ ሃውሺጋፓ ሙዔ፤ ዑሽኬ፡ ዎዛዴ፡ ታ ጋዓንዳኔ» ጌዔኔ።

20 ያኦሲ ጋዓንቴ <ዔኤዛይ፡ ኔ ዔኤያሢ! ሃኖ" ዒባኒ ኔ ሃይቃንዳኔ፤ ዓካሪ ሃይ ኔ ቡኩሴ ባካ" ቢያ ያኣም ማዓንዳይ?> ጌዔኔ።

21 «ይያሮ ፔኤም ሳዖይዳ ቆሎ ቡኩሳ ዓሲ፡ ያኦሲ ቤርቶይዳ ጋዓንቴ ማንቆ ማዔ ዓሲ ይያጉዲ ማዓንዳኔ» ዔያቶም ጌዔኔ።

**ያኦሲዳ ጉሙርቁሢ ጌሥሢ  
(ማቴ. 6፡25-34)**

12:10 ማቴ. 12፡32፤ ማር. 3፡29።

22 ይካገ ይሱሴ ዲዛኮ ገንጾ ሃንታ ናኦቶ"ሞ፡- «ዓካሪ ለዓይነት ስሙዲ፡ ዓይነት ዐሽካንዳይ?» ሂዚ ጌይሂና ዲንሂኮ ናንጎ ዛሎ" ማታዲፖቲ ታ ዲንሂሞ ጋዓኔ። 23 ዓይነት ጌዔቶ ሙኡዚ"ዳገ ሸምገ፡ ማኦይዳገ ዑሂ ባሼኩ። 24 ሂንዳ ቁራኮ ዛጉዋቲ፡- ዔያታ ጎሽኪ ሃኣኮ ቡኩሱዋሴ፤ ሃሃ ዔያቶኮ ኮናኣ ባኣሴ፤ ማዔቶዋ ጾኦሲ ዔያቶ ሙኡዛኔ፤ ዲንሂ ዓካሪ ካፖይዳገ ባሼቱዋዓዳ? 25 ጎጾንጉቲ ዲንሂዳገ ማሊ ማታዲሂና ፔናንጎ ሌጾይዳ ፔቲ" ኬሊ" ቃሳ"ኒ ዳንዳዓሂ ጾናዳይ? 26 ዓካሪ ይማ ዳኮ" ባኮማታጾ ማዳኒ ዳንዳዐ-ዋጾታጾ ዓይነት ማሌ" ባኮሮ ዲንሂ ማታዳይ? 27 ካዮ ቡና" ዋይቲ ዑጋቲ ሂንዳ ዛጉዋቲ፡- ዔያታ ማዲ ላቡ"ዋሴ፡ ሱኩዋሴ፡ ማዔቶዋ ካኣቲ ሴሎሞኔታጾ ፔ ቦንቾ ዋይ"ና ቢያ ዔያቶይዳገ ፔቲ"ማጉዲ ማዛዳ ማኦይ ማይንቲባኣሴ። 28 ዓካሪ ጾኦሲ ሃና" ጴዲ ዚሮ ታሞይዳ ዓገንታንዳ ካዮ ማኦቶ ይያይዲ ፓልሚሲ ማይሳያ ማዔቶ፡ ዲንሂ ጉሙርቁጻ ፓጩ ዓሳ፤ ዲንሂ ዲዚ ዋይቲ ይያይዳገ ባሼና ማይሲንዱዋይ?

29 «ይያሮ ለዓይነት ስሙዲ ዐሽካንዳይ?» ጌዒ ጌዒ ማሊሂና ማታዲፖቲ። 30 ይዮ ዳንቃኒ ሓያ ዓጮ" ዓሳ ማታዳኒ፤ ዲንሂሞ ጋዓንጉቲ ይይ ቢያ ኮይሳሂ ዲንሂኮ ጨሪንጮ ዓዳሂ ዔራኔ። 31 ይያይዳገ ባሼ ጾኦሲ ካኣቱሞ ዛሎ"ሞ ኮይሳ ባኮ ቤርታሱዋቲ፤ ዲንሂሞ ኮይሳ ባካ ቢያ ቃሲ"ንታንዳኔ» ጌዔኔ።

**ሳዓይዳ ቆሎ ቡኩሲሂ ኮይሱዋያ ማዒያ**  
(ማቲ. 6፡19-21)

32 ይሱሴ ሓሃ ኬኤዛጾ፡- «ዲንሂ ማርጌቱዋ፡ ዳኮ" ታ ዲገሎንሂዮቲ ዲገጩፖቲ፤ ዓይነት ጌዔቶ ዲንሂኮ ጨሪንጮ ዓዳሂ ዲዛ ካኣቱሞይዳ ዲንሂ ጌልዛኒ ኮዔኔ። 33 ዲንሂኮ ዓኣ ባኮ ቢያ ሻንቹ፡ ማኢሻ ማንቆ ዓሶም ዲንጉዋቲ፤ ማኢሻ ዓሳ ጩንቁዋ ቡራሾይዳ፡ ዉዛ ሄሎ"ዋ ቤዘይዳ፡ ቁንቁናሂያ ሙዲ ፑርቲሱዋ ቤዘና ፔቲ"ታጾ ጋፑዋ ቤዘ፡ ጨሪንጮ ማኣራ ዲንሂኮ ማኢሻ ጌሡዋቲ። 34 ዓይነት ጌዔቶ ማኢሻ ዲንሂኮ ዓኣ ቤዛ ዲና"ኣ ሃሃ ዲንሂኮ ዲኣካ ማዓንዳኔ» ጌዔኔ።

**ማደ ማደ ደዲ ዓሲ**

35 ሃሃ ይሱሴ ኬኤዛጾ፡- «ገኢገንቲ ቱኡቲ፡ ቢያ ዋይና ማደም ገኢገንቲዋቲ፤ ፖዓኣ ዲንሂኮ ፖዓያ ማጾንጎ። 36 ይያይዲ ዔያቶ

12:27 1ካኣቶ". ማ 10፡4-7፤ 2ጾኦሲ. ዓሃኬ 9፡3-6። 12:35 ማቲ. 25፡1-13።

ጎዳህኮ ዴፖ ቤዘይዳፓ ማዒ ሙኪያ ካፓ፡ ማዳ ዓሶንህ ማሉዋቲ፤ ዴያታ ፔኤኮ ጎዳህ ሙኪ ካራ" ዴቂ ዴኤላ"አና ዑኩና ሩኡሪ ቡላ"ኒ ገአገነቲያኬ። 37 ዩንህ ዴያቶኮ ጎዳህ ዴሩዋንቲ ሙኪ፡ ጳጩ ዴያታ ካፓንቲ ዴያቶ ዴንቆና ማዶ" ማዳዘንህ ዋዚጉዲ ጋላቲንቲያዳይ! ጎኔ ታ ዲንህም ጋዓኔ፡ ዲዚያ ገአገነቲ፡ ቱኡቲ ሙዖ ሙዋ ቤዛ ዴያቶ ዴይህንዳኔ፤ ሙዖ ሙኡዚ"፡ ዴያቶ ሸኦቹንህንዳኔ። 38 ዴያቶኮ ጎዳህ፡- ሳዓ ገዲሚሽ ሓህ ገዲሚሽፓ ዑህ ዓኣዳም ሙኪ፡ ጳጩ ገአገነቲ፡ ካፓንቲ ዴንቁ ማዳዘንህ ጋላቲንቲያኬ! 39 ኮሽ" ዴሩዋቲ፤ ዉሲ ሙካ ዋዴ ዓሲ ዲማሲ ዴራያ ማዴቶ ገንዑዋዖ ካፒ፡ ዉዘና ማኣር ቦኦኪሲንዲዋያታዖ፡ ዴሩዋ ዓቲዖና ዉዛ ማኣሪ ጌላህጉዲ፡ 40 ዓሲኮ ናዓህ ዲንህ ማሊባኣ ዋዴና ዴሩዋንቲ ሙካንዳኔ፤ ዩያር ዲንህ ገአገ ካፑዋቲ» ጌዔኔ።

**ማዳ ማዳ ኮሽ ዓሲና ፑርታ ዓሲ ዛላ**  
(ማቲ. 24፡45-51)

41 ዩማና ጳጳርሴ፡- «ጎዳህዮ! ሃያ ኮኦኪንህ ኔ ኬኤዛህ ኑምሞ? ቢያ ዓሲምዳይ?» ጌይ ዩሱሴ ኮራ ዖኦጮኔ።

42 ጎዳ፡። ዩሱሴ ማሃዖ፡- «ዓካሪ ፔኤኮ ማኣር ዓሶ ዋይህንዳጉዲና ማዳ ዓሶማኣ ሙዓ ኮይሳ ዋዶ"ና ዲንጋንዳጉዲ፡ ጎዳ ደኦሪ ጌህ ጉሙርቁንታያና ጨንጫ ማዴህ ዖናዳይ? 43 ዲዘኮ ጎዳህ ዓኣዳ ቤዛፓ ማዴ ዋዶ"ና ዲዛም ዓይህንቲማጉዴያ ማዳ ጳዳ ማዳ ዓህ ዋዚ ጋላቲንቲያዳይ! 44 ጎኔ ታ ዲንህም ጋዓኔ፤ ጎዳህ ዩያ ማዳ ዓህ ፔኤኮ ማኣርይዳ ዓኣ ባኮ ቢያኮ ዑፁ ማህ ደኦሪ ጌህንዳኔ። 45 ጋዓንቲ ዩይ ማዳ ዓህ ሓ ጎዳ ዑኩ ሙካዓኬ፡ ኔጋንዳኔ ጌይ ማሊህና ሙዒ ሙዒ ሃህ ዑሽኪ ዑሽኪ፡ ማህንቲ ማዳ" ማዳ ዓቲንቆና ላኣሎና ጳዲ ዓርቁቶ፡ 46 ጎዳህ ዲዘኮ ዴርቲባኣ ዋዴይዳ ሙኪ፡ ዩያ ማዳህ ኮሽ" ጳርቃንዳኔ፤ ሓህ ዲዛ ጉሙርቁንቲዋ ዓሲ ማህ ፓይዳንዳኔ።

47 «ዲዘኮ ጎዳህ ማሊያ ማሊያ ዴራያታዖ ጎዳህ ማሊያጉዲ ማዳባኣህ ሃህ ዩያጉዲ ጎዳህኮ ዓይህዖ ኩንህዋ ማዳ ዓህ ኮሽ" ጳርቁንታንዳኔ። 48 ጋዓንቲ ጎዳኮ ማሊያ ዴርባኣዖ ዲዛ ጳርቁሳ ባኣዚ" ማዳቶዋ ዲዛ ጳርቆንዶ ጳዳ" ሸሌዔኬ፤ ዓይጎር ጌዔቶ ሚርጌ ዲንገንቲ ዓሲዳፓ ሚርጌ ኮይንታኔ፤ ሚርጌ ባኣዚ"ዳ ቢታንቶ ዲንገንቲ ዓሲዳፓ ሚርጌ ባኣዚ" ካፒንታኔ» ጌዔኔ።

12:36 ማር. 13፡34-36። 12:39 ማቲ. 24፡43-44።



**ዩሱሴ ዔኪ ሙኬ ዲሙሞ**  
(ማቴ. 10፥34-36)

49 ሄሊ"ሳዖ ዩሱሴ፡- «ሃአዛጉዋቴ፤ ታኣኒ ሳዖይዳ ታሚ ዔኪ ሙኬኔ፤ ዩይ ታሚ" ዑኩና ታኣሞ ዔኤቴቴ ዋዚ ታና ናሻንዳይ! 50 ጋዓንቴ ታኣኒ ፑኡፒ ዔካንዳ ሜታ ዓኣሢሮ ዩይ ኩማንዳያ ሄላ"ንዳኣና ሃውሺሢ ታኣኮ ባኣሴ። 51 ታኣኒ ሳዖሞ ኮሹሞ ዔኪ ሙኬጉዲ ዲንሢሞ ማላ? ታኣኒ ዔኪ ሙኬሢ ፓቁንቲሢ ማዓንዳኣፓዓቴሞ ኮሹሞቴዋሴ። 52 ሃሢፓ ዓርቃዖ ፔቴ" ማኣሪዳ ዓኣ ደንጎ ዓሲ ዋሊፓ ዲማዳንዳኔ፤ ሃይሆንሢ ላምዖንሢ ገንሢ ሃሢ ላምዖንሢ ሃይሆንሢ ዔቁ ዋላ" ዑራዳንዳኔ። 53 ዓይ ናዖ ዑይይዳ፣ ናዓ ዓዲ ዑይይዳ፣ ዲንዳ ናዖ ዑይይዳ፣ ናኣ ዲንዶ ዑይይዳ፣ ማዔ ናኣዚ" ማቾ ዑይይዳ ናኣዚ" ማቾ ሃሢ ማዖ ዑይይዳ ፑርቴሞና ዔቁ ዲማዳንዳኔ» ጌዔኔ።

**ዎደ ዛሎ" ዔሪሢ**  
(ማቴ. 16፥2-3)

54 ላሚ ሃሢ ዩሱሴ ዳሮ"ሞ፡- «ዓባ" ጌላ ዛሎ"ና ሻኣሬ ዲንሢ ዴንቃዖ <ሃይሾ፣ ሃሮ" ዒርዚ ዋርቃንዳኔ!> ዲንሢ ጋዓዛ፣ ዔርዚ ዋዋርቃኔ። 55 ዩያጉዲ ሃሢ ዓባ" ኬሰኪ ጌላ ዛሎ"ኮ ደኣሎ" ዛሎ"ና ቱሮ" ዠባርሼቶ <ሃሮ" ዓቢኬ> ዲንሢ ጋዓዛ፣ ጎኔ ዲማዲ ማዓኔ። 56 ዲንሢ ሃይ ዲንሢና ጌኤሺ ማሊሳ ዓሳ ጨሪንጮና ሳዖና ዓኣ ጎይዖ ዛገ ማዓንዳ ባኮ ዲንሢ ዔሪ ዔራኔ፤ ዓካሪ ሃሢ ሃያ ዎደ"ና ማዲንታ ባኮ ዓይጎር ዲንሢ ዔራዋይ?» ጌዔኔ።

**ሞርኬና ዎላ" ገኢጊንቲሢ ዛላ**  
(ማቴ. 5፥25-26)

57 ዩካፓ ዩሱሴ፡- «ዓካሪ ዲንሢ ዲንሢ ቶኣኪና ፒዜ ማዔ ባኣዚ" ዔሪ ዓይጎር ዎጉዋይ? 58 ኔኤኮ ሞርኬ ኔና ዎጌና ዓይሢሲ ዎጎ ዎጎ ማኣሪ ዔኪ ዓኣዳ ዎደ"ና ጎይዖ ዓኣዖ ኔ ሞርካሢና ገኢጋኒ ኮሺ" ማሌ፤ ያዲ ማዒባኣያታቶ ዒዚ ኔና ዎጎ ዓሢ ኮይላ" ዔኪ ዓኣዳንዳኔ፤ ዎጋሢ ሃሢ ፖኦሊሳሢሞ ዓኣሢ ዲንጋንዳኔ፤ ጋፒንዖ ፖኦሊሳሢ ኔና ቱኡዞ ማኣራ ቱካ"ንዳኔ። 59 ኔ ዳቤ ባኮ ዛሎ" ቢያ ጋፒሲ ጨጉዎዖ ቱኡዞ ማኣራፓ ኬሰካኒ ኔ ዳንዳዑዋኣሢ ታ ኔኤም ኬኤዛኔ» ጌዔኔ።

---

12:50 ማር. 10፥38። 12:53 ሚኪ. 7፥6።

# 13

## ጎሜ ቡኡዲህ ኮይሳያ ማዕረህ

1 ዲማ"ና ዓሳ ዩሱሴ ባንሂ ሙኪ፡- «ጌሊላ ዓጮ" ዓሳ ያኦሲም ሹኪ ዲንጊ ካኣሸኮ ባኮ ሸኢሻ ዎዶ"ና ጲሊያሴ ዔያቶ ዎጰም፡ ሱጉፃኣ ዔያቶኮ ዔያታ ያኦሲም ዲንጊ ካኣሸካ ባኮና ዎላ" ሲኢሪንቴኔ» ጌይ ዲዛም ኬኤዜኔ። 2 ዩሱሴ ዔያቶም ማሃዎ፡- «ዓካሪ ዩንሂ ጌሊሎ ዓሶንሂ፤ ዩይ ሃይሶ" ባይሲንታ ሄሌ"ሂ ማሌ" ዓቴ" ጌሊላ ዓሶይዳፓ ቢያ ባሼ ጎሜ ዓሲ ዔያታ ማዕረህር ዲንሂም ማላ? 3 ያዲቱዎሴ! ዲንሂኮ ጎማ ዳቢንቲ ማዕረህ ዔሪ ጎሞ ቡኡዲባኣቴ ዲንሂያ ዔያቶጉዲ ባይቃንዳኔ ታ ዲንሂም ጋዓኣኬ። 4 ሴሌሆማ ጎዎ ቤዘይዳ ሹጮና ኬልቂ ማኸና ዲራ ደዔም፤ ሃይቁ ታጰ ሳሊ" ዓሶ ዛሎ" ዲንሂ ዎዚ ጋዓይ? ዔያታ ዩሩሳላማይዳ ናንጋ ዓሶይዳፓ ቢያ ዑህ ዓኣጳ ጎሜ ዓሲ ዲንሂ ኮራ ማላ? 5 ያዲቱዎሴ! ዲንሂኮ ጎማ ዳቢንቲ ማዕረህ ዔሪ ጎሞ ቡኡዲባኣቴ ዲንሂያ ዔያቶጉዲ ባይቃንዳኔ ታ ዲንሂም ጋዓኣኬ» ጌዔኔ።

## ዓኣፑዎ ቤሌሴ ጌይንታ ሚጻሎ ኮኣኪንሂ

6 ዩካፓ ዩሱሴ ሃያ ኮኣኪንሂ ዔያቶም ኬኤዜኔ፡- «ፔቴ" ዓሲ ፔኤኮ ቱኮ" ሚዎ ባኣኮ"ይዳ ቱኬ" ቤሌሴ ሚሂሰኬና ዓኣኔ፤ ዩኖ ሚጻሎይዳ ዓኣፒ ናንዳኔ ጌዒ ዳንዲ፤ ፔቴ"ታዎ ዳንቁባኣሴ። 7 ዩያር ዲዛኮ ዩኖ ቤዜሎይዳ ማዳ ዓሂም ለሃኣዛጌ፤ ሃኖ" ቤሌሶ ሚጻሎይዳፓ ዓኣፒ ታ ዳንቃኒ ጌዒ ሃይሂ ለዔ ኩሙሂ ታ ሃንቴኔ፤ ጋዓንቴ ፔቴ"ታዎ ዓኣፒ ዲዘይዳፓ ታ ዳንቁባኣሴ፤ ዩያር ሃሂ ዲዛ ቲቁ፤ ዓይጎር ዲዛ ማሌ" ቱኪ"ንቴ ባኮኮ ጉሪ ቤዘ ዓርቁ ሳዎ ፑርቲሳይ? ጌዔኔ። 8 ዩኖ ቤዜሎ ጎሸካሂ ጋዓንቴ ለዳሂዎ! ሂንዳ ሃኖ" ሌዎ ሃሹ"፤ ዓጮ ታ ዲዘኮ ቦኣኪ ቡኡራ ዎሂ ዛጋንዳኔ፤ 9 ሙካ ሌዎ ዲዛ ዓኣፔቴ ኮሺኬ፤ ሃንጎታቴ ጋዓንቴ ዲዛ ቲቁንታንዳኔ» ጌይ ዲዛም ማሂኔ።

## ዩሱሴ ፔቴ"ዎሶ ላኣሊሰኬና ዓይሁደኮ ሃውሾ ኬሎ"ና ፓሂሂ

10 ዩሱሴ ዓይሁደ ዓሶኮ ሃውሾ ኬሎ"ና ዔያታ ቡካ ቤዘይዳ ዔርዛንቴ፤ 11 ዓኣካ ታጰ ሳሊ" ለዔ ጉቤ ፑርታ ዓያና ዎቢሴ ላኣሊሰኬና ዓኣኔ፤ ዲዘኮ ጊኢራ ዎቤሂር ዳግ ጋዓኒ ዲዛ ፔቴ"ታዎ ዳንዳዑዎያኬ። 12 ዩሱሴ ዲዘ ዳንቃዎ ዔኤሊ"፡- «ዔና፤ ኔኤኒ ኔኤኮ ደርዓሰካፓ ፖዔኔ» ዲዘም ጌዒ፤ 13 ፔ ኩጮና ዲዘ ዲ ፒፃዛ ቤዘማና ዳግ ጌይ ዔቁ፤ ያኦሲ ጋላቴኔ።

14 ዩሱፍ ዲዛ ዓይሁደኮ ሃውሾ ከሎ"ና ፓሢሢሮ ዓይሁደ ዓሶኮ ቡኪንቶ ቤዘ ሱኡጋሢ ዳጋዳዖ ዳሮ" ኮራ:- «ቃልሾ ከሎ" ጋራ ማደ ማደንታንዳ ላሆ" ከሊ" ዓኣኔ፤ ዩንሢ ከሎ"ንሢዳ ሌሊ ሙኪ ሙኪ ፖዑዋቴ፤ ሃውሾ ከሎ"ና ጋዓንቴ ማዑዋያኬ» ጌዒ ከኤዜኔ።

15 ዩማና ጎዳ ዩሱፍ ዲዛም:- «ዒንሢ ሃይ ፔና ጌኤሺ ማሊሳ ዓሳ! ዒንሢ ፔቴ" ፔቴ"ሢ ሃውሾ ከሎ"ና ዒንሢኮ ጌማይ ሃህ ሃሬ ቱኬ" ቤዛፓ ቡሊ" ዋኣሢ ዑሻኒ ዔኪ ዓኣዲዋዓዳ? 16 ሃሢ ሃና ዓብራሃሜ ፃጸፓ ማዔ፥ ላኣሌላ ታጾ ሳሊ" ሌዔ ጉቤ ፃላሄ ቱኬ"ም ሜታዲ ናንጌኔ፤ ዓካሪ ዲዛ ቱኡቲ ሜታዳ ደርዒሢዳፓ ሃውሾ ከሎ"ና ቡሊ"ንታኒ ዲዛም ኮይሱዋዓዳ?» ጌዔኔ። 17 ያዲ ጌዒ ዩሱፍ ዲዛ ማካ ዓሶ ቢያ ቦርሲሴኔ፤ ዳራ" ጋዓንቴ ዩሱፍ ማደ ዲቃሢ ባኮና ቢያ ዋዛዴ።

**ሴናፒጩ፣ ጌይንታ ዳኮ" ዜርጻሎ ኮኦኪንሃ**  
(ማቴ. 13፥31-32፤ ማር. 4፥30-32)

18 ዩሱፍ:- «ጾኦሲ ካኣቱማ ዓይጎ ኮኦኪንሢና ከኤዚንታንዳይ? ሃህ ገንሢ ዓይጎና ታ ቤኤዛንዳይ? 19 ፔቴ" ዓሲ ፔኤኮ ቱኮ"ና ባኮ ባኣካ" ዜርቄ ሴናፒጩ፣ ጌይንታ ሚጻሎ ዜርፆ ማላኔ፤ ዲዛ ዑጊ ዴኔፒ ሚሢ ማዓኔ፤ ካፓኣ ዲዛኮ ካኣፖይዳ ማኣሪ ማኣኔ» ጌዔኔ።

**ሙኡቆ ፃኣዛ ኮኦኪንሃ**  
(ማቴ. 13፥33)

20 ዩሱፍ ሃህ ላሚ:- «ጾኦሲ ካኣቱም ዓይጎና ዋላ" ታ ቤኤዛንዳይ? 21 ጾኦሲ ካኣቱማ ፔቴ" ላኣሊ ሙኡቆ ካዲጎንዳጉዲ ዲቦ" ዲኢሎ ዲርካኣና ዋሃ ሙኡቃ ፃኣዛ ማላኔ» ጌዔኔ።

**ኩንዔ ካራ ዛሳ**  
(ማቴ. 7፥13-14፤ 7፥21-23)

22 ዩካፓ ዩሱፍ ዩሩሳላሜ ባንሢ ዴንዳዖ ካታሞና ካታሞኮ ዙሎ"ናይዳ ቢያ ዔርዚ ዔርዚ ዓኣዳኔ። 23 ዩማና ፔቴ" ዓሲ:- «ጎዳሢዮ! ዳቃንዳዘንሢ ዳካ" ዓሲዳ?» ጌይ ጾኦጩዛ፥ ዩሱፍ ዔያቶም ማሃዮ:- 24 «ኩንዮ ካሬ"ሎና ጌላኒ ኮሺ" ደዳዋቴ፤ ዩኖ ካሬ"ሎና ጌላኒ ኮዓ ዓሳ ሚርጌኬ፤ ጋዓንቴ ጌላኒ ዔያታ ዳንዳዑቡሴ፥ ታ ዒንሢሞ ጋዓኣኬ። 25 ማኣሮ ዓዴ ዔቁ ካሬ"ሎ ዋዳንዳኔ፤ ዒንሢ ዙላ" ዔቁ ዔኤሊ"ንቲ ሳዳሢዮ! ሃዳራ ካር" ኑም ቡሌ"!» ጋዓዛ፥ ዲዚያ <ዓንካፓ ዒንሢ ሙኩቶዋ ታ ዒንሢ

13:14 ከሲ. ማፃ 20፥9-10፤ ላሚ. ዋማ 5፥13-14።

ዔሩቀሴ፤ ጌይ ዒንሢሞ ማሃንዳኔ። 26 ዬኖ ዎድ"ና ዒንሢ ህኔና ዎላ" ኑ ሙዒ ዑሽከኔ፤ ኑ ጉርዶይዳ ኔ ዔርዘንቴሞ!፤ ጋዓንዳኔ። 27 ዒዚ ላሚ ሃሃ ለዓንካፓ ዒንሢ ሙከቶዎ ታ ዒንሢ ዔሩቀሴ! ዒንሢ ሃይ ፑርቶ ዓሳ ታ ኮራፓ ሸኢኩዎቴ!፤ ዒንሢ ጋዓንዳኔ። 28 ዒንሢ ዒብራሃሜንታ ዪሳኦቄንታ ያይቆኑቤንታ ሃሃ ያኦሲ ማሊያ ከኤዛዘንሢ ሲያ ያኦሲ ካኦቱሞይዳ ዛጋንዳኔ፤ ዒንሢ ጋዓንቴ ዙላ" ከኤሪንቴ ዓቴ" ዎድ"ና ዬኤፒና ዓቺ ዳይሢና ዒንሢሞ ማዓንዳኔ። 29 ሚርጌ ዓሳ ዓባ" ከሰካ ካሮ"ና ጌላ ካሮ"ናይዳፓ ሃሃ ሳዎኮ ድኦሎ"ና ከዶ"ናይዳፓ ሙኪ ያኦሲ ካኦቱሞይዳ ሙዎ ሙዎ ቤዛ ደዓንዳኔ። 30 ዬያሮ ሚርጌ ላቤ"ያ ሃሃ ጊንፃዴያ ማላ ዓሳ ቤርታ ማዓንዳኔ፤ ጎኦ ቤርታዳያ ማላ ዓሳ ጊንሢሞ ማዓንዳኔ» ጌዔኔ።

**ዬሱሴ ዬሩሳሌም ዘሪ ጎሪሢ**  
(ማቲ. 23፡37-39)

31 ዒማ"ና ፔቴ" ፔቴ" ፔርሴ ዓሳ ዬሱሴ ኮራ ሙካዎ፡- «ሄሮዲሴ ኔና ዎዳኒ ኮዓሢሮ ሃይፓ ሜሌ" ቤሲ ዴንዴ» ዒዛሞ ጌዔኔ።

32 ዬሱሴ ጋዓንቴ ዔያቶሞ፡- «ዒንሢ ዴንዴፓፓ ዬያ ዉኡካሢሞ \* ለሃኖ"ና ዚሮና ፑርቶ ዓያኖ ታ ከሲ"፤ ሃርጊንቴ ዓሳዎ ፓሣንዳኔ፤ ሃይሣሳ ከሎ"ና ማዳ" ታኦኮ ታ ጋፒሳንዳኔ፤ ጋዓኑ ጎዑዎቴ። 33 ዓካሪ ሃኖ" ማዔቶዎ ዘሮ፤ ሃሃ ሂንቶታቴያ ዬሩሳሌም ታ ዓኦዲዎሮ ዔቃንዳኔ፤ ዓይጎሮ ጌዔቶ ያኦሲ ማሊሢ ከኤዛሢ ዬሩሳሌምይዳፓ ዓታዛ ሜሌ" ቤሰካ ሃይቃንዳያ ኮይሱዎሴ።

34 «ዬሩሳሌም! ዬሩሳሌም! ኔኤኒ ያኦሲ ማሊያ ከኤዛዘንሢ ዎዳኔ፤ ኔ ባንሢ ዳኪንታ ከኢቶ" ዓሳዎ ሹቻ ኔ ዳዓኔ፤ ኮይዳ ፔኤኮ ጋኦዘ ዴማ" ናኦቶ" ቡኩሳሢጉዲ ታኦኒያ ሚርጌና ናኦቶ" ኔኤኮ ቡኩሳኒ ኮዔኔ፤ ዒንሢ ጋዓንቴ ዒዳኔ። 35 ዬያሮ ማኦራ ዒንሢኮ ባዔ ማዒ ዓታንዳኔ፤ ዒንሢያ ለያኦሲ ሱንዎና ሙካሢ ዓንጂንቴያከ» ጋዓንዳ ከሎ" ሄላ"ንዳኦና ፔቴ"ታዎ ታና ዒንሢ ዴንቃዓከ» ጌዔኔ።

**14**

**ዬሱሴ ሃሃ ፔቴ" ሃርጌ ዓሲ ሃውሾ ከሎ"ና ፓሣሢ**

---

13:27 ዓይኑ. 6፡8። 13:28 ማቲ. 22፡13፤ 25፡30። 13:29 ማቲ. 8፡11-12።  
13:30 ማቲ. 19፡30፤ 20፡16፤ ማር. 10፡31። \* 13:32 ዉኡካሢሞ፡- ዬሱሴ ሄሮዲሴ ዉኡኮ ጌዓሢ ዒዛ ጫጫሽካኒቱዎንቴ ዬኖ ዎድ"ና ፔቴ" ዓሲ ዉኡኮ ጌይሢ ዬይ ዓሢ ጨንጫ ሃሃ ማላቴ ዓሲ ማዒያ ዔርዛያ ማዔሢሮከ። 13:35 ዓይኑ. 118፡26፤ ዔር. 22፡5።

1 ዩሱስ ዓይሁድ ዓሳኮ ሃውሾ ኬሎ"ና ፔርሴ ዓሳኮ ሱኡጎይዳፓ ፔቴ"ስኬያ ማኦሪ ሙኡዚ" ሙዓኒ ጌላዛ፣ ፔርሴ ዓሳ ዒዚ ማዳ ባኮ ዛጋኒ ኮሺ" ዒዛ ሙራኔ። 2 ሃርጊንቲ፣ ዑፃ ጉቤ ኪፆ ፔቴ" ዓሲ ዒማ"ና ዩሱሴኮ ቤርታ ዓኣኔ። 3 ዩሱሴ ሙሴ ዔርዜ ዋጎ ዔርዛ ዓሳና ፔርሴ ዓሳና ኮራ፡- «ዓይሁድ ዓሳኮ ሃውሾ ኬሎ"ና ዓሲ ፓሥሢ ዋጋ" ዓይሣሞ ዓይሠላዎይ?» ጌይ ያኦጩኔ።

4 ዔያታ ጋዓንቴ ዚቲዮ ጌዔኔ፤ ዩሱሴ ዒማ"ና ሃርጊንቲ ዓሢ ፓሢ ዳኬኔ። 5 ዩካፓ ሃሣ ዩሱሴ፡- «ዒንሢዳፓ ሃውሾ ኬሎ"ና ናዓ ሃሣ ጌማይ ዔቴይዳ ሎኦምም ቤዛማና ኬሎ"ዋኣሢ ያናዳይ?» ጌዒ ዔያቶ ያኦጩኔ።

6 ዔያታ ጋዓንቴ ማሂ ኬኤዛኒ ዳንዳዒባኣሴ።

**ኮሹሞና ዓሲ ሾኦቺንሢና ዛላ**

7 ዩሱሴ ሙዖም ዔኤሊ"ንቴ ዓሳ ቦንቺንቴ ቤዛ ዳዓኒ ኮዓሢ ዛጋያ ሂዚ ጋዓ ኮኣኪንሢ ዔያቶም ኬኤዜኔ፡- 8 «ፔቴ" ዓሲ ዔፔ ቤሲ ሙኡዚ"ም ኔና ዔኤሊ"ቴ፣ ቦንቺ ቤዛ ሩኡሪ ዳዒፖ፤ ጎዖንቴ ኔ ጊዳ"ፓ ባሾ ቦንቺንቴ ዓሲ ዔኤሊ"ንቴያናንዳኔ፤ 9 ዒንሢ ላምዓሢ ዔኤሊ" ዓሢ ኔ ኮይላ" ሙኪፓፓ ላሦ" ቤዜሎ ሃያ ዓሢም ሃሾ" ኔና ጌዔቴ፣ ዒማ"ና ዳኤፔ ቦርሲንቲና ሂርኬ ቤዛ ኬዲ" ኔ ዳዓንዳኔ። 10 ጋዓንቴ ሙኡዚ" ቤሲ ኔ ዔኤሊ"ንጎኣና ዳንዲ ሂርኬ ቤሲ ዳ ዳዔ፤ ዩካፓ ኔና ዔኤሊ" ዓሢ ኔ ኮራ ሙኪ ላታ ዒጊናሢዮ! ሃይካ ዳ'ጌ ቤዛ ኬሰኪ ዳዔ" ኔና ጋዓዛ፣ ሜሌ" ኔኤና ዔኤሊ"ንቴዛንሢ ቤርታ ቢያ ቦንቺ ኔኤም ማዓንዳኔ። 11 ዓይጎሮ ጌዔቶ ፔ ቶኦኮ" ዳ'ጊዳሢ ቢያ ሂርኪ ጋዓንዳኔ፤ ፔ ቶኦኮ" ሂርኪዳሢ ጋዓንቴ ዳ'ግ ጋዓንዳኔ» ጌዔኔ።

12 ዩሱሴ ሃሣ ሙዖ ሙኡዛኒ ዔኤሊ" ዓሢም፡- «ካሣ ኔ ሙኡዛኒ ሮኦሪያ ማዖም ዋንታ ዔኤላ" ዋዶ"ና ላዔያታ ሙዔሢ ዛሎ" ማሂታና ዔኤሊ" ሙኡዛንዳኔ» ጌዒ ማላሢና ኔኤኮ ላጎ፣ ኔኤኮ ጌርሲንሢ፣ ኔኤኮ ዒጊናና ሃሣ ዖርጎጮ ማዔ ኔኤኮ ዓሺኖ ዔኤሊ"ፓ፤ 13 ጋዓንቴ ኔ ካሣ ሙኡዛኒ ዔኤላ" ዋዶ"ና ዔኤሊባኣ ዓሳ፣ ኩቺና ቶኪና ዲዴ ዓሳ፣ ዋቦ ዓሳ፤ ሃሣ ዓኣፓ ባይቄ ዓሳ ዔኤሊ"። 14 ያዲ ኔ ማዳቶ ዔያታ ኔ ማዳሢ ዛሎ" ኔኤም ጨጋኒ ዳንዳዒዓዎኣሢሮ ኔ ዓንጂንታንዳኔ፤ ጋፔንፃ ጌኤኩ ዓሳ ሃይባ"ፓ ዔቃ ዋዶ"ና ያኦሲ ኔኤም ጨጋንዳኔ» ጌዔኔ።

ዳኤፖ ሙዖ ጊኢጊሾና ኮኦኪንሢ  
(ማቲ. 22፡1-10)

15 ሙያ ሙዓሊ ዴዔ ዓሰይዳፓ ፔቴ"ሰኬይ ዩሱሴ ኬኤዘህ ዋይዘያ፡- «የኦሲ ካኣቱሞይዳ ሙኡዚር ዴዒህ ዋዚጉዲ ዓንጂንተህዲይ!» ጌዔኔ።

16 ዩሱሴ ጋዓንቴ ማሃያ፡- «ፔቴ" ዓሲ ዴኤፒ ሙኡዚ" ጊኢጊሺ ሚርጌ ዓሲ ዔኤሌ"ኔ፤ 17 ሙያ ሙያንዶ ኬላ" ሄላ"ዛ ህይሾ ዓካሪ ቢያ ባካ ጊኢጊንቴህረ ታኣኮ ሙያ ሙዓሊ ሙኡዋቴ!» ጌዒ ዔኤላ"ንዳጉዲ ሙያ ጊኢጊሺህረ ዒዘኮ ዓይህንቴ ማዳህ ዔኤሌ"ንቴ ዓሶ ኮራ ዳኬኔ። 18 ጋዓንቴ ፔቴ" ፔቴ" ዔኤሌ"ንቴ ዓሳ ሙያይዳፓ ዓቶንዶ ጎይህ ኮዒህ ዓርቃያ፡ ፔቴ"ህ ለቤሲ ታ ሻንቄህረ ዴንዲ ታ ዛጋንዳኔ፤ ዩያር ታ ሙካኒ ዳንዳዒባኣሴ፤ ታና ቆፂፖ ጌዔኔ። 19 ባጋህ ሃህ ለደንጎ ዋኣፃ ጌማይ ታ ሻንቄህረ ዔያቶ ታ ዓኣህ ዛጋንዳኔ፤ ታና ሄሊ"ሲንዲሞሴ፤ ቆፂፖ ጌዔኔ። 20 ዓቴ"ህ ሃህ ለኣኢ ታ ዔኪ ዑኡቱሞይዳ ዓኣህረ ሙካኒ ታ ዳንዳዑሞሴ ጌዔኔ።

21 «ዔኤሊያ ዳኮና ማዳህ ማኣሪ ሙካያ ዩያ ቢያ ባኮ ጎዳህም ኬኤዘኔ፤ ዩያር ማኣር ዓዳህ ዳጋዳያ፡ ዓይህንቴ ማዳህም ለቤና ካታሞኮ ዳልጎ ጎይያና ጊዴ"ና ቲቂ ዓኣዳ ጎይያና ዴንዲፓፓ ማንቆ ዓሶ፡ ኩቸና ቶኪና ዲጶ ዓሶ፡ ዓኣፓ ባይቂ ዓሶና ሃህ ዋሶ ዓሶዋ ዔኤሊ" ሃኒ ዔኪ ሙኬ» ጌዔኔ። 22 ዓይህንቴ ማዳህም ሙካያ ጎዳህ ኮራ ታ ጎዳህሮ! ኔኤኒ ታና ዓይህ ባኮ ቢያ ታ ማዳንቴ፡ ሃጊ ቤዛ ኩሚባኣሴ» ጌዔኔ። 23 ዩያር ማኣር ዓዴ ማዳህም ለማኣራ ታኣኮ ኩማንዳጉዲ ካታሞኮ ዙሎ" ዔኪ ዓኣዳ ዳልጎ ጎይያና ቲቂ ዓኣዳ ጎይያና ዴንዲ ዓቴ"ያ ሜሌ" ዓሲያ ሃህ ሙካንዳጉዲ ዔኤሌ"፤ 24 ዩንህ ቤርታ ዔኤሊ"ንቴዘንህፓ ፔቴ" ዓሲታፓ ታኣኮ ሙያ ሙዓባኬ» ጌዔኔ፤ ታ ዒንህም ጋዓኔ።»

**ዩሱሴ ጊንህ ሃንቴህ ዔኪሳ ሜቶ**  
(ማቴ. 10፡37-38)

25 ሚርጌ ዓሲ ዩሱሴና ዋላ" ዓኣዳንቴ ዒዚ ዔያቶ ባንህ ሺሪጋፓ፡- 26 «ታ ባንህ ሙካህ ቢያ ፔኤኮ ዓዶና ዒንዶና ማቸና ናኣቶ"ና ጌርሲንህና ጌርንህና ሓህ ፔ ሺምፓህያ ታ ጊዳፓ ባሺ ናሽካያ ማዔቶ፡ ታ ዓሲ ማዓሊ ዳንዳዑሞሴ። 27 ሓህ ሃይቢ ሄላ"ንዳኣና ጊኢጌያ ማዒባኣህ ታኣኮ ጊንያ ሃንታ ናይ ማዓሊ ዳንዳዑሞሴ።

14:26 ማቴ. 10፡37። 14:27 ማቴ. 10፡38፤ 16፡24፤ ማር. 8፡34፤ ሉቃ. 9፡23።

28 «ዲንሢዳፓ ፔቴ" ዓሲ ሹቺና ማዡ ማኣሪ ማዡኒ ኮዔቶ ማዲ" ማዲ ጋፒሳኒ ዋኣዲ ሚኢሹ ኮይሳያታቶዋ ቤርታዲ ዴዒ ማላኔ። 29 ጋዓንቴ ሹጮና ማዡ ማኣሪ ማዡያ ዓርቃዎ ጋፒሳኒ ዳንዳዒባኣያታቴ ዓይያይዳ ዓቴ" ማኣሪሎ ዛጋ ዓሳ ቢያ ዒዛ ቦሃንዳኔ፤ 30 ሃኣዛጉዋቴ፤ ሃይ ዓሢ፣ ማኣሪ ማዡኒ ዓርቁዎ ጋፒሳኒ ዳንዳዒባኣሴ» ጌዒ ጌዒ ሃሃ ዒዛ ፓሳንዳኔ።

31 «ሃሃ ጊንሣ ታጶ ሺያ ፖኦሊሴ ዓኣ፣ ፔቴ" ዓጪኮ ካኣቲ ሜሌ" ለማታሚ" ሺያ ፖኦሊሴ ዔኪ ያላኒ ሙካ ካኣቲና ዎላ" ያልታኒ ኮዔቶ ቤርታዲ ፔኤኮ ሞርኮ ባሻኒ ዳንዳዒያ ማዔቶ ዔራኒ ዴዒ ዘርታኔ። 32 ዳንዳዐ-ዎያ ማዔቶ ጋዓንቴ ዒዛ ያላኒ ሙካ ካኣታ"ሢ ሃጊ ሃኬ ዓኣንቴ፣ ዬይ ካኣታሢ ጨማቶ ዓሲ ዳካኔ። 33 ዬያጉዲ ዲንሢዳፓ ፔኤኮ ዓኣ ባኮ ቢያ ሃሺ"ባኣ፣ ዓይጎ ዓሲታቶዎ ታ ዓሲ ማዓኒ ዳንዳዒንዲዋሴ» ጌዔኔ።

ማኣዲዋ ሶኦጌ  
(ማቴ. 5፡13፤ ማር. 9፡50)

34 ዬካፓ ሃሃ ዬሱሴ፡- «ሶኦጌ ኮሺኬ፤ ሶኦጌ ሶኦጌ ማዒባኣያታቶ ዓይጎና ጊንሣ ሶኦጌ ማሃንታንዳይ? 35 ዬናጉዴ ሶኦጌላ ጎሽኪንታ ዓጮ"ሞ ማዔቶዎ ሃሃ ጎሺ ማሊ"ሳኒያ ላኣሊንቴዎ ቡኡራጉዲ ማዔሢሮ ጉሪ ኬኬኤሪንታንዳኔ፤ ዓካሪ ዋይዛ ዋይዚ ዓኣሢ ዋይዘንጎ!» ጌዔኔ።

# 15

ባይቁ ማራይ ኮኦኪንሢ  
(ማቴ. 18፡12-14)

1 ኮርሞ ዓሶይዳፓ ሚኢሹ ቡኩሳ ዓሶና ጎሞ ዓሶና ቢያ ዬሱሴ ዔርዛ ዔርዚያ ዋይዚኒ ቡኪንቲ ዒዛ ኮራ ሙኤኔ። 2 ፔርሴ ዓሶና ሙሴ ዔርዜ ዎጎ ዔርዛ ዓሶና ጋዓንቴ ዬያ ዛጋዎ፡- «ሓይ ሃይሾ ጎሞ ዓሶና ሽኪ ዔኪ፣ ዔያቶና ዎላ" ሙዓኔ» ጌዒ ጌዒ ዬሱሴ ደንኪሢ ዓርቁኔ። 3 ዬያሮ ዬሱሴ ሃያ ኮኦኪንሢ ዔያቶሞ ሃዚ ጌዒ ኬኤዚሢ ዓርቁኔ።

4 «ዲንሢዳፓ ያኤታ ማራይ ዓኣ ዓሲ ፔቴ" ማራይ ባይቁቶ ዎይታንዳያ ዲንሢሞ ማላይ? ታዘጲታሚ ታዘጲ ማራቶ ካያ ሃሺ"፣ ዬያ ባይቁ ማራዓሢ ዴንቃኒ ኮዓኒ ዴንዳዓዳ? 5 ዬካፓ ዒዚ ዴንቃዎ ኮሺ" ዎዛዲ፣ ጌኤታ ኬዲ ማሃ ዔኪ ሙኪ፣ 6 ማኣሪ ሄሌ"ሰካፓ ፔኤኮ ላጎና ዓሺኖና ፔቴ"ይዳ ዔኤሊ"፡- ሓኣኮ ባይቁ ማራዓሢ ታ

ዴንቁሢሮ ታ ዎዛዳኔ፤ ታኣና ዎዛዳዎቴ!። ዔያቶም ጋዓንዳኔ። 7 ጎሜ ቡኡዲ ማዓኒ ኮይሱዎ፣ ታዘጲታሚ" ታዘጸ ጌኤዠ፣ ዓሶይዳፓ ባሼ ጎሞ ቡኡዲ ጌኤሽካ ፔቴ" ጎሜ ዓሲ ዛላና ጾኦሲ ካኣቱሞይዳ ዎዛ ማዓኔ ታ ዒንሢሞ ጋዓኔ» ጌዔኔ።

**ባይቁ ሚኢሽ ኮኣኪንሦ**

8 ሄሊ"ሳዖ ዩሱሴ፡- «ታጾ ቢራ ዓኣ ላኣሊኮ ፔቴ" ቢራ ባይቁቶ ዒዛ ዎዳ"ንዳያ ዒንሢሞ ማላይ? ፖዒ ፖዒሲ ጋርዎ ፔዳ" ዴንቃንዳያ ሄላ"ንዳኣና ዓኣሽንቴ ቤዘ ቢያ ኮዓዓዳ? 9 ዩካፓ ዒዛ ዴንቃዖ ዒዘኮ ላጎና ዓሽኖና ፔቴ"ይዳ ዔኤሊ" <ታኣኮ ባይቁ ቢሬሎ ዴንቁ ታ ዎዛዳሢሮ፣ ታኣና ዎላ" ዎዛዳዎቴ!። ዔያቶም ዒዛ ጋዓንዳኔ። 10 ጎሜ ቡኡዲ ጌኤሽካ ፔቴ" ጎሜ ዓሲ ዛላና ጫሪንጮይዳ ኪኢታንቻ ዩያጉዲ ዎዛዳኔ፣ ታ ዒንሢሞ ጋዓኔ።»

**ባይቁ ጴዳ ናዓሢ ኮኣኪንሦ**

11 ሃሃ ዩሱሴ፡- «ፔቴ" ዓሲኮ ላምዖ ናይ ዓኣኔ፤ 12 ጌኤዛሢ ዓዳሢ ኮራ <ዓዴ! ኔኤኮ ዓኣ ባካፓ ፓቁ፣ ታና ሄላ"ዘንሢ ሃሢ ታኣም ዒንጌ ጌዔሢሮ፣ ዓዳሢ ዓኣ ባኮ ላምዖ ናኣቶ"ም ገሽኬኔ። 13 ዳካ" ኬሊ"ኮ ገንፃፓ ጌኤዛሢ ፔኤኮ ፓቁ ዔኬ ባኮ ሻንቸያ ሻንቸ ሃሃ ላኣሚያ ላኣሚ ዔካዖ ሃኬ ዓጪ ዴንዴኔ፤ ዒኢካ ዒ ዓኣዳ ቤዘ ፔኤኮ ሚኢሽ ቢያ ጉሪ ላኣሊ ባይዜኔ። 14 ሚኢሽ ዒ ፔኤኮ ቢያ ጋፒሴሰካፓ ዩኖ ዓጪ"ሎይዳ ሚርጌ ናይዚ ኬሰኬሢሮ ሜቶይዳ ዒ ኬዴኔ። 15 ዩያ ሚታሢዳፓ ዔቁያና ዩኖ ዓጪ"ይዳ ዓኣ ፔቴ" ዓሲሰኬያ ኮይላ" ናንጋኒ ጌላዘ፣ ዩይ ዓሢ ፔኤኮ ቆሎ ጉዲንፖ ሄንቁሴኔ። 16 ናያ ዲይሢሮ ናዓሢ ጉዲንፖ ሙዓ ሃኣኮ ዲልሶ ሙዒ ሚሽካኒ ዓፃዳቶ ዩያ ዒዛም ዒንጋ ዓሲ ባይቁኔ፤ 17 ዒማ"ና ናዓሢ ፔኤኮ ዳቢንቶ ዔሪጋፓ ታ ዓዴ ማኣሮይዳ ማዶ" ማዳኒ ጌላ ዓሳ ካሃ ሙዒ ሚሽኬም ዓዓታንቴ፣ ታኣኒ ሃይካ ናኖና ሃይቃኔ፤ 18 ዓካሪ ታ ዔቁ ታ ዓዴ ኮይላ" ዓኣዲጋፓ፡- «ዓዴ! ጾኦሲና ኔኤናና ቤርታ ታ ዳቤኔ፤ 19 ሃካፓ ሴካ ኔ ናይ ታ ጌይንታኒ ታኣም ኮይሱዎሴ፤ ጋዓንቴ ኔኤኒ ማዳሻ፣ ዓይሎ"ይዳፓ ፔቴ"ሢ ታና ማሄ ታ ጋዓንዳኔ» > ጌዒ ማሌኔ። 20 ዩያ ጋዓዖ ዔቁ ዓዴ ባንሢ ዓኣዳኔ።

«ዩካፓ ዓዴ ሃጊ ሃኬ ዓኣንቴ ናዓሢ ዴንቃዖ፣ ሚጪንጉ ዒዛ ባንሢ ጳሽኪ ኮንቁ ዒዛ ሄርቁኔ። 21 ናዓሢያ፡- «ዓዴ! ጾኦሲና ኔኤና ቤርታ ታ ዳቤኔ፤ ሃይፓ ሴካ ኔኤኮ ናይ ጌይንታኒ ታና ኮይሱዎሴ» ጌዔኔ። 22 ዓዴ ጋዓንቴ ማዳ ዓሶ ዔኤላ"ዖ፡- «ዐካዲ ቃራ ማኣዖ ዔኪ ሙኪ ማይሱዎቴ፤ ኬኤሎ"ይዳ ዠኢሮ፣ ቶኮ"ይዳኣ ዲርሲ



ዓኣሠብቲ፤ 23 ሃሣ ቃራ ማሊ" ቡቐ ዔኪ ሙኪ ሹኩቐቲ፤ ሙዒ ኑ ዋዛደም፤ 24 ዓይጎር ጌዔቶ ሃይ ናዓሢ ታኣኮ «ሃይቄ» ታ ጌዔንቲ፤ ሃይሹ ሃሢ ሹምፖና ዓኣያ ማዔኔ፤ ባይቄያታዎ ጴዕኔ» ጋዓዖ፤ ዋዛደሢ ሳርቄኔ።

25 «ዩማና ቶይዳሢ ማደ"ሮ ቦኣሎ" ዓኣደዎ ማዒ ሙኪ ማኣርኮ ዑኬ ዋደ"ና ኮሢ ኮርጎንቲ ዋይዜኔ፤ 26 ዩካፓ ዒዚ ዓይሎ"ይዳፓ ፔቲ"ሰኬያ ዔኤላ"ዎ «ሓይ ዓይጎዳይ?» ጌዒ ያኣጩኔ። 27 ዓይላ"ሢ ማሃዎ «ኔ ጌኤዚ" ማዒ ሙኬኔ፤ ኔ ዓዳ ዒ ኮሺ ዓኣንቲ ዒዛ ዴንቄሢሮ ማሌ" ቡቐሢ ዒዛም ሹኬኔ» ጌዔኔ።

28 «ዩያር ቶይዳሢ ሚርጌና ዳጋዳዮ፡- «ማኣሪ ታ ጌላዓ» ጋዓዛ፤ ዓዳ ካሮ" ኬሰኪ ጌላንዳጉዲ ዒዛ ሺኢቄኔ። 29 ናዓሢ ጋዓንቲ ዓደም ላሃኣዛጌ፤ ሃያጉዳ ለዔ ታ ኔኤም ማደኔ፤ ኔ ዓይሢ ባኣዚ"ያ ዓዲ ታ ቤቁባኣሴ፤ ዓካሪ ታኣኒ ታ ላጎንሢና ዋላ" ዋዛደንዳጉዲ ፔቲ" ዋናናይታዎ ታኣም ኔ ዒንጊ ቤቁባኣሴ። 30 ሃይ ኔኤኮ ናዓሢ ጋዓንቲ ኔጊዳፓ ፓቄ ዔኬ ባኮ ዘኣዘ ላኣሎና ዋላ" ኩርሲ ማዔ ዋደ"ና ማሌ" ቡቐሢ ኔ ዒዛም ሹኬኔ» ጌዒ ማሄኔ። 31 ዓዳሢ ማሃዮ፡- «ታ ናዓሢዮ! ኔኤኒ ቢያ ኬሊ" ታኣና ዋላ"ኬ፤ ታኣሲ" ጉቤ ኔኤርኬ። 32 ሃይ ኔ ጌኤዚ" «ሃይቄ» ታ ጌዔንቲ፤ ሃሢ ሹምፖና ዓኣያ ማዔኔ፤ ባይቄያታዎ ሃሢ ጴዕኔ፤ ዩያር ሚርጌ ኑ ዋዛደንዳያ ኑና ኮይሴኔ» ጌዔኔ።

# 16

## ዔሪ ሙኡዛ ዓሲ

1 ሓሣ ዩሱሴ ፔኤኮ ጊንዎ ሃንታዘንሢም፡- «ፔቲ" ዎርጎቺ ዓሲ ሰኬያኮ ማኣርይዳ ዒናና ማሊ ዔሪ ሙኡዚ" ዋይሢ ፔቲ" ዓሲ ዓኣኔ፤ ዓሳ «ሃይ ኔኤኮ ዓሶ ዋይሢ ዓሢ ኔኤኮ ዓኣ ባኮ ላኣሊ ባይዛኔ» ጌዒ ዎርጎጫሢም ኬኤዜኔ። 2 ዩካፓ ዎርጎጫሢ ዩያ ፔኤኮ ማዳ ዓሢ ዔኤሊ"ሳዎ «ሃይ ታ ኔኤኮ ዋይዛ ባካ ዓይጌንዳዳይ? ዓካሪ ሃይፓ ሴካ ታኣኮ ኔ ማኣር ዓሶ ሙኡዛ ዓሲ ማዓኒ ዳንዳዑቀሴ፤ ኔ ዋንዳ ዩኖ ማደ" ማዳኣና ዓኣ ሚኢሾና ዓኣ ባኮና ቢያ ታኣም ሺኢሹ» ጌዔኔ። 3 ዩይ ማደ" ዓሢ ፔ ዒኖና «ማይ ሃይፓ ሴካ፤ ታ ጎዳሢ ታኣኮ ዋንዳ ዓሶ ሙኡዚያ ማደ"ይዳፓ ታና ኬሳ"ኒኬ፤ ዓካሪ ታ ዋዴ"ቶ ኮሽካንዳይ? ጎሽካኒ ታ ዳንዳዑቀሴ፤ ሺኢቃኒያ ታና ቦርሳኔ፤ 4 ጫክ፤ ታ ማዳንዳ ባኣዚ" ዔሪኔ፤ ታ ዒዛኮ ማኣራ ዓሶ ሙኡዚያ ማዳ"ፓ ኬሰኪ ዋደ"ና ዒዛኮ ማኣርይዳ ታና ናሽካ፤ ታኣኮ ላጌ ማዔ ዓሲ ጴዳንዳጉዲ ታ ማዳንዳኔ» ሂዚ ጌዒ ማሌኔ።

5 «ዩካፓ ዒዛ ጎዳኮ ጋሌና ዓኣ ዓሶ ቢያ ፔቴ" ፔቴ" ዔኤላ"ዎ፥ ቤርታኣሲ ኮራ ታ ጎዳሢሞ ኔ ጨጋገዳ ጋሌ ዓኣፒኒ ኔ ዑፃ ዓኣይ?» ጌይ ዒዛ ያኣጩኔ፤ 6 ዒዚ ማሃዎ «ጄኤታ ያቲ ኩሙሢ፥ ዛይቲ ታ ጨጋገዳያ ዓኣኔ» ጋዓዛ፥ ሙኡዛሢያ «ሃቦ ፃኣፒ ዓርቆ ባኮ፥ ዑኩና ዴዒጋፓ ዳገገታሚ" ያቲ ዛይቲ ጌዒ ፃኣፔ" ጌዔኔ። 7 ላምዓሳሢያ ዔኤላ"ዎ «ኔ ዑፃ ዓኣፒኒ ጋሌ ዓኣይ?» ጋዓዛ፥ ዒዚ ማሃዎ «ጄኤታ ሓሬ ጫኣና ማዓ ዛርጌ ጋሌ ዓኣኔ» ጌዔኔ፤ ሙኡዛሢያ «ሃኣዛጌ ፃኣፒ ዓርቆ ባኮ! ሳሊ"ታሚ" ሓሬ ጫኣና ጌዒ ፃኣፔ" ጌዔኔ። 8 ዬይ ያርጎጮ ዓሢ ጉሙርቁጎቲ ባኣ፥ ፔ ማኣራ ሙኡዛ ዓሢ ጨገጩሞና ዒ ማዴ ማዴ" ሄርሼኔ፤ ዬይ ያኣሲ ዓሶይዳፓ ባሼ፥ ሃያ ዓጮ" ዓሳ ሳዖይዳ ዔያታ ናጎጋ ናጎጎኮ ጨገጫ ማዔሢ ዔርዛኔ» ጌዔኔ።

**ሚኢሼና ኮይሳ ባኣዚ" ማዳንዳያ ኮይሳሢ**

9 ሃሃ ሄሊ"ሳዖ ዩሱሴ፡- «ዬያር ሃያ ዓጮ" ሚኢሼና ዒንሢኮ ላጌ ዓርቁዋቲ፥ ታ ዒንሢሞ ጋዓኔ፤ ዬያ ዒንሢ ማዴያታቶ ዒንሢኮ ሚኢሻ ጋፔሞ ኩቺ ጉሬ ዒንሢ ማዔ ዎዶ"ና ዒንሢኮ ላጎንሢ፥ ናገገና ናጎጎ ማኣርይዳ ሸኣቺንሢ ዒንሢ ዔካጎዳኔ። 10 ዳካ" ባኣዚ"ና ጉሙርቁጎታ ዓሲ ዴኤፒ ባኣዚ"ና ጉሙርቁጎታያ ማዓንዳኔ፤ ዳካ" ባኣዚ"ና ጉሙርቁጎቲዋ ዓሲ ጋዓንቲ ዴኤፒ ባኣዚ"ናኣ ጉሙርቁጎታዓኔ። 11 ዬያር ሃያ ዓጮ" ቆሎ" ዎይሢያና ዒንሢ ጉሙርቁጎቲዋያ ማዔቶ ጎጌ ቆሎ" ያኔኒ ዒንሢ ጉሙርቁ ዒንጎገዳይ? 12 ሃሃ ማላ" ዓሲ ባኣዚ"ና ጉሙርቁጎቲዋያ ዒንሢ ማዔቶ፥ ዒንሢሞ ማዓ ባኣዚ" ያኔኒ ዒንሢሞ ዒንጎገዳይ?

13 «ፔቴ" ዓሲ ፔቴ"ና ላምዎ ዎይሢ ዓሲሞ ዎርቃኒ ዳንዳዑዋሴ፤ ያዲ ማዔያታቶ ፔቴ"ሢ ዒዲ ባጋሢ ናሸካንዳኔ፤ ሃሃ ፔቴ"ሢ ቦንቺ ባጋሢ ቦሃንዳኔ፤ ዬያጉዲ ሚኢሼሞ ዎርቃ ዓሲ ያኣሲሞ ማዳያ ማዓኒ ፔቴ"ታዖ ዳንዳዑዋሴ» ጌዔኔ።

14 ፔርሴ ዓሳ ሚኢሼ ናሸካያ ማዔሢር ዩሱሴ ዬያ ጌዔ ባኮ ቢያ ዎይዚ ዒዛኮ ጌኤዘ ቦሄኔ። 15 ዒዚ ጋዓንቲ ዒንሢ ዒንሢ ቶኣኮ" ዓሲ ቤርቲዳ ጌኤሺ ማሊሳኔ፤ «ያኣሲ ጋዓንቲ ዒንሢኮ ዒኖ ዔራኔ፤ ዓይጎር ጌዔቶ ዓሲ ቤርቲዳ ቦንቺንታያ ማሊ ጴዳሢ ቢያ፥ ያኣሲ ቤርቲዳ ቦሃንቲያኔ» ጌዔኔ።

**ሙሴ ዔርዜ ዎጎና ዔፒና ዛላ**

(ማቲ. 11፥12-13፤ 5፥31-32፤ ማር. 10፥11-12)

16 ዩሱሴ ቃሲ" ኬኤዛዎ፡- «ሙሴ ዔርዜ ዎጎና ያኣሲ ማሊያ ኬኤዛ ዓሶኮ ማፃኣፓ ሙኪ ማሰካ ዮሓኒሴ ዎዶ" ሄላ"ንዳኣና

---

16:13 ማቲ. 6፥24።

ከኤዚ ከኤዚ ዳዔኔ፤ ሃሢ ዩካፓ ሃንጋ ከኤዛሢ ያኦሲ ካኦቱሞ ኮዡ ሃይሶኬ፤ ፔቴ" ፔቴ" ዓሳ ዬኖ ካኦቱሜሎይዳ ጌላኒ ኮሺ" ሜታዳኔ። 17 ማዔቶሞ ሞጎይዳፓ ፔቴ" ባኦዚ" ባይቃሰካፓ ጫሪንጮና ሳዖና ዓኣዳኒ ሸሌዔ ማዓንዳኔ።

18 «ማቸ ፔኤኮ ዓንጂ ሜሌ" ላኦሊ ዔካሢ ሲያ ዘኦሰካ ኮኦማያ ማዓኔ፤ ዬያጉዲ ሃሃ ፔ ዓኒፓ ዓንጂንቴ ላኦሌሎ ዔካሢያ ፔና ዒኢሳ"ኔ» ጌዔኔ።

**ዖርጎጮ ዓሢና ማንቆ ዓላዓዜሬና**

19 ሃሃ ዬሱሴ፡- «ዲንኪ ዘቄ ማኦዖና ሃሃ ሻኦዡ፣ ሚዛጲ ዓፒላ ማይንታ ፔቴ" ዖርጎቹ ዓሲ ዓኦኔ፤ ዒዚ ሲያ ከሌ"ና ሚርጌ ሞዛና፣ ሜታ ባኦያ ናንጋኔ። 20 ዒማ"ና ዒዛ ካራ ዑፃ ሲያ ከሢ ሌሊ ማዔ ዓላዓዜሬ ጌይንታ ፔቴ" ማንቆ ዓሲ ላሂ ናንጋኔ፤ 21 ዬይ ማንቆ ዓሢ ዖርጎጫሢ ሙዖይዳፓ ዲኢናሢ ሙይ ሚሸካኒ ኮዓኔ፤ ዬያ ዖርጎጫሢኮ ካናታኦ ሙኪ ሙኪ ማንቃሢኮ ኪፆ ላዓኔ።

22 «ዩካፓ ዬይ ማንቆ ዓሢ ሃይቄሞ፣ ያኦሲ ኪኢታንቻ ሎ ዓብራሃሜ ኮራ ዒዛ ዔኪ ዓኦኔ፤ ዬያጉዲ ሃሃ ዖርጎጮ ዓሢያ ሃይቄ ዱኡቴኔ። 23 ዬኖና ጋፒንፃ ጴዲሞ ዔቶ" ሜታሢ ሴዘይዳ ዒ ሜታዲሴቃ ጴጊ ጌዒ ዓብራሃሜና ኮይሎ"ይዳ ዓኦ ዓላዓዜሬያ ሃኬና ጴንቄኔ። 24 ዩካፓ ዒዚ ዑኡዘ ጴጊዲ ሳታ ዓዳሢኖ ዓብራሃሜ! ሃዳራ ታኦ ማሌቴራ፤ ሃይካ ታኦ ሳታ ሚርጌና ሜታዳሢር ፔኤኮ ከኤሎ" ሴርቶ ሞኦሢዳ ዳኪ ታኦኮ ዒንዲርዘ ሺሚሳንዳጉዲ ዓላዓዜሬ ታኦ ማንቆ ዳኬ» ጌዔኔ።

25 «ዓብራሃሜ ጋዓንቴ ሳታ ናዓሢኖ! ኔኤኒ ኔኤኮ ሳዖ ናንጎ ሞዶ"ይዳ ሚርጌ ኮሺ ባኦዚ" ዳንቄ ሞዛዳሢ ማሊ ጳቂሡሞይ? ዓላዓዜሬ ጋዓንቴ ዬኖ ሞዶ"ና ሜቶይዳ ዓኦኔ፤ ዬያር ሃሢ ዒዚ ሃይካ ሞዛዳኔ፤ ኔኤኒ ጋዓንቴ ሜታዳኔ። 26 ዬይያ ዓኦንቴ ኦኡና ዒንሢና ባኦኮ"ይዳ ፑኡፒ ማጊ ዓኦኔ፤ ዬያር ኦ ኮይላ"ፓ ዒንሢ ባንሢ፣ ዒንሢ ኮይላ"ፓ ኦ ባንሢ ፒንቃኒ ዳንዳዒንቴሞሴ» ጌዔኔ። 27 ዩካፓ ዖርጎጮ ዓሢ ሳታ ዓዳሢኖ! ያዲ ማዔቶ ሃይራ ዓላዓዜሬ ሊካ ታዓዶ ማኦሪ ዳኬ፤ 28 ዒኢካ ሉታኦኮ ዶንጎ ጌርሲንሢ ዓኦሢር ዔያታ ሃሃ ሃያ ፑርቶ ሜታሢ ሴዘ ሙኩሞጉዲ ዒዚ ዔያቶ ላቴ" ከኤዘንጎ ጌዔኔ።

29 «ዓብራሃሜ ጋዓንቴ ሳታ ሙሴና ያኦሲ ማሊያ ከኤዛ ዓሶናኮ ማፃኦፓ ዔያቶ ኮራ ዓኦኔ፤ ዬያቶይዳፓ ዔያታ ሞይዘንጎ» ጋዓዛ፣ 30 ዖርጎጮ ዓሢ ሳታ ዓዳሢኖ፣ ዓብራሃሜ! ዬይ ጊዳያቱሞሴ፤

16:16 ማቲ. 11፣12-13። 16:17 ማቲ. 5፣18። 16:18 ማቲ. 5፣32፤ 1ቆር. 7፣10-11።

ጋዓንቴ ፔቴ" ዓሲ ሃይቢዳፓ ዔቂ ዴንዲ ዔያቶም ኬኤዜቶ፥ ደቢንቶ ፔኤኮ ዔሪ ጎማፓ ማዓንዳኔ፥ ጌዔኔ። 31 ዓብራሃሜ ማሃየ <ሙሴሲና ያኦሲ ማሊያ ኬኤዛ ዓሶ ማፃኣፓ ዔያቶም ጋዓሢ ዔያታ ዋይዚባኣያታቶ፥ ፔቴ" ዓሲ ሃይቢዳፓ ዔቂ ዔያቶም ኬኤዜቶም ዒዛሲ ጉሙርቂ ጎናሲ ዔያታ ዔካዓኬ» ጌዔኔ።

# 17

ዓሲ ደቢሳ ባኣዚ"ና ጎሜ ቡኡዲሢና ሓሣ ጉሙርቂሢ ዛለ (ማቴ. 18፥6-7፤ 18፥21-22፤ ማር. 9፥42)

1 ዩሱሴ ፔኤኮ ጊንፆ ሃንታ ናኣቶ"ም፡- «ዓሲ ደቢሲ ጎሜይዳ ጌልዛ ባኣዚ" ሙኩዋየ ፔቴ"ታየ ዓታዓኬ፤ ጋዓንቴ ጎሜ ማዒ ደቢሳ ባኣዚ" ዔኪ ሙካ ዓሢም ባዴዔ! 2 ያናታቴያ ሃንሢ ደኮ" ናኣቶ"ንሢዳፓ ፔቴ" ደቢሲ ጎሜ ማዲሳያይዳፓ ዋንሢ ሹቺ ባቃና" ቱኪ" ዋኣፆ ባዞ"ይዳ ጌሉቴ ኮሺኬ። 3 ዩያር ዒንሢ ዒንሢና ዔራዋቴ። ኔ ዒሻሢ ኔኤም ፑርቲሲ ደቤቶ ዘሪ ጎሬ፤ ዒዚ ፔ ደቢንቶ ዔሪ <ታ ደቤኔ፥ ጌዔቶ ዓቶም ጌዔ፤ 4 ሃና"ኣ ዓቢዳ ሌሊ ለንካይ ማይንቴ ኔኤም ፑርቲሲ፥ ደቢ፤ ሃሣ ለንካይ ማይንቴ ሙኪ ሙኪ <ታ ደቢንቶ ታ ዔሬኔ፥ ጌዔቶ ዓቶንጎ ዒዛም ጌዔ» ጌዔኔ።

5 ዳኪንቴዘንሢያ ዩሱሴ ኮራ፡- «ሃዳራ ኦም ጉሙርቂሢ ቃሴ"» ጌዔኔ። 6 ጎዳ ዩሱሴ ማሃየ፡- «ሴናፒጩ ጎየ ባኬሎኮ ዓኣፖ ደኮ"ማ ጉዴያ ማዓ፥ ጉሙርቂሢ ዒንሢኮ ዓኣቶ ሃያ ሻኣሶ" ላይካፓ ቱጊንቴ ባዛ" ኬዴ"» ዒንሢ ጌዔቶ ዒንሢም ዓይሢንታንዳኔ» ጌዔኔ።

## ማዳ ዓሲ ማዳኒ ኮይሳ ባኣዚ"

7 ዩካፓ ሃሣ ዩሱሴ፡- «ዒንሢኮ ፔቴ" ጎሺ ጎሽካይ ሃሣ ጊንሣ ማራይ ሂንቃ ዓሲ ዓኣቶ ዩይ ማዳ ዓሢ ማዳ"ፓ ማዔ ዋደ"ና ቤዘና <ሃኒ ሙኪ ካዋ ሙዔ» ዒዛም ጋዓ? 8 ዩያፓ <ዓካሪ ታኣም ካዋ ጊኢጊሹ፥ ታ ሙዒ ዑሽካንዳኣና ታና ሙኡዘያ ማዔ፤ ዩካፓ ኔኤኒ ሙዓንዳኔ» ጋዓያቱዋዓዳ? 9 ያዲ ማዔቶዋ ዩይ ማዳሢ ዩያ ዓሢ ባኮ ኩንሣሢሮ ዒዛኮ ጎዳሢ ዒዛ ጋለታያ ዒንሢም ማላ? 10 ዒንሢያ ዩያጉዲ ዒንሢ ዓይሢና ባኮ ቢያ ኩንሣሢኮ ጊንፆ <ኦኡኒ ፓሁዋ ማዳ ዓሶንሢኬ፤ ኦ ኩንሣሢያ ኦኡኒ ማዳንዳጉዲ ኦም ኮይሳ ባኮንሢ ሌሊኬ» ጎዑዋቴ» ጌዔኔ።

ዩሱሴ ዑያይዳ ኬሰካ ደርዓሢና ዓኣ ታጾ ዓሶንሢ ፓሣሢ

11 ዩሱስ ዩሩሳሌም ባንሢ ዴንዳዖ ሳማሪያና ጌሊላ ባጮ"ናኮ ሳዘ"ና ዓኣዳኔ፤ 12 ፔቴ" ጉርዳስኬኖ ዒ ጌላዛ ዑፃ ኬስካ ደርዓሢና ዓዲንቴ ታጸ ዓሲ ዒዛ ኮይላ" ሙኪ ሃኬ ዔቃዖ፤ 13 ዑኡዘ ፔኤሲ" ዴጊዲ፡- «ዩሱሱ! ዔርዘሢዮ! ሃዳራ ኑሞ ማሌቴራ» ጌላ ጌላ ዒላቴኔ።

14 ዩሱሱ ዔያቶ ዛጋዖ፡- «ዴንዲዋቴ! ዒንሢኮ ዑፃዋ ቄኤሶሞ ዳውዋቴ» ዔያቶሞ ጋዓዛ፤ ዔያታ ዓኣዳ ሳይሢ ዓኣንቴ ዔያቶኮ ዑፃ ኬስካ ደርዓሢ ባይቄሞ ዔያታ ጌኤሽኬኔ። 15 ዔያቶይዳፓ ፔቴ"ሢ ዩያ ደርዓሢዳፓ ጌኤሽኬሢ ዛጌ ዋደ"ና ዴጊ ጌላ ዑኡሲና ጸኦሲ ጋላቴ ጋላቴ ጊንሢ ማዔኔ። 16 ዩይ ዓሢ ዩሱሱያ ጋላቴ ጋላቴ ዒዛኮ ቶኮ" ዴማ" ባሊቴና ሎኦሜኔ፤ ዒዚ ዩይ ዓሢ ሳማራ ዓጪ ዓሲኬ። 17 ዩሱሱ፡- «ዑፃ ኬስኬ ደርዓሢዳፓ ዳቄ፡ ጌኤሽኬ ዓሳ ታጸቱዋዓዳ? ሂዳዖ ታዘጸንሢ ዓንኮ ጌሊይ? 18 ጸኦዛሢ ጋላታኒ ማዒ ሙኬሢ ሃያ ሜሌ" ዜርፃሢዳፓ ዓታዛ ሜሌ" ባኣዳዳ?» ጌላኔ። 19 ዩካፓ ዩሱሱ ዩያ ዓሢ ኮራ፡- «ዔቄ፡ ዴንዴ፤ ኔ ጉሙርቄፃ ኔና ዳቄሽኔ» ጌላኔ።

**ጸኦሲ ካኣቱሞኮ ሙኪፃ**  
(ማቴ. 24፡23-28፤ 24፡37-41)

20 ፔርሴ ዓሳ ዩሱሱ ኮራ፡- «ጸኦሲ ካኣቱማ ዓይዴ ሙካንዳይ?» ጌላ ጸኦጫዛ፤ ዒዚ ዔያቶሞ፡- «ጸኦሲ ካኣቱማ ሙካንዳሢ ዓሳ ዛጊ ካፓ ሳይፃናቱዋሴ፤ 21 ዩያጉዲ ሃሢ ሃይሾ ሃካኬ ሃሢ ሴኬያኬ» ጌይንታያቱዋሴ፤ ዓይጎር ጌዔቶ ጸኦሲ ካኣቱማ ሃሢ ዒንሢኮ ባኣካ" ማዔሢሮኬ» ጌላ ማሄኔ።

22 ሄሊ"ሳዖ ዩሱሱ ፔኤኮ ጊንፃ ሃንታ ናኣቶ"ሞ፡- «ዓሲ ናዓሢኮ ኬሎ"ይዳፓ ፔቴ"ማታዖ ሱና ዓይጌ ዛጊሳንዳይ?» ዒንሢ ጋዓንዳ ኬሊ" ሙካንዳኔ፤ ጋዓንቴ ዒንሢ ዛጋዓኬ። 23 ዓሳ ሃይሾ ኪሪሰቶሴ ሃካኬ! ሃሢ ሴኬያኬ!» ዒንሢሞ ጋዓንዳኣኬ፤ ጋዓንቴ ዔያታ ዒንሢሞ ጋዓ ባኮ ጉሙርቄ ዔያቶ ጊንፃ ዓኣዲፖቴ።

24 ዜኤሊንሢ ጫሪንቹዳ ዜኤሊንሢዎ፤ ካራ"ፓ ካሮ" ሄላ"ንዳኣና ፖዓሢጉዲ ዓሲ ናዓሢ ሙካ ኬሎ"ናኣ ያዲ ማዓንዳኔ፤ 25 ጋዓንቴ ዓሲ ናዓሢ ቤርታዲ ሚርጌ ሜቶ ዔካንዳሢና ሃሮ" ዋደ" ዓሶና ቦሂንታንዳሢ ባቱዋያኬ። 26 ኖሄ ዋደ"ና ማዔሢጉዲ፡ ዓሲ ናዓሢ ሙኮ ዋደ"ናኣ ያዲ ማዓንዳኔ። 27 ኖሄ ዋኣፃ ካኣሚሎይዳ ጌላንዳያ ሄላ"ንዳኣና ዓሳ ሙዒያ ሙዒ ዑሽኪያ ዑሽኪ ዔፒያ ዔካንቴ፤ ዩኖ ዋደ"ና ባይሲንቶ ዋኣፃ ሙኪ ቢያሢ ዔኤዲ ባይዜኔ። 28 ዩያጉዲ

---

17:14 ሉዊ. ዓኬ 14፡1-32። 17:26 ማዢ. ማፃ 6፡5-8። 17:27 ማዢ. ማፃ 7፡6-24።

ሎኦጾ ዋድ"ና ማዕሚጉዲያ ማዕንዳኔ፤ ዬኖ ዋድ"ና ዓሳ ሙዒ 0-ሽካንቴ፣ ሻንቺያ ሻንቺ ሐሣ ሻንቺያ ሻንቻንቴ፣ ሙዖ ሚሢያ ቱኪ" ቱኪ" ማኣሪያ ማዣንቴኬ። 29 ጋዕንቴ ሎኦጾ ሰድሜይዳፓ ኬስኬ ኬሎ"ና ታሚና ታሚኮ ዲኢሊ"ና ጫሪንጮይዳፓ ዋርቂ ቢያሢ ሙዒ ባይዜኔ። 30 ዓሲኮ ናዓሢ ሙካ ዋድ"ና ኣ ያዲ ማዕንዳኔ።

31 «ዬኖ ኬሎ"ና ማኣሪ ቶኦኮ"ይዳ ዓኣ ዓሢ፣ ማኣሪይዳ ዓኣ ሜሆ" ዔካኒ ኬድ"ፓ፤ ጎዦይዳ ዓኣ ዓሢ ሃንጋ ማኣሪ ባንሢ ማፖፓ። 32 ሎኦጾ ማቾ ጳቂሢ ማሉዋቴ! 33 ፔ ሼምፓሢ ደቂሻኒ ኮዓሢ ቢያ ባይዘንዳኔ፤ ሼምፓሢ ፔኤኮ ዓኣሢ ዒንጋሢ ቢያ ደቂሻንዳኔ። 34 ዬኖ ዋንቴሎ ላምዖ ዓሲ ፔቴ" ሻኣላ"ይዳ ላሃንዳኔ፤ ዔያቶይዳፓ ፔቴ"ማ ዔኪንታዛ፣ ባጋሢ ዓታንዳኔ፤ ታ ዒንሢም ጋዕኣኬ። 35 ላምዖ ላኣሊ ሃሣ ፔቴ" ቤሲዳ ዋላ" ዋንሢ ዋዳንዳኔ፤ ፔቴ"ዛ ዔውታንዳኔ፣ ባጌላ ዓታንዳኔ። [ 36 ላምዖ ዓሲ ፔቴ" ጎሺዳ ዋላ" ማዳንዳኔ፤ ፔቴ"ሢ ዔውታንዳኔ፣ ባጋሢ ዓታንዳኔ» ጌዔ።፡]\*

37 ዒዛኮ ጊንፖ ሃንታ ናኣታ" ዬሱሴ ኮራ፡- «ጎዳሢዮ! ዔያታ ዓንኮ ዔኪ ዓኣዲንታይ?» ጌይ ዒዛ ያኦጮ።

ዒዚ ማሃዮ፡- «ሃይቄ ባኣዚ" ዓኣ ቤስካ ሃምፑራ ቡካኔ» ጌዔ።

# 18

## ቤልፃዲዋፖ ሺኢቂ ፔ ሱኡጋሢ ሜታሴ ላኣሊስኬኖ

1 ዬካፓ ቤልፃዲዋፖ ቢያ ኬሊ" ሺኢቃንዳያ ኮይሳሢ ዔርዛኒ ዬሱሴ ኮኣኪንሢ ሂዚ ጌዒ ዔያቶም ኬኤዜኔ፡- 2 «ፔቴ" ካታማይዳ ያኦሲ ዒጊጮፎዎ ሐሣ ታና ዓሲ ዋዚ ጋዕንዳይ» ጎዑዋ ፔቴ" ዋጌ ዋጋስኬይ ዓኣኔ። 3 ዒማ"ና ፔቴ" ዓኒ ሃይቄ ላኣሊስኬኖ ዬኖ ካታሜሎ"ይዳ ናንጋኔ፤ ዒዛ ዬያ ዋጎ ዋጋሢ ኮይሎ"ይዳ ሙኪ ሙኪ ታኣና ዋላ" ሞኦቶ ሞኦቲንታ ዓሲ ዓኣሢሮ ታኣም ዋጌ ዒዛ ኮራ ጋዕኔ። 4 ዒዚ ዒዛም ዋጉዋፖ ሚርጌ ኬሊ" ዴዔስካፓ ጋዕንቴ፡- «ዋዚ ታ ያኦሲ ዒጊጮፎዎቴያ ሃሣ «ዓሲ ታና ዋዚ ጋዕንዳይ» ጎዑዋቴያ፤ 5 ሃና ዓኒ ሃይቄ ላኣሊላ ታና ሜታሳሢሮ ሌሊ ታ ዒዛም ዋጋንዳኔ፤ ሃንጎ ቢያ ዋዴ ዒዛኮ ሙኪፃ ታኣኮ ጎጳ ያይዳኔ» ጌዒ ማሌ።

17:29 ማዢ. ማፃ 19፡25። 17:31 ማቲ. 24፡17-18፤ ማር. 13፡15-16።  
17:32 ማዢ. ማፃ 19፡26። 17:33 ማቲ. 10፡39፤ 16፡25፤ ሉቃ. 9፡24፤ ዮሐ. 12፡25። \* 17:36 ፔቴ" ፔቴ" ሚናኣ ማፃኣፓ ፓይ፡ 36 ጌዳ" ቃሳ"ኔ፤ ዬኖ ቃኣላ" ማቲ. 24፡40 ጌዳ" ዓኣዞ ማላኔ።

6 ሄሊ"ሳዎ ጎዳ ዩሱሴ፡- «ሚጠነቱዋ፡ ፑርቶ ዋጋህ ጌዔ ባኮ ሂንዳ ማሉዋቱ፤<sup>7</sup> ያኦሲ ዓካሪ ርኦሪና ዋንቲና ዒላቲ ዒላቲ ሺኢቃ ፔ ዴሮ"ም ዋጋዓዳ? ቻዓ ጌይ ዔያቶም ዒንጎንድ ባኮ ቃዚ ኔገሳንዳ? <sup>8</sup> ኔጉዋዎ ሩኡሪና ዔያቶም ዋጋንዳኔ፤ ታ ዒንህም ጋዓኔ። ጋዓንቲ ዓሲኮ ናዓሂ ሙካ ዋዶ"ና ሳይዳ ጉሙርቂሂ ዴንቃንዳ ናንዳዮ?» ጌዔኔ።

**ፔርሴ ዓሲሰኬያና ሚኢሹ ቡኩሳ ዓሲሰኬያና ዛላ**

9 ዩካፓ ሃሃ ዩሱሴ ኮኡኒ ጌኤሺኬ ጌዒ ጌዒ ሄርሺንቲ፡ ሃንጎ ዓሶ ሰሃ ዓሶም ሃያ ኮኦኪንሃ ኬኤዜኔ፡- <sup>10</sup> «ለምዎ ዓሲ ሺኢቃኒ ጌኤዠ ማኦሪ ዴንዴኔ፤ ዔያቶይዳፓ ፔቲ"ሂ ፔርሴ ዓሲ ማዓዛ፤ ባጋሂ ኮርዋ ዓሶፓ ሚኢሹ ቡኩሳ ዓሲኬ።

<sup>11</sup> «ፔርሴ ዓሂ ሺኢቆር ዔቂጋፓ ዒኖና ቶኦሲዮ! ታኣኒ ሃንጎ ዓሶጉዲ ቡሩዋያ፡ ፑርታ ዓይሂንቲዋያ ሃሃ ማቾ ማዒባኣ ላኣለና ላሃያ ማዒባኣሂር ታኔና ጋላታኔ፤ ሃሃ ባሺ ሃያ ሚኢሹ ቡኩሳሂጉዲ ታ ማዒባኣሂርዋ ኔና ጋላታኔ። <sup>12</sup> ታኣኒ ቃልሾ ኬሎ" ጋርይዳ ላምዎ ኬሊ" ሙኡዚ" ሃሺ" ሺኢቆ ሺኢጲዎ ሺኢቃኔ፤ ታ ዴንቃ ባኮይዳፓ ቢያ ታጳሂዳፓ ፔቲ"ማ ኬሲ" ኬሲ" ኔኤም ዒንጋኔ ጌዒ ሺኢቄኔ።

<sup>13</sup> «ዩይ ሚኢሹ ቡኩሳሂ ጋዓንቲ ሃኬ ዔቃዎ፡ ዴግ ጌዒ ሌካ ጫሪንጮ ዛጋኒታዎ ጫርቂባኣሴ፤ ጋዓንቲ ኩጮና ፔኤኮ ዳዶ" ባዒ ባዒ ቻ ያኣሂዮ! ታና ጎሞሲ ማኦሪ!» ጌዔኔ። <sup>14</sup> ጌኤሹዋ ዴንቂ ማኦሪ ማዔሂ ዩያ፡ ዓሶፓ ሚኢሹ ቡኩሳሂ ማዓንዳኣፓዓቲም ፔርሴ ዓሂቲዋሴ። ፔ ቶኦኮ" ዴግዳሂ ቢያ ሂርኪ ጋዓንዳኔ፤ ፔ ቶኦኮ" ሂርኪዳሂ ጋዓንቲ ዴግ ጋዓንዳኔ» ታ ዒንህም ጋዓኣኬ።

**ዩሱሴኮ ዳኮ" ናኣቶ" ዓንጂዎ**

(ማቴ. 19፡13-15፤ ማር. 10፡13-16)

<sup>15</sup> ዩሱሴ ዔያቶ ፔ ኩጮና ካኣሚ ፒፀ"ንዳጉዲ ዓሳ ናኣቶ" ዒዛ ኮይላ" ዔኪ ሙካዛ ዒዛኮ ገንዖ ሃንታ ናኣታ" ጋዓንቲ ዩያ ዛጌ ዋዶ"ና ዓሶ ኮራ ጎሪ"ንቲኔ። <sup>16</sup> ዩሱሴ ጋዓንቲ ናኣቶ" ሃንጋ ፔ ባንሂ ዔኤላ"ዎ፡- «ያኦሲ ካኣቲማ ሃንሂጉዴዘንሂም ማዔሂር ናኣታ" ሃንጋ ታ ባንሂ ሙኮንጎ፤ ዔያቶ ላኣገፖቲ። <sup>17</sup> ጎኔ ታ ዒንህም ጋዓኔ፤ ያኦሲ ካኣቲም ናይጉዲ ሹሌዑሞና ዔኪባኣ ዓሲ ፔቲ"ታዎ ጌላዓኬ» ጌዔኔ።

**ዖርጎጮ ዓሂኮ ያኦጪዎ**

(ማቴ. 19፡16-30፤ ማር. 10፡17-31)

---

18:14 ማቴ. 23፡12፤ ሉቃ. 14፡11።

18 ዓይሁድ ዓሳኮ ሱኡጎይዳፓ ፔቴ"ሰኬይ ዩሱሴ ኮራ:- «ኮዡ ዔርዛሢያ! ናንገና ናንገ ዴንቃኒ ዓይጎ ማዳንዳያ ታና ኮይሳይ!» ጌዒ ያኦጩኝ።

19 ዩሱሴ ማሃዎ:- «ዓይጎር ኔ ታና ኮሺ ጋዓይ? ፔቴ" ያኦሲዳፓ ዓታዛ ኮሺ ባኣሴ። 20 ዓይሢያንሢ ኔ ዔራኔ፤ ዩንሢያ:- «ማቸ ሃሃ ዓኒ ማዒባኣያና ላሂፖ፣ ዓሲ ዎዲፖ፣ ወኡቂፖ፣ ሉኡዙሞና ማርካዲፖ፣ ኔ ዓደና ኔ ዒንደና ቦንቼ፣ ጌይንቴዘንሢ» ጌዔኝ።

21 ዓሢ ማሃዎ:- «ዩንሢ ዓይሢያንሢ ናኣቶፓ ዓርቂ ታ ካፓኝ» ጌዔኝ።

22 ዩሱሴ ዩያ ዎይዛዎ ዓሢ ኮራ:- «ዓካሪ ፔቴ" ባኣዚ" ኔ ማዳንዳያ ዓቲ"ኔ፤ ዩይያ ኔኤኮ ዓኣ ባኮ ቢያ ሻንቸ ማኢሾ ማንቆ ዓሶሞ ዒንጌ፤ ጩሪንጮ ካኣቱሞይዳ ፃኣፒ ጌሆ ቤዘይዳፓ ኔ ዔካንዳኔ፤ ዩካፓ ሙኪ ታ ጊንዖ ሃንቴ» ጌዔኝ። 23 ዓሢ ጋዓንቴ ኮሺ" ዎርጎቸ ማዔሢር ዩያ ዎይዛዎ ማርጌና ዎይ። 24 ዩሱሴን ዓሢ' ዎይሢ ዛጋዎ:- «ዎርጎጮ ዓሶሞ ያኦሲ ካኣቱሞይዳ ጌላሢ ሃማጉዲ ማታንዳይ! 25 ዎርጎቸ ዓሲ ያኦሲ ካኣቱሞይዳ ጌላንዳያይዳፓ ጋኣላ ናርፔ ዪኣናና ጌላኒ ሽሽሌዓንዳኔ» ጌዔኝ።

26 ዩያ ዎይዜ ዓሳ:- «ዓካሪ ዩይ ያዲ ማዔቶ ያኦኒ ዳቃኒ ዳንዳዓንዳይ?» ጌዔኝ። 27 ዩሱሴ ጋዓንቴ:- «ዓሲሞ ዳንዳዒንቴዎ ባኣዚ" ያኦሲሞ ዳዳንዳዒንጎኝ» ጌዔኝ።

28 ጳጳርሱ:- «ሃይሾ ኦኡኒ ኦኡኮ ዓኣ ባኮ ቢያ ሃሺ" ኔ ጊንዖ ሃንጎኝ» ጌዔኝ።

29 ዩሱሴ:- «ጎኔ ታ ዒንሢሞ ጋዓኔ:- ያኦሲ ካኣቱሞር ጌዒ ፔኤኮ ማኣር፣ ማቸ፣ ጌርሲንሢ፣ ሾዔ ዓሶ፤ ሃሃ ናኣቶ"ዎ ሃሻ" ዓሲ ባሽና ዴንቃንዳኔ። 30 ዩይ ሃሢ ሃያ ዓጮ"ይዳኣ ማርጌ ጳንጩና ዔካንዳኔ፤ ሃጊ ሙካ ዓጮ"ይዳኣ ናንገና ናንገ ዴንቃንዳኔ ጌይሢኤ» ጌዔኝ።

ዩሱሴ ፔኤኮ ሃይቦ" ዛሎ" ኬኤዜሢ  
(ማቲ. 20፣17-19፤ ማር. 10፣32-34)

31 ዩሱሴ ታጳ ላሞዎንሢ ዲማሲ ዒዛ ባንሢ ሺኢሻዎ:- «ሃይሾ ኦ ሃሢ ዩራሳላሜ ዴንዳኔ፤ ዓሲ ናዓሢ ዛሎ" ያኦሲ ማሊያ ኬኤዛ ዓሶና ፃኣፒንቴሢ ቢያ ዒኢካ ኩማንዳኔ። 32 ዒዚ ዓይሁዴ ማዒባኣ ዓሶሞ ዓኣሢንቴ ዒንጊንጎንዳኔ፤ ዔያታኣ ዒዛ ዓማሊ" ቦሃንዳኔ፤ ጩሽኪ፣ ዒዛይዳ ጩቲያ ጩታንዳኔ። 33 ዒዛ ዠራፓና ጳርቄሢኮ ጊንዖ ዔያታ ዎዳንዳኔ፤ ጋዓንቴ ሃይሣሳ ኬሎ"ና ሃይባ"ፓ ዒ ዔቃንዳኔ» ጌዔኝ።

18:20 ኬሲ. ማፃ 20፣12-16፤ ላሚ. ዎማ 5፣16-20።



34 ዲዛኮ ጊንጾ ሃንታዞንሢ ዩያ ቢያ ባኮይዳፓ ፔቴ"ታጾ ማሊ ዲና ዔኪባኣሴ፤ ዲዛ ጌኤዞኮ ዓኣሺንቴ ቡሊ"ፃ ዔያቶም ዔርጉባኣሢረ ዩይ ዲዛኮ ዎዚ ጌይጾታቴያ ዔያታ ዔሪባኣሴ።

**ዩሱሴ ዲያርኮይዳ ዓኣፓ ባይቄሢኮ ዓኣፖ ፖዲሴሢሢ**  
(ማቴ. 20፡29-34፤ ማር. 10፡46-52)

35 ዩሱሴ ዲያርኮኮ ሙኪ ዑካዛ ፔቴ" ዓኣፒ ባይቄ ዓሲሰኬይ ዲንጎ ማኢሹ ሺኢቄ ሺኢቄ ጎይጾ ዓጫ ዳዒ ዓኣፖ፤ 36 ዲዛኮ ኮይሌና ዓኣዳ ማርጌ ዓሶ ዑኡዞ ዎይዚ፡- «ሃይ ዓይጎዳይ?» ጌዒ ጾኦጩኔ።

37 ዓሳ ማሃ፡- «ኣይሾ ናዚሬቶ ዩሱሴ ሃይና ዳንዳኔ» ጌዒ ዲዛም ኬኤዜኔ።

38 ዩማና ዓኣፖ ባይቄሢ፡- «ዳውቴ ናዓሢዮ ዩሱሴ! ሃዳራ ታኣም ማሌ» ጌዒ ጌዒ ዲላቴኔ።

39 ዩሱሴኮ ቤርታ ቤርታ ዓኣዳ ዓሳ፡- «ዚቴ ጌዔ!» ጌይ ዲዛ ጎራ"ዛ፤ ዲዚ ጋባንቴ ዑኡዞ ኮሺ" ዳግዲ፡- «ዳውቴ ናዓሢዮ! ሃዳራ ታኣም ማሌ!» ጌዔኔ።

40 ዩያሮ ዩሱሴ ዔቃ፡- «ሃኒ ዲዛ ታ ባንሢ ዔኪ ባውዎቴ» ጌዒ ዓይሣዛ፤ ዓኣፖ ባይቄሢ ዲዛ ኮይላ" ሙኬም፡ ዩሱሴ ሂዚ ጌዒ ዲዛ ጾኦጩኔ። 41 «ዓይጎታ ኔኤም ማዳንዳጉዲ ኔ ኮዓይ?» ጌዔኔ።

ዓኣፖ ባይቄሢ ማሃ፡- «ጎዳሢዮ! ዛጋኒ ታ ኮዓኔ» ጌዔኔ።

42 ዩሱሴ ዲዛም፡- «ዛጌ! ኔኤኮ ጉሙርቄፃ ነና ዳቄሺኔ» ጌዔኔ።

43 ዩማና ዓኣፖ ባይቄሢ ቤዞና ዛጋኒ ዳንዳዓ፡ ጾኦሲ ጋላቴ ጋላቴ ዩሱሴ ጊንጾ ሃንታሢ ዓርቄኔ፤ ዳራ" ቢያ ዩያ ዛጋጾ ጾኦሲ ጋላቴኔ።

# 19

## ዩሱሴና ዜኪዮሴ ጎጾሢ

1 ዩሱሴ ጎይጾ ሃንቴ ጎይሣ ዲያርኮ ካታም ጌላ፡ ካታሞኮ ሳዞ"ና ተቄ ዳንዳኔ። 2 ዲኢካ ዜኪዮሴ ጎጾ ዓሲ ዓኣኔ፤ ዲዚ ኮርሞ ዓሶፓ ማኢሹ ቡኩሳ ዓሶኮ ሱኡጌ ሃሣ ጾርጎቺ ዓሲኬ። 3 ዲዚ ዩሱሴ ዎያታቴያ ዛጋኒ ኮዓያታንቴ፡ ዔጶ ዲዛኮ ቃሚሢ ማዔሢረ ዳሮ" ማርጌጉሞፓ ዔቄያና ዲዚ ዩሱሴ ዛጋኒ ዳንዳዒባኣሴ። 4 ዩሱሴ ዲ ዓኣ ቤዞና ዓኣዳሢረ ዜኪዮሴ ዩሱሴ ዛጋኒ ጌዒ ዳሮ"ኮ ቤርታ ዓኣዳፖ ፔቴ" ቦኦቢ ጊዔኔ። 5 ዩሱሴ ዩኖ ቦኦቦ ዳም" ሃላ"ጾ ለካ ዳግ ጌዒ ዛጌሰካፓ ዜኪዮሴ ኮራ፡- «ዜኪዮሴ! ሃኖ" ታ ኔ ማኣራ ፔኤቃንዳያ ኮይሳሢረ፡ ዑኩና ማፃፓ ኬዳ» ጌዔኔ።

6 ዜኪየሴ ዑኩና ኩዳ"ዎ ዋዛና ዩሱሴ ፔ ማአራ ሾኦቹንህን ዌኬኔ። 7 ይያ ዛጌ ዓሳ ቢያ፡- «ሃይ ዓህ ጎሞ ዓሶ ማአሪ ሾኦቹንቃኒ ጌሌኔ!» ጌዒ ዩሱሴ ደንኬ።

8 ዜኪየሴ ጋዓንቴ ዔቃዎ ጎዳ ዩሱሴ ኮራ፡- «ጎዳህሃ! ሃህ ታኣኮ ዓኣ ባኮይዳፓ ቢያ ሄካህ ማንቆ ዓሶም ታ ዒንጋንዳኔ፤ ጌሺ ዓሲዳፓ ታ ዔኬ ማኢሾ ዓኣቴያ፡ ዔኬህፓ ያይዶ ጸንጨፍ ማሂ ታ ማሃንዳኔ» ጌዒ።

9 ዩሱሴ ማሃዎ፡- «ሃይ ዓህ ሃሃ ዓብራሃማ ዜርፃፓኬ፤ ሐኖ" ዳቂንታ ሃያ ማአሮም ማዔኔ፤ 10 ዓይጎሮ ጌዔቶ ዓሲኮ ናዓህ ባይቄህ ኮዓኒና ዳቂሻኒ ሙኬኔ» ጌዒ።

**ማዳ ማዳ ታጾ ዓሲሰኬንህን ኮኣኪንህን**  
(ማቴ. 25፡14-30)

11 ዓሳ ይያ ዋይዚያይዳ ዓኣንቴ ዩሱሴ ሃሃ ፔቴ" ኮኣኪንህን ዔያቶም ኬኤዜኔ፤ ዓይጎሮ ጌዔቶ ዒዚ ዩሩሳላማ ባንህን ዑኩህረር ዓሶም ያኦሲኮ ካኣቴማ ሃህ ዒማ ዎደ"ና ፔጋዳ ዴዳያ ማሌ።

12 ይያሮ ዩሱሴ፡- «ካኣቴሞ ቢታንቶ ዔኪ ማዓኒ ሃኬ ዓጨ ዴንዴ ፔቴ" ዴኤፕ ዓሲሰኬይ ዓኣኔ፤ 13 ዒዚ ዴንዳንዳህኮ ቤርታ ዒዛኮ ማዳ ዓሶይዳፓ ታጾ ዓሲ ዔኤሊ" ፔቴ" ፔቴ"ህም ታጾ ታጾ ሹቹ ቢራ ዒንጋዎ ታ ማዒ ሙካንዳኣና ሃያ ቢሮ"ና ኮርሙዎቴ» ዔያቶም ጌዒ። 14 ዒዛኮ ዓጮ" ዓሳ ጋዓንቴ ይያ ዓህ ዒፃያታህረ፡- «ይይ ዓህ ኑ ዑፃ ካኣታዳንዳጉዲ ኑ ኮዑዎሴ» ጌዒ ዒዚ ዴንዳህኮ ጊንፃ ኪኢታ ዓሲ ጊንፃ ዳኬ።

15 «ይይ ዓህ ካኣቴ ማዒ ሙኬ ዎደ"ና ዔያቶም ዒንጊንቴ ማኢሾና ዎዚጉዲ ኮርማ ጊዳ" ጌልዜቶዎ ዔራኒ ፔኤኮ ማዳ ዓሶንህን ዔኤሊ"ሴ። 16 ቤርታ ሙኬ ማዳ ዓህ ሙካዎ፡- «ጎዳህሃ! ኔ ታኣም ዒንጌ ማኢሾ ኮርማ፤ ሃይሾ ታ ታጾ ሹቹ ቢራ ጊዳ" ጌልዜኔ» ጋዓዛ፡ 17 ዒዛኮ ጎዳህያ «ኔኤኒ ጉሙርቁንታ፡ ማዳህሃ! ቃራ ኔ ማዳኔ! ዳካ" ባኣዚ"ና ኔ ጉሙርቁንቴህረር ታ ሃህ ኔና ታጾ ካታማ ኔ ዎይሃንዳጉዲ ቢታንቶ ዒንጌኔ» ጌዒ። 18 ላምዓሳህ ሙካዎ «ጎዳህሃ! ኔ ታኣም ዒንጌ ማኢሾና ታ ኮርማ ደንጎ ሹቹ ቢራ ጊዳ" ጌልዜኔ» ጋዓዛ፡ 19 ጎዳህያ ይያም «ኔኤማኣ ሃሃ ታኣኒ ደንጎ ካታማ ኔ ዎይሃንዳጉዲ ቢታንቶ ዒንጌኔ» ጌዒ።

20 «ዓቴ" ማዳ ዓህ ሙካዎ ታ ጎዳህሃ! ኔ ታኣም ዒንጌ ማኢሾ ሃኣዛጌ፤ ቱርጫና ታ ቱኪ" ጌህ። 21 ዓይጎሮ ጌዔቶ ኔኤኒ ጌህን ባኣያና ኔኤር ማዒ ባኣያታንቴ ዔካያ፡ ኔ ጎሽኪ ባኣያ ሃኣኮ ቡኩሳያ፡

19:10 ማቴ. 18፡11። 19:11 ማቴ. 25፡14-30።

ሚርጌ ፑርታ ዓሲ ኔ ማዔሚ ዔሪ ታ ኔና ዒጊጩሢሮኬ። ጋዓዛ፤  
 22 ጎዳሢ ማሃዎ ላሃይ ኔ ፓሠቀአሢ ሃይ! ኔ ጌዔ ባኮና ታ ኔ ዑፃ  
 ዋጋኔ፤ ታኦኒ ታኦም ማዒባአሢ ዔካያና ጎሽኪባኣዎ ቡኩሳያ ሃሃ  
 ፑርታ ዓሲታሢ ታኔና ዔሪኔ ኔ ጌዒባይ? 23 ያዲ ማዔቴ ሚኢሾ ታኦኩ  
 ጌዳ" ቃሲ "ንታንዳጉዲ ኮርሚንታ ቤሰካ ኔ ዓይጎር ጊሽኪባኣይ?  
 ታኦኒ ማዒ ሙካዎ ጌዳ" ቃሲ "ንቴያና ዎላ" ዔካንዳያታንቴኬ  
 ጌዔኔ።

24 «ዔካፓ ዒዛኮ ጎዳሢ ዒኢካ ዔቂ ዓኣዘንሢ ኮራ ላሃዎ ዓሢኮ  
 ሚኢሾ ዔኪጋፓ ታጾ ጌዳ" ቃሲ"፤ ማዲ ዓሢም ዒንጉዋቴ። ጌዔኔ።  
 25 ዔያታ ማሃዎ ላጎዳሢዮ! ዒዛኮ ዒ ጌዳ" ጌልዜ ታጾ ሹቸ  
 ቢራ ዓኣንቴዎ። ጌዔኔ። 26 ጎዳሢ ጋዓንቴ ላኣሢም ቢያ ዑሣ  
 ዓኣሢ ዒንጊንታኔ፤ ባኣሢዳፓ ጋዓንቴ ዬማ ዓኣማታዎ ዔዔኪንታኔ  
 ታ ዒንሢም ጋዓኣኬ። 27 ታ ካኣታዳንዳጉዲ ኮዒባኣ ዬንሢ ታኦኩ  
 ሞርኮንሢ ጋዓንቴ ሃይካ ዔኪ ሙኪ ታ ቤርታ ዎዲዋቴ። » ጌዔኔ።  
 28 ዬሱሴ ዬያ ኮኣኪንሃ ኬኤዜሰካፓ ዬሩሳላሜ ባንሢ ዒዛኮ ጊንዩ  
 ሃንታዘንሢኮ ቤርታ ቤርታ ዴንዳኔ።

**ዮሱሴኮ ዴኤፖ ቦንቸና ዬሩሳላሜ ጌሊዎ**  
 (ማቴ. 21፤1-11፤ ማር. 11፤1-11፤ ዮሐ. 12፤12-19)

29 ዮሱሴ ዛይቶ ሪሚቶ ዲኮ" ኮይሎ"ይዳ ዓኣ ቤቴፓጌና ቢታኒያ  
 ጌይንታ ካታሞንሢ ሙካዎ ዒዛኮ ጊንዩ ሃንታዘንሢዳፓ ላምዎንሢ  
 ሂዚ ጌዒ ዳኬኔ። 30 «ሃሮ" ሴኮ ቤርታ ዓኣ ጉርዴሎ ዴንዳዋቴ፤  
 ዒኢካ ዒንሢ ሄላ"ዎ ዓይጎ ዓሲያ ቶጊ ቤቂባኣ ሃሪ ናይ ቴኦቴ  
 ዓኣንቴ ዒንሢ ዴንቃንዳኔ፤ ዒማ ቡሊ" ዔኪ ታኦም ባውዋቴ።  
 31 ያኣኒያ ላይጎር ዒንሢ ቡላ"ይ?» ጌይ ዒንሢ ያኦጩቶ ላጎዳም  
 ኮይሳሢሮኬ። ጌይ ዒዛም ማሀዋቴ።»

32 ኪኢቶ"ና ዴኪንቴዘንሢያ ዴንዳዎ ቢያ ባካ ዮሱሴ ዔያቶም  
 ጌዔሢጉዲ ማዔንቴ ዛጌኔ። 33 ዓማ ሃሮ" ናዎማ ዔያታ ቡላ"ኣና  
 ሃሮ" ናዎኮ ዓደንሢ፡- «ዓይጎር ዒንሢ ቡላ"ይ» ጌዔኔ።

34 ዔያታ ማሃዎ፡- «ጎዳም ኮይሳሢሮኬ» ጌዔኔ። 35 ሃሮ" ናዎዎ  
 ዮሱሴ ኮራ ዔኪ ሙካዎ ዔያታ ፔኤኮ ዓፒሎ ሃሮ" ናዎ ዙላ" ጌሢ  
 ዮሱሴ ቶጊሴኔ። 36 ዮሱሴ ዓኣዳ ጎይሣ ዓኣንቴ ዓሳ ፔኤኮ ዓፒሎ  
 ጎይዩ ዒዛ ቤርታ ሂኣሢኔ።

37 ዮሱሴ ዬሩሳላሜ ሄላ"ኒ ዑካዎ ዛይቶ ሪሚቶ ዲኮ"ና  
 ሊካ ኬዳ"ንቴ ዒዛኮ ጊንዩ ሙካ ዓሳ ቢያ ዔያታ ዛጌ፤ ያኦሲ  
 ዎልቄና ማዲንቴ ዓኮ ባኮ ዛሎ"ና ሚርጌ ዎዛዴሢሮ ዑኡዘ ፔኤኮ

19:26 ማቴ. 13፤12፤ ማር. 4፤25፤ ሉቃ. 8፤18።

ዳጊዲ ያኦሲ ጋላቲሢ ዓርቄኔ። 38 «ያኦሲ ሱንሢና ሙካ ካኦቲ ዓንጂንቴያኬ! ኮሹሞ ጫሪንቺዳ፣ ቦንቾ ያኦሲሞ ዳጊ ቤዘይዳ ማዖንጎ!» ዔያታ ጋዓኔ።

39 ዴሮኮ ባኦኮ"ይዳ ዓኣ፣ ፔርሴ ዓሳ ጋዓንቴ ዬሱሴ ኮራ፡- «ዔርዘሢየ! ኔኤኮ ጊንዖ ሃንታ ናኦቶ" ጎሪ" ዘቲዴ» ጌዔኔ።

40 ዬሱሴ ማሃዖ፡- «ዔያታ ዘቲ ጌዔቴያ ሹጫ ሃይ ዒላታንዳኔ፣ ታ ዒንሢሞ ጋዓኔ» ጌዔኔ።

**ዬሱሴ ዬሩሳሌሜ ካታሞ ዘሎ"ሮ ዬኤኬሢ**

41 ዬሱሴ ዬሩሳሌሜ ካታሞኮ ዑኪ ካታሜሎ ዘጋዖ፡- 42 «ኔኤሞ ኮሹሞ ማዓንዳ ባኮ ሃኖ" ኔ ዔሬያታቶ ዓይጎ ጎዖንደይ! ሃሢ ጋዓንቴ ዬይ ባካ ኔ ዓኣፓፓ ዓኣሺንቴኔ፤ 43 ኔኤኮ ሞርካ ኔኤኮ ዙላ" ቲኢሢ ዲርቂ ሃሢ ኔና ማንጊ፣ ሃንጌና ሶንጌና ማታሳንዳ ዎዴ ሙካንዳኔ።

44 ኔናንታ ኔ ጊዳ" ዓኣ ኔኤኮ ናኦቶ"ንታ ዔያታ ባይዘንዳኔ፤ ዔያታ ደይሱሞዖ፣ ፔቴ" ሹቺታዖ ኔኤሞ ሃሻ"ዓኬ፤ ዓይጎር ጌዔቶ ያኦሲ ኔና ዘጋኒና ዳቂሻኒ ሙካ ዎደ" ኔ ዔሪባኣሢሮኬ» ጌዒ ዬኤኬኔ።

**ዬሱሴ ጌኤዢ ማኣሮይዳ ኮርማ ዓሶ ኬሴ"ሢ**

(ማቲ. 21፡12-17፤ ማር. 11፡15-19፤ ዮሐ. 2፡13-22)

45 ዬሱሴ ጌኤዢ ማኣሪ ጌሊ ዒኢካ ኮርሞ ኮርማ ዓሶ፡- 46 « ማኣራ ታኣኮ ሺኢጲሢ ማኣሪ ማዓንዳኔ» ጌይንቴ ያኣፒንቴኔ፤ ዒንሢ ጋዓንቴ ዉሲ ፑና ቤሲ ማሄኔ» ጌዒ ዳውሲሢ ዓርቄኔ።

47 ዬካፓ ዬሱሴ ቢያ ኬሊ"ና ጌኤዢ ማኣራ ዔርዘኔ፤ ዬኖ ዎደ"ና ቄኤሶኮ ሱኡጎና ሙሴ ዔርዘኔ ዎጎ ዔርዘኔ ዓሶና ሃሢ ሜሌ" ዴሮ"ኮዎ ሱኡጎ ማዔዘንሢ ዬሱሴ ዎዳኒ ኮዔኔ። 48 ጋዓንቴ ዓሳ ቢያ ዬሱሴ ጋዓ ባኮ ዎይዘኒ ሚርጌና ናሽካሢሮ፣ ዔያቶሞ ዎኦቶንደ ጎይዖ ባይቄኔ።

# 20

**ዬሱሴኮ ቢታንቶ ዘሎ" ዖኦጠንቴ ዖኦጠሢ**

(ማቲ. 21፡23-27፤ ማር. 11፡27-33)

1 ፔቴ" ኬሊ" ዬሱሴ ጌኤዢ ማኣራ ጴዲ ዴሮ" ዔርዘኒ ዔርዘኒ ሃሢ ኮዢ ሃይሶዎ ኬኤዘንቴ ቄኤሶኮ ሱኡጎና ሙሴ ዔርዘኔ ዎጎ ዔርዘኔ ዓሶና ሃሢ ጠሞና ዒዛ ኮይላ" ሙካዖ፡- 2 «ሃንዳ ኑሞ ኬኤዜ! ሃያ ባኮ ኔ ማዳሢ ዓይጎ ቢታንቶናዳይ? ሃሢ ጊንሢ ሃያ ኔ ማዳንዳጉዲ ቢታንቶ ኔኤሞ ዒንጌሢ ዖናዳይ?» ጌዒ ዒዛ ዖኦጠኔ።

19:38 ዓይኑ. 118፡26። 19:46 ዓ.ሲ. 56፡7፤ ዓ.ር. 7፡11። 19:47 ሉቃ. 21፡37።

3 ዬሱሴ ማሃዎ፡- «ታ ዲንሢ ፔቴ" ባኣዚ" ያኣጫንዳኔ፤ ሂንዳ ዲንሢ ታኣም ማሁዋቴ፤ 4 ዮሐኒሴኮ ዋኣዎና ማሰኪፃ ያኣሲዳፓም ዓሲዳፓዳይ?» ጌዔኔ።

5 ዔያታ ዋሊ ኮይላ"፡- « <የኣሲዳፓኬ> ኦ ጌዔቶ፣ <ሂዳዎ ዲንሢ ዓይጎር ጉሙርቂ ጎናሲ ዔኪባኣይ?» ዲ ጋዓንዳኔ። 6 <ዓሲዳፓኬ> ኦ ጌዔቶ ሃሃ ዓሳ ኦና ሹቻ ዲዓንዳኔ፤ ዓይጎር ጌዔቶ ቢያሢ ዮሐኒሴ ያኣሲ ማሊሢ ኬኤዛያ ማዓሢ ጉሙርቃሢ። ጌዔኔ። 7 ዬያር፡- «ዓንካፓ ማዔቴያ ኦ ዔሩዋሴ» ጌይ ዲዛም ዔያታ ማሄኔ።

8 ዬሱሴያ፡- «ሂዳቶ ታኣኒያ ዓይጎ ቢታንቶና ሃያ ባኮ ማዳቶ ዲንሢም ኬኤዛዓኬ» ጌዔኔ።

**ዎይ ነፃ ባኬሎ ቱካ" ዓሶንሢ ኮኣኪንሃ**  
(ማቴ. 21፥33-46፤ ማር. 12፥1-12)

9 ዬካፓ ዬሱሴ ሃያ ኮኣኪንሃ ዴሮ"ም ኬኤዜኔ፡- «ፔቴ" ዓሲ ዎይ ጌይንታ ባኣዚ" ቱካ"ዎ ጎሽካ ዓሲም ጎሽኪ ጎሽኪ ካፓንዳፊ ዲንጊ፣ ሜሌ" ሃኬ ዓጪ ዴንዲ ማዑዋዎ ማርጌ ዎዴ ዴዔኔ። 10 ዬና ካፃዛ ዎይኤኮ ዓዳሢ ዓኣፖይዳፓ ዲዛ ሄላ"ዘንሢ ዔካንዳፊዲ ፔቴ" ማዳሰኬያ ጎኩ ጎሽካዘንሢ ኮይላ" ዴኬኔ፤ ጎኩ ጎሽካዘንሢ ጋዓንቴ ማዳ ዓሢ ጳርቂ ኩቲ ጉሪ ማሂ ዴኬኔ። 11 ዬያፊዲ ሜሌ" ማዳሰኬያ ዳካዛ ዬያኣ ሃሃ ዔያታ ጳርቂ፣ ቦርሲሲ ኩቲ ጉሪ ማሂ ዴኬኔ፤ 12 ሃሃ ሃይሣሳ ማዳ ዓሲ ዳካዛ ዬያ ሃሃ ጳርቂ ዑዎ ኪፃሴሰካፓ ጎኩኮ ቲኢያ ዙላ" ኬኤሬኔ። 13 ዬካፓ ዎይኤኮ ዓዳሢ <ዓካሪ ታ ዎዳ"ንዳይ? ታኣኮ ታ ናሽካ ናዓሢ ዳካንዳኔ! ዲዛ ጎዎንቴ ዔያታ ቦንቻንዳያ ናንዳኔ» ጌዔኔ። 14 ጋዓንቴ ጎሽካዘንሢ ዲዘኮ ናዓሢ ዛጌ ዎዳ"ና ዋሊ ኮይላ" <ሃይ ዲዛ ዳካላንዳሢኬ፤ ሃኒ ሙኩዋቴ ኦ ዲዛ ዎዳም፤ ቤዛኣ ኦም ማዓንዳኔ» ጌዔኔ። 15 ዬያር ናዓሢ ዔያታ ዎይኖ ቱኮ"ና ቤዘኮ ቲኢያ ዙላ" ኬሲ" ዎዳኔ።

«ዓካሪ ያዲ ማዔቶ ዎይኤኮ ዓዳሢ ዬንሢ ጎሽካዘንሢ ዎዳ"ንዳያ ዲንሢም ማላይ? 16 ዬኖ ዎይኤኮ ዓዳሢ ፔኤር ዬዓንዳኔ፤ ጎሽካዘንሢያ ዎዳንዳኔ፤ ዬኖ ዎይኖ ሜሌ" ጎሽካ ዓሲም ዲንጋንዳኔ» ጌዔኔ።

ዓሳ ዬያ ዎይዘዎ፡- «ዬያፊዴ ባኣዚ" ማሊ ማዎፓ!» ጌዔኔ።

17 ዬሱሴ ጋዓንቴ ዔያቶ ባንሢ ዛጋዎ፡- «ዓካሪ <ማኣር ማኣ ናሳ ቦሂ ሃሼ" ሹጫሢ ማኣርኮ ሄላ"ሢ ማዔኔ»

ገይንቲ ፃኣፒንቴህሂ ዓይጎ ዔርዛይ? 18 ዬያ ሹጫህዳ ሎኦሚህሂ ቢያ ሜቃንዳኔ፤ ሃሃ ዒዚ 0-9 ኬዳ"ህያ ቢያ ዳኣዲንጎጎዳኔ» ገዔኔ።

**ገእራ ጨገህሂ ዛላ ያኦጨንቴ ያኦጨህሂ**  
(ማቴ. 22፥15-22፤ ማር. 12፥13-17)

19 ሙሴ ዔርዘ ዋጎ ዔርዘ ዓሶና ቄኤሶኮ ሱኡጎና ዬያ ኮኦኪንሃ ዔያቶይዳ ዒ ኬኤዜህሂ ዔራዖ ዬማና ዒዛ ዓርቃኒ ማሌኔ፤ ጋዓንቴ ዴር" ዔያታ ዒጊጨፎኔ። 20 ዬያር ዬሱሴ ዔያታ ዓርቃኒ ዔያቶም ገእጋ ኬሊ" ካፔኔ። ዓጮ" ዎይህህሂ ቢታንቶና ዒዛይዳ ዎጋንዳጉዲ ዓኣህሂ ዒዛ ዒንጊሳኒ ዳንዳዓ ፑርታ ባኣዚ" ዒዛይዳፓ ዴንቃኒ ኮዓዖ ፒዜ ዓሲ ማሊ ዒ ጌሰታ ጌኤዘና ዒዛ ቡኡዲ ዓራቃንዳ፤ ሙሪ ዓሲ ዒዛ ኮይላ" ዳኬኔ። 21 ዬንህሂ ዓሶንህሂ ዬሱሴ ኮራ ሙኪ፡- «ዔርዘህሂዮ! ኔኤኒ ኬኤዛህሂና ዔርዘህሂ ጎኦም ማዔህሂ ኦ ዔራኔ፤ ያኦሲ ጎይህሂ ጎኔና ኔ ዔርዘፓዓቴም ያኦማኣ ኔ ሉኡዙዎና ዲማሲ ማኣዲ" ጌሰቱዋሴ። 22 ሂንዳ ኦም ኬኤዜ! ኦኡኮ ዎጎ ጎይዖና ሮማ ዓጮ" ካኣቲም ገእራ ጨገኒ ዓይህንቴም ዓይህንጎባኣይ?» ገዒ ዒዛ ያኦጨኔ።

23 ዬሱሴ ጋዓንቴ ዔያቶኮ ገኖ ማሊያ ዔራዖ፡- 24 «ሂንዳ ታና ሚኢሾ ዳውዎቲ፤ ሃኖ" ሚኢሾይዳ ዓኣ ዓውካሮና ፃኣፒንቴ ሱንጎያና ያኦርዳይ?» ጋዓዛ፤ ዔያታ፡- «ሮማ ካኣቲሲኬ» ገዔኔ።

25 ዬሱሴ ማሃዮ፡- «ያዲ ማዔቶ ካኣቲሲ ካኣቲም፤ ያኦሲሲ ያኦሲም ዒንጎጎዎቲ» ገዔኔ።

26 ዔያታ ዴር" ቤርቶይዳ ጌኤዘና ዒዛ ፒሪ ዓርቃኒ ዳንዳዒባኣሴ፤ ዬያር ዒ ማሄ ማሂዖና ዲቃቲ ሄርሻዖ ዚቲዮ ገዔኔ።

**ሃይቄ ዓሲ ዔቃ ዛላ ያኦጨንቴ ያኦጨህሂ**  
(ማቴ. 22፥23-33፤ ማር. 12፥18-27)

27 «ሃይቄ ዓሲ ዔቄንዲዋሴ» ጋዓ ሳዶቄ ዓሳ ዬሱሴ ኮራ ሙካዮ፡-

28 «ዔርዘህሂዮ! ሙሴ <ፔቲ" ዓሲ ናይ ሾውዎዖ ማቶይዳፓ ሃይቢና ዲማዴቶ ጌኤዛህሂ ላኣሌሎ ዔኪ፤ ናይ ሾይ ሃይቄህም ዜርህሂ ጌሃንጎ» ገዒ ፃኣፔኔ። 29 ዓካሪ ላንካይ ዎሊኮ ጌርሰንህሂ ማዓይ ዓኣንቴ፤ ቢያህኮ ቶይዳህሂ ላኣሊ ዔኪ ናይ ሾውዎዖ ሃይቄኔ። 30 ዒዛ ሄሊ"ሴ ጌኤዛህሂ ዬኖ ላኣሌሎ ዔኬኔ፤ 31 ሃሃ ሃይሃሳህያ ዔኬኔ፤ ዬያይዳ ጎይህሂ ላንኮንህሂ ቢያ ዒዛ ዔካዖ ናይ ሾውዎዖ ሃይቄኔ። 32 ቢያህኮ ገንፃ ዬና ላኣሌላ ሃይቄኔ። 33 ዓካሪ

---

20:17 ዓይኑ. 118፥22። 20:27 ዳኪ. ማድ" 23፥8። 20:28 ላሚ. ዎማ 25፥5።

ለንካዎንሢ ቢያ ፔዎድ"ናዎድ"ና ቢያ ዒዛ ዔኬያታሢ፣ ሃይቄ ዓሳ ዔቃ ዎድ"ና ዎያኮ ዒዛ ማቾ ማዓንዳይ?» ጌዒ ዒዛ ያኦጩኔ።

34 ዩሱሴ፡- «ሃያ ዓጮ ዓሳ ዔካኔ፣ ሎዓኔ፤ 35 ሃይቢዳፓ ዔቁ፣ ሙካ ዓጮ"ይዳ ናንጋኒ ኮይሳ ዓሳ ጋዓንቴ ዔኩዋሴ፣ ሎዑዋሴ።

36 ዓይጎር ጌዔቶ ያኦሲ ከኢታንቸጉዲ ማዓንዳሢ ሃይቄዋሴ፤ ሃይቢዳፓ ዔቃታ ዔቁሢ ጋዓንቴ ያኦሲ ናይኬ። 37 ሃይቦ"ይዳፓ ዔቃንዳ ዓሶ ዛሎ" ጋዓንቴ ሙሴ ካዮ ባኣኮ"ይዳ ዔኤቴ ታሞ ዛሎ" ኬኤዜ ሃይሶይዳ ፔጋሲ ዩያ ኬኤዜኔ፤ ዩኖ ሃይሶይዳ ሙሴ ያኦሲ፡- «ዓብራሃማ ያኦሲ፣ ዩሳኣቄ ያኦሲ፣ ያይቆኦይ ያኦሲኬ» ጌዒ ኬኤዜኔ። 38 ያኦሲ ሽምፖና ናንጊና ናንጋ ዓሶ ያኦሲ፣ ሓይቄቶዋ ናንጊና ናንጋ ዓሶ ያኦሲኬ፤ ዩያር ቢያሢ ዒዛሞ ሽምፔና ናንጋኔ» ጌዒ ዔያቶም ማሄኔ።

39 ሙሴ ዔርዜ ዎጎ ዔርዛዘንሢዳፓ ፔቴ" ፔቴ"ዘንሢ፡- «ዔርዛሢ! ኮሺ ባኣዚ" ኔ ኬኤዜኔ!» ጌዔኔ። 40 ዩካፓ ማይ ዩሱሴ ጫርቄ ያኦጩ ዓሲያ ባኣሴ።

**ዩሱሴ ፔ ዛሎ" ያኦጩ ያኦጩሢ**  
(ማቴ. 22፡41-46፤ ማር. 12፡35-37)

41 ዩካፓ ዩሱሴ፡- «ዎይቲ ሜሲሔ ዳውቴ ናይኬ ዔያታ ጋዓይ? 42-43 ዳውቴ ፔ ቶኦኪና ዓይኦም ማፃኣፖይዳ፡-

«ያኦሲ ታ ጎዳሢም (ሜሲሔም)  
ኔኤኮ ሞርኮ ኔ ቢታንቶ ደማ" ታ ማሃንዳያ ሄለ"ንዳኣና  
ታኣኮ ሚዛቆ ዛላ" ደዔ ዒዛም ጌዔኔ» ጋዓኔ።

44 «ዓካሪ ዳውቴ ፔ ቶኦኪና ጎዳ ጌዒ ዒዛ ዔኤሌ"ቶ ሜሲሔ ዳውቴኮ ዎይቲ ናይ ማዓኒ ዳንዳዓይ?» ዔያቶም ጌዔኔ።

**ዩሱሴ ሙሴኮ ዓሶ ዎይሢ ዎጎ ዔርዛ ዓሶ ዛሎ" ኬኤዜሢ**  
(ማቴ. 23፡1-36፤ ማር. 12፡38-40)

45 ዴራ" ቢያ ዒዛሲ ዎይዛ ጎይሢ ዓኣንቴ ዩሱሴ ጊንያ ሃንታዘንሢ ኮራ፡- 46 «ያይሲ ማኣያ ማኣዒ ሴካ ሃንጋ ጌዒ ሃንታኒ፣ ቦኦካ ቤሲዳ ቦንቾ ዔኤሊ"ሢ ዔኤሊ"ንታኒ፣ ዓይሁደ ዓሶኮ ቡኪንቶ ቤዛ ቦንቾንታ ያይታ፤ ሙኤዚ" ሙያ ቤሰካ ቦንቾንታ ቤሲዳ ደዓኒ ኮዓ ሙሴ ዔርዜ ዎጎ ዔርዛዘንሢዳፓ ዒንሢና ካፑዋቴ። 47 ዔያታ ዓሲ ቤርቲዳ ጴዳኒ ያይሲ ሸኢቆ ሸኢጲሢና ጌሺ ጌሺ ዓኒንሢ ሃይቄ ላኣሎኮ ማኣር ማንቁሳኔ፤ ዩያር ዔያቶይዳ ዑሣ ዓኣጴ ፑርታ ዎጌ ዎጊንታንዳኔ» ጌዔኔ።

20:37 ኬሲ. ማፃ 3፡6። 20:42-43 ዓይኦ. 110፡1።

# 21

ዜኤሪንደሰኬና ያኦሲም ዒንጌ ዒንገሢ  
(ማር. 12፥41-44)

1 ዩሱሴ ጴግ ጌዒ ዛጋንቴ ያርጎጮ ዓሳ ያኦሲም ዒንጎ ባኮ፥ ሳኣዲኖ ጋራ ዓጋንቴ ዳንቄ። 2 ዩያጉዲ ሐሣ ፔቴ" ዜኤሪንደሰኬና ዩኖ ዎደ" ሚኢሾና ላምዎ ሲኪና ማዓያ ሳኣዲኖ ጋራ ዓጋንቴ ዒ ዳንቄ። 3 ዒም"ና ዩሱሴ፦ «ጎኔ ታ ዒንሢም ጋዓ፤ ሃና፥ ዜኤሪይንደ ማንቄላ ቢያገ ዑሣ ዓኣጳ ባሾ ዒንጌ። 4 ዓይጎር ጌዔቶ ዔያታ ዒንገሢ ዔያቶኮ ዓኣ ባካገ ዲቢ ዑሣ ዓኣጳሢ፤ ዒዛ ጋዓንቴ ማንቆታዎ ፔቴ"ታዎ ዒዛም ዓይሱዋዎ ዒዛኮ ዓኣ ባኮማ ጋፒ ዒንጌ» ጌዔ።

ጌኤዠ ማኣርኮ ሻሂንቶ ዛሎ" ዩሱሴ ሎንሣሢ  
(ማቴ. 24፥1-2፤ ማር. 13፥1-2)

5 ፔቴ" ፔቴ" ዓሳ፦ «ሃይ ጌኤዠ ማኣራ ሚዛጲ ሹቸና ሃሣ ያኦሲም ዒንገንቴ ዒንገያና ሚዛጲሲ ኮሾ"ናያኬ» ጌዒ ጌዒ ዎላ" ጌሰታንቴ፥ 6 ዩሱሴ፦ «ሃይ ዒንሢ ዛጋሢ ቢያ፥ ሹጫ ሹጫይዳ ኬልቁንቴ ዓተንዱዋ ዎዴ ሙካንዳ፤ ሃይ ሹጫ ቢያ ፔቴ" ዓቢና ደዓንዳ።» ጌዔ። 7 ዔያታኣ፦ «ዔርዛሢ! ዩይ ማዓንዳሢ ዓይዲዳይ? ዩይ ያዲ ማዓንዳ ዎዳ" ዑኩሢ ኑ ዔራንዳ ማላታ" ዓይጌንዳይ?» ጌይ ዒዛ ያኦሴ።

ዩሱሴ ሜቶና ዳውሲሢና ሙካንዳሢ ኬኤዜሢ  
(ማቴ. 24፥3-14፤ ማር. 13፥3-13)

8 ዩሱሴ፦ «ዒንሢ ዳቢንቴዋጉዲ ዒንሢና ዔሩዋቴ፤ ሚርጌሢ ሓኣኢ ኪሪሰቶሴኬ! ሃይሾ ዎዳ" ዑኩኔ!» ጌዒ ጌዒ ታ ሱንያና ሙካንዳ፤ ዔያቶ ገንዎ ዓኣዲፖቴ። 9 ያልዚና ዳሬኮ ዋይዚ ዒዲሢና ዛላ ዒንሢ ዋይዜ ዎደ"ና ዲቃቴፖቴ፤ ቤርታዲ ዩይ ቢያ ያዲ ማዓንዳያ ኮይሳ፤ ማዔቶዋ ጋፒንፃ ዑኩ ማዓንዳ» ጌዒ ዔያቶም ማሄ።

10 ዩካገ ሃሣ ዩሱሴ፦ «ዳራ" ዳር"፥ ካኣታ" ካኣቶ" ያላንዳ። 11 ዲማ ዲማ ቤሲዳ ደዲ፥ ዒጊቻ ሳዓ ዓገዲሢና ሉማና ሃሣ ደርዓኣ ኬሰካንዳ። ሃሣ ዒጊቻ ባኣዚ"ና ጳኤፒ ዳኤፒ ማላታ ጫሪንጮይዳ ጴዳንዳ። 12 ጋዓንቴ ዩይ ቢያ ማዓንዳሢ ቤርታ ዓሳ ዒንሢ ዓርቃንዳ፤ ዒዲ ሃሣ ዒንሢ ዳውሶንዳ፤ ዓይሁደ ዓሶኮ ቡኪንቶ ቤዘና ቱኤዘ ማኣርናም ዓኣሢ ዒንሢ ዒንጎንዳ፤ ታ ሱንያር ጌዒ ካኣቶ" ቤርቶ ሃሣ ዎይሣ ዓሶ ቤርቶ ዔኪ ዒንሢ



ዓኣድንዶኔ። 13 ዬይያ ታ ሱንጾ ዛሎ" ዲንሢ ማርካታኒ ዲንሢሞ ኮሺ  
 ዋዴ ማዓንዳኔ። 14 ዬያሮ ዲንሢ ፑርቲሴ ዓሲጉዲ ያኦጪንታ ባኮኮ  
 ዲንሢ ማሃንዳ ባኮሮ ማታዳንዳያ ኮይሱዋኣሢ ሴርታዲ ዔሩዋቱ።  
 15 ዓይጎሮ ጌዔቶ ዲንሢኮ ሞርኮይዳፓ ያኣኒያ ዲንሢ ባሻኒና ማካኒ  
 ዳንዳዑዋ ጌሰቶንዶ ጌኤሲና ዔራቶና ታ ዲንሢሞ ዲንጋንዳኔ።  
 16 ዲንሢኮ ሾዔ ዓሶና ጌርሲንሢና ዲንሢኮ ዲጊኖና ላጎና ዓቱዋዎ  
 ዓኣሢ ዲንሢ ዬያ ባኮሞ ዲንጋንዳኔ፤ ዲንሢዳፓ ፔቱ" ፔቱ"ሢ  
 ሃይቂያ ሃይቃንዳኔ። 17 ታ ሱንጾ ጌዒ ዓሲ ቢያና ዲዳንቴያ ዲንሢ  
 ማዓንዳኔ። 18 ጋዓንቴ ዲንሢኮ ቶኦኮ" ጋፓናፓ ፔቱ"ታዎ ባይቃዓኬ።  
 19 ዲንሢ ጊቢ" ዳንዳዒ ሸምፓሢ ዲንሢኮ ዲንሢ ዓውሳንዳኔ»  
 ጌዔኔ።

**ዬሱሴ ዬሩሳሌሜኮ ባይቂዎ ዛሎ" ኬኤዜሢ**  
 (ማቲ. 24፥15-21፤ ማር. 13፥14-19)

20 ዬካፓ ሃሃ ዬሱሴ፡- «ዲዘ ሞርኮኮ ያላ ዓሶና ዬሩሳሌሜ  
 ማንጊንቲ ዓኣንቴ ዲንሢ ዛጌ ዋዶ"ና ባይቃኒ ዲዘ ዑኬሢ  
 ዔሩዋቱ፤ 21 ዲማ"ና ዪሁዳ ዓጮ"ይዳ ዓኣዘንሢ ለካ ዲኮ" ባንሢ  
 ዓኣሺንቶንጎ፤ ካታማ ዓኣዘንሢ ዬካፓ ኬሰኮንጎ፤ ካታሞኮ ዙላ"  
 ዓኣዘንሢያ ሃንጋ ካታሞ ጌሎፓ። 22 ዓይጎሮ ጌዔቶ ዬኖ ባይሲንቴሎ  
 ዛሎ" ያኣፒንቴ ሎንሢ ኩማንዳጉዲ፣ ዬና ኮሜ ዔከሢና ሜቶ  
 ዲንጊሢ ዋዴ ማዓንዳኔ። 23 ዬኖ ዋዶ"ና ጎጆይንዶና ናኦቶ" ዓኣሎ  
 ዳንሢሢሃዘንሢሞ ባዴዔ! ዓይጎሮ ጌዔቶ ዬኖ ዓጮ"ሎይዳ ዴኤፒ  
 ሜቶ ዋዴ ማዓንዳኔ፣ ዴሮ" ዑይይዳኣ ያኦሲ ጎሪ"ንቲ ሙካንዳኔ።  
 24 ዔያቶይዳፓ ሚርጌሢ ያልዚና ሃይቃንዳኔ፤ ዓቲ" ዓሳ ዲዒንቲ  
 ዲማ ዲማ ዓጪ ዔከ ዓኣዲንታንዳኔ፤ ሜሌ" ዴራ ዑፃ ማዒ ዋይሃ  
 ዋዶ" ጋፓንዳያ ሄላ"ንዳኣና ዬሩሳሌሜ ካታሞ ዔያታ ሄ'ርቂ ዋይሃያ  
 ማዓንዳኔ» ጌዔኔ።

**ኪሪሰቶሴኮ ላሚ ሙኪያ ዛሎ"**  
 (ማቲ. 24፥29-31፤ ማር. 13፥24-27)

25 ሄሊ"ሳዎ ዬሱሴ፡- «ዓቦ"ና ዓጊኖናይዳ ሃሃ ዠኦንሢዳ ዲቃሃ  
 ማላታ ጴዳንዳኔ፤ ሳዎይዳ ዓኣ ዴራ" ቢያ ባዘ"ና ባዘ"ይዳ ዔቃ  
 ዲቃሃ ጉዳሢ ዠባሮ ዑኡዘፓ ዔቂያና ዓጊጪ ማታዳንዳኔ።  
 26 ሳዎይዳ ሙካ ባኮ ካፒሢና ዓሳ ዓጊቹሞና ሂርጊ ማታዳንዳኔ፤  
 ዓይጎሮ ጌዔቶ ዬኖ ዋዶ"ና ጫሪንጫ ዋልቂና ዓኣ ባካ ዓጊፃንዳኔ፤  
 27 ዬካፓ ዓሲኮ ናዓሢ ዴኤፒ ዋልቂና ሃሃ ቦንቺንቲ ሻኣሮ ዑፃ ማዒ

---

**21:14** ሉቃ. 12፥11-12። **21:22** ሆሴ. 9፥7። **21:25** ዒሲ. 13፥10፤ ሂዚ. 32፥7፤ ዒዪ. 2፥31፤ ዮሐ. ያፔዳ 6፥12-13።

ሙኪ ጴዳንዳ። 28 ዬይ ቢያ ማዒያ ዓርቁ ዎድ"ና ዒንሢኮ ጳቂንታ ዑኬሢሮ ጳግ ጌራ ለካ ዛጉዋቱ» ጌዔ።

**ቤሌሴ ጌይንታ ሚሢ ኮኦኪንሢ**  
(ማተ. 24፡32-35፤ ማር. 13፡28-31)

29 ዬካፓ ዬሱሴ ሂዚ ጌራ ኮኦኪንሢ ዔያቶም ኬኤዜ። «ቤሌሴ ሚያንታ ሃንጎ ሚያዎ ኮሺ" ዒና ዔኪ ዛጉዋቱ፤ 30 ዔያቶኮ ዒላካ ዒላንቱ ዒንሢ ዛጌ ዎድ"ና ያጎሢ ዑኬሢ ዒንሢ ዔራ። 31 ዬያ ጎይያ ዬይ ቢያ ባካ ማዒያ ዓርቃሢ ዒንሢ ዛጌ ዎድ"ና ያኦሲ ካኦቲማ ሙካኒ ዑኬሢ ዔራዋቱ።

32 «ጎፎ ታ ዒንሢም ጋዓ፤ ዬይ ቢያ ኩማንዳያ ሄላ"ንዳኣና ሃይ ሸይንታ ዓኣዳዓኬ። 33 ጫሪንጮና ሳያና ዓኣዳንዳ፤ ታኣኮ ቃኣላ" ጋዓንቱ ናንገና ዶዲ ናንጋንዳ።» ጌዔ።

**ዶዲ ጴጪ ካፒሢ ዛላ**

34 ሄሊ"ሳያ ዬሱሴ፡- «ሚርጌ ሙኤዚ"ና ዑሺና ዛላ ማሊ ማሊ ዎድ" ዒንሢኮ ጉሪ ኩርሲፖቱ፤ ሓሣ ሃያ ሳያ ናንጎ ባኮ ዛሎ" ማታዲሢና ዒኖ ዒንሢኮ ዶጪሲፖቱ፤ ያዲ ዒንሢ ማዔቱ ዬና ኬሌ"ላ ፒሮጉዲ ዔራዋንቱ ዒንሢ ዓርቃንዳሢ ዔራዋቱ። 35 ዬና ኬላ" ሳያይዳ ዓኣ ዓሶ ቢያ ዔራዋንቱ ዓርቃንዳ። 36 ዬያሮ ሙካ ፑርቶ ባኮ"ይዳፓ ቢያ ቶላ"፤ ዎልቄያ ዳንቃኒና ዓሲ ናዓሢኮ ቤርታ ዒንሢ ዔቃኒ ዳንዳዓንዳጉዲ ሺኦቂ ሺኦቂ ቢያ ዎድና ዶዶዋቱ» ጌዔ።

37 ዒማ"ና ዬሱሴ ቢያ ኬሊ" ጌኤዦ ማኣሮይዳ ዔርዛ፤ ሳዓ ዓማኣና ጋዓንቱ ዛይቱ ሪሚቲ ዲካ ጌይንታ ዲኮ" ኬሰኪ ኬሰኪ ዎርቃ። 38 ዓሳ ቢያ ዬሱሴ ኮራፓ ዎይዛኒ ጉቱ" ዓማ" ጌኤዦ ማኣሪ ዒዛ ባንሢ ዓኣዳ።

**22**

**ኪሪሰቶሴ ዎዲኒ ዓሶኮ ዎላ" ዘርቲያ**  
(ማተ. 26፡1-5፤ ማር. 14፡1-2፤ ዮሐ. 11፡45-53)

1 ዑሣ ዓኣዲያ ቦንቾ ኬሎ" ጌይንታ ላኣዶ ሙዒ ቦንቾ ኬላ" ዑካዛ፤ 2 ቄኤሶኮ ሱኡጎና ሙሴ ዔርዜ ዎጎ ዔርዜ ዓሳ ዴር" ዒጊጩሢሮ ዬሱሴ ዓርቂ ዎዶንዶ ጎይሢ ዴማና ኮዓ።

21:27 ዳኣ። 7፡13፤ ዮሐ. ያፔዳ 1፡7። 21:37 ሉቃ. 19፡47። 22:1 ኬሲ. ማፃ 12፡1-27።

ዪሁዳኮ ዩሱሴ ዓኣሢ ዲንጎሮ ዓሶና ዎላ" ጊኢጊያ  
(ማቴ. 26፥14-16፤ ማር. 14፥10-11)

3 ዩማና ታጾ ላምዎንሢዳፓ ፔቴ"ሢ ማዔ፥ ዓሰቆሮንቶ ዓጮ" ዓሢ፥ ዪሁዳይዳ ፃላሄ ጌሌኔ። 4 ዩያሮ ዪሁዳ ቄኤሶኮ ሱኡጎና ጌኤኮ ማኣሮ ካፓ ዓሶ ዓይሣዘንሢ ኮይላ" ዴንዲ ዩሱሴ ዎዲ" ዓኣሢ ዔያቶም ዲንጋንዳቴ ዔያቶና ዎላ" ጌሰቴኔ። 5 ዔያታ ዒ ኬኤዜ ባኮና ዎዛዲ ሚኢሹ ዒዛም ዲንጋኒ ዎላ" ጌሰቴ ጊኢጊኔ። 6 ዔያታ ጌሰቴ ጊኢጊሰካፓ፥ ዴራ" ዔሩዋንቴ ዒዚ ዩሱሴ ዓኣሢ ዲንጋኒ ጊኢጋ ዎዴ ኮዓኔ።

ዩሱሴ ዑሣ ዓኣዲያ ቦንቾ ኬሎ" ካዎ ሙዓኒ ጊኢጊሢ  
(ማቴ. 26፥17-25፤ ማር. 14፥12-21፤ ዮሐ. 13፥21-30)

7 ዩካፓ ዑሣ ዓኣዲያ ቦንቾ ማራቶ ሹኪ፥ ላኣደዎ ሙዒ ቦንቾ ኬላ" ሄሌ"ኔ። 8 ዩሱሴ፡- «ዑሣ ዓኣዲያ ቦንቾ ኬሎ" ካዎሢ ኑ ሙዓንዳጉዲ ዴንዲ ኑም ጊኢጊሹዎቴ» ጌዒ ጳዒሮሴና ዮሐኒሴና ቤርታ ዳከኔ።

9 ዔያታ ማሃዮ፡- «ዑሣ ዓኣዲያ ቦንቾ ኬሎ" ካዎ ዎካ ኑ ጊኢጊሻንዳጉዲ ኔ ኮዓይ?» ጌይ ዒዛ ያኦጩኔ።

10 ዒዚያ ዔያቶም፡- «ዴንዲ ካታም ዒንሢ ጌላኣና ዒኢካ ዎኣሢ ጉሲ ኬዴ ዓሲ ዒንሢና ካኣማንዳኔ፤ ዒዛ ጊንያ ዓኣዲ፥ ዒ ጌላ ማኣሮ ጌሉዎቴ። 11 ማኣሮ ዓደ ኮራ ኑና ዔርዛሢ ታኣኮ ጊንያ ሃንታዘንሢና ዎላ" ዑሣ ዓኣዲያ ቦንቾ ኬሎ" ካዎ ታ ዴዒ ሙዓንዳ ቤዛ ዎካዳይ? ኔና ጋዓኔ» ጎውዎቴ። 12 ዒዚያ ኩቦ ጋራ ዓኣ ሂኢሢንቴ ጊኢጊ፥ ዳልጎ ቤዘ ዒንሢ ዳውዎንዳኔ፤ ዒኢካ ጊኢጊሹዎቴ» ጌዔኔ።

13 ላምዎ ዒዛኮ ጊንያ ሃንታዘንሢ ዴንዲ ቢያ ባካ ዩሱሴ ዔያቶም ጌዔሢጉዲ ማዔም ዴንቃያ ዑሣ ዓኣዲያ ቦንቾ ኬሎ" ካዎ ዒኢካ ጊኢጊሹኔ።

ጎዳ ማደ" ካዎሢ  
(ማቴ. 26፥26-30፤ ማር. 14፥22-26፤ 1ቆሮ. 11፥23-25)

14 ዒማ"ና ካዎ ሙዎ ዎዳ" ሄላ"ዘ ዩሱሴ ዳከንቴዘንሢና ዎላ" ሙዓኒ ዴዓዮ፡- 15 «ታኣኒ ሜታሢ ዔካንዳሢኮ ቤርታ ዒንሢና ዎላ" ሃያ ዑሣ ዓኣዲያ ቦንቾ ኬሎ" ካዎሢ ሙዓኒ ሚርጌና ኮዔኔ፤ 16 ሃያ ባኮኮ ዓኣሺንቴ ጎኑማ ያኦሲ ካኣቱዎይዳ ጌኤሽኪ ዔርታንዳያ ሄላ"ንዳኣና ሃይካፓ ሴካ ሃሎ" ዑሣ ዓኣዲያ ቦንቾ ኬሎ"

ካዎ ፔቴ፣ ታዎ ታ ሙዒንዲዋያታሢ ዒንሢም ታ ከኤዛኔ» ዔያቶም ጌዔኔ።

17 ዩካፓ ዩሱሴ ዑሽኮ ባኮ ዔኪ ጋላታ ሺኢጲሢ ሺኢቃዎ፡- «ሃቦቴ፣ ሃያ ዋሊ ሄሊ"ሱዋቴ፤ 18 ጎኔ ታ ዒንሢም ጋዓኔ፤ ሃይማፓ ዓርቃዎ ያኦሲ ካአቱማ ሙካንዲያ ሄላ"ንዳኦና ሃያ ዋይኖ ዓኦፓ ዑዣፓ ታ ዑሽካዓኔ» ጌዔኔ።

19 ሄሊ"ሳዎ ዩሱሴ ካሦ ዔኪ ጋላታ ሺኢጲሢ ሺኢቁ፣ ቡንፃዎ ጊንፃ ሃንታዘንሢም፡- «ሃቦቴ፣ ሃይ ዒንሢም ዒንጊንታሢ ታናከ፤ ሃያ ዒንሢ ታና ማሊ ጳቂሢ ባኦዚ" ማሁዋቴ» ጌዒ ዔያቶም ዒንጌኔ።

20 ዩያፕዲ ካሦ ሙዔሰካፓ ዑሽኮ ባኮ ዔኪ ዒንጋዎ፡- «ሃይ ዑሽኮ ባካ ዒንሢም ላኦሊንታንዳ፣ ታ ሱጎያና ኩማንዳ ዓኮ ጫኦቃሢከ።

21 «ጋዓንቴ ታና ዓኦሢ ዒንጋሢ ሃሢ ታኦና ዋላ" ጎንጋፓ ካሦ ዔኪ ሙዓኔ። 22 ዓሲኮ ናዓሢ ዒዛ ዛሎ" ቤርታዲ ማሊንቴ ጎይፃና ሃይቁዋዎ ዓታዓከ፤ ጋዓንቴ ዓሲኮ ናዓሢ ዓኦሢ ዒንጋ ዩያ ዓሢም ባዴዔ!» ጌዔኔ።

23 ዒዛኮ ጊንፃ ሃንታ ናኦታ፡- «ኑ ባኦካፓ ዩያ ማዲንዳሢ ያናዳይ?» ጌይሢና ዋሊ ሴካና ሃንጋና ያኦጩኔ።

**ቢያፓ ባሼሢ ያናታቴያ ከኤዚንቴሢ**

24 ሄሊ"ሳዎ ዔያታ፡- «ኑጊዲፓ ቢያ ባሼሢ ያናዳይ?» ጌዒ ዋላ" ማርሞ ዓርቁኔ። 25 ዩሱሴ ጋዓንቴ፡- «ሃያ ዓጮ" ካኦቶ"ኮ ዴር" ዑፃ ቢታንቶ ዓኦኔ፤ ሃሣ ዋይሢ ዓሳኦ ዴር"ም ኮኩ ማዲ ዓሶ ጌይንታኔ፤

26 ዒንሢ ጋዓንቴ ዔያቶፕዲ ማዓንዳያ ኮይሱዋሴ፤ ዩያይዲፓ ዒንሢ ባኦካ" ቶይዲ ማዓሢ ጌኤዚ"ፕዲ ማዎንጎ፤ ዓይሢ ማዲሽያ ማዔሢያ ማዲሢፕዲ ማዎንጎ። 27 ሙዎ ዴዒ ሙዓሢና ዔቂ ሙኦዛሢናይዲፓ ዋያዳይ ዴኤፓሢ? ዴኤፒ ጌይንታሢ ዴይ ሙዓሢቴዋዓዳ? ታኦኒ ጋዓንቴ ዒንሢኮ ባኦካ" ዓይሢንቴ ማዲሢ ፕዴያከ።

28 «ዒንሢ ታኦኮ ሜታሢ ዋዶ"ና ቢያ ታኦና ዋላ" ዶዲ ዴዔኔ።

29 ዩያር ታ ዓዴ ታ ማዶ"ም ቢታንቶ ታኦም ዒንጌሢፕዲ ታኦኒያ ዒንሢም ቢታንቶ ዒንጋንዳኔ። 30 ታኦና ዋላ" ታ ካኦቶሞይ ሙዎ ቤዛ ዒንሢ ዴዒ ሙይ ዑሽካንዳኔ፤ ዋጎ ዋጎ ቤዘይዳኦ ዴዒ፣ ታጳ ላምዎ ዒሰራዔኤሌኮ ፃጳ ዑፃ ቢታንቶ ዔኪ ዒንሢ ዋጋንዳኔ» ጌዔኔ።

---

22:20 ዓ.ር. 31፣31-34። 22:21 ዓይኑ. 41፣9። 22:24 ማቴ. 18፣1፤ ማር. 9፣34፤ ሉቃ. 9፣46። 22:25 ማቴ. 25፣27፤ ማር. 10፣42-44። 22:26 ማቴ. 23፣11፤ ማር. 9፣35። 22:27 ዮሐ. 13፣12-15። 22:30 ማቴ. 19፣28።

ጳጳሮስ ዲዛ ዔሩዋሴ ጋዓንዳሢ ቤርታሲ ዩሱስ ከኤዜሢ  
(ማቴ. 26፥31-35፤ ማር. 14፥27-31፤ ዮሐ. 13፥36-38)

31 ሄሊ"ሳዖ ዩሱሴ፡- «ሲሞኦኔ! ሃኣዛጌ፤ ጎሽካ ዓሢ ዛርጋሢ ዓኣፖ ዲልባፓ ሶኦ፥ ጌኤሺ ዲማሳሢ፡- ዓላሃ ዲንሢ ሶኦ ዛጋኒ ዲናፓ ሱኡካዲ ማሌኔ። 32 ጋዓንቴ ኔኤኮ ጉሙርቁፃ ባይቁዋጉዲ ታ ዓዶ ታ ሸኢቁኔ፤ ኔኤኒያ ኔ ዳቢንቶ ዔሪ ታ ባንሢ ማዔ ዋዶ"ና ኔ ዲሾንሢ ዶዲሼ» ጌዔኔ።

33 ጳጳሮስ ማሃዖ፡- «ጎዳሢዮ! ቱኡሲም ማዔቶዋ ሃሃ ሃይቢም ታኣኒ ኔኤና ዋላ" ዓኣዳኒ ገኢገንቴያኬ!» ጌዔኔ።

34 ዩሱሴ ጋዓንቴ ዲዛም፡- «ጳጳሮስ፥ ሃም" ኮይዳ ቁኢቁዋንቴ ሃይሢ ማይንቴ <ታ ዲዛ ዔሩዋሴ> ኔ ጋዓንዳኔ፤ ታ ኔኤም ጋዓኣኬ» ጌዔኔ።

35 ዩካፓ ዩሱሴ ፔኤኮ ገንፆ ሃንታ ናኣቶ" ኮራ፡- «ሚኢሼ ዓርቆ ቡራሻ፥ ጋላ ዔኮ ሉካ"፥ ዱርሲያ ዲንሢ ዔኮዋንቴ ታ ዲንሢ ዳኬ ዋዶ"ና ዲንሢም ፓጩ ባኣዚ" ዓኣ?» ጌዔኔ።

ዔያታኣ ማሃዖ፡- «ዓይጌያ ፓጩ ባኣዚ" ኦም ባኣሴ» ጌዔኔ።

36 ዩሱሴ ዔያቶም፡- «ሃሢ ዓካሪ ሚኢሼ ዓርቆ ቡራሻ ማዔቴያ፥ ጋላ ዓርቆ ሉካ" ዓኣሢ ዩያ ፔኤኮ ዔኮንጎ፤ ጩንቻ ዓፓሮ ባኣሢያ ማኣዓሢ ፔኤኮ ሻንቺ ጩንቻ ዓፓሮ ሻንቆንጎ። 37 <ፑርቶ ዓሶና ዋላ"ፓይዲንቴኔ!> ጋዓ ማፃኣፖ ቃኣላ" ታ ጌዳ" ኩማንዳያ ኮይሳኔ፤ ታ ዲንሢም ጋዓኣኬ፤ ዓይጎሮ ጌዔቶ ታ ዛሎ" ቤርታዲ ፃኣፒንቴሢ ቢያ ኩማኒ ኮይሳሢሮኬ» ጌዔኔ።

38 ዲዛኮ ገንፆ ሃንታ ናኣታ"፡- «ጎዳሢዮ! ሃይሾ ሃይካ ላምፆ ጩንቻ ዓፓሮ ዓኣኔ!» ዲዛም ጋዓዛ፥ ዲዚ «ገዳንዳኔ» ዔያቶም ጌዔኔ።

ዩሱሴ ከ ዛይቶ ሪሚቶ ዲኮ"ይዳ ሸኢጲያ  
(ማቴ. 26፥36-46፤ ማር. 14፥32-42)

39 ዩሱሴ ካታዎይዳፓ ኬሰኪ ቤርታ ማዳሢ፡- ዛይቶ ሪሚቶ ዲኮ" ዳንዴኔ፤ ዲዛኮ ገንፆ ሃንታ ናኣታ"ኣ ዲዛና ዋላ" ዓኣዴኔ። 40 ዲኢካ ዔያታ ሄላ"ዛ ዩሱሴ፡- «ዳቢሻ ጌሺሢዳ ዲንሢ ጌሉዋጉዲ ሸኢቁዋቴ» ጌዔኔ።

41 ዩካፓ ሹቺ ዲዔም ሄላ"ንዳጉዴ ቤሲዳ ዔያቶይዳፓ ሃኪ ዴንዳዖ ጉምዓቴ፡- 42 «ዓዳሢዮ! ኔ ማላሢ ማዔቶ ሃያ ሜታሢ ታ ጌዳ"ፓ ሃኪሴ፤ ጋዓንቴ ታ ማሊያጉዲቱዋንቴ ኔ ማሊያ ኩሞንጎ»

22:35 ማቴ. 10፥9-10፤ ማር. 6፥8-9፤ ሉቃ. 9፥3፤ 10፥4። 22:37 ዲሲ. 53፥12።

ጌራ ሺኢቄኔ። 43 ዲሞና ዲዛ ደዲሻ ከኢታገቻህ ጫሪንጮይዳፓ ሙኪ ዲዛሞ ጴዳኔ። 44 ዲና" ዲዛኮ ሚርጌና ሚታዳም፣ ኮሺ" ደዲ ሺኢዲህ ዲ ሺኢቃኔ፤ ዩማና ጮጋጫ ዲዛኮ ሱጉህ ማሊ ሳዓ ያዳኔ።

45 ሺኢዲያይዳፓ ዲ ዔቂ ገንያ ሃንታዞንህ ባንህ ሙካንቴ ዔያታ ሚርጌና ያዩያይዳፓ ዔቄያና ላቢ" ገንዲ ዓኣንቴ ዛጋያ፡-

46 «ዓይጎር ዲንህ ገንዳይ? ዩያይዳፓ ዳቢሻ ጌሺህዳ ዲንህ ጌሉዋጉዲ ዔቂ ሺሺኢቁዋቴ» ዔያቶም ጌዔኔ።

**ዩሱሴኮ ሞርኮ ኩጫ ዓዲንቴያ**  
(ማቴ. 26፥47-56፤ ማር. 14፥43-50፤ ዮሐ. 18፥3-11)

47 ዩሱሴ ዩያ ከኤዛ ጎይህ ዓኣንቴ ዲሞና ሚርጌ ዓሲ ሙኩኔ፤ ዩያ ዓሰ ዔኪ ሙኩህ ታጾ ላምዖንህዳፓ ፔቴ"ህ ማዔ፣ ዩሁዳከ፤ ዲዚያ ዩሱሴ ሂርቃኒ ዩሱሴ ባንህ ደጩኔ። 48 ዩሱሴ ጋዓንቴ፡- «ዔዘ፣ ዩሁዳ! ዓሲኮ ናዓህ ሂርቁህና ዓኣህ ኔ ዓንጋ?» ጌዔኔ።

49 ዩሱሴና ዋላ" ዓኣ ገንያ ሃንታዞንህ ዩያ ዛጋያ፡- «ጎዳ! ዓፓሮና ኑ ዔያቶ ቆያ"ንዶ?» ጌዔኔ። 50 ዔያቶይዳፓ ፔቴ"ሰከይ ቄኤሶ ቢያኮ ሱኡጋህሞ ዓይህንቴ ማዳህኮ ሚዛቆ ዋዮ ዓፓሮና ቆያ" ተቄኔ።

51 ዩሱሴ ጋዓንቴ፡- «ማይ ጌዴኔ! ሃሺ"!» ጋዓያ፡ ዓህኮ ዋዮ ኩቻ ዓርቂ ካንህ ፓህኔ።

52 ዩካፓ ዩሱሴ ዲዛ ዓርቃኒ ሙኩዞንህና ቄኤሶኮ ሱኡጎና ሓህ ጌኤዢ ማኣሮኮ ዓይህዞንህና ዴሮ"ኮ ጨሞና ኮራ፡- «ታና ዲንህ ሱላጉዲ ዓርቃኒ ጩንቻ ዓፓሮና ኮኦሎ"ና ዔኪ ሙኪያ?»

53 ቢያ ኬሊ" ጌኤዢ ማኣሮይዳ ዲንህና ዋላ" ታ ዓኣንቴ ዲንህ ታና ዓርቂባኣኔ፤ ሃህ ጋዓንቴ ዲንህና ዲማህናኮ ቢታንቶ ዋዮ"ኬ» ጌዔኔ።

**ጴዳሮሴኮ ዩሱሴ ዔሩዋሴ ጌይያ**  
(ማቴ. 26፥57-58፤ 26፥69-75፤ ማር. 14፥53-54፤ 14፥66-72፤ ዮሐ. 18፥12-18፤ 18፥25-27)

54 ዩካፓ ዓሳ ዩሱሴ ዔኪ ቄኤሶ ቢያኮ ሱኡጋህ ማኣሪ ዴንዴኔ፤ ዲሞና ጴዳሮሴ ዳካ" ዲዛይዳፓ ሃኬ ሃኬ ገንያ ዓኣዳኔ። 55 ዓሳ ዩያ ዓህኮ ዲር ጋራ ታሚ ዔኤህ ፔቴ"ይዳ ዴዲ ካሽታንቴ ጴዳሮሴ ሙኪ ዔያቶና ዋላ" ዴዔኔ። 56 ጴዳሮሴ ታሞ ዓጫ ዴዲ ዓኣንቴ ፔቴ" ዉዴር ናይሰከና ዲዛ ዴንቂ ኮሺ" ዲዛ ዛጋያ፡- «ሃይያ ዩሱሴና ዋላ" ዓኣያኬ!» ጌዔኔ።

57 ጳጳሮች ጋዓንቴ፡- «ሃና ዓሴላ! ታኣኒ ዒዛ ዔሩዋሴ» ጌዔ።  
 58 ዳካ" ናጌሰካፓ ፔቴ" ዓሴ ሃሃ ጳጳሮች ዛጋዖ፡- «ኔኤኒያ ዔያቶይዳፓ ፔቴ"ሢኤ!» ጋዓዛ፣ ጳጳሮች ጋዓንቴ፡- «ሃይ ዓሢ ኔ! ታ ዔያቶና ዋላ" ዓኣያቱዋሴ!» ጌዔ።  
 59 ፔቴ ሳኣቴጉዴያ ሃሃ ኔጋዖ ፔቴ" ሜሌ" ዓሴ፡- «ሃይ ዓሢ ጌሊላ ዓሴኤ፤ ጎኔ ዒዛና ዋላ" ዓኣያኤ» ጌዒ ኮሺ" ዶዲሺ ኬኤዜ።  
 60 ጳጳሮች ጋዓንቴ፡- «ሃይ ዓሢ ኔ! ኔ ጋዓ ዓሢ ታ ዔሩዋሴ!» ጌዔ።  
 ዬዮ ዒ ጋዓ ጎይሃ ዓኣንቴ ኮይዳ ቁኢቄ። 61 ዬማና ጎዳ ዬሱሴ ሺሪ ጳጳሮች ዛጋዛ፣ ጳጳሮች፡- «ሃሮ" ኮይዳ ቁኢቁዋንቴ ሃይሢ ማይንቴ ታ ዒዛ ዔሩዋሴ» ኔ ታና ጋዓንዳ፤» ጌይ ጎዳ ዬሱሴ ቤርታ ዒዛም ኬኤዜሢ ጳቃዛ፣ 62 ካሮ" ኬሰካዖ ኮሺ" ዒናፓ ዖዲ ዒዚ ዬኤኤ።  
 63 ዒማ"ና ዬሱሴ ዓርቄ ዓሳ ዒዛ ቦሂ ቦሂ ጳርቄያ ጳርቄ።  
 64 ዓኣፖ ካሮ"ዋ ዒዛኮ ካንቁ ካንቁ፡- «ዖናዳይ ኔና ባዔሢ? ሂንዳ ኔ ዖኦሲ ማሊሢ ኬኤዛያታቴ ዔሬ» ጋዓ። 65 ዬያጉዲ ሃሃ ማርጌ ባኣዚ" ጌዒ ጌዒ ዒዛ ጫሽካ።

**ዬሱሴኮ ዋጎ ዓሶ ቤርቶ ሺኢኪዖ**  
 (ማቴ. 26፣59-66፤ ማር. 14፣55-64፤ ዮሐ. 18፣19-24)

66 ሳዓ ካራዛ ዴሮ"ኮ ጨዋና ቄኤሶኮ ሱኡጎና ሙሴ ዔርዜ ዋጎ ዔርዛ ዓሶና ፔቴ"ይዳ ቡኪንቴ፤ ዬሱሴያ ዔያታ ቡኪንቶ ቤዘ ዔኪ ሙካዖ፣ 67 ዒዛ ኮራ፡- «ሂንዳ ኑም ኬኤዜ! ኔኤኒ ማሲሑዳ?» ጋዓዛ፣ ዒዚ ጋዓንቴ ዔያቶም፡- «ታ ዒንሢም ኬኤዛዛ ዒንሢ ጎኔኤ ጎውዋሴ፤ 68 ሃሃ ታ ዒንሢ ዖኦጫዛኣ ታኣም ዒንሢ ማሂ ኬኤዙዋሴ፤ 69 ጋዓንቴ ሃይማፓ ዓርቃዖ ዓሴኮ ናዓሢ ዴኤፖ ዖኣዛሂኮ ማዛቆ ዛላ" ቦንቹንቴ ዴዓንዳ፤» ጌዔ።  
 70 ዬካፓ ቢያሢ ፔቴዋና፡- «ሂዴቶ ኔ ዖኦሲ ናይኬ ጌይሢዳ?» ጌይ ዒዛ ዖኦጫዛ፣ ዒዚ፡- «ሂዮ፤ ዒንሢ ታና ጋዓሢጉዴያኤ» ዔያቶም ጌዔ።  
 71 ዔያታ ማሃዖ፡- «ዓካሪ ማይ ዓይጎ ማርካ ኑም ኮይሳይ? ሃይሾ ዒ ጌዔ ባኮ ኑ ኑ ቶኦኪና ዋይዜ፤!» ጌዔ።

**23**

**ዬሱሴኮ ጲላዖሴ ቤርቶ ሺኢኪዖ**  
 (ማቴ. 27፣1-2፤ 27፣11-14፤ ማር. 15፣1-5፤ ዮሐ. 18፣28-38)

1 ምናቸው ቡከንቴ ዓሳ ቢያ ዓቂዩ ዩሱሴ ጳላዎሴ ቤርቶ ዓኪ ዓኣጳጳይ፤ 2 ሂዚ ገዳያ ዓዲ ዓዳታ ምናቸው ዓይሂሳኒ ከኤዚሂሂ ዓርቁኔ፡- «ሃይ ዓሂ፡ ኦኡኮ ዳሮ" ዳቢሻንቴ ኦ ዳንቁኔ፤ ሮሜ ካኣተም ገኢራ ገኢራንቴዋጉዳያ ላኣጋኔ፤ ሃሃ ሓኣኒ ካኣተ ማዕ፡ ማሲሖኩ» ገዳ ገዳ ከኤዚሂ፡፡»

3 ጳላዎሴያ፡- «ኔኤኒ ዓይሁዳ ካኣተዳ?» ገይ ዩሱሴ ያኦጫዛ፡ ዩሱሴ ማሃያ፡- «ሂዮ፡ ኔ ታና ገዳሂጉዳያኩ» ዓዲዘም ገዳኔ፡፡

4 ዩማና ጳላዎሴ ቁኤሶኮ ሱኡጎና ዳሮ"ናም፡- «ሃያ ዓሂ ዑፃ ዓይጎ ዳቢንቴያ ታ ዳንቁባኣሴ!» ገዳኔ፡፡

5 ዓሳ ጋዓንቴ፡- «ሃይ ዓሂ ገሌላይዳፓ ዓርቃዎ ሃይካ ሃላ"ንዳኣና ዪሁዳ ዓጫ" ቢያ ዓርዚ ዓርዚ ዳሮ" ፑርቱሞም ዓቂሳኔ» ገዳ ገዳ ኮሺ ዳዲሺ ከኤዚሂ፡፡

**ዩሱሴ ሄሮዲሴ ቤርታ**

6 ጳላዎሴ ገሌላ ገይንቴ ዑኡዘ ዋይዛያ፡- «ሃይ ገሌላ ዓጪ ዓሲዳ?» ገዳ ያኦጫኔ፡፡ 7 ዩሱሴ ሙኩሂ ሄሮዲሴ ዋይሃ ዓጫ"ፓ ማዕሂ ጳላዎሴ ዓሪ ማሂ ገንሃ ሄሮዲሴ ባንሂ ዳኩኔ፤ ሄሮዲሴ ዩማና ዩሩሳላሜይዳኩ፡፡ 8 ሄሮዲሴ ዩሱሴ ዛጋዎ ማርጌ ዋዛጳኔ፤ ዓይጎር ገዳቶ ዩሱሴ ዛሎ" ቤርታ ዓ ዋይዜሂሮ ዛጋኒ ማርጌ ዋዳ ዓዲ ኮዓኔ፤ ዩያጉዲ ሃሃ ዩሱሴ ያኦሲ ዋልቁና ዓኪ ባኣዚ" ማጳም ዛጋኒ ማሊሂያ ገሂሃ፡፡ 9 ዩያሮ ሄሮዲሴ ዩሱሴ ማርጌ ያኦጫሂ ያኦጫኔ፤ ዩሱሴ ጋዓንቴ ዓይጎዋ ዓዲዘም ማሂባኣሴ፡፡ 10 ቁኤሶኮ ሱኡጎና ሙሴ ዓርዜ ዋጎ ዓርዛ ዓሳ ዓኣካ ዓቂ ማርጌና ዓዲ ፑርቱሴያ ማሊሲ ከኤዚሂ፡፡ 11 ሄሮዲሴ ፖኦሊሶና ዋላ" ማዕ ዓዲ ቦሂ ዓማላ"ዎ፡ ማዛጳ ዓፒላ ማይሲ ገንሃ ጳላዎሴ ባንሂ ማሂ ዳኩኔ፡፡ 12 ዩዮ ኩሎ"ና ሄሮዲሴና ጳላዎሴና ዋላ" ዓገንቴኔ፤ ዩያኮ ቤርታ ጋዓንቴ ዓዳታ ዋላ" ዲጲሂኩ፡፡

**ዩሱሴ ሓይቃንዳጉዲ ዋገንቴሂ**

(ማቴ. 27፡15-26፤ ማር. 15፡6-15፤ ዮሐ. 18፡39-40፤ 19፡1-

16)

13 ዩካፓ ጳላዎሴ ቁኤሶኮ ሱኡጎና ሃሃ ዳሮ"ይዳፓ ዓርቲት ዓሶና ዳሮ"ና ቢያ ዓኤላ"ዎ፡- 14 « «ዳሮ" ዓ ፑርቱሞም ዓቂሳኔ!» ገዳ ዓንሂሂ ሃያ ዓሂ ታ ኮይላ" ዓኪ ሙኩኔ፤ ታኣኒ ጋዓንቴ ዓንሂኮ ቤርታ ዓዲ ያኦጫ፡ ዓንሂሂ ገዳ ከኤዛ ባኮይዳፓ ቢያ ሃያ ዓሂ ዑፃ ዓይጎዋ ዳቢንቴ ታ ዳንቁባኣሴ፡፡ 15 ዩያጉዲ ሃሃ ሄሮዲሴያ ዓዲዘይዳ ዓይጎ ዳቢንቴ ዳንቁባኣሂሮ ሃንጋ ኦ ባንሂ ማሂ ዳኩኔ፤ ዓካሪ ሃይ ዓሂ ዓዲ ሃይቢም ሄሊ"ሳ ባኣዚ" ዓይጎዋ ማዲባኣሴ፡፡

16 ዩያሮ ታ ጳዲና ኩንሂሂ ሃሻ"ንዳኔ» ገዳኔ፡፡ [ 17 ሌዓ ሌዓ



ዑሣ ዓላዲያ ቦንቾ ከሎ"ና ጲላዎስ ፔቴ" ቱኡሲ ዓሲ ዴሮ"ም ቡላ"ያኩ።]\*

18 ዬያሮ ዴራ" ቢያ፡- «ሃያ ዓሣ ባይዘ! ባርባኔ ጋዓንቴ ኑም ቡላ"!» ጌዒ ጌዒ ዒላቴኔ። 19 ባርባኔ ጎምሣ ካታሞይዳ ዑራ ዔቁሲ ዓሲ ዎዴ ዛላና ቱኡቲ ዓኣ ዓሲኪ።

20 ጲላዎስ ዬሱሴ ቡላ" ሃሻ"ኒ ኮዓዖ ላሚ ዴሮ"ም ከኤዘኔ።

21 ዴራ" ጋዓንቴ፡- «ሱፃ፡ ሱሱፃ!» ጌዒ ጌዒ ዒላቴኔ።

22 ጲላዎስ ሃይሣሲ፡- «ሃይ ዓሣ ዳቤ ዳቢንታ ዓይጌንዴዳይ? ታኣኒ ዒዛ ሃይቢም ሄሊ"ሳንዳ ዓይጎ ባኣዚ"ያ ዴንቁባኣሣረ ጳዲና ታ ኩንሣ ሃሻ"ንዳኔ» ዔያቶም ጌዔኔ።

23 ዔያታ ጋዓንቴ ዑኡዘ ፔኤኮ ዴ"ጊዲ፡- «ሱሱፃ!» ጌዒ ጌዒ ዒላቴኔ፤ ዒላታኣ ዔያቶኮ ኮሺ" ዲቤኔ። 24 ዬያ ዛሎ"ሮ ዔያታ ጎኦጤሣ ዔያቶም ማዲንታንዳጉዲ ጲላዎስ ዎጌኔ። 25 ዑራ ዔቁሲ፡ ዓሲ ዎዴ ቱኡቲ ዓኣ ባርባኔ ጎምሣ ዔያታ ጎኦጤ ጎይያና ቡላ"ዎ፡ ዬሱሴ ጋዓንቴ ዔያታ ኮዔሣጉዲ ዓኣሣ ዔያቶም ዒንጌኔ።

**ዬሱሴኮ ሱፃንቴዎ**

(ማቴ. 27፡32-44፤ ማር. 15፡21-32፤ ዮሐ. 19፡17-27)

26 ዬያሮ ዬሱሴ ዔያታ ዔኪ ዴንዲያይዳ ዓኣዎ፡ ፔቴ" ቁሬና ጌይንታ ዓጪ ዓሲ ማዔ ሲሞኦኔ ጎምሣ ካታሞኮ ዙላ"ፓ ካታሞ ጌላንቴ ዒዛ ዔኪ ዬሱሴ ሱዎንዶ ፑርቲሴ ዓሶ ሱዎ ማዎ ከዲሲ ዬሱሴ ጌንዎ ዓኣዳንዳጉዲ ማሄኔ።

27 ማርጌ ዓሲ ዬሱሴ ጌንዎ ዓኣዳኔ፤ ዔያቶ ባኣኮ"ይዳፓ ማርጌና ዒዛ ጋይቴ ዎዩ ዬኤካ ላኣሊ ዓኣኔ፤ 28 ዬሱሴ ጋዓንቴ ዔያቶ ባንሣ ሺሪጋፓ፡- «ዒንሣ ዬሩሳላሜ ላኣላ! ዒንሣ ቶኦኮ"ና ዒንሣ ናኣቶ"ናም ዬኤኮሞቴ! ታ ጋይቴ ዬኤኪፖቴ! 29 ዓይጎሮ ጌዔቶ <ዘኦካሣ ማዔ ላኣሎና ሸይባኣ ጎጾና ዳንሥሣባኣ ላኣሎና ዎዚ ባሊቲና ዓኣያዳይ?» ጌይንታንዳ ከሊ" ሙካንዳኔ። 30 ዬኖና ዓሳ ዲኮ" <ኦ ዑፃ ዶዔ፤> ሃሣ ጌሜሮ <ኦና ዓኣቕሞቴ!> ጌይሣ ዓርቃንዳኔ። 31 ዓካሪ ዬይ ቢያ ባካ ዓኣዔ ሚሣዲ ሃኣዲ ማዓያ ማዔቶ ሜሎ ሚያይዳ ዎይታንዳና ንዳይ?» ጌዔኔ።

32 ዬያጉዲ ሃሣ ዬሱሴና ዎላ" ዎዳኒ ላምዎ ፑርታ ማዴ ዓሲሰከንሣያ ዔኪ ዔያታ ዴንዴኔ። 33 ዬካፓ ዔያታ ቶኦኪ ሜጌሣ ጌይንታ ቤዞ ሄላ"ዎ ዒኣካ ዬሱሴ ሱፃኔ፤ ሃሣ ላምዎ ፑርቶ ማዴዘንሣያ ዬሱሴኮ ሻውሎ"ና ሚዛቆ ዛሎ"ናይዳ ሱፃኔ። 34 ዬካፓ

\* 23:17 ፔቴ" ፔቴ" ሚናኣ ማፃኣፓ ፓይ. 17 ጊዳ" ቃሳ"ኔ፤ ዬና ቃኣላ" ማር. 15፡6 ጊዳ" ዓኣዘ ማላኔ። 23:30 ሆሴ. 10፡8፤ ዮሐ. ዎፔዳ 6፡16።

ዩሱሴ፡- «ዳሢያ! ዔያታ ማዳ ባኮ ዔሩዋአሢሮ ዓቶንጎ ዔያቶም ጌዔ!» ጌዔ።

ፖኦሊሳ ዲማሲ ዔራረኒ ዓጎ ባአዚ" ዓገ ዩሱሴኮ ዓፒሎ ገሸቴ።  
35 ዴራ" ዔቂ ዛጋንቴ ዓይሁዶኮ ሱኡጋ፡- «ሜሌ" ዓሶ ዒ ዳቂሽኔ፤ ዓካሪ ዒዛ ሶኦሲ ዶኦሬያ፡ ማሲሔ ማዔቶ ሂንዳ ፔና ዳቂሽንጎ!» ጌዒ ጌዒ ዒዛ ቦሂኔ።

36 ፖኦሊሳ ሃሢ ዩያጉዲ ዒዛ ቦሂኔ፤ ፑርቲ ሶልኬ ዑሺያ ዒዛም ዒንገዖ፡ 37 «ኔኤኒ ዓይሁዴ ካአቲታቶ ሂንዳ ኔና ዳቂሽ» ጌዔ።

38 «ሃይ ዓይሁዴ ካአቲኬ!» ጌዒ ምእፖናያ ዩሱሴኮ ቶኦኮ ኬዴ ሚዖ ዑፃ ጌሂኔ።

**ዩሱሴና ዎላ ሱዲንቴ ላምዖ ፑርቶ ማዴ ዓሶንሢ  
(ማቴ. 27፡38-44፤ ማር. 15፡27-32)**

39 ዩሱሴና ዎላ" ሱዖና ፑርቶ ማዴዘንሢዳፓ ፔቴ"ሢ ዩሱሴ ኮራ፡- «ኔኤኒ ማሲሔቱዎዓዳ? ሂንዳ ኔና ዳቂሽ ኦናአ ዳቂሽ!» ጌዒ ጌዒ ጫሽኬ።

40 ባጋሢ ጋዓንቴ፡- «ኔኤኒ ሃሢ ሃይቢም ዎገንቴ ዓአዖ ሶኦሲ ዓገጩዎዓዳ? 41 ኦኡኒ ኦ ማዴ ዳቢንቶ ዛሎ"ና ኦም ዒንጎና ዎጋ" ኮይሳያከ፤ ሃይ ዓሢ ጋዓንቴ ፔቴ"ታዖ ፑርታ ባአዚ" ማዴባአሴ» ጌዒ ዒዛ ጎሬኔ። 42 ዩካፓ ዩሱሴ ኮራ፡- «ጎዳሢያ! ኔ ካአቲዎይዳ ኔ ጌላ ዎዶ"ና ታና ጸቂሳዎ!» ጌዔ።

43 ዩሱሴ ማሃዖ፡- «ጎኔ ታ ኔኤም ጋዓኔ፤ ሃኖ" ኔ ታአና ዎላ" ጌኔቴይዳ ማዓንዳኔ!» ዒዛም ጌዔ።

**ዩሱሴኮ ሃይቦ"  
(ማቴ. 27፡45-56፤ ማር. 15፡33-41፤ ዮሐ. 19፡28-30)**

44 ዓካሪ ዩይ ያዲ ማዔሢ ዓባ" ሳዛ ማዓአናኬ፤ ዩካፓ ዓርቃዖ ዴንዲ ማሢ ደምቦልሳ ዎዴ ሄላ"ንዳአና ዓቦ"ኮ ፖዓ ዓርቂንቴ ሳዓ ፑቤ ዲሜኔ። 45 ዩማና ጌኤዦ ማአርይዳ ዲማሲዖር ጎኦቦና ዓፒላ ሳዛ"ፓ ሂኮ ዳርዒ ላምዖ ፓቂንቴ። 46 ዩሱሴ ዑኡዘ ዴ'ጊዲ፡- «ዳሢያ! ሃይሾ ታኦኮ ሽምፓሢ ኔኤም ታ ዒንጎኔ!» ጌዔ። ዩያ ጌዔሰካፓ ሽምፓሢ ዒዛኮ ዲጴኔ።

47 ዒኢካ ዓአ፡ ጴኤቶ ፖኦሊሶኮ ሱኡጋሢ ዩያ ማዔ ባኮ ዛጋዖ፡- «ጎኔና ሃይ ዓሢ ዲሎ"ታዖኬ!» ጌዒ ሶኦሲ ቦንቼ።

48 ዩያ ባኮ ዛጋኒ ዒኢካ ቡኪንቴ ዓአ ዓሳ ቢያ ማዔ ባኮ ዛገ ዖዩሢና ዳዶ" ፔኤኮ ኩቻ ባዒ ባዒ ፔ ማአሪ ማዒ ዴንዴ።

23:34 ዓይኑ. 22፡18። 23:35 ዓይኑ. 22፡7። 23:36 ዓይኑ. 69፡21።  
23:45 ኬሲ. ማፃ 26፡31-33። 23:46 ዓይኑ. 31፡5።

49 ዩሱሴ ኮሺ" ዔራ ዓሶ ቢያሢና ጌሊላይዳፓ ዓርቃዖ ዒዛኮ ጊንዖ ሃንታ ላኦና ሃኬ ዔቁ ዩያ ባኮ ዛጋኔ።

ዩሱሴኮ ዲኡኪንጉጥ

(ማቴ. 27፥57-61፤ ማር. 15፥42-47፤ ዮሐ. 19፥38-42)

50 ዓይሁዴ ዓጨ ካታማ ማዔ፥ ዓርማቲያሴ ጌይንታዘይዳ ናንጋ ዮሴፔ ጌይንታ ፔቴ" ዓሲ ዓኣኔ፤ ዒዚ ያሎ" ሃሣ ኮሺ ዓሲኬ፤ ሃሣ ጊንሣ ዒ ዓይሁዴ ዓሶኮ ዋጎሮ ቡካ ዓሶይዳፓ ፔቴ"ሢኬ። 51 ማዔቶዋ ዓይሁዴ ዓሳ ዩሱሴ ባይዛኒ ዘርታ ዘርቲያና ጌኤዘናይዳ ዒ ጌሊባኣያኬ፤ ያኦሲ ካኣቱሞዋ ሓጊ ማዓንዳ ዋዛ ጌሣ ካፓ ዓሲኬ። 52 ዩይ ዓሣ ጸሊላያሴ ኮይላ" ዴንዲ ዩሱሴኮ ሌዘ ዒዘሞ ዒንጋንዳጉዲ ያኦጨኔ። 53 ሌዘዋ ዒዛኮ ማፃፓ ኬይሲ ሻኣዣ፥ ቦኦሬ ማዘጸ ዓፒላና ሱኡዲ ያኦኒያ ዲኡቲባኣ ላሌ ቆኦቁ ኮሾ"ና ዲኡፒ ዔቲይዳ ዲኡኬኔ። 54 ዩያ ዒ ማዴሣ ሳዓ ዴሚሞ ዓይሁዴኮ ሃውሾ ኬሎ" ቦንቻ ዓርቃኒ ዑካንቴኬ፤ ዩና ኬሌላ ሓውሾ ኬሎ"ሞ ጊኣጊንቲ ጊኣጊንቶ ኬሊ"ኬ።

55 ጌሊላ ዓጮ"ይዳፓ ዩሱሴ ጊንዖ ሙኬ ላኣላ ዮሴፔና ዋላ" ዓኣዲ ዩሱሴኮ ዲኡጉ ዛጋኔ፤ ሃሣ ዋዲ" ዒዛ ዲኡኮናቲያ ዛጋኔ። 56 ዩካፓ ዔያታ ፔኤኮ ማኣሪ ማዒ ዴንዳዖ ሌዘሞ ማዓ ዴኤሻና ሳውቃ ቲሺና ጊኣጊሼሰካፓ ሙሴ ዋጎ ጎይዖና ሃውሾ ኬሎ" ዔያታ ሃውሺ ፔኤቄኔ።

# 24

ዩሱሴኮ ሃይባ'ፓ ዔቁዖ

(ማቴ. 28፥1-10፤ ማር. 16፥1-8፤ ዮሐ. 20፥1-10)

1 ላኦንሣ ጊኣጊሹ፥ ሳውቃ ቲዠ ዔኪ ቃልሾ ኬሎ"ኮ ቤርታሳ ዓቦ" ጉቴ ዓሚ" ዲኡጉ ቤዘ ዴንዴኔ፤ 2 ዒማ"ና ዲኡጉ ካሮ" ዋደና ሹጫሣ ዲኡጉ ካራ"ፓ ኮላዲ ዓኣንቴ ዔያታ ዴንቄኔ። 3 ዔያታ ዲኡጉ ዔቶ" ጋሮ ጌሌ ዋዶ"ና ጋዓንቴ ጎዳ ዩሱሴኮ ሌዘ ዴንቄባኣሴ። 4 ዩያ ባኮና ኮሺ" ዔያታ ዲቃቲ ዓኣንቴ ዓኣፒዳ ዴካ፥ ጌኤሺ ቦኦሬ ዓፒላ ማይንቴ ላሞዖ ዓሲ ዔያታ ዔሩዋንቴ ሙኪ ዔያቶ ኮይላ" ዔቄኔ። 5 ላኦንሣ ሚርጌና ዒጊጫዖ ሊካ ሳዓ ዛጊ ዓኣንቴ፡- «ሹሞፔና ዓኣ፥ ዩሱሴ ሃይቁ ዓሶ ባኣካ" ዓይጋ ዒንሣ ኮዓይ? 6 ዒዚ ሃይካ ባኣሴ፤ ዔቄኔ፤ ቤርታ ዋንዴ ጌሊላይዳ ዓኣ ዋዶ"ና ዒንሣሞ ኬኤዜሣ ማሉዋቴ። 7 ዩይያ፡- <ዓሲኮ ናዓሣ ጎሞ

23:49 ሉቃ. 8፥2-3። 23:56 ኬሲ. ማፃ 20፥10፤ ላሚ. ዋማ 5፥14።

ዓለም ዓኣሚ ዲንገንታኒ ሃሣ ሱዲንታኒ፥ ሃይሣሳ ኬሎ"ና ሃይባ"ፓ ዔቃኒ ኮይሳኔ» ዲንሢሞ ጌዔሢኬ» ጌዔኔ።

8 ላኦሎንሢ ዩሱሴኮ ቃኣሎ" ማሊ ጳቂሴኔ፤ 9 ዱኡፖ ቤዛፓ ማዒ ዩያ ቢያ ታጳ ፔቲ"ዘንሢና ዓቲዘንሢናም ኬኤዜኔ፤ 10 ዩያ ዳኪንቲዘንሢሞ ኬኤዜዘንሢ ማግደላ ዓጮ" ማይራማ፥ ዮሃና፥ ያይቆኦቤኮ ዲንዶ ማይራምንታ ዩያጉዲ ሃሣ ማሌ" ላኦሊያ ዓኣኔ። 11 ዳኪንቲዘንሢ ጋዓንቲ ዩይ ባካ ዔያቶም ዓውቲ ማሌሢር ጎኔኬ ጌይባኣሴ። 12 ጋዓንቲ ጳዲርሴ ዔቂ ዱኡፖ ቤዛ ጳሽኬኔ፤ ዲኢካ ዒ ሄሊ" ሂርኪ ጌዒ ዛጋያ ሌዘ ሱኡዶና ሻኣዦ ሚዛጳ ዓፒሎ ሌሊ ዴንቁሰካፓ ማዔ ባኮ ዲቃቲ ሄርሺ ሄርሺ ማኣሪ ማዔኔ።

**ዩሱሴ ላምያ ዒዛኮ ገንፆ ሃንታ ናኣቶ"ንሢሞ ጳዴሢ (ማር. 16፥12-13)**

13 ዩኖ ኬሎ"ና ዩሱሴኮ ገንፆ ሃንታዘንሢዳፓ ላምያንሢ ዔማዎሴ ጌይንታ ጉርዳሰኬኖ ዴንዳኔ፤ ዔማዎሴ ዓኣሢ ዩሩሳላሜይዳፓ ኮሺ" ሃኩዋ \* ቤሰካኬ። 14 ዔያታ ዩያ ማዔ ባኮ ቢያ ዛሎ" ዎላ" ጌሰቲ ጌሰቲ ዓኣዳኔ፤ 15 ዩያ ዔያታ ኬኤዚ ጌሰታ ዎዶ"ና ዩሱሴ ፔ ቶኣኪና ሙኪ ዔያቶና ዎላ" ዓኣዳኔ። 16 ጋዓንቲ ዔያታ ፔ ዓኣፖና ዒዛ ዛጋያታዎ ያና ማዔቶዎ ዔራኒ ዳንዳዒባኣሴ። 17 ዒዚ፡- «ዒንሢ ሃይ ጌሰቲ ጌሰቲ ዓኣዳሢ፥ ዩይ ዓይጎ ባኣዚ"ዳይ?» ዔያቶ ኮራ ጌዔኔ።

ዔያታ ዒማ"ና ኮሺ" ያያዎ ዓኣ ቤዛ ዔቂኔ። 18 ዔያቶይዳፓ ፔቲ" ቁሌዮጳ ጌይንታሢ፡- «ኔኤኒ ዩሩሳላሜ ካታዎይዳ ዓኣዎ ሃሢ ቢሪ ማዳንቲ ባኮ ቢያ ዔሩዎዎ ሸኦቲ ማዒ ዓቲሢ ኔና ሌሊዳ?» ጌዔኔ።

19 ዩሱሴ ማሃዎ፡- «ዩይ ዓይጌንዳይ?» ጋዓዛ፥ ዔያታ «ናዚሬቶ ዓጮ" ዓሢ፥ ዩሱሴ ዑፃ ማዔ ባኮሸ! ዒዚያ ያኦሲና ዓሲና ቢያ ቤርታ ኬኤዛ ባኮና ማዶና ዶዲ ማዔ ያኦሲ ማሊሢ ኬኤዛያኬ። 20 ቁኤሶኮ ሱኡጎና ኦና ዎይሢ ዔርቲ ዓሳ ሃይቃንዳጉዲ ዒዛይዳ ዎጌሰካፓ ዒዛ ሱፃኔ። 21 ኦኤኒ ጋዓንቲ «ዒሰራዔኤሌ ዓሶ ዳቂሻንዳይ ዒዛኬ» ጌዒ ሚርጌና ሃጊ ማዓንዳ ዎዛ ጌሢያታንቲ፥ ዩይ ቢያ ባካ ማዔሰካፓ ሃኖ" ሃይሣሳ ኬሊ"ኬ። 22 ሃሣ ኦ ባኣኮ"ይዳ ዓኣ ፔቲ" ፔቲ" ላኣላ ሚርጌና ኦና ዲቃሢ ማሊሹኔ፤ ዔያታ ሃኖ" ጉቲ ዱኡፖ ቤዛ ዴንዳዎ፥ 23 ዒዛኮ ሌዘ ዴንቁሳኣሴ፤ «ዒዚ ሃይባ"ፓ ዔቂኔ» ጋዓ ኪኢታንቶ ዓውቲጉዴያና ዛጌኔ ጌዒ

24:7 ማቲ. 16፥21፤ 17፥22-23፤ 20፥18-19፤ ማር. 8፥31፤ 9፥31፤ 10፥33-34፤ ሉቃ. 9፥22፤ 18፥31-33። \* 24:13 ኮሺ" ሃኩዋ፡- ጋዓዛ ጋኣሎ ሙኤጮና ታጳ ላምያ ኪሎ ማኤቲሬ ጋዓኔ።

ዔይታ ማዒ ሙከኔ። 24 ሃሣ ኑጊዳፓ ፔቴ" ፔቴ"ዞንሢ ዱኡፖ ቤዞ ደንዳዖ ለአላ ገዔሢሂጉዲ ማዔም ዛጌኔ፤ ዩሱሴ ጋዓንቴ ዔይታ ደንቁባኣሴ» ዒዛም ገዔኔ።

25 ዩሱሴ ዔይቶም ማሃ፡- «ዒንሢ ማሊ ጰቂሡዋያ ሃሣ ያኣሲ ማሊያ ኬኤዛዞንሢ ኬኤዘሢ ሲያ ጎኔኬ ጎዑዋዖ ዒኖ ደጪሴ ዓሳ! 26 ሜሲሔ ዩያ ቢያ ሜታሢ ዔካንዳያና ቦንቲንታኒያ ኮይሳያቱዋዓዳ?» ገዔኔ። 27 ዩካፓ ሙሴና ያኣሲ ማሊያ ኬኤዛ ዓሶና ማፃአፖይዳፓ ዓርቃዖ ጌኤዠ ማፃአፖይዳ ሲያ ዒዛ ዛሎ" ኬኤዚንቴ ባኮ ፓይዲ ፓይዲ ዔይቶም ኬኤዘኔ።

28 ዔይታ ደንዳ ጉርዳሎኮ ዑካዛ ዩሱሴ ዔይቶ ኮራ ዋርቁዋዖ ደንዳያ ማሊሢ፣ 29 ዔይታ፡- «ሳዓ ዓሜ"ኔ፣ ዓባ"አ ጌሌኔ፤ ዩያሮ ኑኡና ዋላ" ሃካ ዋርቁ» ጌይ ዒዛ ኮሺ" ደዲሺ ሺኢቁሢሮ ዔይቶና ዋላ" ዋርቁኒ ማኣሪ ጌሌኔ። 30 ዩካፓ ዔይቶና ዋላ" ሙዒኒ ዳዓዖ፣ ካሣ ዔኪ ጋላታ ሺኢጰሢ ሺኢቁሢኮ ጊንፃ ቡንፃ ዔይቶም ዒንጌኔ። 31 ዩመና ዓኣፓ ዔይቶኮ ቡሊ"ንታዛ ዩሱሴ ማዔሢ ዔይታ ዔሬኔ፤ ዒዚ ጋዓንቴ ቤዞማና ዔይቶኮ ዓኣፓፓ ዓኣሺንቴኔ። 32 ዔይታ ዋሊ ኮይላ"፡- «ዋንዴ ጎይፃ ኑ ዓኣንቴ ኑም ዒ ኬኤዛኣና፣ ጌኤዠ ማፃአፓፓ ፓይዲ ፓይዲ ኑም ዔርዛኣና ዋዛና ኑኡኮ ዒና" ታሚጉዲ ዔኤቲባይ?» ገዔኔ።

33 ዔይታ ዩመና ዔቃዖ ዩሩሳላሜ ማዒ ደንዳኔ፤ ዒኣካ ታጰ ፔቴ"ዞንሢ፣ ዔይቶኮ ላጎንሢና ዋላ" ፔቴ"ይዳ ቡኪንቴ ዓኣንቴ ደንቁኔ። 34 ዒማ"ና ታጰ ፔቴ"ዞንሢ፡- «ጎዳ ዩሱሴ ጎኔ ሃይባ"ፓ ዔቁኔ! ሲሞኦኔማ ጰዳኔ!» ጋዓኔ።

35 ላምዖ ጊንፃ ሃንታዞንሢ ሃሣ ፔ ዛሎ"ና ዔይቶ ኮይላ" ጎይፃ ማዔ ባኮና ጎዳ ዩሱሴ ካሦ ዔይቶም ቡንፃ ዒንጌ ዋዶ"ና ዋይቲ ዒዛ ዔይታ ዔሬቶዋ ኬኤዘኔ።

ዩሱሴ ዒዛኮ ጊንፃ ሃንታ ናኣቶ"ም ጰዳሢ  
(ማቲ. 28፥16-20፤ ማር. 16፥14-18፤ ዮሐ. 20፥19-23፤ ደኪ. ማደ" 1፥6-8)

36 ዔይታ ዩያ ጋዓ ጎይሣ ዓኣንቴ ዩሱሴ ፔ ቶኦኪና ዔይቶ ባኣካ" ሙኪ ዔቃዖ፡- «ዒንሢ ዋዘ ዓኣይ?» ገዔኔ።

37 ዔይታ ጋዓንቴ ዔኤዘፎ ዛፓያ ዔይቶም ማላዛ፣ ዲቃቲ ሚርጌና ዒገጤ። 38 ዩሱሴ ጋዓንቴ፡- «ዓይጎር ዒንሢ ዲቃታይ? ሃሣ ዓይጎር ዒንሢ «ሃይ ጎኔ ባኣዚ"ዳ?» ገዔ ማላይ? 39 ታኣኮ ኩጮና ቶኮ"ና ዛጊፓፓ ታና ማዔሢ ዔሩዋቴ፤ ሃሣ ዑዖዋ ታኣኮ ዓርቂ ዛጉዋቴ፤ ታና ዒንሢ ዛፓሢጉዲኬ፤ ዔኤዘፎኮ ጋዓንቴ ዓሸኪንታ ሜጌሢንታ ባኣሴ» ገዔኔ።

40 ዬያ ጌራጋገገ ፔኤኮ ኩጮና ቶኮ"ና ዔያቶ ዳዌኔ፤ 41 ዔያታ ኮሺ" ዋዛዲ፣ ሃሣ ዲቃቲ ሄርሺያይዳገ ዔቁያና ዬያ ጎኔኬ ጌራባኣሴ። ዬሱሴ ማሃያ፡- «ዔኤቢ፣ ሙያ ባኣዚ" ዒንሢኮ ባኣ?» ጌይ ዔያቶ ያኣጫዛ፣ 42 ዔያታ ሚቸንቴ ሞሎ ባሽኪ ዳካ" ዒዛሞ ዒንጌኔ። 43 ዒዚያ ዔኪ ዔያቶኮ ቤርታ ሙዓዖ፡- 44 «ቤርታ ዒንሢና ዋላ" ታ ባኣ ዋዶ"ና ሙሴ ዋጎይዳ፣ ያኣሲ ማሊያ ኬኤዛ ባሶና ዓይኑሞ ማፃኣፖናይዳ ታ ዛሎ" ፃኣፒንቴሢ ቢያ ኩማንዳያ ኮይሳኔ ጌራ ታ ዒንሢሞ ኬኤዜ ቃኣላ" ሃያኬ» ዔያቶሞ ጌዔኔ።

45 ዬካገ ጌኤዡ ማፃኣፖ ማሊ ዔያታ ጳቂሃንዳጉዲ ዒዳ ዔያቶኮ ቡሌ"ኔ። 46 ዒዚ ዔያቶሞ፡- «ሜሲሔ ሜቶ ዔካንዳሢና ሃይሃሳ ኬሎ"ና ሃይቢዳገ ዔቃንዳሢ ቤርታዲ ፃኣፒንቴኔ፤ 47 ዬያጉዲ ሃሣ ዒዛኮ ሱንያና ጎሜ ቡኡዒ ጌኤሽኪሢ ዛላኮ ኮሺ ሃይሴ ዬሩሳላሜይዳገ ዓርቃያ ቢያ ዓጮ"ይዳ ባኣ ደሮ"ሞ ኬኤዚንታንዳጉዲ ጌይንቴኔ። 48 ዒንሢያ ዬያ ባኮኮ ቢያ ማርኮንሢኬ፤ 49 ባካሪ ታኣኒ ታ ዓዳሢኮ ሃጊ ማዓንዳ ዋዞ ዒንጊያ ዒንሢሞ ዳካንዳኔ፤ ዒንሢያ ዋልቁ ዒንሢሞ ሎገ ዒንጊንታንዳያ ሄላ"ንዳኣና ዬሩሳላሜ ካታሞይዳ ደዑዋቴ» ዔያቶሞ ጌዔኔ።

ዬሱሴኮ ለካ ጫሪንጮ ዔውቲያ  
(ማር. 16፣19-20፤ ዳኪ. ማዶ" 1፣9-11)

50 ዬካገ ዬሱሴ ዔያቶ ዬሩሳላሜ ካታማገ ኬሲ"፣ ቢታኒያ ጌይንታ ቤዘ ሄላ"ንዳኣና ዔኪ ዳንዳያ ዒኢካ ኩጮ ዒዛኮ ዔያቶ ዑፃ ፒሺ ዔያቶ ባንጃኔ። 51 ዒኢካ ዔያቶ ዒ ባንጃ ጎይሣ ባኣዖ ዔያቶይዳገ ደማዲ ለካ ጫሪንጮ ዔውቲኔ። 52 ዔያታኣ ዒዛሞ ዚጋያ፣ ዳኤፒ ዋዛና ጊንሣ ዬሩሳላሜ ማዒ ባኣዳኔ። 53 ሓሣ ያኣሲ ጋላቲ ጋላቲ ቢያ ኬሊ"ና ጌኤዡ ማኣራገኣ ዔያታ ደማዲባኣሴ።

---

24:49 ዳኪ. ማዶ" 1፣4። 24:51 ዳኪ. ማዶ" 1፣9-11።

**ጌጌዥ ማግኔግ**

**The Holy Bible in the Maale language of Ethiopia,  
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

---

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929